



杰

山

湖

志

蔣氏慎脩書  
屋校印甲寅  
如月著始天  
厓涂月吉成

自序

維光緒龍飛上章執徐之歲湘陰侯相由直督移節東南張

德化鎮華離設清丈講水利趨趨裔裔率土俱善明年覽境

內有赤山湖者泉沆研汎岬岫紛環國朝嘉慶初兩江制府

錢塘費樸庵宮保於辛酉歲會浚河設牖通淮見重雕景定建康志後跋

而巨患未絕爵相心焉憂之蓋湖為上元江甯句容溧水四

邑之所歸宿淮源於湖湖源於山四邑之水入湖及淮者山

合周六百二十里其山自西北濱江之寶華山東而老人峯

及駒驪山脊一帶此下以山嶺為分湖嶺外向者不入湖凡迂曲者八十里自

駒驪東源向北土向南由崙山瑣山八千岡茅山微受金壇之水也循丫

髻山而右金壇界屈曲百三十里自丫髻山而西南為分界山

金陵叢書

北漂水受漂陽界其向東廬山而西漂水為官山官山而西北向

洪藍埠屈曲百三十里此處通石臼丹陽固城由埠又西向

劉山角甯以下元甯相錯西橫山西山由當塗邊境諸山至山北鄉江甯甯

地名之南岡上屈曲九十里由山北鄉向北牛首山巖山翠屏

山至雨花臺向西至下關南岸入江屈曲百里由江北岸向

清涼山又北屈曲向太平門神策門雞籠馬坊鍾山中結後

清溪入淮個字山湯山孔山向華花頂嘯天龍峯上容句共屈曲九

十里共計六百二十里若洪藍埠南之通石臼丹陽固城三

湖不與焉三湖共周以六百餘里之水奔赴於一湖宜唐時

之湖百餘里矣在宋景定間以水患差十將打量湖址得一

百二十有二里九十六步我朝同治末蘇撫丁公酌量水旱

適中時湖而僅得二十九里而深淺於昔又不知凡幾自嘉

慶辛酉來不講者今又八十一年侯相因急商之方伯梁公

府尹趙公觀察陳公於是觀察任其勞衝霜冒雪星往風馳

前後偕旬容令張公黎公兩邑尊經之營之相宜卜吉於九

月二十七日及提戎張公統領武毅左軍章公武毅右軍總

戎劉公銘字中軍五百朝祐提戎易公新軍中前後營名總戎

粟公新率兵左五百營名龍龍誕興畚鍤於赤山湖北麻培橋之側

上下數千年之疢疾大事鍼砭周迴一千里之源流克期通

理山忝屬編氓里居咫尺望風頌禱念切歌謳向嘗網羅全

湖往事擬爲江甯圖經緣赤山湖有兩志一見句容縣志未

石國朝邑人湮佚莫覲未敢拈毫今遭盛際擬事編鈔而此湖

爲實政所關則記載當亟疏利弊若志乘之泛填風月殊非  
民瘼所需又若天文歲月地輿形勝時事治亂吏化民情名  
教武備金石符讖之類近代太湖備考諸書固嘗備載茲以  
專講水道田疇故未敢相從謹將溝瀆古今土壤村舍道途  
險易之理農民旱潦之由彙成一冊名爲赤山湖源委札記  
者不敢以志居也其有麗藻鴻文奇蹤名勝前賢名士俚說  
齊諧可資史乘無關水利者概不錄另留稿一冊用定四說一曰  
絕拘墟今凡談坤輿多本水經方幅片段雖云易曉究費推  
求或有本志乘例分門別類每剪裁一事散載各門以爲備  
格但此專爲民生故止陳水道源委遠近村落爲圖一卷內  
補局本者幾紙附各說內又說一卷說之未能盡明者隨處

更繼之以圖必期明晰乃已用揚州畫舫錄例也但彼則專談風景此則專重田疇耳又爲歷代湖淮源委圖一卷及圖證一卷用史若川故城考圖例也而志體之沿革一門即省入其中又古人記載悉有本源鄉曲里名概所不引茲圖說地名悉用俚談以期舉目即知不以古奧文華爲則若水道可疑者則附記之非來源者不引二曰詳故蹟大凡縷陳盛蹟遠引名賢竭搜羅以防遺佚酌字句以眩奇瑰皆志乘之體裁也若茲水道所經於堪輿口吻旣重東南於文物世家尤多冠冕於禮樂光華誠關治典於旱潦耕鑿似茫然無所用之故於人物悉不編傳僅取關水利者二三人亦不立傳止略敘數語者以有史乘也若古跡則不然者以圖說止便



於生長流俗若宦游賢達則豁澈陳編每有目前一地古今者格格不相入者故錄古跡俾知今之某水即古之某溪略附以古人往事倘有傳訛易於推究也無關涉者不錄爲古跡記二卷其途則由寶華山而東而南而西南先詳湖之北東西三面互到其西一面則兼淮之兩岸者以向之說水源多始華山也圖說則先東廬山而東而東北而北而西北而西至華山以南亦盡舉南東北三面其西一面仍如前者以圖爲北上南下以便參校也三曰傳實濟凡一鄉一隅若事附會搜討無不有名公巨製茲水素鍾王氣曾作帝居麗製佳篇奚止千萬作今錄其有關於此水源委及治道者爲集文一卷餘則存目留爲續志之須亦不附於卷內惟古圖多

不開方計里此圖悉從近代諸局輿圖例者以益於遠近方  
向也四曰則古昔凡年表一類亦志乘所宜有茲於水旱及  
有關於水道民生者事無巨細依年爲表名曰祈年譜置於  
最後爲一卷至往昔水道沿革已寓於古跡考及歷代圖證  
內表中不更再見不敢效志例分一事而散載各編徒備分  
類也餘若古人詞翰有益者入集文內其有向來俚談有關

小民生計者理宜備載但土地有變遷如嘉道間上容承仙  
二鄉極富白土等村

極貧近則大相反復又上元句容爾來  
所謂膏腴者皆曩日不毛之地是也是在留心者隨時斟

酌不可執一故草野之謀概留以入續志茲帙不及一語凡

編集文一卷今圖一卷圖說一卷歷代源委圖及圖證一卷

古跡考二卷祈年譜一卷共七卷於十月杪從事搜剔中間

以事輟者三十日至十二月中旬歲事其公牘往來者爲興  
作錄一卷俟功竣乃能成書維前所輯者歲時既促又乏師  
資以數千年之勝舉數百里之名區山孤陋庸愚誠所難達  
疵瑕缺謬奚可勝言但管識區區或可原鑒教所未逮是所  
望焉光緒元默敦牂之歲季冬旬容縣廩膳生員尙兆山謹  
書

赤山湖志卷一

金陵叢書內集之三

句容尚兆

赤山湖全圖

案以下全圖即江蘇輿圖局本圖也開方計里爲向來輿圖所最善者但彼是立意專重兵防故於水道多有疏略而赤山湖之源委遠漫岡隴雜出雖久居其地每未能周知故此圖於水道當補者凡若干處俱另補於圖說內於原本不少參雜以便觀覽

又案赤山湖之源委南北較長爰分五第每第分中東西首北後南每行六方每方十里但首第之水全不入湖今亦載之者以向來說淮源必曰華山天生楊柳二泉今二泉之水



全不入湖淮故載之以見相沿之謬且水之向背非此不詳

也山門北門數北里向其路榜一即水中之首去路第二泉在山其餘凡不入湖

淮俱不載日又其水白則丹至天固生橋而湖止明大初概已由見前茲圖不入更

見

大江

洲業世

洲心真

洲人真

洲泥黄

泰無趾

馬家港  
曹家港

汛

李家橋

橋鳳引

張莊

橋馬司

炭渚

資高

橋琳橋

橋方東

鋪山

高家

山松

丹徒

白容分界

山皇朝

山刺小

山香

州石

龍分岡

龍橋

東山

山長

橋家徐

岡塘橋


聖家


石廟

南石岡


雞籠山


官莊










































別志一










































<p>陶和當塗 當塗 蓋村 甯江 桃村 當塗 心橋 陽小鎮</p>			<p>當塗 沖張小 吳門 貴</p> 
<p>當塗</p>			
		<p>博望鎮</p>	
<p>太平 當塗</p>			

赤山湖志卷二

金陵叢書丙集之三

句容尙兆山

赤山湖石白湖太湖古今通匯源委總圖

赤山湖全圖

赤山全圖

山水全勢圖

江甯省城內水道圖

石白丹陽二湖全圖

鼉龍廟圖

句容上元長龍溝圖

上元上壩河圖


崑山高麗山水道東流圖


溧水山水全圖

秦淮各鄉圖


上元江甯二縣鄉名圖

赤山湖石  
白湖太湖  
古今通匯  
源委總圖  
每方五  
十里





赤山湖全圖 每方四里






山水全勢



江甯省城內水道圖  
每方四里



石白丹陽二湖  
全圖 每方三十里

通赤山湖

界塗當

白石湖

漂水界


宣城界

丹陽湖


界瀆高

通園城湖

此河通甯國




龍廟 水口向赤山湖  
陸路向句容城  
圖 九每方




句容上元長龍溝圖 每方五里

右凡在上元界內各鄉  
 多為與圖局水所缺今  
 補之其地在鳳城鄉北  
 興賢鄉東



上元上壩河圖 每方二里



門方姚

仙鶴門

馬羣

陵定

門波澹

花園堰

北同橋  
過安橋

村潘  
龍安  
高橋門

門上方

界上

東水鄉

小茅山

渭村

下山

寺析澤

朱山始有  
小茅山有

此在遠  
連山西  
北近二  
十里


洪武門  
水草

通濟門

中和橋  
脫衣灘  
大河口


崙山高麗山水道東流圖 每方十里

附記 按輿圖局本於華山下即注金壇  
界甚誤茲據丹徒縣志更正



東門外崙山而南及黃岡寺杜岡成唐  
岡八千岡虎耳山麓龍廟花山乾元觀  
凡東面者入大湖西面入秦淮

溧水山水全圖 每方十里



句容境

溧陽境

高境

石臼湖

皖省境

金山

卯山

上元  
秦淮  
南源

金華

皖省境

山橫

山橫

山橫

山橫

山橫

山橫

山橫

山橫

山橫

山橫

山橫

山橫

山橫

山橫

山橫


山橫

山橫


山橫

山橫





秦淮各鄉圖每方二十里



上元江甯二縣鄉名圖

赤山湖志卷三

金陵叢書丙集之三

句容尙兆山

赤山湖源委圖說

此說凡地名盡從流俗以期便覽

歷來說秦淮之源者多曰華山東廬山茅山大要茅山之來水爲盛然茅山止西面入秦淮其東面則由長蕩等湖以入太湖不入秦淮也流俗相傳黃山一支由廣德建平以發茅山茅山向北至駒驪等山三支向東以發鎮江蘇州常州一支正幹向西發華山以生金陵鍾山至冶城山而止華山之旁有偏支發句容此湖之東北二面新大概也黃山來脈於未發茅山處先從嶺分一支直北而行至雨花臺伏土入城分二支一爲鳳臺山一爲石觀音而止大

要雨花臺與冶城山東西相直其數里此湖之西一面秦淮水口也計淮之源卽赤山湖全湖之四面東西北三面既萬山迴繞其南一面則溧水溧陽二縣之山逼結阻絕之故赤山湖之去路水口不得不專向秦淮計四面峯巒環抱中央東西幾二百里南北百五十里湖居其中句容則中而微東北山內之水入赤山湖山外之水入江入太湖句容上元所治之境水入秦淮者七溧水江甯水入者六金壇入者百之一溧陽入者五十之一前人之說

宋元明諸

人說者甚眾不備引

皆曰華山天生泉楊柳泉爲秦淮最大之源按

華山誠爲金陵之主山然華山之水入淮者僅十之五不得爲大源而謂天生泉入淮者其說尤妄今天生泉北流

而微西爲楊柳諸泉由何沖村范家場賈沖前後劉圩村  
河頭村入龍潭俗稱之刀鎗河由螺螄溝等河入江其河  
又名老鶴河即高宗純皇帝賜名之便民港也北而微  
東者由山裏蓬距山頂三里丁家邊又二里劉家邊又二里巷三里  
地藏庵朱家莊微南徐家莊三里等處山澗沿下戊街之刀鎗  
河以入江華山之前有小赤崦者其西北兩面由張家橋  
至上下鮑亭村前之石頭馬家壩孫家岡黃墅村旁東陽  
街旁彭橋龍潭之刀鎗河以入江華山之前有射烏山者  
則並雞籠山葛香村雪浪菴及樺樹西北千畝地之水向  
張橋入燕子橋古西溝渡之刀鎗河以入江旱歲則刀鎗  
河之水由石步橋入江此其大者也其小峯曲嶺由東北

入江者尚多是不但天生泉非秦淮之大源卽全華之水不入淮者亦相半矣世皆稱天生泉入淮者以由遊覽者多由金陵以往止知山南一面遂疑其泉爲水源耳

華山之水入赤山湖者山由鐵帽峯生石龍岡在五七里南其地

山脈分途甚多故俗稱爲十龍岡其西由東郭砦村前至

韓家邊安基山旁上元境大赤堰東南至湯山等處會溫泉

而南者是也以赤山湖視之華山及以下等處正在湖之

西北以後所敘諸鄉皆由北而南

華山之西有長林鄉去太平門北七十里鄉有章橋等村華

山之水經其地入江者四之一

石龍岡之東南由瑯琊界山之東胄王山旁之小九華山諸

水由柳橋石橋會竹園潭水而南此入赤山湖者又一道也

瑯琊鄉在郡治極北句容西北皆約五十里官冊稱爲二十八都二十九都晉南渡時僑置瑯琊郡處也又瑯琊王嘗築城屯兵於其地故名山峯叢雜田在山間故所產五穀甚瘠惟產水芋紅白二種皆甚美爲他鄉所無芋田宜日燥夜潤與種穀者絕異其村里有橋居 鮑亭 洛亭

西亭 昇平 泉教 鎮城 鄉口 崇節 證俗 漸

倪 新塘 東干 西干等里十四 西干 鮑亭 黃墅

羅家莊 何衝 楊柳泉 華山 薛衝 賈衝 劉干

湖下 上坊 下坊 茅塘 黃岡 葛塢 三城 儲

岡 北墟 北井 澗西 石溪 赤岡 胄寨 舊宅

等五二村十又有江乘村近華洞圩漢省江乘縣治也又有地

名湖底古江乘湖也史記秦始皇從江乘渡江處也淤今湖

止周二又蔣山圩 張家圩各周白茅圩里周五皆句容

境 又東西華洞二圩為上元句容交界之處以上村里

之水在山之東南者入淮餘與湖圩并附近上元清風慈

仁金陵三鄉之水皆全入江又上元之宣義鄉北城鄉開

林鄉則間入淮湖之西北角來水以此三鄉為斷神泉等

鄉以南則全入淮大要均以山背為分水之龍而以山麓

為出水之道其兩山之麓間有高低相等者故水或以阻

而易其故道若暴雨發蛟則橫逆迴異平素維憑風力之



所向矣

以下皆由北而南者  
以水皆由北而南也

虎王廟在龍潭西南相傳爲郡內古廟而其內但有明碑咸  
豐光緒間虎狼山猪傷人畜禾稼忽有禱之者即安於是  
父老相傳爲昔年多虎暴立此廟乃靖山按口苑卷二云  
陳郡謝玉爲瑯琊內史在金城其年多虎暴有一人乘小  
舠載少婦插刀著船舷婦登岸便爲虎銜去其人拔刀逐  
之口呼鍾山蔣侯求助即有黑人來導行入虎穴虎子聞  
聲謂母虎皆出即刺殺之隱樹間良久虎來倒牽婦人入  
穴中其人以刀斫斷虎脛虎死婦故得活是夜夢黑衣人  
云蔣侯生汝知否還家殺豬祠焉今龍潭東陽瑯琊鄉古  
瑯琊郡治僑置之金城縣地亦相近虎廟或始於其時歟

瑯琊之西爲靈散圖有慈蔭寺亭子橋在長林鄉南靈悟圖有竹絲庵虎賁衛在長林北靈慧圖在長林鄉東以近華山慧居隆昌雪浪等僧寺皆藉華山而命名也故亦書爲長靈鄉以上皆瑯琊鄉西水不入秦淮

姚坊門爲清風鄉太平門北三十里仙鶴門爲北城鄉太平北三十五里在瑯琊宣義等鄉西南其間之水結後湖曲屈以入淮入江

瑯琊鄉在句容之極西北其南微東錯入上元神泉鄉以湯水得名也在朝陽門東八十里由瑯琊而東各鄉皆古江乘境蓋古者無元甯等縣惟江乘治在北古句容治在南故耳

瑯琊鄉之南爲上元宣義鄉朝陽門北五十里今平家岡有西流東流等村皆卽水之東西分流而得名由瑯琊而東西大要山北近江者田腴山南者皆瘠其間稍有美者以有塘近澗故爾

華山而西南分水之途爲鐵帽峯石龍岡而西爲孔山武燕岡爲湯山黃石岡爲個字山分水岡爲白雲峯橫堰岡爲武岡山晏公岡爲鍾山山之東爲朝陽門西爲太平門入城城內之水西北二面雨暘時若則田微旱雨六暘四則田適中雨七暘三則微潦城外沿諸山之田雨七暘三則適中白龍峯有龍泉庵及東山犁龍山腹空山龍口小茅山皆曾有窰

瑯琊之東為鳳壇鄉今句容西北四十里亦名二十五都二

十六都二十七都其地巖石高聳曾有鳳凰栖止其上故

名山峯叢促其四以山之南北為腴瘠內有祥禽韓亭

黃行 鵲巢 浮石 黃菊 鎮城 禮義 慈惠 鳳

臺 道義 歸善十二里陳莊 山口 銅山 赤峴

倉頭 銅冶 營田 柴溝 張衝 南營 石家岡

韓墅 戎墅 陳壩 華橋 石墨 臯墅 古塘 北

陳巷 石澗 朱巷 唐巷 馮岡 潘壩 巫墅 花

墓 張巷 經干 謝墅 九二村十 其水入秦淮者相半又句

容以北俗稱為北五鎮者 瑯琊北為東陽鎮為龍潭鎮

鳳壇之北為倉頭鎮 仁信鄉為下戍街為橋頭鎮是

也五鎮皆在山北其水入江以赤山視之以下皆在正北鳳壇之南爲上元興賢鄉今滄波門去通濟門三十里

興賢之西開林鄉今麒麟門去朝陽門三十里由麒麟門而孟莊插花廟至句容湯水湯山射烏山寶堰朱家山而東之周郎橋皆界句容二鄉亦以塘澗爲腴瘠

上元所治由興賢開林而南一線下垂近七十里直接溧水寬處四五十里不等其極窄處止里餘東句容西江甯皆古句容治所分出者也其北面最爲廣闊蓋古江乘縣治入其境已六七不僅江乘西境也惟江乘古治基猶爲句容耳其縣以句容之龍潭湯水爲要鎮亦由句之要鎮有上元之湖熟也大約由太平朝陽兩門以東北爲分水之

途其間八山二水有山在東而全水則七八向西者亦有山在西而全水則七八向東者自朝陽門至湯水鎮逕直約四十里自湯水至土橋向高陽橋計屈曲百里而遙其地西北北面東北三到皆萬山叢立其後湖雖可通觀音門及棲霞實無入口之處故其水口仍向省中青溪其水之去路大要以鍾山向北由武岡山白雲峯個字山湯山孔山華山爲分水之龍東南兩面皆由秦淮以至下關出口西北兩面皆入大江今之後湖建康志云在城北二里周四十里東西有溝流入秦淮深七尺灌田一百頃今則與昔時迥異矣上元宋時有淳化土橋湖熟五步四鎮二十一鄉今之名爲四區者皆本乎此也

興賢鄉而東南爲鳳城鄉今青龍山南咸墅宋墅淳化鎮等  
皆是村去通濟門四十里古同夏縣當在其南局圖於其  
境頗不詳今增圖於右其在青龍山西者見後惟政鄉圖  
見卷二

鳳壇之東爲仁信鄉句容北五十里亦名二十四都舊名履  
仁鄉以沈慶之武勇剛直生爲忠義死福一方民懷其仁  
靡不崇信故乾道間改此名其地北面濱江宜稻道光末  
水患與鳳壇等鄉流亡幾盡南面皆山宜旱穀豐少凶多  
其民多善獵禽鳥故鳳壇仁信考義等處咸豐間頗能擊  
粵賊其村里有愛仁亭子石橋延福亭山竹  
里環澗佳城等亭子進風六里店雲塘

上丁莊 解巷 李巷 石山 鋪頭 張培 徐村

項村 東陶 范巷 嚴巷 受墅 樹音道 上解 蓮塘

西蔡巷 坎壇 礮石舖 朱巷 直岸 東解等二十

九村有青山圩 周二 大埠 半山圩 普照圩 第一岸

圩 各周一里 華山西南各山水至此鄉始成溪為亭子之竹

園潭其北又受空青五基各山水而南流向鋪頭橋小干

橋園上東橋而西南為秦淮正源源在句容北四十里流

至句容而東南二十五里又西五十餘里至三汊又西百

餘里入江

仁信之南為孝義鄉在句容北三十里名二十三都其地在

山間略宜旱穀古有行孝仗義之士可以醇風勵俗故名



近則自食其力多以手民自居內有上應 下應 王亭

鳳來 按岡 孝義 來鳳 懷德 懷淳等九里俱

墅 讀耐池張忠武之裔也 和草 穀香 王窠 余墓 白

鹿峴 崙山 朱岡 十八石 賀口 前譚巷 城口

口口 木瓜園 北鄉 咸墅衝 范巷 丁村 朱

巷 廟後 老鶴窠 北灣頭 大村裏 柳橋 上丁

莊 于家山 居家邊 吳家岡 朱家莊 仇家邊

華家邊等二十三村其水從崙山西出者東南流入寶堰

河局圖未詳今補於後以赤山視之以下皆在東北

瑯琊之南孝義之西南為通德鄉乾道建康志名同德鄉在

句容西二十里册名一都二都其始宋有侯學士仗義樂

施嘗分俸以濟鄉鄰人皆德之故名又卽明高祖之祖陵也明世德碑記曰先系出句容至淳祖始渡淮後家泗州盱眙具載舊錄今朱家巷故地相傳有龍爪樹一株尙存旁有井西去有古冢相傳爲臥龍岡朱家冢百姓至今皆呼爲皇陵不敢樵牧明嘉靖十六年王矚任江西巡撫都御史奏請特建陵廟以追崇祖德疏上命南京禮部侍郎崔銑巡撫都御史夏邦謨巡按御史劉良卿提學御史馮天馭會勘諸臣覆有異議事遂寢內有興化嚴墟史亭 豐亭 思齊 抱樸 建禮 秦溪 秦直 布寨 懷德 新安 納義等十三里新里 市干 樊巷 言墅 磨店 嚴墟 瓜渚 史莊 祝篋 朱巷 杜

渚 許村 姚夏 烏塘 周吳 張灣 戎岡 沈岡  
花岸等二十村其鄉有武帝塘以地近古同夏梁武所  
生而得名 范家堰在縣西北三里長二里深四尺灌田  
二百畝此鄉在赤山北

通德之東孝義之南爲句容縣城在府東九十里南北二境  
皆屬崇山疊嶂東境次之西境又次之東北山地尤高其  
城之址古爲容山頂赤山湖當四山之中縣城則微偏東  
北天王寺鎮則偏於東邑之四境無五里平田沃壤舟楫  
不通山水回旋自白土鎮而西歷劉千岡等處水皆東向  
不入赤山湖由岡而縣至土橋爲丹徒丹陽至元甯陸途  
途旁之水會黃堰壩者爲多東南則北塘堰爲金壇往句

陸途南則分界山北來爲溧陽往句陸途途旁之水皆入  
天王寺河西南自殷家蕩東北爲溧水陸途途旁之水則  
徑向赤山湖天王市在句南則控句之南東西三面句境  
南北最長處百五十里東西最廣處六七八十里不等其  
西北則斜一角偏至省城北古江乘東境也南則尖如棗  
核深入金壇溧陽溧水其分界皆就山勢以越山而治事  
理所難也唐所置之常甯縣在茅山之南鎮街以轄其東  
南二面亦其宜也東南至茅山金壇界四十里東至白兔  
丹徒之界三十八里南至分界山溧水溧陽兩界七十二  
里西南至猴山三縣塘上元溧水二界四十四里北限長  
江西鄰省會承平間邑田九十餘萬今徵銀米者田五十

餘萬同治末丁中丞繪全省輿統計積地合二萬六千三百餘頃以此觀之則所云五十餘萬均非地皆山也

句容城西有郭西塘景定志在縣西一里許計一百八十畝一角五十步深七尺三寸溉田五百七畝 西黃塘在縣東北十里澗西大小十三所廣一十五畝灌田四百五十頃 南黃塘在縣東北十里赤堽約八畝深五尺溉田二百頃

崙山之西亭山胄山石龍洞諸澗會於竹園潭南流逕句容而東而南而西過南橋而西入黃堰壩此句之北源又東北源也由壩經 至山岔

至 與土橋合流由天心橋向杜桂村

上元青龍山東之水為長龍溝圖見前源於達連山裴邊山  
東流經賈葛村向侯村烏塘又南向土橋向

而南經前後橋頭天心橋又南至杜桂

村受淳化東諸村之水折而西至湖熟此句之西北源也  
望仙鄉在句容東北四十里册名十九都二十都地近茅山

為弘景學道之地人皆瞻仰故名鄉之北稍宜棉內有豐

義 降真 新興 守信 次榮 雲陽 興教 東昌

祐地 擇善 洞仙 靜俗 景福 豐樂 福陽

京都 豐登等十七里 奉聖 荆塘 官莊 蔣岡

鳳塘 史巷 江莊 聖澤 柳堰 茅莊 彭莊 宋

墓 潘巷 包巷 玄莊 營莊 姜墟 青山 裔莊

中茅 侯莊 孟莊 秀華 上蘭 聶巷 習巷 張巷 唐莊 西莊 孟墓 土祥 筮巷 豐義 東昌等三十四村此鄉之水入秦淮者甚罕俗稱茅山南有金井山金牛嶺金牛洞梁徐陵上容瀆碑山號金牛即指此也金牛由洞而出有欄之者其地因名上闌廟又有欄之者地名下闌廟有敲其角者地名丁角又向前奔地因名奔牛皆妄談也

望仙稍西爲移風鄉在句容東北三十里名二十一都宋有張友孝行化於一方民俗日變故名今其墓尙存其地山

多亦宜旱穀內有楊塘

戴亭

安陽

行化

舊名行香乾道志作

化行鳳來

資善

烏山

太平

智水

休真

懷義

淳化 光村 西光 按乾道志舊有長等十五里掘河

小圩 柏莊 楊塘 官莊 楊家莊 高家社 陳衡

蘆塘 孔聖 烏山 杜墅 長年 祿城 馬里 東

光 平望 趙塘 筴莊 蕊山 華山 局圖此甚大 陳武莊

綠楊館 陸墟 楊巷 陳光塘 光里 本湖 朱

塘 戴村 上陽 北城上 黃岡 義姑莊 孫莊

孫塘等三十六村有菩薩堰去縣東北六十里深八尺灌

田二百一十三畝 蒲塘去縣二十里其塘有蒲故名侍

郎張文昱居近焉侍郎善書嘗以蒲塘為號 陳廣塘

吳塘 朱塘此鄉水入寶堰入淮者相半

來蘇鄉在句容東三十里册十八都唐會昌之亂兵戈至此



即止故名地產棉俗與各鄉異機杼之聲閭里不絕產穀

水旱相間內有太平莊在東門外亦康熙甲子歲 聖祖

南巡過句容遇雨不及入城即就長巷村東鄒姓民家

駐蹕因賜村名太平莊夷堅志溧陽雙橋巫能遠或不見

其人亦可療瘴熙九年長巷村人王四因食鵝於竈內取

灰篩地上炷香焚燭誦呪召一神再印中以葦筒作小傾注

水盃間乃半鵝日翅骨也壁之淺者一犁即愈云即此村也

有得仁 秦亭 東鎖 西鎖 齊禮 同墟 興仁

福陽 永豐 來蘇 崇慶 咸和 務善等十二里

太平莊 黃莊 秋千 蕭亭 行香 畢塔灣 王婆

店 徐村 前馬 後馬 下隍 秦干 戴巷 寺莊

唐莊 柘溪 西陽 謝巷 麋墅 北姚 後顏顏文忠故

也倪塘 時莊 北常 韋巷 謝培 鄒巷 譚家橋

許莊 斜橋 左巷 周莊 鎖山三十三村 黃塘

堰去縣東三十里深四尺灌田三百畝 大陂塘 小陂

塘 荇陂塘 梁塘此鄉水全不入淮句容各鄉以此為

稍可自給以赤山視之其地皆在正東以後所敘諸地皆

由東而西

茅山鄉在句容東南五十里册名十三都其地乃茅君修道

之處故名往日農賈相間女工有編黃篋籠者以售香客

為他方所無其地皆山內有仙居 朱陽 水南 金陵

紫陽 甘泉 嘉瑞等七里 成村 黃莊 步塘

虞池塘 石頭岡 謝母巷 太陽 吳墟 戰國時有地

陳莊 前潘 後潘 朱陽 上莊 胡莊 開泰 北

陽 胡巷 西馮 水南 甘塘 胡村 張壻等二十

二村 郭干塘在長隱岡東數里又名東大陂塘周迴五

畝深五尺一寸灌數十餘畝旁有村亦以郭干名水常滿

鄉人涸之必有震電近石頭壩 東大陂塘在茅山鄉去縣

此又曰郭干乃植種之處非居 陶塘在雷平山 楊家塘 止也又有西大陂塘在上容鄉

在茅山 梅家塘在積金山西 楚王東西二澗景定志

楚王領兵來游於此因名舊記云崇禧觀東二澗是也并

華陽洞天三水合流直至崇禧觀門前 赤石塘在縣東

南陶隱居云有赤石田在中茅峯西此塘水利灌田十數

畝此鄉在大茅之西其水皆向淮大茅之南麓諸山即隸  
金壇故金壇諸水亦間有屈曲循山足以西流者

句容鄉在句容東南三十里其地多山册名十六都十七都

因句曲山形如句字此鄉為相近故名六朝時古跡甚多

近皆荆榛瓦礫內有小其諸村建康實錄以為破岡瀆古

道今之紀棧陳棧諸村即當日邸閣之遺意歟附圖於後

內有 祥符 畢墟 黃干 直道 冠蓋 隆敬 清

化 觀政 多福 南谷 成和 慕善 歸善 柳谷

長城等十五里 曹莊 呂坊 黃干 蔡墓 小其

何莊 常城 潘莊 盧干 畢墟 前林 郭干

澗西 墓東 觀莊 紀墟 任巷 南塘 丁莊 後

塘 凌莊 徐巷 蓮陂 急流 成埭等二十五里此鄉跨山之東者四故水之入寶堰者亦相半云

句容鄉西爲崇德鄉崇德西南爲上容臨泉崇德正南爲承仙爲政仁上容承仙二鄉之南受溧水來水即東廬山東面水也上容之西爲臨泉鄉臨泉正南數十里爲溧水縣溧水全縣之具區與高淳共石白湖全境之幹流與上江句共秦淮淮水自白馬橋岡身南吸惠風山水而西歷新橋蒲塘紅藍埠又西而北爲溧水城受東廬山北來之水又北流至烏剎橋一支向東北江水飽則由周千圩湖熟入赤山湖一支向西北江水餓則由白米圩下秦淮入江石白湖在溧水西南爲溧水高淳當塗宣城等縣停水之

所高淳者明季設古淳溪鎮也明初命李新鑿胥溪運道名曰古胥溪爲蘇甯要津故石白湖諸水俱入太湖嗣永樂間停此運道嘉靖間又堅築上下兩壩遏湖水北出秦淮而東道不通石白湖濱在溧水界上者屈曲六十里入高淳連丹楊湖通固城湖又受甯國來水湖在高淳界上者屈曲四十里在當塗宣城境上者屈曲長短又遏於溧淳兩邑其湖與皖省以湖心分界明運道自溧陽河口鎮入淳邑西南經鄧埠又西越固城石白兩湖北出秦淮至郡壩築後商賈往來由鄧埠陸行而水亦盡入江甯不入太湖矣向來西水漲溢時內外高低八尺許壩基每慮沖決今西水實高僅四尺固城湖灘深處亦不過三尺夷險

之勢今昔攸殊故丁中丞輿圖說云近來固湖稍稍涸出  
苞桑之計當有議及也

固城湖見於春秋於郡中爲最古舊爲溧水地今入高淳四  
面危巒楚以其堅固故有固城之名吳楚時有平陵邑改  
名金陵又改名陵平今溧陽平陵山皆非今之江甯山旁  
卽黃山發茅山鍾山之正幹近金壇縣茅山得名金壇之  
陵者蓋以此故梁以前之詞賦言及金陵者皆指茅山不  
指建康而唐以後之言及金陵者皆誤指建康不指茅山  
蓋蔽於近而數典忘祖耳吳越楚秦百載間平陵陵平金  
陵之名屢屢更易則昔之金陵當在茅山平陵山間厥後  
吳起于丹徒亦近平陵山固城鎮江介平陵之南北故京

江名北固皆固城爲最古之證也今其湖水曠適中時僅二百四十方里周四十里古之廣狹知者鮮矣茅山赤山亦湖源故並及之

石白湖丹陽湖省城南門直南百三十里爲高淳縣城直西至西陡門石白湖邊二十三里西南東南皆皖省界東北距桿西頭溧水溧陽兩界四十八里直北至石白湖邊十八里自桿西頭西歷尋鎮抵龜山石白湖邊計迂曲界邊六十餘里爲溧水界自龜山西南歷蕭港一字溝抵梁陡門港口計迂曲湖邊四十里與當塗宣城分界東南爲石白湖西北爲丹陽湖其寔一湖也其形長而斜由東南向西北在高溧者半在當塗宣城較在高溧者近倍湖在溧



水境上爲東南角湖心在高淳者自梁港口東歷梁陡水揚諸鎮至青龍橋西三里許計迂曲界邊六十餘里爲宣城界自宣城界東北歷鄧埠自昇平蕩港口計迂曲界邊三十餘里爲建平界自昇平蕩漢河口北至桿西頭迂曲界邊三十里爲溧陽界

溧水城南有澗澗正南儀鳳鄉正北贊賢鄉溧水西北有山陽鄉三鄉之水皆入石白湖澗之東爲仙壇鄉澗之東北爲上原鄉二鄉之水則半由句容之政仁承仙等處入赤山湖半爲淮流

儀鳳鄉在溧水南此下諸鄉商農相間染民居五之一內有大歷傅南 和順 趙莊 陳李 南保 西周 石街

前岡 楊許 南劉 瀨渚 南傅 陳王 新莊

新義 稽路 方前 商殷 松園 陳劉 丁保 歐

陽 湯家 上宋 橋西 周塘 羅山 西嶧 南徐

山南 苦墅 洛前 楊墟 許埠 此村舊為河泊 郭

唐 水竹園 前傅 姜村 中楊 藕絲灣 臘山

西劉 大溝 埂頭 仙墟 耿家 戲敦 鳳棲山

鳥飛塘 志劉 凡四里一巷四十五村 保有山圩 蛾眉 永

豐 保興 步江 鳳賢 南埠岡 北埠岡 東港

後池 西港 賈家 包家 劉家 戴家 張家 朱

家 羅家 管家 後成 保成家 金堪 和義 宋

家 成林 湯家 大圩 金圩 下圩 郭塘 新圩

志劉 門前 卞家新 壩頭 上天堂 下天堂 塘埂

陳家老 志明 三十八圩外有永甯 顧家 成賢 秀水

平泉五圩為湖淹此鄉之水入石白湖

贊賢鄉在溧水南有分東 宋亭 孫亭 董李 芮塘

水西 薛村 南謝 十里排 陶村保 搭村 朱村

宋村 楊神保 毛村社 許村社 謝村社 嚴村

志明 半山 花園 戴家橋 馮村 趙村 廟塘鋪 沈

莊 華塘 冷水澗 楊柳塘 王答 倪巷 後村

李村 盛村 傅家邊 經劉 港口 楊古共三里一

巷三十四村堡有 原贊 蒼田 太平 黃鳥 倉口

兔鼻 常熟 石家 任家 富家十圩外有四圩水

淹見思鶴鄉下此鄉之水入石白湖

山陽鄉在溧水西有范溪 青村 河鈴 青壑 西北

青圩 前保 後保 前莊 周答 秦磕 武墟 楊

店 茨地 西莊 蒲莊 朱家 寺前 石場 甘泉

龍坑 橋北 湯莊 埭東 杭村 毛村 丁村

湯村 趙村 羅村 華村 中保志明 東黃墟 西黃墟

唐竇 五槽坊 寺後 栗樹下 花灣 中天保

黃塔劉志 凡四里三十七村 保有天保 上新 查家

歌舞 新義 諸家 韓信 花溪 豬漕 大圩 韓

家十一圩外有龍場 甘泉 大通三圩為湖淹此鄉之

水入白湖

臨淮橋一名惠政橋劉志作在縣北四十五里建康志溧水

縣二十步即秦淮水舊圖云前任司馬公重建兵火燒毀

復造土橋景德二年知縣史良率眾錢重造版橋舊名濁

水橋紹興八年李朝正重建石橋嘉定五年壞於暴漲知

縣湯詵重建石橋榜曰惠政卓田為記嘉靖崇禎兩建

通濟橋溧水縣南二十步舊有劉公攷所為記至巫家橋

縣案外易俗橋縣中市唐家橋市西三百望京門橋北一利

涉橋俗呼虎安政橋俗呼翻車橋樓家橋南門外二南門

橋溧水南門外皇祐門邑人劉應長樂橋二十李墅橋

張墅橋皆三里白沛橋皆十五里以上

段亭橋溧水東六里永昌橋在縣南九十里舊圖云呼為

固城秦橋不盡入秦淮

余家堰深水東南百二十石何家堰長九十里苦李堰五百里

長八分水堰百五里銀林堰五百里以上皆上津水東南青

泥堰深水南九十里於家堰深水南九十里景定志余家堰考

昔吳王闔廬伐楚因開此瀆運糧東通太湖西入長江南

唐書楊行密據宣州孫儒圍之五月不解行密將臺作魯

陽五堰拖輕舸饋糧故軍得不困卒破孫儒魯陽者即於

家等五堰是也故道尚存其銀林堰考引前漢地理志丹

陽郡蕪湖注云中江出西南東至陽羨入海後漢郡國志

蕪湖中江在西又水經云中江在丹陽蕪湖縣南東至會

稽陽羨縣入于海孔穎達書義疏亦引漢史為證今蕪湖

縣南有支江俗稱爲縣河經縣市中東達黃池入三湖三湖丹陽顧城石臼也至銀林止所謂中江東至陽羨卽此蘇常承此下游常病飄沒故築銀林五堰以窒之自是中江不復東而宣歙皆由蕪湖西出達于大江故濱湖之地皆堤爲圩田中江亦漸隘狹故老云當時慮後人復開此道則蘇常之間必被水患遂以石窒五堰路又液鐵以固石故曰銀淋今訛爲林山按古稱五堰今凡七堰未知何故疑後人于五堰之兩端又增二堰也

東廬山溧水東南二十里高八丈周二十餘山北之水經溧水城入秦淮山南之水至洪藍埠亦入淮此古所稱爲秦淮之一源也凡二源一入吳王槽馬沈港又一入丹陽湖

俗稱東廬山水北過石秋壩者水自山北流至烏剝橋一名烏鵲橋在溧水東南九十五里又北至龍渡橋在溧東南八十里又北至北令橋在柘塘西北溧東南七十里分二支東大支流爲白米湖或由此入赤山湖或又北流納嚴郎渡水又北東分二流東流逕泉都市南東北流合句容淮流於張公渡而西北向方山埭以上諸水亦或入赤山湖一西流者逕路口鎮東其西有雲臺摹棋二山東麓水自橫水橋東流過秦村北村南有向建平大路曰太平岡岡阜東障不能達淮西大支又東北十餘里即合東大流逕秣陵關東受西來之陶吳鎮水西北向方山埭陶吳鎮在省城東南七十里其水北流由西陽市東又北流折



而東過葛塘寺南分二支東支過秣陵關東入淮西支向秣陵關西之司門橋橋者水上石梁也又北合吉山東麓水入淮古人稱東廬爲淮源者止就溧水西面言之也不知其東南正東東北皆入淮也其東南爲上原水間亦入淮又東南爲仙壇其水則多由句容政仁經天王寺入赤山湖矣

上原鄉在溧水東南有高陂 與塘 楊神保巷 中山

韓明 嚴答 臧答 西村 北莊 三山 石灘 北

山 丁村 山西 宋三山 姑塘 荆塘 官塘 以上舊志

畢家 劉吏橋 赤土岡 道士岡 梁家邊 大覺寺

倪路 家橋 以上新增 凡二里一巷二十四村此鄉之水入

石白湖

上原之南為仙壇鄉在溧水南有柴西 石南 高沈 七

里干 芝山 戴李 柴母社 石山 丁澗 破山

楓香 李家 黃干 北宋 陳郭 東張 西張 王

馬保 雲鶴 杭村 吳村 柴東社 官莊 尤村

邵村志明 徒家 上保 下保 馬村 周王 陟門

棗樹巷 山下 前胡 後胡 荆山口 唐南 芝山

甘戴 塘下 荷塘 東劉 王壩 後邵 南史

殷墟劉志 凡四里二巷四十村 保有斗門 保熟 張村

時溝 鳳山 保託 黃干七圩坂外有永平 望南

長興 保康四圩淹湖于此鄉由境北之河入石白湖

者七八由東廬東面入淮者二三

仙壇之北爲政仁鄉在句容極南九十里册名十二都在茅

山來龍之旁內有化裕 周亭 安亭 靈洞

據浮山朝陽洞言

萬年 穀成 靈隱 靈感等八里 朱墟 穀成 朱

莊 子遊橋 上干 西周 青干 栢市 白沙 呂

家店 繞龍 石岡 董墟 於墟 蔡巷 潘巷 李

岡 斗門 上社 盛家澗 後周 韋村 胡村 董

灣 袁巷 談村 周墟 吳史衛莊等二十九村此鄉

東界溧陽西南界溧水兼受二邑之水以入斗溪向天王

寺入淮已後所敘諸地皆由南而北

政仁之西爲溧水白鹿鄉於溧水爲東南有裴塘 楊塘

張李 澗西 尹莊 前後湯 邵答 楊莊 夏莊

段莊 張巷 陳搭 茹搭 唐杜 黃唐 曹莊志明神

龍橋 官莊 尤墟 西岡 吳漕 白馬橋 官唐

菱塘 曹澗橋 還步港 袁村 碧山頭 南曹 朱

家邊 毛搭里 經巷共三里一巷三十村堡此鄉之水

由句容之政仁承仙上容三鄉入赤山湖

政仁之北為承仙鄉在句容南七十里册名九都十都以三

茅相繼登仙去故名昔僅業農賈近始蠶桑但尙罕耳內

有得道 魯亭 白陽 靈峯 南亭 浮山 懷仁

積金 永植 望仙等十里 浮山 天王 趙巷七藝祖

孫伯珪 裴封金陵郡王口南渡於紹 定間問卜居趙巷至今子孫尙存 潦塘 蒲里 張巷

新豐 西岡 魯墓 澗南 澗北 栢社 唐陵

湯塘 荷塘 墓西 石巷 靈山 口塘 倪壠 成

莊 朱巷 成村 北周 栢岡 北口 徐家等二十

七村 旱塘在七圖計五畝灌田三十八畝水利漁水各

有所主水由北池塘出 三白塘 鍾離塘 五更塘

西岡塘 周官塘 荷塘 栢塘 俞塘 白李溪景定

志在小茅峯北昔高辛時展上公居溪上手植白李而食

之道成仙去溪今存此鄉兼有溧水來水全入秦淮

承仙上容之南為溧水豐慶鄉在溧水東內有招賢 劉方

澗北 倪謝 許村 段莊 俞家 鵝塘 盧家

澗東 西店 南丁 金山 李家 周巷 王家 時

倪 長岡 邵王 蔣村 湯村 東保 西保 南保

北保 寺東 澗南 辛塘 烏龍 山西 楊唐 志明

東岡 青龍橋 倪家砦 曹家 石家寨 長沖 方

邊 張公塘 長山店 丁家 銅峴 十里排 上聶

栗樹岡 前巷 北山 劉志 凡四里四十二村堡此鄉多

由溧東之河入淮間亦由上容入赤山湖

承仙鄉之西為上容鄉在句容南四十里册名七都八都明

句容志云列大茅之峯於其左走上容之水於其右故名

山按蓋梁上容瀆之下游也附近諸鄉本皆瘠土自咸豐

擾攘居民百不存一而瘠愈甚畝田舊產稻六七石近則

豐年二石餘中價得洋蚨一元餘入官幾數百文故農者

入不敷出而任其荒蕪內有寬仁 葛亭葛玄煉於此 高平

湯亭 升仙據葛玄成仙言 崇信乾道志作敦信 育德 開恩 延德

南亭 祥慶 開元等十二里陳莊 五渚 張莊 蘆

巖 望湖岡讀岡冒 嶮北 西岡 錢村 蔣社 孫莊

檀培 葛村 後白橋 蔣村 西地 朱莊 趙村

承符 南亭 下黃場 高平 北墅 經村 堰村

許家村 山前村等二十四鄉上容溪景定志源出中茅

過蘆江橋經赤山湖入秦淮山按徐陵上庸瀆碑即此也

今存 又明句容志有烏羊圩 上菖蒲圩各周七里 錢家圩

下菖蒲圩 都包圩 黃興埠 龍埠圩 紀家圩

經村南圩 西溪道圩各周五里 紹興岸 友家圩 東湫埠

三里周後堰圩里周二西大陂塘去句容四十里廣百畝設二

陂放水灌田五百畝塘右有瀉水溝流入絳巖湖又東大

陂塘在茅山鄉 大家塘 黃陂塘 神塘 右皆在赤

山湖東南此鄉有溧水來水在赤山湖東南

上元聚寶門西為江甯所治由聚寶門東面南至丁公山為

溧水當塗兩界在上元境上者無不入秦淮非若江甯則

有四五入江也東面由土橋東南之秦家邊屈曲向三汊

杜桂向高陽橋皆界句容百里而遙自高陽橋西南至烏

剝橋迂曲二十餘里為江甯界自烏剝橋西南丁公山迂

曲二十餘里界當塗自橫溪橋歷烏剝橋北循秦淮而上

至聚寶門者百里山少水多石白湖在溧水境赤山湖在



句容境江蘇輿圖說云兩湖之水彙入三汊口來源是也  
由三汊口歸秦淮河赤山湖之北流去委也烏利橋等處  
皆在赤山南

上容之北爲崇德鄉在句容南四十里册名十四都十五都  
其地崇尚禮義敦行孝弟故名亦破岡瀆之故道也內有

溫恭 徐亭 解亭 永樂 於鄉 修文 洞靈 義

城 唐昌 崇德 旌善等十二里 於鄉 西城 觀

莊 孔莊 楊店 花岡 蘆岡 夏莊 劉巷 後村

前岡 林梅 逋遜 陰橋 水南 朱墟 孔岡

水北 王步 奇干 斛里 懷道 紀莊 義城 亭

子 胡莊 殷湯等二十七村 有前埠周四 孔家埠

劉家埠 倉埠埠 王埠埠 大泊埠 各周三里 戴家埠 周一里

道士北埠 郭家埠 各周五里 王城埠 朱塘埠 西周戴埠

井東埠 各周二里 此鄉之水盡入淮在赤山東

崇德之西上容臨泉之北為福祚鄉在句容西南二十里册

名三都四都其地古有張王廟食此方捍災禦患祈晴禱

雨無不感應一鄉賴其福祚故名內有佑善 義城 政

新 決戴 南陽 大通 安信 清城 思善 永慶

許瀆 玄武 文武等十四里黃堰 三汊 南岡

青城埠 李墟 下魯 鈴塘 前栢 奇干 白陽

城上 葛澤 周戴 解里 思口等十五村譚家埠

葛塘圩 上埠 各周二里 東湖圩 周四里 後堰 義城埠 各周八里 赤

灣塘圩

周六里

孔家埠

新圩

周三里

周戴埠

周五里

黃堰

去縣

南一十五里慶元間因提舉監造石堰故名關屯水利澆灌通德福祚兩鄉官民田土千餘頃水下赤山湖達秦淮

百堰堰在縣西南三十里與福祚鄉相鄰上接絳巖下

通秦淮 周戴新堰去縣南一十五里通百堰堰在赤山

南 上鈴塘句容南十三里計四十一畝一角四十二步

深五尺三寸溉田一百十三畝 下鈴塘計六十六畝二

角三步深五尺三寸灌二百單二畝今皆微異於古矣

赤山湖唐麟德大歷中兩修理皆言百里景定建康志言其時差十將打量得一百二十二里九十六步今湖於水旱酌中之際約周三十里疑今之沿湖各村田當日皆爲湖

之所禁耕種留爲蓄水者

湖今杜桂湖熟東面之田古者皆故甚低古者之田皆在今之

西村其盜耕一畝一角之罪見藝文景定湖條下又景定建

康志湖半屬句容半屬上元山按今杜桂湖熟以東皆全

爲田皆上元昔日之湖今已全無今存者惟句容半面耳

湖之四山大要自句容華山老人峯東至駒驪山脊一帶

分水處迂曲六十里向南由崙山瑣山駝龍廟萬家邊至

茅山方山金壇交界了髻山右之分水山處屈曲百三十

里自了髻山西南至溧陽分界山向溧水東廬山而南至

官山官山而北至紅藍埠屈曲百四十里此處有東廬山

南之水及石臼湖固城湖丹陽湖所溢之水皆未計由紅

藍埠而西至上元劉山角西橫山西山入當塗山至江甯

山北鄉之南面岡上屈曲九十里皆赤山湖上下游之大源也由山北鄉向牛首至雨花台向西至下關屈曲百里皆入於淮於下關入城由清涼山西又北向屈曲向太平神策二門雞籠馬房二山向仙鶴門中含後湖之水由青溪入淮由仙鶴門山向句容華山頂屈曲九十里計周四百七十里而紅藍埠沿山頂至東廬山以南周六百里之水不與焉今湖之來源猶與古時相仿佛但景定時上元江甯句容溧水四縣之塘湖等類志所載者較近時稍多蓋以淤塞既久懶於挖濬上句境上水少山高多豐少稔人逐低下遂以爲田耳湖之全形大要爲五大支四爲來源其一爲秦淮之去路就湖推其來源一北由三岔鎮北

至句容南而東而北至亭子村又北空青山五基山而止亭子而南中間受東西二面山水過句容西受土橋諸水此源地極廣專受句容諸水間及上元長百里一東北歷淤香洗馬橋壩小其村至萬家邊分龍岡分龍塘止專受句東面之水長數十里一南而東至天王寺又南至心橋而上至分界山及北塘堰等岡身而止此溪受句容水者十之六其四則兼受溧水溧陽之水外金壇之水亦間有入者長近百里其一在湖之西南向烏剎橋途上皆古湖址也今皆爲良田爲秦淮河矣由烏剎橋而南向天生橋至溧水城又南而東歷紅藍埠蒲塘新橋諸鎮抵白馬橋岡身而止爲溧水全境之幹流兼受江甯上元之水句容

亦間有入者此皆來水也去水爲秦淮河至江口長百里而遙兩岸歷受江甯上元之水句溧二縣則甚罕矣湖之源委田之豐瘠大要由省垣至淳化鎮以官道爲限南豐北瘠由淳化直南向溧水則西豐東瘠以全湖之八到度之惟西及西南兩道豐腴蓋恃有水耳有水者有水患者皆豐田其無水患者皆山田其患愈甚赤山湖積水之由大要黃山來脈由新嶺分支北支最大北支之正幹則茅山崙山華山鍾山冶山此五山如形合句字亦如勾其勾外之水各有所向其南支則稍小似土字自新嶺而東廬山山當土字之中廬山而牛首山龍山石觀音當土字之東北角與北支勾內之水成赤山湖其外如句字湖當句

字之口四岸有所容故曰句容專以茅山爲句容者淺矣  
土字之西北西南各有所向土字之東南角爲石臼湖及  
丹陽湖又稍曲爲固城湖其形勢如後此其大概也邇日  
夏秋之季金陵之舟可至葛村與當日下埭路程仿佛茅  
山而東薛埠寶堰等處與當日上埭亦相仿佛而茅山左  
右往往有堤似牖往時石跡猶存疑皆故埭迹也又景定  
建康志梁朝四時遣公卿四時行陵陸乘船舫艦自方山  
至雲陽當卽此水道也

上容之西南爲溧水歸政鄉在溧水北有前西區南山

口 彭村 蒲干 章村 西盧 橋頭 唐李 樓堰

方村 山下 答刺赤莊 前保 西保 北保 長



義澗圩 十五里排志明 韓家 桂莊 廟前 熊家 寺

前 焦塘 西村 周村 上店志劉 凡二里二十四村堡

其水半入句容臨泉鄉半由溧水境內入淮

歸政之北南上容之西南為臨泉鄉距句容西南五十里册

名五都六都其地卑溼人皆依岡隴臨泉水以居其地大

半宜稻而患潦內有潤下 廣德 章亭 楊亭 承慶

山安 仁愛 永村 延壽 豐安 布政 輔政

吉陽 宣賓 太平等十五里 石湫 丁墟 甲山

花塘 長嶺 東釋 葛橋 方村 謝橋 戴圩 杜

澤 斗門 西釋 湯巷 黃連墅夷堅志 建炎初有婦

之壁云妾鄰陽一人也女工之外從事詩禮不幸嚴霜下墜  
泰山其頽飄泊一身所適非偶薰蕕同器情何燭昨浮

二家洞庭怒帆一哉偶攜良稚人倏為鬼錄吁臣不時傷心遂成小絕

泊知歎空還感時有恨無人說愁歛雙蛾對暮山飄東宣李

村石村潘村雍村郭莊濮村端莊望湖

吳鞠 俞壚 花墓 望青 蔡魏等二十九村有天

荒圩 葛家圩岸 任陽圩 白圩 戴家圩 劉家湖

岸各周里夏家圩 何家場圩 東生場圩 西生場圩

杜場湖圩各周里周于圩即周家湖王家岸 亭子湖岸各周里

一注塘又本鄉圩西有大塘酷旱百泉俱竭而此塘水隨

取隨足灌田二三十畝 散泉塘 後陂塘 蘇塘以後

諸地皆在赤山西南所敍者皆由南而北所謂北者即赤

山之正西也

石泉字紫巖臨泉鄉弦家邊人素篤善行嘗採訪節孝助募建坊道光中文題爲善政民畏之錄置優等遂食餼時年四十餘時人稱爲篤行之報又以其居赤山湖南十里遂訪水道輯往事著赤山湖志郡人稱之食餼後授徒於鄉北之杜桂村陶氏地山家以寫山水寄情詩酒以終年未六旬

天生橋溧水西十里高十二丈闊七丈五尺劉志云舊有南北二橋明季南橋已毀明洪武二十五年太祖命崇山侯李新鑿河通蘇浙運道此橋因山勢而成故名天生父老相傳新嘗私於民家舍平陸而焚石鑿此河役而死者萬人太祖微行至立誅之以報役死者知縣王弼有詩嘉靖

間義士武潘武濬重修員外黃志達有記

思鶴鄉在溧水西有上方 良西 解塘 火逢 梅梁

虞莊 端定 前保 西村 趙家 石牛 紅石埠

陳塏 王塏 朱家巖 戴家岡 以上明志 前薛 山口 山

南 石山下 圩東 石湫壩 孫家 竹山 東袁

西袁 梨園 沙河 孫家屋 竹烈岡 缸窰 秦家

孫家莊 劉志 共三里三十一村堡 有清溪 石龜 亥

塘 保家 成家 竹唐 毛家 林塘 楊芳九圩外

又南城圩沿石白湖向因築廣壩役遂沒於湖又同時沒

於湖者贊賢鄉有許家 水北 平秩 南岸四圩 山

陽鄉有龍場 甘泉 大通三圩 仙壇鄉有永平 望

南 長興 保康四圩 儀鳳鄉有永甯 顧家 成賢

秀水 平泉圩五圩在康熙間俱不可耕今則微異此

鄉之水半由天生橋入石白湖半與崇賢等鄉入淮

長壽鄉在溧水北其正北為溧水歸政又北為句容臨泉今

以其水不由臨泉而由道德故敘於此其鄉有臨泉 永

思 東韓 信西 墓南 新興後社 山北 俞莊

開秦 劉唐 上端 前韓 寺東社 前西社 圩北

社 通德 留俞 仁義社 太平社 楊山社 四保

志明 東廬塏 西韓 錢山 夾山 袁家邊 太尉 東

岡 志劉 凡一里二十二村保有開太 檐勝 白玉 潘田

上 潘田下 陳家 金家 蕭監 邱姑 前山 林

慶 劉中土 圩坂由其境內入淮

思鶴之北長壽之西爲崇賢鄉在溧水北有永甯 崇德

蒲塘 吳家 城莊 陳陶 方墟 石羅 地墟 徐

墓 若墟 石臘 薺莓 葛家 新置莊社 建中社

志明 蔡莊 塔山 外莊 成家 范家 稽唐 廣嚴

寺 邱家 王家渡 志劉 凡二里二十二村堡有圩方 沙

岡 臨金 陳家 駱家 三了 竹屯 了頭 陳化

新豐 鴉得良周十二圩半由境內之河入淮半入道

德鄉

烏剎橋在溧水城北八十里受東廬水入臙脂河西北入淮

其大概也臙脂河明李新所開以運吳糧者也上有天生

橋兩山之間就石以爲者故名在城西十里

上元道德鄉溧水界者有秦城岡去通濟門百餘里古湖熟縣之省者以南爲溧水境其地越江甯而南以接溧水界道德鄉西爲靜潔鄉有紅楊墅亦古丹陽之遺說也其東北約十餘地有綠楊頭又名綠楊村楊至此即綠豈自古土力有別耶去通濟門百餘里亦湖熟之省者俗稱周于白米東陽爲三大圩當即紅楊圩也

永豐鄉有周干圩爲江甯東路雍乾間爲句容邊界亦古省秣陵地名其地之南又有上元泉水鄉地插入近白米圩周干圩者舊全屬句容今則多隸江甯矣金陵舊志句容圩岸共九十六處厥後修志惟存六十三處成化間句容

縣李公澄委陰陽訓術高軌踏勘修理弘治二年句容縣  
王公禧奉府帖文委醫學訓科戎永甯遂一修築時湮者  
已三十三處惟百丈圩地最卑下圩民立涵以爲水蓄洩  
之其萬厯丁丑年蛟起水溢涵悉潰敗時句令丁公賓督  
民修築分爲東西南北上五牯編爲乾元亨利貞下四涵  
編爲文行忠信立一條簿永爲遵守圩民因是感公德立  
甘棠祠有歌記附載於簿然與斗門圩相爲低昂未免此  
利被害兩圩之民結怨構訟連年不已甚有破家者十之  
八九句容令茅公一桂親行履勘爰立界限於其處開一  
深渠高築墜埂使水各有所蓄洩兩利無防其所開田糧  
爲澆派一圩輸辦請之撫按助穀百石起工蓋興利息訟



之一端也相沿數十年來各守成規永無異議奈日久弊  
生興築漸廢乾隆五年兩圩之民興怨互訟數年不已邑  
令宋公楚望親行履勘丈明段落計畝均夫仍照舊制參  
於時宜通詳給案奉憲優獎飭刊石碑以垂永久今碑文  
見集文又前所云應六十三處而乾隆志所存者僅六十  
處疑斗門圩百丈上圩百丈下圩皆在其內

七埭 五埭 景定志破岡埭引建康寔錄云吳鑿破岡瀆  
上下十四埭上七埭入延陵下七埭入江甯又梁開上容  
瀆在句容東南頂上分流一源東南流三十里十六埭入  
延陵界一源西南流二十六里注句容界上容瀆西流入  
江甯秦淮山按志於其前列方山埭柏岡埭南埭長溪凡

四埭蓋欲並破岡埭而爲五也今考南埭云爲上水牯近金陵城則在秦淮下游之極雖通秦淮實埭後湖之水者不當在五埭之列其一當爲太平寰宇記之龍都埭也蓋古道由破岡埭而北岡而長溪而龍都而方山埭約相距皆十餘里不等若南埭其水道則近百里矣吳之七埭古無可證志於五埭外前列雞鳴埭後列縣埭雖合七埭之數而里道尤爲不倫當在今山陽埭上山埭下山埭西埭等處考之其勢乃合

丹陽鄉亦近湖熟鎮跨水而多在水南去通濟門六十里水程百里景定志白社湖郡東南二十五里周十里溉田十頃當卽今白米圩然志另載白米湖未知何故又長溪闢

五丈引丹楊記云湖熟前承句容縣赤山湖水入于秦淮是也

清化鄉跨湖熟河而多在湖熟水北去通濟門五十餘里其地大村有南侯村北侯村時莊又有倪塘在城東南二十五里又臨賀塘南宋時在郡東三十里屈曲十里灌田二十頃開善塘郡東三十里屈曲十五里溉二十頃王塘溉田三十頃銅塘屈曲十五里溉田二十頃皆郡東四十里長塘郡東南六十里屈曲五十里溉田百頃王塘東四十里屈曲十五里溉田三十頃水門塘東三十五里屈曲二十里溉田十頃皆見景定志今多莫可考矣

泉水鄉有劉陽湖景定志郡東南六十里周三十里溉三十

頃今存而微小泉水鄉之鉅鎮爲龍都六朝之龍都埭也  
今皆存無有知六朝古蹟者去通濟門聚寶門皆六十里  
而相遠近水程九十里跨淮南北由龍都而東南又插入  
江甯石塔河頭數村三面以河爲界一面與泉水鄉分界  
崇禮鄉今土山去通濟門五十里西北有南埠解溪上下蒲  
塘其地近赤山湖考漢時江乘縣在今江甯北境句容治  
江甯南境後置上元江甯即分二縣之西境爲之二縣之  
東境今近入句容故自古赤山湖無入上元事程子爲上  
元主簿得置石於湖者以主水利也後人謂湖曾入上元  
者誤以上在江甯淳化句容大道南

惟政鄉在道北今高橋門去通濟二十里高橋上方之間河

中有龍窩深不可測其地水至即旋水深向陽而性暖故魚多產其間以農隙取之以數日即止一隅之間歲或數十石至千石不等惟附近數村取之他村不得擅取也高橋門一曰土門

開元鄉在道南卽江甯雙橋門之菜園務等處距城二里又東十里爲高橋舖界上元由菜園務陸行又十五里爲河定橋又十五里爲殷巷又十里元武橋又十里秣陵關又十五里茅亭略沿淮水行又十里溧水烏刹橋界以上之水入淮者多又西南七里爲七里店此去二十里陰山及五里牌等處水多入江矣菜園務毘連高橋門由此出夾岡門至河定橋遲店殷巷清水亭元武橋秣陵關李村祿

口亦一陸道也江甯之地分四路六十四圖其鄉之水不全入淮者不錄

由靜潔鄉而北爲葛仙鄉路口鎮景定志之葛塘湖郡東南七十二里周七里溉四十頃引舊經云仙翁今淹矣

馴鞏鄉在秣陵關

以下間有一地屬兩三鄉者

萬善鄉在殷巷

太南鄉在江甯東路者爲秣陵關在中路者爲東善橋

隨車鄉在江甯東路殷巷南石湫壩界溧水

太北鄉在陳墟橋屬江甯東路

新亭鄉近陳墟橋在江甯東路

鳳東鄉在砂子岡在江甯東路

東廬山相互由當塗而來者爲墓棋山高台蒼堰爲雲台山  
查塘堰爲殷子山范村嶼爲官山馮村嶼爲靈母山 枯  
椿嶼 黃姑山 雞籠山 祖堂山 牛首山 翠屏山  
善橋之西面諸山 此間之水間有西者不入秦淮而向西 石子岡雨花台以  
上以山脊爲分龍一面向大江一面入秦淮

山北鄉在江甯中路有橫水橋以山爲分龍山南爲山南鄉  
小丹陽近當塗矣雲台墓棋等山則以山麓之所向爲水  
道其山東北二面則多入淮

朱門鄉在江甯中路有元山鎮陶吳鎮又朱門鎮在西南路  
古省丹楊地也地有橫山界當塗

處真鄉在江甯中路有元山鎮陶吳鎮其鄉西南路有銅井

牧龍亭水則全不入秦淮矣

方山南有葛橋橋前有五城渡水北流數里吉山東澗水入之水自童家橋東流有水自東北殷巷西南流入之合葛橋水流至馬牧馬場菴馬門橋又西南有金家橋其支流南通秣陵關正流又東有象鼻湖郭家橋又東過清水亭東南會湖水又北牛首山東澗水自西入之澗自牛首東流過陳墟橋曹家橋又東過河底橋橋下南受徐墓村東溝渠吉山浦水由橋而南又東會湖水北逕土山之西之方山埭由五城渡而方山埭至上方門有二橋內曰見子橋外曰分水橋又西北爲上方橋橋距通濟門八里

江甯蓋古句容地也古句容合今江甯之全境又越江至江



浦故江浦有句容洲今名與地尙存而江甯之與上元又有異者上元則北廣南窄江甯則全據南面地形斜方東缺一角南北最長處九十四里東西最廣處七十里山居十分之三而長江入口亦止秦淮下游爲江甯境蓋境內水道惟以上元所轄之秦淮爲幹流支河甚少自聚寶門下抵小丹陽眾山絡繹闊約一二十里不等縣互境中故長江支港不能東達秦淮分流不能西通必北面繞道西至下關乃可入江其陸途直南者由聚寶門逕直六十三里至碾砣橋爲當塗上元兩界口東南逕直二十二里交界爲上方鎮南而少東逕直四十九里爲三縣塘上元句容兩界其少西而西南及歷山等處水不入秦淮者概不

錄西由下關秦淮水口東南至上方門爲江甯境至此不  
沿秦淮由上方鎮至土山鎮迤南仍沿秦淮至烏剎橋不  
沿秦淮西出碾砣橋計江甯界迂曲百四十餘里皆界上  
元此內之水皆入秦淮自碾砣橋西南至小丹陽又西北  
至和尚港六十餘里接當塗界此內之水入淮者半計境  
上河道不及二百里又江甯在宋時有金陵秣陵江甯三  
鎮二十一鄉

歸善鄉爲江甯西路有谷裏村等處水間入秦淮

建業鄉爲江甯西北路有谷裏村等處水間入秦淮

鳳西鄉爲江甯西北路有鳳台門水入秦淮又北菜園務爲  
開元鄉又北爲上方門

湖水由上方橋旁至高橋門受龍安牖來水水源于青龍山  
南之斗篷山西流經黃令觀至村令至龍安牖至高橋門  
穴土城而出者曰小水關又一支青龍山西之小茅山者  
名上壩河會小水關而西北高橋門外有堅固堦有銅橋  
上方門旁有過軍橋通雙橋門小水關水又西北爲七家  
甕爲中和橋九龍橋受鍾山水至通濟門鍾山以南之水  
沿朝陽門外平橋歷洪武門外夔角橋至九龍橋

通濟門爲水之分流處

由東水西門出入城

一沿城外南向又西

過聚寶門橋受落馬礮水折而北至馴象門分三派正流  
循城而北一支西南流過賽虹橋毛公渡又分一支直北  
一由毛公渡出大勝關入江過渡直北者由江東橋又北

而西折由北河口入江於未至橋時半途分支向西爲拖板橋由螺絲溝入江分三派時一支微西而北過覓渡橋又北爲三汊河至下關入江于未至三汊河時分支向西與江東橋來水合由北河口入江皆支流也其正流向北由水西旱西清涼至定淮門會支河之三汊河水由下關入江

通濟門水之入城者至大中橋北門橋水入焉古鍾山之西南爲前湖青谿西北爲後湖潮溝今多淹矣今水自乾河沿來者東至北門橋又東受進香河水水源自後湖自北而西向武廟南曰浴沂橋又西曰土橋而南流上有進香橋又南折由西倉橋北石橋紅板橋嚴家橋蓮花第五橋

東逕浮橋亦名紅板亦名石板此古所楊吳濠水也浮橋受後湖水水自後湖以銅管入城經武廟東北入珍珠河卽古漕溝也由武廟以會北門橋浮橋水又東受駐防城水水自明大內東安門至後載門平止而伏流自後載門西流穴城而出會北門橋水達竹橋相傳橋爲古青溪自竹橋又南過西華門外元津橋又南逕復成倉復成橋過明外五龍橋青龍白虎會同烏蠻柏川諸橋是也柏川半在城內一名半邊橋分支入御城爲內五龍橋仍至柏川橋合向復成橋南流合北門橋水而與大中橋水合又半山寺後有水自山腹流出者卽鍾山前湖水也或云古青溪之上游亦由武廟等處以出又云破布營以上之陂池

相續者亦青溪之湮斷處也

大中橋水又西至淮青橋青谿水入焉青溪之上游已湮惟  
下游支流有自昇平橋北流繞承平時之鍾山書院而東  
而北至五老橋壽星橋又中有大陽溝至門樓橋而塞古  
青溪也又自筮橋鴿子橋內橋東南會淮清橋者古運瀆  
之東支是也此源近自左所巷石橋而東至四根杆子而  
南至侯駕橋而東至易駕橋漾米橋一支北向北門橋一  
支東南向筮橋內橋

淮清橋東爲桃葉渡而西南爲利涉橋金陵牖水入焉其水  
源古自石觀音以北之水由小心橋由麥子橋五塊埭至  
長塘壩又自苑家橋鷺峯寺北流出金陵牖

利涉橋又西南自文德橋武定橋長樂橋聚寶門內橋西  
向新橋上浮橋陡門橋笏橋之水入焉笏橋者一東流會  
淮青橋一支西流由木料市逕望仙橋至鐵窗櫺出城一  
支由木料市南流皆古運瀆也南流者由北乾道橋紅土  
橋會斗門橋水出下浮橋雲台牖西水闕出城會城外之  
淮水西至接官廳會鐵窗櫺水沿石城橋鬼臉城觀音閣  
石柱邊至下關入江

省城內周計百里逕直數里至二三十里不等而水道屈  
曲尤難瞭然因復敍一則曰通濟門水之入城者至大中  
橋後湖銅管及北門橋之水入焉銅管入城之際及太平  
門一帶水溝乃古潮溝

山按其地高潮或亦運瀆之類當作溝

倉姑考 存 之正支也 半山寺下之水亦有銅管在 半山寺北

古名白水蕩 又名白塘 見古跡考 亦青溪之別源也 與後湖銅

管之水由北水關入城 徑武廟傍小橋向南 轉西而南至

英靈坊 受進香河水 過九眼井 西倉橋 石橋 紅板橋 嚴家

橋 蓮花第五橋 至蓮花橋 又受沈公亭水 合流向東 沈公

亭水其一為金川門水 關城外者由臨山橋向北 逕枯河

至小福城橋 上元門 旗手衛 臨江橋 通江橋 穩船湖 向燕

子磯下江 此其一也 一由大市橋向東南 經獅子橋 斜橋

三牌樓 舊河而東 舊河之西為沈公亭 亭下之水由不二

庵 乾河沿至管家橋 分一支而南至米家橋 向陡門橋 其

向東者由北門橋 雞鵝巷 至蓮花橋 與銅管水合 又東向



浮橋石板橋至青溪里巷有一水自駐防城來合焉駐防城亦有進水銅管其地本青溪之正流也銅管自駐防城內而西而北又西向香林寺演武廳藥園壘而南屈曲至珍珠橋與青溪里巷合流而東向黃家塘分一支向南至昇平橋陡門橋其向東者由漢王府小織造竹橋又受駐防城下水向南至西華門橋復成橋又南分一支向東由柏川橋出城爲明之金水河在城內又南至白下寺大中橋梨頭尖而西南淮水入城之東水關水入焉二水合流向利涉橋而小倉山東面之水由沈公橋向利涉橋山南之水由左所巷石橋而東向四根杆子而南過候駕橋而東向易駕橋偏北而東經蘭台里至漾米橋而北水關管

家橋之水入焉管家橋水自乾河沿而東向南又東而南  
經米家橋而東南經唐坊橋又東而南經等駕橋向西向  
南合漾米橋又東向明瓦廊南折而東經大香爐羊市橋  
向東流者向鴿子橋在後向西流者經木料市一南爲北  
乾道橋向陡門橋一西由鼎新橋倉巷橋史橋張公橋出  
鐵窗櫺即古運瀆出江故道也羊市橋之水又東流者由  
鴿子橋內橋至昇平橋合黃家塘水水自青溪里巷來由  
塘而南又西又南過箭道過利涉橋壽星橋西南向常府  
橋太平橋校尉橋史橋錢廠橋至昇平橋合流而東過四  
象橋而南經淮清橋至桃葉渡受犁頭尖東水關水而西  
流又南經利涉橋文德橋而金陵牖在其南岸城南中營

邊營之水由牖入焉中營在東由雙塘積善里曲屈北行  
向星福橋邊營在西由五板橋北至觀音橋藏金橋東至  
采蘩橋北向星福橋東向小心橋屈曲北至麥子橋石橋  
馬家橋東花園西折至苑家橋白塔出新陵牖會利涉橋  
水南向文德橋武定橋長樂渡大英府西轉過南門橋沙  
灣北折向篋街新橋上浮橋渡船口與乾道橋紅土橋陡  
門橋之水合而西折經徐家巷下浮橋出西水關與城外  
之淮合以入江



赤山湖志卷四

金陵叢書丙集之三

句容尙山兆

唐樊珣絳巖湖記

句容西南三十三里曰赤山天寶中改爲絳巖山以文變質也山外周流厥有湖塘舊址考於前志則曰吳人創之梁人通之矣洎金火有變積爲習坎灌莽之所我唐麟德歲邑宰楊嘉延亦纂前服利農爲名雖迹於傳聞而事斯茫昧楊氏之後今餘百年實滋菰蒲莫植秔稻剝極則賁俟能而伸大厯十二杞縣大夫兼大理司直太原王公昕能蘇罷勞一作人且易弊俗臨湖而歎以欲從人吟使臣之清風酌良牧之高課將圖永逸匪顧暫勞因察其地形訪以輿誦謀始作則庀

徒撰工月在休農雲其荷鍤周而百頃一作里蓄爲湖塘置兩

斗門用以爲節旱暵則決而全注霖潦則潏而不流收功濟

時道甚明遠開田萬頃贍戶九鄉泊成奧區頗無凶歲魚稻

之盛公實爲之昔叔敖芍陂能張楚國史起漳水竟富魏邦

秦稱鄭白漢歌召杜皆謂是也每商羊罷舞龍見而雩比屋

有憂於銷鑠連阡莫覩於耘耨我則黛波滄淪白鳥飛滅下

洞庭之鳧雁泳中流之鱸鮓橫塘之右構爲新亭芬其芰荷

樹以杞柳楊楚江嶺憧憧是途行李實獲於蔭麻詠歌或藉

於觀覽懿乎哉君子之用心也孰愈崇其島榭侈以林堂而

莫文翰墨奚述大厯十二年十月三日記 右丹陽絳巖二

湖雖在外縣以其利民者廣故先志之尤加詳焉

景定建康

志山按原本十二下當缺年字

宋乾道建康志秦淮說

舊傳秦始皇時望氣者言五百年後金陵有天子氣於是東游以厭當之乃鑿方山斷長壘爲瀆入於江故曰秦淮案實錄注本名龍藏浦其上有二源一發自華山經句容西南流一發自東廬山經溧水西北流入江甯界二源合自方山埭西注大江分派屈曲不類人功疑非秦皇所開或曰方山西瀆直屬土山三十里是秦開又鑿石碓山西而疏決此浦因名秦淮蓋未詳也

左承議郎充敷文閣待制知建康府事張孝祥治水患奏文

見隆興元年建康志

秦淮之水流入府城別無兩派正河自鎮淮新橋直注大江  
 其一為青溪自天津橋出柵塞門亦入於江緣柵塞門地近  
 為有力者所得遂築斷青溪水口創為花園以為遊人翫賞  
 之地每水源暴至則泛溢城內居民被害若訪古而求青溪  
 直通大江則建康永無水患也

乾道元年二月詔端明殿學士左通議大夫知建康府事  
 汪澈指定以聞徹言欲於西園依異時河道通柵門入江  
 從之

景定建康志絳巖湖條山按此蓋其時之條則也

江甯府上元句容兩縣臨泉通德湖熟崇德丹陽臨淮福祚

甘棠舊額八鄉志前作八鄉後作九鄉今併入丹陽臨泉福祚甘棠四



鄉百姓自來共貯水絳巖湖澆灌田苗下有百堰堰捺水其湖上接九源山其堰下通秦淮江自吳赤烏二年到今已七百餘年其湖東至數堰西至兩壇南至赤岸北至青城舊時春夏貯水深七尺秋冬貯水深四尺先是麟德二年前縣令楊延嘉併建兩斗門立碑碣其言周迴僅百里州司尋差十將下籌計生徐藏巡湖打量得一百二十二里九十六步盧尙書判置湖貯水本爲漑田若計侵耕難防災旱取定四尺水則使其澆九鄉田苗上九鄉甸容元兩縣若過令深廣又慮侵毀若逢暵旱之年須稍增加令且定取五尺水則不及處且任耕墾種植如有人於五尺水則內盜耕一畝一角推勘得實其犯條人斷遣令眾十日本管湖長不能察覺亦併施行又據

十將下籌狀蘆廢亭北邊去約有二百來步有一磐石東西闊四尺七寸南北闊三尺五寸石面中心去水面一尺六寸五分即是五尺之則并有察柱仍仰下縣便於石上磨刮更刻字記其湖仍每季一申不得鹵莽戴經新塘有豐等三湖圍埠內田多是私函取水灌溉田苗准舊例放絳巖湖水下秦淮三日取指揮給放不得擅開函取水其湖先有傳食田五十畝句容縣弓量二十畝三十步百堰與絳巖湖同置絳巖貯水百堰堰捺水保大中曾別差官親到赤山湖所建斗門三所通放湖水出入常令湖中積水五尺其斗門放水入湖候外溪水退卻放水出溪下秦淮入江專須酌量湖水不得失於元則右前件湖堰承舊澆灌九鄉田苗共一千餘

頃畝奉省符帖命指揮修作貯水遂鄉差承潤戶管當先有條流歲久去失續於晉天福年中再興功役修作經今六十餘年伏遇明朝重興添修建造貯約百里溪汭山源賑卹耕民備供王賦累奉敕恩給賜料物及借助日食等差兩縣官員置造斗門三所計用一萬七千六百八十工及添修湖埂並百堰堰共計三萬三千六百八十工眾議重置條流嚴加束轄謹連符條如前伏乞員外尊慈判印指揮永爲證據建隆查員外乾德伍侍御開寶王司空閻侍御魏司空盧司直林員外竝判執條常加束轄慶厯三年二月十八日葉龍圖知建康府日於古來舊湫處置立大石柱一條將湖心磐石水則刻於柱上永爲定則云

景定志破岡瀆事跡

破岡瀆在句容縣東南二十五里實錄云吳赤烏八年使校尉陳勳作屯田發屯兵三萬鑿句容中道至雲陽西城以通吳會船艦號破岡瀆上下十四埭上七埭入延陵界下七埭入江甯界晉宋齊因之梁改爲破墩瀆遂廢而開上容瀆陳高祖即位又堙上容瀆而更修破岡至隋平陳乃廢後宋少帝於華林園開瀆聚土以象破岡埭與左右引船唱呼以爲歡樂

游冠卿句容南橋記

縣之南橋作於元豐之三年元祐改元之秋歲適大水輿梁爲之輒壞往來病涉愁嘆滿道乃請於府而新之購材董役

未踰月而功就而橋素無題榜因其路入三茅遂以集僊名  
之且爲小詩以記歲月興廢云南橋頽廢長官羞新作川梁  
代濟舟上應星文橫北斗下飛虹影落中流慙無子產乘輿  
惠謾絕襄公弗道憂路指蓬山僊世界品題今爲邑人留  
景定建康志云予舊歲口集僊橋得石上段於平易堂牆  
南角惜其不全好今年六月十六日風雨終夕又得石下  
段於堂之西破牆底因粘綴成文併以疇年築地所得龜  
趺坐此石然隱伏顯露雖各以時向使予不得先得之顧  
今斷石將安用焉特不過礎柱礎衣耳橋屋七間工役浩  
大而輿梁之復未知何日觀是詩者可以知邑之事力視  
昔不佞云又四日誌

## 景定建康志丹陽辨

丹陽之辨有三一辨其字二辨其地三辨其治按西漢地理志字從楊東漢郡國志字從陽自晉至唐見於史傳者或爲楊或爲陽無定字也江南地志云郡國有赭山其山丹赤寰宇記云赭山亦名丹山唐天寶中改爲絳巖山丹陽之義出此山臨平湖湖亦以丹陽名今此山在溧水句容兩縣之間以此證之則丹爲山名山南爲陽故曰丹陽字從陽者爲是晉地理志於丹楊郡之丹楊縣注云山多赤柳以此證之丹楊即赤柳之異名字從楊者爲是二字各有所據世或疑之切謂古史字多通用如豫章名郡取義於木而字不從樟會稽名郡取義會計而字或從鄣豈容以今字之拘而疑古字

之通哉況柳之赤山之丹未必不互相因也丹山之有丹楊則因木取義宜也丹楊山之南曰丹陽因方取義亦宜也二字之通毋庸深辨而地則不可不辨耳蓋地之名丹陽者不一周成王封熊繹於丹陽乃荆楚之所始其地在荊州不在揚州唐地理志丹州咸甯郡有府五丹陽居其一此在關內道古雍州之域亦不在揚州也史記楚懷王與秦戰於丹陽司馬貞索隱云此丹陽在漢中則又屬梁益之州而非揚州也秦置鄣郡有縣曰丹陽漢改故鄣爲丹陽郡此實隸揚州也

山按其時揚州亦非今之江都

孫吳析溧陽以北六縣爲丹陽治建業亦隸

揚州自東晉以至於唐丹陽郡有分有合而皆隸揚州其名偶與荆雍梁益之丹陽同而其地實異蓋九州之域自禹而

分不可紊也如秭歸縣有丹陽城枝江縣有丹陽聚地皆屬荆北史中有封丹陽侯者數人地皆在雍於此無辨則丹陽見於史傳者多前之以彼爲此者未必知其訛今之書此遺彼未必不疑其略矣丹陽之地名不一固所當辨而丹陽之屬揚州者其治不一或者猶有疑焉漢志云丹陽郡治宛陵蓋今之甯國府也杜佑通典云以丹陽郡隸潤州蓋今之鎮江府也吳寶鼎中嘗割丹陽附吳興蓋今之安吉州也人多惑於三說遂疑丹陽之不在建鄴殊不知丹陽之名本出建鄴而郡治寓於宛陵者暫爾自建安以來丹陽郡治常在建鄴常以宰輔諸王爲尹隋以前未嘗改也夫置丹陽治建鄴者孫權也割丹陽附吳興者孫皓也平吳以後復吳興所有



之丹陽歸於建鄴者晉也平陳以後廢丹陽郡而置溧水縣者隋開皇也廢蔣州而復置丹陽郡者隋大業也以江甯溧水復置丹陽郡者唐武德也嘗攷潤州類集曰今之潤境舉丹陽地而唐以丹陽名郡何也蓋唐天寶以前唯有潤州未有昇州是時潤所領縣六江甯句容在焉二縣乃丹陽故地天寶初改州爲郡因以名之迨至德二載始割出二縣增以溧水溧陽建爲昇州而丹陽之名遂存於潤杜佑通典以天寶以前州縣爲定故載潤而闕昇後之作方志者曾不審此往往只據佑所書而在秦在漢皆繫於二郡之間誤矣又云漢元封二年改鄣爲丹陽其城在今江甯府東南八里卽漢丹陽太守及晉丹陽尹之所治隋平陳廢之平其城以爲田

大業初復置唐武德九年又廢之以其縣隸潤州天寶元年始改潤州爲丹陽郡又改曲阿爲丹陽縣皆非兩漢六朝之丹陽也又嘗攷諸縣治漢丹陽郡統縣十七秣陵句容丹陽溧陽江乘皆隸焉晉丹陽郡統縣十一建鄴江甯丹陽溧陽江乘句容秣陵皆隸焉隋丹陽郡統縣三江甯溧水隸焉其丹陽名縣於潤境者亦唐天寶以後也非兩漢六朝之舊也是不可以不辨

史楚世家熊繹居丹陽徐廣說在枝江縣又王子侯表江都易王子封於丹陽者曰湖熟侯封於蕪湖者曰丹陽侯山按枝江蕪湖者皆與郡內無涉史本紀二十七年過丹陽又史貨殖傳衡山九江江南豫章長沙是南楚也其俗

大類西楚徐廣注江南高帝所置江南者丹楊也秦置爲

鄣郡武帝改名徐蓋以江南爲郡名丹陽漢郡統縣十七宋書

太康元年分丹陽爲宣城郡晉志畧同太平寰宇記元狩

元年漢志作元封二年改鄣郡爲丹楊郡順帝改爲宣城郡又漢

丹楊太守本治宛陵吳志不言所在惟呂範傳丹楊太守

治建業而孫韶傳孫翊爲丹陽太守遇害孫何馳赴宛陵

則其時郡在宛陵矣其後或作陽作楊縣名山名湖名郡

名國名尹名二王法帖尉名瘞鶴銘丹丹陽尹聚訟不休矣又揚

州今之江都雖爲禹貢之揚州所治而江都實非治所也

自漢以來揚州無常治曾移壽春曲阿歷陽而建業爲多

漢末揚州之南屬吳者十四郡揚州治建業合肥以北屬

魏而揚州治壽春晉平吳仍移歸建業隋開皇徙治江都  
 唐武德二年置揚州東南道行臺治江甯三年以江甯溧  
 水置揚州六年以延陵句容隸揚州武德九年又徙江都  
 貞觀七年復治江甯楊吳徙江都南唐還江甯宋以後始  
 定治江都遂不復至今之治城矣

景定建康志溧水考

溧水一名瀨水在溧陽縣西北四十里前漢地理志云溧水  
 出南湖祥符圖經瀨水西承丹陽湖東入長塘湖蓋丹陽湖  
 卽南湖也嘗考其詳固城春秋時吳瀨渚縣案勝公廟記漢溧陽

縣治在焉隋開元十一年割溧陽之西置溧水固城在今溧陽縣界紹興中得後漢溧陽校官碑

於其固城漢溧陽故丹陽湖在其南故曰南湖溧水出南湖而

東縣在水之北水北曰陽故名溧陽自東壩既成於是丹陽  
 湖水不復通本縣界然古溧水之出於丹陽湖明矣今縣西  
 北有水源出曹山逕溧水縣界東流入本縣界合于永陽江  
 六朝事跡編及乾道建康志指曹山之水爲溧源非也元和  
 郡縣志謂溧水在溧陽縣南六里蓋唐溧陽縣治即今之舊  
 縣也溧水東流爲永陽江江上有渚曰瀨渚卽伍子胥乞食  
 投金處故又曰投金瀨自瀨渚東流爲瀨溪鄉民訛入長塘  
 湖一派東流爲吳王漕本志入吳漕水源出溧水縣東廬山東  
丹陽湖名爲吳王漕者楊密時漕真誥云夫至貞者萬乘  
連所行也或以爲春秋時之吳王不能激其民投金溧女是也陶隱居注云金溧女是子胥所  
 逢浣紗於溧水之陽者後既投金以報之故謂之金溧詳見

李白所作瀨女碑

又太山水源出溧水縣南流入固城湖經五堰東入溧陽縣三塔港又投金瀨在溧水縣西北四十里源出曹姥山經溧水縣界東流入縣界南流爲潁陽江江上有渚曰瀨渚又引吳越春秋云伍子胥奔吳至溧陽溧陽女子擊漂瀨水之上子胥跪而乞餐女子簞食壺漿而飲之子胥餐而去謂女子曰掩子壺漿勿令其露女子曰行矣子胥行五步還顧女子已自投於瀨中後子胥伐楚師還過溧陽瀨上長歎曰吾常飢於此乞食而殺一婦人欲報之百金而不知其家乃投金水中而去後有嫗行哭而來曰吾女年三十不嫁擊漂於此遇窮人舖之恐事泄投水而死故

號投金瀨史記云子胥未至吳而疾止中道乞食張勃曰子胥乞食處在丹陽溧陽縣唐書音訓曰投金瀨今潁陽江上伍子胥嘗乞食遇婦人舖之後欲報恩求之不獲乃投百金於此瀨上有正義女廟李白遊溧陽北湖望瓦屋山懷古詩云聞有正義女振窮溧水灣

景定志秦淮事跡

祥符江甯圖經曰淮水去縣一里其源從宜州東南溧水縣烏剎橋西八百五十里丹陽記云建康有淮源出華山入江輿地志云淮水發源於華山在丹陽湖姑孰之界西北流經建康秣陵二縣之間縈紆京邑之內至於石頭入江縣流三百許里又云秦始皇巡會稽鑿斷山阜此淮卽所鑿也亦名

秦淮孫盛晉春秋云是秦所鑿王導命郭璞筮卽此淮也又稱未至方山有直瀆行三十許里以地形論之淮發源詰屈不類人功則始皇所掘疑此瀆也徐爰釋問云淮水西北貫都吳時夾淮立柵宋元嘉中浚淮起湖熟廢田千餘頃梁作緣淮塘北岸起石頭迄東冶南岸起後渚籬門迄三橋以防淮水泛溢大抵六朝都邑以秦淮爲固有事則浚淮扼守今淮水貫城中東西由上下水門以達於江蓋水之故道也

景定志中江考

山按明李秦淮由天生橋入中江以運吳糧故附之

中江舊逕溧陽縣界古三江之一也今永陽江一名九陽江一名穎陽江在縣西北三十五里卽其遺跡案禹貢揚州三江旣入震澤底定岷山導江東迤北會於匯東爲中江入于



海前漢地理志桑欽水經皆云中江出蕪湖縣西南東至陽羨入海蓋自蕪湖逕溧陽至宜興入震澤以下海也唐開元十七年蔣日用作本縣城隍記云此縣南壓中江風波不借舟楫無施縣宰喬翔創浮梁以便行旅中江橋梁之設昉於此景福三年楊行密將臺濛作五堰拖輕舸饋糧

五堰遺跡在今溧水

縣界銀林雙河東壩之地

是時中江置堰江流亦既狹矣東坡奏議云溧

陽縣之西有五堰者古所以節宣歙金陵九陽江之眾水直趨太平州蕪湖後之商人販賣牌木東入二浙以五堰爲阻因給官中廢去五堰既廢則宣歙金陵九陽江之水或遇暴漲皆入宜興之荆溪由荆溪而入震澤時元祐六年也是時中江尙通其後東壩既成中江遂不復東惟永陽江水入荆

溪謾著其詳以見溧陽亦禹跡之所歷云

朱子明道先生祠記

山按郡志言先生有治赤山湖事蹟故錄此記

資政殿大學士建安劉公琪居守建康之明年夏四月始立明道先生之祠于學而以書走新安之婺源抵熹曰吾少讀程氏書則已知先生之道學德行實繼孔孟不傳之統願學之雖不能至而心鄉往之及來此邦屬邑之上元者先生少日宦遊處也考之書記均田塞隄及民之政爲多脯龍折竿教民之意亦備然問諸故老以稽其實則兵革變故之餘風聲氣俗蓋已無復有傳者矣始至慨然即欲奉祠以致吾敬使此邦之爲士者有以興於其學爲吏者有以法於其治爲民者有以不忘於其德不幸歲適大侵救饑之事方急於今

迺克遂其志以吾子之嘗誦其詩而讀其書也故願請文以記之既而府學教授孫君熹沈君宗說亦以書來申致公意且具道公始之所以焦勞而未及與今之所以暇豫而得爲者其語詳焉熹發書喟然仰而歎曰尊賢尙德公之志則美矣既富而教公之政則得矣屬筆於我公之意則勤矣雖然先生之學自其大者而言之則其所謂考諸前聖而不謬百世以俟後聖而不惑者蓋不待言而喻自其小者而言之則上元之政於先生之遠者大者又懼其未足以稱揚也吾何言哉於是伏而思之先生之學固高且遠矣然其教人之法循循有序而嘗病世之學者舍近求遠處下窺高所以輕自大而卒無得焉則世之徒悅其大者有所不察也上元之政

誠若狹而近矣然其言有曰一命之士苟存心於愛物於人必有所濟則其中之所存者又烏得以大小而議之哉區區不敏竊願以是承公之命庶幾於公之志先生之學兩有補焉又惟公之忠言大慮既已效於朝廷今雖在外而其所以救災而弭患者又如此其汲汲也則於先生之所存必有深感而默契于中者矣其祠之也豈獨以致其尊賢尙德之意使民不忘而已哉若夫推公之志而以先生之所以教者教其人使之從事於爲己愛人之實而無空言躡等之敝是則孫沈二君之任也與二君勉旃熹於是其有望焉耳淳熙三年夏四月丙申新安朱熹記嵩山黃銖書

韓無咎永豐行

丹楊湖中好風色晴波光漾口南北湖岸人家榆柳行風颭  
低昂似迎客繫舫並峙聊一呼老農指視官田圩長衫紫領  
數百輩見我羅拜長嗟吁政和回顧五十載官築長圩宛然  
在東西相望五百圩有利由來得無害官圩民圩奚所拘此  
地無田但有湖圍湖作田事應爾底用徹地還龜魚民圩不  
堅自招水水潦何常鎮如此官圩六十里如城削平爲湖定  
何理請看今來禾上場七百頃地雲堆黃縣官糶米三萬斛  
度僧給牒能商量我聞此語汗生面千聞不如目一見吾君  
神聖作九重輕易獻言誰復辯卻憶吳中初夏時畚插去決  
湖田圍雞驚上籬犬上屋水至不得攜妻兒無田赴水均一  
死善政養民那得爾寄言父老且深耕爲汝馳書報天子

是集不收詩詞卽不詠風月而實關考證者亦概不錄茲以永豐等二百八十二圩志乘不載伊始故亟錄之又溧水高淳皆有永豐茲當在江甯又建康志卷十四乾道四年二月四日詔所有永豐圩收到稻穀令淮西總領所椿管之云亦此圩也

楊萬里圩田詩

周遭圩岸繚金城一眼圩田翠不分行到秋苗初熟處翠茸錦上織黃雲

古來圩岸護隄防岸岸行行種綠楊歲久樹根無寸土綠楊走入水中央

圩丁詞 十解

江東水鄉隄河兩涯而田其中謂之圩農家云圩者圍也內以圩田外以圍水蓋河高而田反在水下沿隄通斗門每門疏港以溉田故有豐年而無水患余自溧水縣南一舍所登蒲塘河小舟至孔鎮水行十三里備見水之曲折上自池陽下至當塗圩河都通大江而蒲塘河之下十里所有湖曰石白廣八十里河入湖湖入江鄉有圩長歲晏水落則集圩丁日具土石槌蕃以修圩余因作詞以擬劉夢得竹枝柳枝之聲以授圩丁之修圩者歌之以相其勞云

圩田元是一平湖憑仗兒郎築作圩萬雉長城倩誰守兩隄楊柳當防夫

何代何人作此圩石頭土膩鐵難如年年二月桃花水如律

流歸石白湖

上通建德下當塗千里江湖繚一圩本是陽侯水精國天公  
勅賜上農夫

南望雙峯抹綠明一峰起立一峯橫不知圩裏田多少直到  
峯根不見塍

兩岸泓隄有水門萬波隨吐復隨吞君看紅蓼花邊腳補去  
修來無水痕

年年圩長集圩丁不要招呼自要行萬杵一鳴千畝土大呼  
高唱總齊聲

兒郎辛苦莫呼天一日修圩一歲眠六七月頭無點雨試登  
高處望圩田



岸頭石板紫縱橫不是修圩是築城傳語赫連莫烝土霸圖  
未必賽春耕

河水還高港水低千枝萬派曲穿畦斗門一閉君休笑要看  
水從人指揮

圩上人牽水上航從頭檢點萬農桑即非使者秋行部乃是  
圩翁曉按莊

大中祥符二年禁山勅

訪聞茅山界內祠廟寺觀之側樹木多有諸色不顧修法擅  
行樵採及放野火焚燒山林須議專行指揮國家方延景貺  
以祐烝民眷彼名山存於方志或仁慈所治或眞字攸依是  
爲降福之場允謂棲神之所故宜加禮敬答諸休貺豈可斤

斧斃臻樵蘇無節致嘉生之罔植使靈跡以何觀爰伸禁止  
之文用表肅恭之意今下昇州潤州候宣命到於茅山四面  
立定界止嚴行指揮斷絕諸色人并本寺觀祠宇主首已下  
自今後不得輒有樵採斫伐及放野火燒爇常令地分巡檢  
官吏蒼生壯丁覺察檢校如有違犯便仰收捉押送所屬州  
縣勘斷訖柳項令眾半月滿日疏放如斫伐數多情理難恕  
即仰收禁奏候指揮當行決配如是逐寺觀祠宇之外無有  
供燒柴山不是古跡之內久來留存樹木即仰本縣官吏與  
寺觀等主首同共指定界止堅立標記方得採取若是已有  
所伐延燒到樹行稀疏處亦仰隨處州縣勘定數目去處常  
依時栽種補填務要別無空闕即不得輒便搔擾仍將此宣

命指揮於寺觀門首及往來要路鐫石曉示知悉大中祥符二年奉勅如右

明南京工部尙書丁賓題准開濬河道疏畧

留都形勝鍾山雄峙盤踞大江以水爲脈城中舊有正支等河自水西門筏渡橋起進水西水城門西水關內下浮橋上

浮橋新橋南門橋

淮即鎮橋

武定橋文德橋至通濟水城門內東

水關西水關內大中橋復成橋延津橋竹橋珍珠橋新浮橋通賢橋北門橋之西潭止此爲正河又由陡門橋紅土橋乾道橋又由淮清橋四象橋內橋會同橋筮橋二水會合俱從鼎新橋倉巷橋望仙橋周家橋鐵窻橋水關出城是爲大支河又由東西長安門下流至白虎橋會同館橋烏蠻橋柏川

橋出正河是爲小支河又由後湖水閘從土橋浴賢橋珍珠橋出正河亦爲小支河又由十廟西門舊名進香河內新建橋西倉橋大石橋巖家橋蓮花橋出正河亦爲小支河其陡門橋淮清橋二水總至鐵窻橋之大支河包藏于正河之內其柏川橋出口者珍珠橋出口者蓮花橋出口者三小支河環于大河之外用以吐納靈潮疏流穢惡通利舟楫故居不病涉小民生業有資譬如人身腑臟居內有血脈榮衛以周流也若使血脈一淤則元氣底滯而身必受其病故河道之開塞所係良非輕也

康熙志云萬厯四十三年十一月允公請開濬于次年五月疏濬告成計支官費四萬六千有奇以故明季水道安

瀾人文蔚起本朝以來正河淺狹極矣支河壅塞更不可問如康熙二年八月間河水泛濫瀾漫閘閘覩湍流而追往績能忘前事之師乎但今昔時移勢異昔有存留經費今則餉用爲亟不能爲無米之炊昔有都水專官今則裁汰不復亦誰爲任勞之人然經費固不可支而今各戶以門面計濬河之工都水雖無專官而以街道兼水利之政事尙可行伏惟加意地方幸甚

韓邦憲廣通壩考

廣通鎮在高淳縣東五十里世所謂五堰者也西有固城石白丹陽南湖受宣歙金陵姑孰廣德及大江水東連三塔蕩長蕩湖荆溪震澤中可三五里頗高阜春秋時吳王闔閭伐

楚用伍員計開河以運糧今尚名胥溪及傍有伍牙山云左

傳襄公三年楚伐吳克鳩茲

今湖

燕

至於衡山

今程

鳥

哀公十五

年楚子西子期伐吳至桐汭

今平

建

蓋由此道鎮西有固城邑

遺址則吳所築以扼楚者也自是湖流相通東南連兩浙西

入大江舟行無阻矣而漢唐來言地理家者遂以爲水源本

通桑欽水經云中江在丹陽蕪湖縣南東至會稽陽羨入於

海前漢書地理志於丹陽蕪湖志云中江出西南至陽羨入

海應劭顏師古注溧陽云溧水出南湖後漢書郡國志蕪湖

中江在西孔穎達書義疏亦引漢史爲證蓋皆指吳所開者

爲禹貢三江故道耳後不知何時漸涇景福三年楊行密據

宣州孫儒圍之五月不解密將臺濛作魯陽五堰拖輕舸饋

軍故得不困卒破孫儒魯陽者銀林分水等五堰壩左右是也壩西北有吳漕水言吳王行密所漕也至宋時不廢故高淳易洩民多墾湖爲田者而蘇常湖三州承此下流水患特甚宜興人進士單錡探錢公輔議著吳中水利書以爲築五堰使宣歙金陵九陽江之水不入荆溪太湖則蘇常水勢十可殺其七八元祐中蘇軾稱其有水學并其書薦於朝詳具東坡奏議中時用事者方欲興湖田未之行也故永豐等圩官司所築無慮數十萬而固城石臼丹陽之間大抵多圩田矣宣和中待制盧襄奏罷湖田及言開銀林湖爲非切務於時田方屬蔡秦韓諸將相家及隸行宮不便塞河卒未行也乾道中周益公南歸錄尙謂由鄧步東壩銀樹可通舟至固

城黃池景定建康志及祥符圖經亦謂瀨水西承丹陽東入長蕩湖足可徵胥溪尙通云元伯顏攻臨安三道並進參政阿刺罕攻破銀樹東壩至伍牙山敗宋兵實出此道而河流亦就塞明興高皇帝定鼎金陵以蘇浙糧運自東壩入可避江險洪武二十五年浚胥溪建石閘啟閉命曰廣通鎮設巡檢司稅課司茶引所當是時湖流易洩湖中復開河一道而尙阻溧水胭脂岡乃命崇山侯鑿山通道引湖水會秦淮河入於江於是蘇浙經東壩直達金陵爲運道云崇山侯者李新濠人也初以建孝陵功封侯焚石而鑿之費油麻不貲石盡赤岡脊本易通有嚴氏者慮損其田以女賂侯故迂其路侯坐極刑死時洪武二十八年也文皇帝遷都於北運道廢



永樂元年蘇人吳相五以水之爲蘇常患也引單鍰議奏改築土壩增設官吏歲僉溧陽溧水人夫各四十看守自是宣歙諸水希入震澤矣而壩猶低薄水間漏洩舟行猶能越之正統六年江水泛漲壩大決蘇常潦甚國稅無所出周文襄楊賀一大集夫匠重築之欽降板榜如有走洩水利滄沒蘇松田禾者壩官吏處斬夫鄰充軍十二年賑惠等奏議復故河道勘行屢歲未決成化四年普施奏阻之十二年牟都御史俸溧陽知縣靳璋又議復常民張端又奏阻之大抵利寒者壩下諸郡利開者壩上也後車夫與商爭利於陸行正德七年給都御史俞諫以稅利乃令鎮江府通判齊濟舟督責增築壩三丈自是水盡壅高淳之圩田日就圯矣顧其時愬

辭往復在開壩未有言減稅者里甲傾敗其半嘉靖初宮保

李公充嗣奉勅行詢水利有白子俊者呈復壩河乃命應天

府治中周某通判呂某勘行開濬會歲歉止歐夏兩撫臺時

程儀鳳再愬之然意在通舟耳三十五年倭入寇商旅由壩

行者絡繹不絕沿壩居者利其盤剝復自壩東十里許更築

一壩即古分兩壩相隔湖水絕不復東今壩官及溧陽壩夫

俱不存矣蓋余他日按輿圖原本山川金陵地脈歷閩浙踰

東壩至茅蔣勢本聯絡秦漢以前高淳固魚龍之宅也自有

胥溪三湖東歸震澤民始得平土居稍稍墾湖田爲業宋時

煙火最盛今冬春水涸時湖中往往見磚石井階蓋舊民居

云自築以來水勢壅遏田漸淪沒多矣而賦額日增戶口視

前僅十之三則惟壩之故嘉靖戊戌覈田致虛懸米八千由  
今而後田之將圯爲湖者未有紀極也父老言湖底與蘇譙  
樓頂相平假令水漲時壩一決蘇常便爲魚鼈當庚申辛酉  
間大浸稽天淳民紛紛欲掘壩會下壩偶決溧陽宜興而下  
勢若懷襄有以聞於華亭徐相國階會知縣方沂入覲召諭  
重禁之余時在京師韓子曰廣通壩者所以障宣歙金陵姑  
孰廣德及大江之水使不入太湖者也自前代皆云中江故  
道近內閣王鏊記太湖以此一源最巨爲蘇常患而伍餘福  
著三吳水利論亦諄切言之嗟乎以蘇常湖松諸郡所不能  
當之水而獨一高淳爲之壑其至於洪漲而廢田也決矣而  
稅又弗損民何以堪之自蘇軾單錡之言行所以爲壩下諸

郡者甚善而未有爲壩上發明者余觀淳民之日耗且困於  
虛糧也作廣通壩考

山按石白丹楊二湖之水明初遏入赤山湖永樂間則止  
至天生橋今壩之左右又與昔時大異蘇常之患不由於  
此誠如江蘇輿圖說云大宜改籌定計也

句容縣令茅一桂咨訪水利議

議爲咨訪水利事宜以圖民生永賴事照得本縣王氣龍興  
神臯巨麗固國運之發祥而萬年之根本也但萬山環結鄉  
有高低其高者曦暘數日即如沃焦則憂在旱也其低若澤  
潦彌旬輒成巨浸則憂在潦也茲欲調停於高低二鄉而使  
田無旱潦之災世享豐亨之業豈終無一善策乎嘗按高鄉

北枕河口龍潭八十餘里不通舟楫本縣所需北貨車遷擔負力疲價倍又竹園潭至黃堰壩五十里而奇地勢凹凸水之盈涸無常合無相地置閘謹啓閉時畜洩則五十里間既無車遷擔負之勞又得積水灌溉之利此高鄉之當議者也低鄉謂本縣自北而東南竝高岡峻嶺其山水會同於秦淮一河西行五十餘里復逆折自北而西合流於三汊河上元界逶迤二百餘里始洩之大江西南爲赤山湖名雖爲湖其故時皆沃壤也水涸之時湖高秦淮數尺莽翳數百頃僅屬於牛馬之芻牧而不得其半菽之用夫水未有無瀦而能常聚者亦未有任其莽溢而不爲害者此湖形勢既高而自諸山發源以連秦淮復屈曲如羊腸伏秋雨積即衝射決嚙爲

田畝之災以故崇德茅山承仙臨泉等鄉十年之中而渰沒居五也今考赤山湖志前伐計築隄百二十里建二斗門以爲疏閉之節蓋所資灌溉之利益普今廢久半爲居民楹棟之所壓額不可復而獨秦淮以西蘇培牆以東相距數里若濬爲一河自可直達仍東西置閘防其壅涸且以所濬之土爲隄而從中經紀其陂池鱗次其塍隴其上腴者以播秔秣其稍瘠者以植蔴粟其道旁以樹棗栗其最窪者以蒔芟芡以蓄魚鳧因勢利導疇非華實之毛此在低鄉之可議者也蓋棄湖以待驟漲之水則雖江湖溟渤不能當漏卮之傾濬湖以導順下之流則雖罔象天吳不能當建瓴之下固事理所甚著者則又有疑濬河之役非日役千夫月靡千金不可

安所得經費而無庚癸之呼哉是豈不聞邊鎮屯田法乎合  
無募民願爲工者許以計工而即三倍給其田如能濬一丈  
以上給田十畝仍預給工食及畚鍤襍之費當必有星池  
作山疑川驚者總計河工約五千餘丈而隄下田不下五萬餘

畝一勞可永逸暫費可永利惟無間於浮言無隳於煩劇則  
句邑之甌脫皆爲隩區也已司馬長卿云非常之原黎民懼  
焉及臻厥成天下晏如也蘇子云三千年間無一人能興水  
利者其學亡也今日之水利誠非常懼然數年後必可獲晏  
如之福然本縣知其梗概未得其條目至其中有某地宜田  
某地宜塘夫役何起水閘何置則惠徼通邑之父老及鄉達  
賢豪之經濟悉心揚摧俯賜指南他時倘得變湖爲桑田以

施錢鋪旬民業且不朽本縣靦顏竊祿茲境而藉是稍道療  
曠銜感且不朽事于重鉅情竭丹忱傾耳箴規曷勝延竚  
茅一桂建黃堰闡示後議

竊按句容形勝於金陵爲左房背負大江接儀徵俯瞰溧水  
溧陽高淳三縣勢處最高而縣之北胄王山石龍洞亭子山  
崙山各有泉經流而南十里許至鋪頭地方匯成大溪爲竹  
園潭卽今秦淮河發源處也自鋪頭屈曲南行約五十里至  
縣東橋自東橋西南行十里至南橋自南橋十五里至黃堰  
壩又十五里至赤山三溢河入秦淮通大江皆大溪澗澗廣  
可七八丈深可二三丈居然一河也先是宋有居民許溱捐  
資起築黃堰土壩瀦積水利澆澳福祚通德等鄉官民田地



萬餘畝歷元至正七年與我明洪武十年俱給有告示尙存自黃堰壩以上至縣南橋可通舟楫民賴以灌溉自南橋以上八十餘里溪身高下相懸以故諸山水發即泛濫盈溢而開霽未浹旬則一瀉殆盡淺塞不通小民苦旱僅僅尺寸築土壩以蓄其水顧所留涓滴亦濟幾何往往水災之後卽憂旱魃職是故也本縣憑士民請宜略倣北隸潞河至京之制卽自鋪頭起至三汭河中間相度地形建閘三四重以時啟閉以蓄洩其水水勢甚開閘以聽其去水勢殺閉閘以捍其流則諸山之水不至一發而洩盡無餘縣自東迤北官民田地皆可賴以灌溉食貨田肥皆可便於舟行卽本縣之兌運本色米三萬三千餘石皆可由三岔河入閘水運至鋪頭起

陸以達龍潭倉省車腳費約八九十里石計一二斗溧水等  
四縣歲運食鹽三萬餘引由儀真渡江新河口起陸至鋪頭  
入閘水運至三岔河以達各縣亦省車腳費約八九十里計  
四錢零此其明效大驗也又於堪輿家之說謂句容之水有  
洩無收故民間財不聚而科第亦且落莫則閘建而通縣之  
水節節關防節節回顧有情不既兩收其功耶且河不假開  
鑿水不假穿引識者稱天造地設之利句容有焉士民之請  
建閘其畧如此

楊時喬重建東新閘記

天垂日月星辰之象聖人定以分至啟閉而四時順成地列  
山陵川澤之形聖人定以彊理經界而四方平成天地聖人

交成萬世永賴乃人猶以爲未盡豈天地體段有缺聖人功用有遺焉者時候與方推移方土與時變遷聖人耳目足跡未至不能不待後之君子而君子者因天地之故遵聖人成法不以己與智鑿若羲和治麻禹治水夫子上律下襲隨時相方合宜盡制亦萬世永賴又古今非常之業非一人計歲月可敘前君子善始後君子共終亦萬世永賴三吳開闢後爲荒服古聖人時未入職方禹治震澤三江吳泰伯芟土夜暴漲大雷亟禁火起閘以防蛟害成周始盛漢至今賦冠海內獨水患未改句容爲吳西金陵東巔脊間接吳兩丹金陵兩溧邑獨土嗇產鮮水患滋甚大中丞曹公勅兵全吳江海清平端紀考度水利底績常行部周知民隱八年開府其上

亟欲除害而登之利邑茅令君虛心布惠承德猷尙先勞預採楊張諸鄉紳曹胡陳諸士民合請啟聞曹公偕茅君登赤山武岐諸險阻得其形命工繪圖指事余來覽圖考事則知句容以地當兩巔脊間四圍皆山其形句曲而有容故名句容邑之山根即水源北境自武岐石龍胄亭崙諸山發源其流以岡陵危峻石骨或斷或續行險岸狹僅溝僅澗至鋪頭下竹園潭始會成溪四五十里經邑城東橋自東而南而西十五里黃堰壩南境自三茅巫金諸山會赤山湖三汊河會黃堰壩合諸派下秦淮經金陵通濟聚寶入江西南境接溧水壩下舟楫可通壩上驟雨水僅通西或南門立澗總之地勢高下分鄉南北自北而南勢似建瓴水一漲而沒則潑一

瀉而盡則嘆所病在農曰車運擔負薪米鹽貨所病在商兌  
運龍潭路阻難輸往南鄉圩田水從高淳達溧水界天生橋  
灌石白湖而句容赤山湖會秦淮諸水亦入石白湖南北朝  
宋明帝沈瑒築湖塘至唐麟德中邑令楊廷嘉因梁故隄復  
置湖塘及趙宋大厯中山按大邑令王昕置塘周百里立二  
斗門以節旱暵稱沃壤宜稻自隄開廢湖淤塞民據居佃又  
自高淳東壩築石湖逆流以赤湖爲壑湖底高岸窄無濟圩  
田鮮收所病在稅農商一以灌溉運肥饒給農一以舟載薪  
米鹽貨來商一圩田少獲轉輸從江兌運足稅一舉諸便宜  
集曹公亟諭天造地設爲兩岸居民之用時代人興一勞永  
利業經親履邑其毅舉先事東開餘以次建邑以達於中丞

操院耿公直指按院劉公江院朱公陳公屯院王公倉院蕭公督學趙公觀察陳公柳公京兆徐公皆名賢樂行論語在各案檄中於是卜吉議帑金數百石土高堅深厚如數建亭三間以王丞楊募董役數月成士民翕感此萬世永賴者名曹公開茅君以東方新起亭標東新士民合疏求假偶過此臥疴曹生等以舊邦欲記余見邑俗厚用儉可以嚮道茲曹公政成適直指學院趙公視學課藝敦行士習萃美夫子適衛樂其庶富教於茲親見乃地輿家言自此建置風氣聚俊傑生應期必然敬日望之竊惟非常業非一人計歲月長可敍今善始繼此勤崇隄圩種松柳宣淤洳如此闢制儻蛟猝漲豫啟閉以防衝突乃可久其要緒於北則余鄉先達徐公

九思令此嘗言東郊雨暴積居室浸田稼傷行旅滯將於鋪頭上下購民田開數湖每田濬溝渠分散水勢未果於南則曹公洞勘赤湖即宣洩更復居佃難言而隄閘故跡可尋而利導於西則茅君志議以秦淮一線難受合邑水當秦淮西麻皮東數里濬一河俾常瀦聚又防奔潰此皆隨時相方修此故全俟後君子余讀禹謨功敍勸以歌俾勿壞謹擇諸公文檄中語暨萬姓感誦歌謠諧諺叶成八韻其辭曰水環京西孰造設閘柱流中時蓄洩遠接天章維地脈近資灌溉濟舟楫形勝物華生俊傑俗淳財厚兼貢徹治斯居斯期樂業保之廓之卽功烈

開荒呈議始末事由

應天府治中龐爲權宜處置開荒田以充國稅以蘇民困事  
案照本職先任本府通判接管卷內准本府牒爲拋荒平米  
勘明折銀今改徵糧激民逃竄懇乞天恩復舊議祛新法以  
安黎庶事蒙巡撫副都御史夏案驗准都察院咨該江甯縣  
葛仙等圖軍民籍陶梁等奏前備行到府行據該縣申開勘  
過三里荒田緣由申府已該本府府尹戴參詳減免荒糧事  
宜呈蒙巡撫副都御史丁批開仰再從長議處停當呈奪此  
繳備牒本府通判張行勘問本官陞任又該本職接管隨經  
親詣所奏田所踏勘得三里田地拋荒數多議召鄰縣之民  
及三里葛仙等圖荒地者官爲助與牛種令其以熟搭荒相  
兼承佃牒府呈蒙巡撫副都御史歐陽批府再勘該府尹蔣



覆議減免十年雜差召民承佃開款呈蒙批允隨據民人溫如泉等告認給帖開墾荒田五百餘畝其未開荒田尙多無人承墾緣鄉鄰縣大戶置有本鄉之田以熟搭荒次及三里之民以熟搭荒又次及懸召貧民承種從厚處給又不得已乃用國初移民之法擇取有力者遷種專取納租圖易補足糧額此議似不可廢顧人心未即樂從不敢遽強惟念方春東作之期若不權宜處置設法得人翻耕將年復一年終無起色法有罪者充徒所以供徒役也故運灰運炭煎鹽炒鐵牽船負擔一應勞苦之事皆當爲之夫何今之所謂徒者止挂虛名全無實用其有力者樂於發站買免以家居貧難者苦於發站羈正法之初意也竊議以積弊無用之徒移之以

充開荒有用之役似無不可府屬驛遞見役徒夫如得允備  
本職卽當親身統領前至田所住劄不廢職事爲之經理調  
度至於牛工種子銀若干付領買牛其均給工食俱聽便宜  
從事牒府該府尹蔣參議覆呈處置開荒一節是皆本官欲  
足稅以蘇民困故增新於舊議此誠重本裕國之道有司當  
務之急節年任其拋荒計不出此今歲已漸開墾此議復行  
作三圖荒廢之田節次漸開百姓包賠之苦將來可免矣通  
行呈蒙巡按副都御史歐陽批開據呈足見本官奉公之勤  
任事之篤仰如議一一查照施行惟實心實行務底成績斯  
則無負本院拳拳期望之至意也巡撫御史劉批依議行龐  
通判隨宜幹辦務責成效操江僉都御史周批准取徒夫開

田總造取到日期名數册報巡江御史趙批以有罪之民供墾闢之役勞其力而不怨安其所而不致逃即其始之既有成效計其終而糧不虛賠經國足民之計良可嘉也徒夫依擬取用此繳行職通行府屬各驛遞弔取素知農業徒夫動支原議官倉庫銀稻置買牛具散給種食本職親住田所督率開墾當年將開過荒田收獲稻穀抵補荒糧緣由牒府該府尹蔣看得通判龐始而勘議周詳繼而躬親督率導招來之民撫恤安置指畫耕耘又調擺站之徒沿坵履畝風雨勞瘁起蓋草屋十數楹民有底止牽挽小册三四月心無限今乃獲報成實有裨於國賦竊念本官在任四年又經考滿懋著勤勞有此異政又不自以爲功似應優禮旌獎呈蒙巡撫

副都御史周批通判龐竭力經營煩勞不憚績效既成循良可嘉仰支課鈔銀六兩以禮獎勸新收稻穀抵納荒糧以鼓舞人心使勤於從事等因批府至嘉靖二十八年陞授本府治中前項田務仍舊兼督緣自嘉靖二十七年三月興工起至三十年八月終止共弔取過各驛徒夫五伯四十五名共開過永熟寶熟陳塏高橋大餘五圩荒田三千五百六十五畝九分八厘修築過圩埂三千五百二十九丈四尺挑濬過溝洫二千四百三十一丈五尺通計收穫過稻四千四十四担八斗二升七合四勺內將稻一千三百五十担給三里糧領遞抵年荒糧又五伯担給三里里排各戶易銀抵辦節年拖欠料價銀兩餘稻運貯本府常平倉易銀仍聽開荒之用

今本職陞授南京刑部山東清吏司郎中爲照所開荒田皆已成熟中間士大夫富豪之人多圖得之本職所以堅執不肯與者蓋以今三里之民抵納荒糧之故也若歸與富豪之家止爲一人之利其餘荒田荒糧必不肯替賠補何時得蘇已行督理開荒委官典史毛綱審訪各里民情令各自陳所見隨據申稱爲順人情以據荒田以爲永久事審據三里人戶各稱無力不能佃種又稱富豪不免遺累概願立莊召民佃種收租納糧免其差役似應俯順聽各里排將已開之田查莊甲下逃絕見存等戶原數推出立爲四莊鍋底圩改名永熟圩已開熟田三伯九十畝二分寶熟圩已開熟田九十畝九釐於附圩空地搭蓋瓦草房二十七間立爲北惠民

莊高橋圩已開熟田一千四伯二十畝五分七釐搭蓋瓦草房四十七間一披立爲東惠民莊陳塏圩已開熟田九伯五十四畝七分搭蓋瓦草房五十五間立爲南惠民莊大餘圩已開熟田七伯二畝四分二釐搭蓋瓦草房九間立爲西惠民莊又於各莊適中路口立爲公館以備主管往來宿歇督里耕事行令各佃戶照依民家納租之例如各圩田土好者每畝歲可收百斤次者七八九十斤今從其最輕將各田高下肥瘠田兼分搭大約每田一畝止納租稻六十二斤每莊推公正有力者爲莊總以提督一莊事務又與佃戶內推舉勤力丁力者爲莊甲以率領莊內各夫如遇收租之期則莊甲報知見年里長會內莊總估定豐歉分數催完且如豐年

每畝全收租六十二斤內扣二斤分給莊總莊甲各一斤以償其勞其餘六十斤內將四十斤交付糧長領抵荒糧餘二十斤收貯官莊倉房預備如遇荒年比照民懇事例減納不許一概取盈如不足許令呈官將倉房豐年聚積補給總額數不敷係本年糧里遭際自行賠納無致逼迫佃戶逃竄歲收夏麥莊總會同該年里長及本圩圩長見數登簿收貯公倉以待修築圩埂及修葺倉房之費就將此四莊之民立爲佃戶永爲公田不編徭差所給牛具住房之類如有老瘦損壞聽各佃戶自行易換無致損失傾圮如有此者行令賠償修葺或有復業之民聽其告官另擇高平田畝自行開種不許擅將已定佃戶用遂莊總會同見年里長備查本年收過

給存租稻及查過牛支數目呈報委官查考實民人溫如泉等自開田畝聽令各爲己業各照原額軍民科則自行納糧候十年之期已滿與民一體編差在此限由府呈蒙巡撫副都御史彭批墾田補稅而躬自勸率上下俱獲其濟除本官另行外所據議處亦多明備俱依擬行俟一二年後有未盡處再行潤色此繳巡按御史孫口批依行議繳

江甯縣主簿張忠

里排張銘堅 張牟亨 張滿廣 高得成 劉文

臧德旺 陸福緣 王勝祖 陳友貴 薛國成 陶得

春 毛喜二 張遇山 王興富抄碑呈府者六名 張

滿廣 毛喜二 王興富 張銘堅 陸福緣 張遇山



弼唐龐公惠民生祠記

夫治家者見其子之田之弗藝仰俯之弗給而轉徙也能不惻然於心而日夕思爲之所乎然居官者每視其官如傳舍而冀望陞遷焉爾求其視官如家視民如子者鮮矣奈之何民不貧且竄也而甚則聚而爲盜也有能推治家之心而子其民者則民罔有不安亦罔有不感而必戴之若父母焉嗚呼此惠民生祠之所由建也祠之建民戴我京兆治中南海弼唐龐公之德政也先是應天之江甯葛仙永豐二鄉田曠弗藝民累于賦役而竄者十之九父老以聞部下其議于撫院撫院下其議于京兆即未有能任其責者嘉靖甲辰弼唐公膺命判府事掌儲峙值災旱頻仍乃行部履畝父老遮道

陳情公蹙然嘆曰是豈田之無良也鄉之無民而弗藝也乃募召民之無業者給牛種授農具築田塍闢汙萊京兆尹東瀾蔣公復議蠲役十年而勞徠之僅得溫如泉等願墾五百餘畝公曰未也更圖之曰得之矣通變宜民乃法之良驛遞徒夫古之城旦春也乃今懸虛名而無實用矧有力者巧於賄免無依者斃於羈役無裨於法徒損於民曷若移之以治斯田乎乃請於撫巡諸院諸院允之而又貸帑貯以爲資乃冒赤日躬督率葺芟舍奠徒流巡隄程工旱禱于社見石爐純白曰亢陽之徵也墨之須臾黑雲四合而雨然未洽也公還府而大雨且出郊則蔑有雨及至田所則雨澤汪濊農夫欣欣然相告咸以爲異而民益奮旣而禾尾蟲結公憂復告

于社越日羣鷄集而食之數日蟲盡乃去是歲大有秋得穀千貳百石有奇請于撫院崐山周公即以穀給三里之民以示勸譽逮銓部庚戌擢治中督理益勤民亦益力闢治漸廣共成田三千五百六十餘畝分爲四莊各立舍倉又於路口適中之所爲會館以便繼此而督田事者立莊總莊甲分田佃給條則明悉用垂久遠歲可收穀二千二百石有奇以三分之二供常賦存其壹以備歉乏流徙者聞之漸歸請業而二鄉無不耕之田矣是非田之良於昔也鄉之有民而民盡其力也是非民之勤於昔也公之視官如家視民如子而倡率有方也辛亥公遷南京刑部郎中民懷公之德以惠民名莊分莊揭匾乃聚材鳩工議建生祠公聞力止之協瞰公考

最入朝協力子來不日告成先是諸邑尹江甯祝君朝用句容徐君九思溧水包君桐高淳黃君餘慶溧陽蔡公揚金謂公仁在八邑此其最著宜存載筆以紀其盛皆以遷去而未及舉至是溧陽尹鄭君一龍江浦尹侯君國治六合尹董君邦政句容二尹賈子中錫溧水三尹姜子從周往謀於上元尹袁君鑑礪石祠側屬府庠生劉應龍撰次始末而徵言於余竊謂公之惠民本之大學之道昔公講學於羅浮山中英彥雲集而出公之門者悉爲時名賢公出爲京兆卽以此學親民余獲數接緒論窺其精神心術之微蓋誠一無僞君子也故能視官如家而惠民感神動有明徵傳曰心誠求之又曰至誠而不動者未之有也易曰有孚惠心有孚惠我德殆

公之謂矣是役也江甯縣典史毛綱秣陵鎮巡檢沈邦憲醫官劉勳與有勞焉例得附于記末嘉靖癸丑八月望日賜進士第承德郎前吏部文選司主事溧陽史際撰

國朝劉著赤山湖水利說

按赤山湖即古之絳巖湖在句容縣西南三十里西北距上元縣九十里舊志載絳巖湖周廣百二十里四面皆岡而西北獨缺數里如門門之南聳然而爲蒼崖斷壑者赤山也赤山之麓磅礴方廣者二十餘里門之北蜿蜒爲平岡而止者爲竹巷爲下葛庵諸村之地門之內東涵大澤望之坦然而曠遠者赤山湖也後人因其水落之際近湖之濱皆圍築埵岸開爲膏腴今時就現在所存荒澤四面之濱計之西南則

有赤山稍轉而南則有三陽地盧亭起庵葛村金村圩諸村之地湖之東則有閘頭道士圩青城埠岡子上其北而西則有馬園里邵家邊毛家里諸村之地西北則有散岔老圍以塞湖口之內其寬廣尙六七十里上受茅山瓦屋浮山數百里之泉源雨水西北由散岔出湖口以會崙山五碁空青華山之水由句容城東而至者爲秦淮秦淮之北正當其湖下流之冲者則上元丹陽鄉之戴陽圍周子圍泥圍北山圍白米圍丹陽鄉在上邑東南之極邊賦稅甚多犬牙相錯於句容界內此諸圍不但東南受絳巖之冲東北受崙山五碁華山之冲而胄王湯山青龍諸山之泉源復自北由元橋土橋周郎橋而下繞於諸圍之內出水門於北山圍之東與赤湖

秦淮之水相會於赤山之西北而爲下散岔察其地勢丹陽諸園北起周郎土橋之下南抵赤山之麓東界秦淮西至北山而北山岡隴自青龍蜿蜒而至北山園內南臨淮水以抵赤山之麓若相環抱而爲門戶者然中含母聖張家戴陽北山諸園平洋萬頃方廣亦將百里卑溼低窪內外溝渠交錯而母聖園之勞猶有污池數里其荻蘆萑葦鳧雁鷓鴣無所不具蓋昔年丹陽之一湖也又其西南當下散岔之尾流者則泥園白米園白米園其大凡數十里其南與百丈園相接又其南與西則有山矣及西至湖熟則青龍岡隴直抵於河而有石橋阨之西岸之市塵煙火幾似城中爲上元清化鄉之地過此而爲園者依山傍藉不若丹陽鄉之一無所藉突

然爲圍於大澤之中以犯眾流之匯也及考舊志載夏駕湖在丹陽鄉則丹陽鄉諸圍之地即古夏駕湖之地無疑矣又載上元縣東有白米湖與句容下塘村接則白米圍卽古白米之地無疑矣古之上邑水患之所以不至告殷者以東南有此數湖以爲瀦水之澤今則夏駕白米已爲西成東作之區而赤山一湖又復大半侵佔則此數圍之中有時田廬漂沒泛漲秦淮以致延及各鄉者是豈水之咎哉夫愛一時盡地利之虛名以與水爭地而貽他日之水患又豈獨上元之一邑爲然哉今之最可慮者倘再以赤山所存之荒澤愚民貪一時之利盡墾爲田使數百里之泉源無所瀦蓄以緩其勢則其水患必更有烈於今日者矣若鑑今日之害而欲廢



膏腴之產以還夏駕白米之舊其理則善而其勢必有所不能若及赤山湖之尙存加以疏濬使水就下而民患亦可以稍紆然抑有難言者竊考赤山一湖其東北至西南長幾二十里西北至東北亦六七里湖之乾涸等於平陸無淺可撈非開土方無由濬之使深開方之法准河工之例開立方方一丈者其工價一兩一錢開平方方一丈而深一尺者價銀一錢一分每立方見方一尺者價銀一釐一毫且無論土歸何處今姑就開方之價計之每立方一尺動支一釐一毫開平方方一里深一尺者每一里爲積三百二十四萬尺方需工價三千五百六十四兩矣今於湖中自東北至西南若開深一尺長十里闊五里之方此則五十分之一耳若開方長

十里闊三里者此則三十分之一也若開方長五里闊三里此僅十五分之一也如此一湖開方長五里闊三里而深一尺雖暗者亦知其無益況再減而少之乎然其工價亦已五萬三千有奇矣此又濬湖之語不易言者也夫廢產以還既往之湖勢既有所難行傾資以濬現在之湖又力有難給則惟嚴禁湖中之墾於老圍新圍之外免其賦稅復存荒澤詳請具題永禁爲例以爲鍾水之地庶讓尺而水得其尺讓丈而水得其丈以廣抵深較之開濬爲行所無事其亦今日補救之一法乎至城中水患內則視乎秦淮之宣塞外則視乎江潮之枯滿使其年江水不漲秦淮之水雖盛無患也倘其年江水盛漲天雨又復浸淫內外輻輳雖有智者無所施其

巧矣其利害之故非盡在上源也

按劉著字元恭武昌人後改名湘燿爲人慷慨有志略多材藝其麻算之學受之宣城定九梅公又精地理農田水利諸家

劉著郡城內溝渠考畧

城北之河起乾河沿東行至北門橋而紅土山東永慶寺南之水自豆菜橋東經高家酒館大街北折經居民園內穿花家巷橋又穿韓家巷橋北經民居又北穿陸家巷橋經民居而北由饅頭橋入焉東過北門橋至蓮花橋而進香河之水入焉又東過通賢橋而紅土山東南之水自小五臺園上東傍諸塘由園上經管家橋穿街又經園上小橋則水漸大如

渠東經民居由糖坊橋穿高井大街又經民居直至沐府西  
 門之內始出街經小石橋折而南循小紫竹林之街而東又  
 至橫街舊有小橋修街者毀之其流遂斷轉而北折山塘邊  
 經上乘庵後牆之外繞庵北魚塘又有小石橋穿街東北數  
 十步即馬家橋而中爲塘堦所阻至馬家橋則北流循香鋪  
 營街之東穿過數小巷直至雞鵝巷街南又折而東經民居  
 由觀音閣後亦經民居東出小巷而網巾市北大倉園石版  
 橋之水由園上經如意橋入焉東又經民居至大椿樹而入  
 楊吳城濠又稍東而制府署後諸小巷之水東北由查巴塘  
 黃家塘華嚴庵北流經石婆婆廟右入焉又東經竹橋而滿  
 洲城有水自小閘口入焉卽古之所謂青谿也又南經西華

門橋復成橋而倭緞堂東之水由倉前入焉又南而舊大內五龍橋之水自半邊橋入焉又南經大中橋而南流注於秦淮此縣境在北之水也其在南者以運瀆爲經自內橋西過鴿子橋筮橋分爲二支一支由乾道橋南流於江甯界至陡門橋入秦淮一支經鼎新橋西經倉巷橋而王府巷南朝天宮前之水入焉又西經望仙橋而古城隍廟西之水入焉又西經張公橋而石城門東冶城山之西之水入焉自內橋以西其流皆甚短而地鮮積潦其水皆隨運瀆而西出鐵窻橋以達於外河自內橋而東則水東流而鐵塔倉山東之水自董家橋穿街東經園上循豐富巷之南面東流又穿兩小巷於民居內東穿高井大街之漾米橋而王府巷東北葉家橋

以東之水皆會焉又東循明瓦廊而東或出街外或入民居  
又東穿白堦大街之北首入民居又東出園上沿途阻碍穢  
惡不堪而新街口南之水至破布營東與之相會又東而南  
由園上經永安橋又南而東入民居經小宰豬橋又經園上  
循羊皮巷街南而東入民居東穿盧妃巷大街經大虹橋而  
東而老王府之水東南流至大街循大街南流在民居內將  
至大虹橋之水合焉自虹橋東流循戶部街南宰牛巷北皆  
在民居之內東流而土街口東南之水及郵政街內之水則  
由鐵湯池東南穿街經諸塘又穿街經龔家橋又穿街經諸  
塘而東南至戶部西小石橋穿街而南入民居與虹橋之水  
合流而東出宰牛橋雖小而水長盈至橋東而黨公巷之

水自北入焉又同入民居南流經王景亮官房之內南出至書院後而五聖堂小橋之水自西入焉又東流抵花牌樓大街循街而南經民居出街循書院東牆而南而制府署前之水則由離子巷大陽溝之五老橋南流經壽星橋再南穿常府大街順街西折入小巷經小橋西南九蓮塘又西循倒回子巷順巷而南經倒回子橋又南經下衛橋經大塘西轉由蒼橋而會宰牛橋之水於書院之東合流南經錢廠橋而西南繞書院前經六水橋而西方庵北之水由通忠橋循龍王廟西而南經大塘又傍民居之後而東流會於六水橋之西合流南經娃娃橋此蓋古之護龍河久而湮者也至娃娃橋南而細柳巷欄杆橋之水西流穿花牌樓大街而西傍興隆

庵東而南而西由三山橋西出會於娃娃橋之南沿途壅塞亦甚又合而南流至縣治東而西方庵南之水與鬼臉營之水穿縣治東北之圍牆東出而會焉又南流經昇平橋而入古城濠東南流至銀定橋而王府塘八府塘之水自北入焉又東南流至淮清橋而入秦淮此皆上元城內溝渠之最大者

劉著上元水利論

上元地脈自茅山北行至句容東北起崑崙山西起五棋山五棋山西起華山華山之水南入秦淮北入大江華山之壤脊西走巖山西南落平起胄山左落一支南結句容縣治西南正行一支起孔山誌稱爲雁門山雁門左落一支西北經



上元長甯慈仁二鄉之地起棲霞山雁門復折而東南爲上元神泉鄉之地起湯山湯泉出於山之左其水東南經上元泉水鄉之地而入秦淮民多截之以資灌溉湯山山右之水南流由孔山西經上元長甯慈仁二鄉之地由棲霞而入大江湯山東南起大城山大城山南爲青龍山青龍東南行一支至上元之鳳城鄉爲淳化鎮又西而南行者爲彭城祈澤諸山其居中最長而南行直收秦淮者爲方山方山左右爲上元泉水惟政二鄉之地其水皆南入秦淮青龍復折而西爲武岡山武岡埂脊北走亦與青龍山接又與孔山相接而煤井灰窰多在焉武岡西落平岡由麒麟仙鶴二門之間而西南起鍾山於平岡未起鍾山之際北發一支則起臨沂木

廬衡陽以及九邊十八庫諸小山此山之水從右發源自麒  
麟仙鶴二門之間與武岡分界北流者則由棲霞入江從左  
發源與鍾山分界者則由華家橋出大水關自觀音門西入  
江麒麟門南之水武岡與鍾山分界者則由滄波門上方門  
而入秦淮鍾山西南埂脊從太平門城角入城止於明之故  
宮西分一小支則爲覆舟山鍾山北落行大支則起蒼山又  
西北起三塔寺山即大壯觀山南盡於元武湖又西北由捨  
兒岡起北固山即幕府山又西南入城則起盧龍山又南則  
爲清涼冶城諸山東分一支則爲雞籠山復與覆舟山相接  
諸山繇互圍繞而成後湖後湖之水則由雞籠覆舟之間從  
牖口入城南經珍珠復成大中諸橋而南入秦淮爲青溪之

西雞籠與冶城南結江甯府治而盡於秦淮與大江之交此上元之大勢也

一說此考所云雞籠覆舟皆循俗說又不知北水關即潮溝之源事出人鑿地脈本由此西達石頭以至盧龍而止盧龍之東乃古北湖入江之道盧龍地脈與幕府不通也顧文莊城內外諸水考

江甯自秦淮通舟外惟運瀆與青溪古城濠可容舴艋青溪自淮清橋入至四象橋而阻運瀆自陡門橋入西至鐵窻櫺東亦至四象橋而阻以河身原狹又民居侵占者多易爲湮塞也頃工部開濬青溪運瀆其意甚韙然此河之開僅城中利搬運耳若郊外諸湖湮塞既多秦淮源遠而受水復眾溯

秦淮之發源一自黃堰壩而東上抵句容之南門一自方山東南上抵溧水其諸水相灌注一支繞方山東面上抵彭城山一支自張山上溯金陵鎮過馬家橋抵橫山一支西抵後乾橋一支西抵陳墟橋一支自上方門外小河東歷高橋門抵滄波門郭內一支自澗子橋南上至天界寺此皆可以行舟而爲田地侵蝕遂多狹窄且易淤墊伏秋水漲處處梗咽蓋溧水溧陽句曲諸水惟一秦淮爲之尾閘夏秋九潮盛大上壅下泛無支流分洩所以近年江甯時苦水而鄉間尤甚正坐此耳若當事者肯議爲挑濬或令傍河有田者計其畝數幫出工值委兩縣官分程督濬功成之後不但支流分派水無汎濫之憂而往來搬運舟航所至省財力無限關係國

賦民食者非輕此當首宜講求者

顧文莊續水考

余前會言城內外水利因考金陵新志載東南利便書曰建

康古城向北秦淮既遠其漕運必資舟楫而濠塹必須水灌

注故孫權時引秦淮名運瀆以入倉城今陡門橋以北一帶

開潮溝以引江水今北門橋至珍又開口瀆以引後湖又鑿

東渠名青溪皆入城中由城北塹而入後湖此其大略也自

楊溥夾淮立城今自通濟門起西其城之東塹皆通淮水今

濟門外上至其西南邊江以爲險然春夏積雨淮水泛溢城

中皆被其害及盛冬水涸河流乾淺在今日正與宋無異宋

隆興二年張孝祥知府事奏秦淮流經府治正河自鎮淮今

橋門新橋入江其分派青溪經今洞神象橋一後一段自天津橋橋今內

出柵寨門憲今橋入江宋時水西旱西二門外未有土也石城

下卽臨江柵塞門近地屬有力者因築斷青溪水口創爲花  
圃每久雨水暴至則正河不能急洩水勢于是泛濫城內居  
民被害今古潮溝青溪運瀆河身皆爲住民日久侵占堙塞  
不通故水患正與此類今欲復柵寨門使青溪逕直入江則  
城內永無水患及汪澈繼孝祥知府詔澈指定以聞澈言開  
西園古河道通柵塞門尤便從之戚氏志云秦淮水源甚遠  
小川流入者眾又古來貯水湖衍後世築爲圩田日多每夏  
雨暴至江潮復涌水卽泛濫皆經流域內一河入江自源及  
委所過不計幾橋凡遇一橋皆爲水石岸堰束扼及居民築

土侵狹河道故水失其常橫流弗順是以必資柵塞門河

內今

橋以西至鐵窗橋

及長干橋下河

外今南門大橋

分洩其勢其關於國賦民

食者非輕如云通便舟楫則是小事自前如孝祥所言止謂城內被水然多不過數日卽退其害亦輕若觀鄉外圩田始見其害可畏耳上元江甯溧水多賴圩田每遇水至則舉村闔社日夜并力守圩辛苦狼狽於淤泥之中如遇大寇幸而雨不連降風不涌浪可以苟全一歲之計其爲壞決則水注圩中平陸良田頃刻變爲江湖哭聲滿野拏舟結筏走避他處國賦民食兩皆失之是皆水不安流之故耳其言城內外水患最爲明切痛快與余前言郊外水患合第今諸湖旣難議復惟濬支流一節稍可舉行是在有地方之責者亟議水

利耳

康熙溧水劉志溧水說

溧水春秋時屬吳名瀨渚邑城曰固城

圖考云固城吳所築其址在今高淳之南

舊志曰

亦明志

正德嘉靖二志皆云溧水者瀨水也吳音譌瀨

為溧耳溧陽之名以其在水之北

水以陽北

而溧水又析於溧

陽名遂因之也議者為溧瀨相懸譌至是耶按春秋魯昭公

四年楚伐吳遂滅賴賴即今之瀨也公羊穀梁二傳並以賴

作厲厲則去溧甚近而譌之易矣人知賴之不能譌而為溧

而不知其固嘗音厲矣由二志未詳耳

前漢地理志有隨縣

賴地篇又有厲人厲皆音但二志之說莫考其何自來諸史及

他書皆不載而史記伍員傳註有溧陽則司馬貞竟音溧為



栗矣豈自昔已譌之耶自昔譌之則二志何從而正之耶又前漢地理志溧陽應劭註云溧水所出南湖也今宣城有南湖若應註指此則以賴爲溧者大謬矣應天溧陽二志皆述應註爲證而因省其所也二字而解愈晦應註本以溧水所出四字根上溧陽爲句南湖也三字自爲句其義謂溧陽有溧水即南湖也若竟云溧水出南湖則所也二字何義應天志云溧水亦名賴水似與二志差近矣而又引南湖證之莫究其旨至於溧陽志則直指高淳遊山之北有二峰原名溧山水經其下而南流入湖者爲溧水溧陽舊縣正在其北而縣名實起于此其說又若強合應註以正二志之譌耳而在應註亦未嘗謂溧水出而入南湖也若果水以山而名則凡

稱溧者宜以山水並著矣何司馬貞史記索隱及杜祐通典皆指溧爲水名晉史及前應註皆云溧陽溧水所出而概不及山耶又謂溧陽至唐方徙于賴而其始固在固城名無取于賴也則固城獨非春秋時瀨渚邑乎而其名又何取耶及考南湖又未嘗有水從溧山來者即有之必湖中一細流耳何足取以名縣而爲諸家代稱之戰國策范環有云南察瀨湖則賴在當時亦嘗稱湖矣賴與南湖皆去固城百餘里而遙而亦在固城之西則應劭所指南湖者未必非瀨水也而司馬貞之音粟或但音溧一字之本音而他未暇詳未可知也賴之名甚著于春秋宜乎秦以此名縣而後亦以此稱縣且秦之設縣於固城者仍瀨渚邑之舊址耳址仍其舊則名

亦仍其瀨而已皆未可知也正不必如二志所謂縣在瀨水之北而始名賴陽也意者如前所謂溧卽賴也賴嘗作厲厲訛爲溧云云似有可信者然吾終莫考其何自來矣誠未敢臆斷始詳諸家之說而稍酌之以備後考云

舊志特著邑名爲一則甚無謂

他志多無此例故今附邑紀首條之下

志又云溧水瀨水二名同實舊志辯之晰矣然卒莫詳其義之所由起也考瀨之釋義則水流沙上也溧者水之凜栗而流下至急也今觀溧之水東由廬山西直達於秦淮不少停蓄春漲而冬涸其勢浚而勿緩則昔之命名殆取斯義也歟要亦意之云爾若春秋曰平陵陵平則因山而名之或曰永平或曰永安或曰高平廢置不長于義無可

原也

陳志山川論

文莊諸水考謂城內支河淤塞久雨泛溢民間受害宜從天津橋出塞柵門則直瀉易退不知青溪必與秦淮合襟繞南出三山門外水關方環抱有情故內橋以南得環抱力大出橋以東得合襟力乃富貴輻輳而各衙門峙焉明高帝經營大內集天下明堪輿者效謀卜築經營豈猶未善再考古建鐵窗櫺時水固易退而秦淮一帶不過洲渚相滌黃蘆白蔣之鄉其明驗矣然則今城內支河當濬鐵窗櫺必不可開或非無據也愚不揣妄言莫若於鐵窗櫺三山門水門各設壩一道若久雨城中湮沒暫開鐵窗櫺分泄水勢少退即閉以

固其氣三山水門貼城牆築壩一道立禮樂射御書數六版以觀水信水及禮樂版則枯涸矣水及射則低田沾足矣水及御則高田亦可桔槔矣水及書則低田澇矣水及數則高田亦澇矣立十尺之地而四方數百里水勢如在目前視其高下之準以爲遠近疏通開鑿之功不亦善乎若冬日水落即閉壩蓄水以通商民販載往來之事則城中血脈流通而諸病或可不作矣宋蔡君謨引水繞闌宮山後莆中人物遂盛近常州鄒之麟築文成壩遂科第蟬聯甲天下由斯觀之水何可無情直出哉

程綿莊開秦淮通丹陽河議

朱子謂岷山之脈一支南出而東北盡於建康其自西折而

北則起新安之黃山而南自績溪甯國廣德建平溧陽北至  
金壇起茅山又北逕丹陽句容至鎮江西南向金陵以起鍾  
山長山駒驪府鎮江山諸山之水皆東匯於丹陽之練湖茅山以  
東之水皆匯於金壇之長蕩湖而自句容以西則其水無不  
歸於金陵以西入大江山脈界於南北水源分自東西此天  
地之性自然之勢也秦淮一水發源於句容之西而西北流  
入於江此自開闢以來未之有改今進言者曰秦淮本自句  
邑之三台閣而東匯於丹陽之香草湖又東北入江以西流  
之水爲東逝之川歷稽載籍未見所據若信有之則自茅山  
以至鍾山其脈必皆能飛度而後秦淮之洞貫穿穴乃無所  
不可有是理哉說者謂出三台閣之東二十五里而至掘河

此秦淮之舊迹又曰掘河者秦人之掘處也按邑志有掘河之名不詳所自其字則不作掘而作堀郡志又作堀然則謂秦淮掘此以成河者其傳會鄙俚不待明者而後見矣且彼旣曰秦淮之正流而又曰始皇之所掘自相矛盾在己固無定見而欲天下信之其可乎蓋爲此說者但欲導秦淮於句邑之東而誣以本自東流不知水可誣而人不可欺也建康志云秦淮水有二源一發句容之華山南流一發溧水之東廬山北流合於方山埭西經府城中至石頭城注大江輿地志元和郡縣志祥符圖經竝同皆無東匯之說又按句容縣志首列縣境之圖而識之曰句容大水西歸金陵又有三台閣圖而復識之曰本邑隨龍大水內小水俱匯於閣右繞元

武向西歸秦淮使此邦之人視其水之東西誠無關於輕重之數則未必三致意於此矣然則今之輕議開鑿者不獨有害於金陵亦非句邑之利也然猶可諉曰此形家之言也今使百萬之金錢可糜山陵之當道者可鉏百姓之冢墓田廬可毀開鑿深廣如意所欲某猶以爲不便請試言之句容金陵之有河也皆以夏秋之間山水時至非若淮北之運道有昭陽駱馬諸湖與濟汶七十二泉之灌輸也以地勢論則句容高於丹陽十餘丈高於金陵亦不下十丈當春水未生與霜降水落金陵之地有舟楫而無所施況句邑乎十丈之高開未及半山水暴漲層堰累牯猶或通舟然不待霜降已先秦淮而涸矣若開至十丈與秦淮等其深亦屆秋冬而必竭



矣是此河一歲之中通舟楫之日少而廢舟楫之時多也又  
奚賴焉或謂河開既深則東西皆得江湖之助按自金陵至  
丹徒內地之勢俱高於江故鎮江漕渠最易淤淺無歲不濬  
而金陵則河流視江水爲消長大都河未枯而潮已縮故惟  
夏秋之際江漲潮盈乃能有資於河而謂東西達江則終歲  
可以通流亦未爲明於事情者也況旣曰深通則水性就下  
設夏秋之間山水四發河流瀾漫外挾江潮直瀉而下莫可  
止遏雲陽毘陵以東地勢尤卑必有陸沈之患而金陵句曲  
亦有竭澤之虞當此之時孰任其咎說者云孫吳六朝嘗開  
句容中道至雲陽西城以避京江之險未之聞乎是前事之  
師也噫彼偏安一隅爲無聊不得已之計固有然者今方

聖明在上梯航萬里海不揚波乃驚畏險阻於門庭戶牖之前何所見之不廣也江自岷峨而下何在不險能於岸之左右悉開一河以避之乎邇來上自金陵下及京口百八十里之內洲渚叢生港汊錯列在在可避風濤所謂黃天蕩者半爲葭葦之場江之不險又莫此爲甚矣且此江東則直達海門西則控引荆楚南岸上自慈姥浦下至下蜀港北岸上自浮沙口下至東溝濱江津要以數十計皆盜賊之所窺伺也墩臺瞭望櫓比鱗次以衛行舟而賈舟客舫絡繹往來亦互相警察今盡驅入內河則二百里之天塹必爲荏苒之藪其險之可畏有倍蓰於風濤者不是之察而猶自矜廣濟之略多見其不知量也說者曰水之泛濫民之昏墊是亦有心地

方者所宜加之意也夫句容一邑凡澗溪之可名者無不歸於絳巖湖以達秦淮絳巖湖自孫吳下及宋明代修隄堰置斗門蓄水以資灌溉近日居民乃悉占爲田湖之存者無幾矣秦淮源遠而受水眾今鄉間諸支河旣爲民田侵蝕日以湮沒城中則正流淺狹而支河澱淤有夷爲平陸者水潦爲害職此之由今不知復絳巖疏秦淮以瀦以洩而以通丹陽爲得計猶人之病在脾胃而欲奏功於喉舌也豈不謬哉自隋唐以來千數百年未聞持此議者近乃有無知之商賈郊野之細民勦爲是說而好事之徒從而和之巧言如簧冀以煽惑當世求非常之功乃於先賢則爲刺繆於古籍則爲無徵於事理則爲乖舛詳究終始無一可者某學識疏淺何敢

論列是非獨念金陵冠冕南服本諸山川之靈懿使可任情  
開鑿則古之建邦立國者何取於相陰陽觀流泉哉況此千  
數百年之中豈無命世之君子奮然爲民興利考其所議唯  
在於修赤山之塘濬秦淮之支而不聞襲破岡上容之餘智  
者何也彼固知此河之開而必廢有損於財而無益於民者  
也尙書曰無稽之言勿聽弗詢之謀勿庸敢私議之以待採  
擇

句容令宋楚望周干圩記碑

竊照句容縣大南門外百丈圩內外居民一十八村計田一  
萬百餘畝圩埂二十五里西北地勢畧高民住圩外舊制有  
乾元亨利貞五牖名曰上圩東北地勢漸低民居圩內舊制

有文行忠信四誦名曰下圩其圩埂即照村數分作一十八段各照各段承修自明朝丁操江令句時定制迄今百有餘年無異當年原派段落丈尺雖有長短不齊乃因埂地有高低之殊工力有難易之別相隄分修均勻畫定舊制原屬公平後因富戶買田契內多不受埂賣者得利多金買者圖免後累及至修築之期得業者以契內無埂爲推失業者以無田焉能修埂以致構怨訐訟案牘盈几莫可底止不但圩務日荒而已分之家產且由此而蕩費此固愚民無知好訟而實因法度不立旣無以懲其前此之貪又無以定其將來之局遂致釀成莫解之患耳前年下圩與上圩民等控府批縣本縣兩次親歷該圩查勘照依原定段落界址逐細丈明查

核清楚訊出買田遺埂致訟根由合圩人等俯首無辭各願遵照舊制段落公築公修竝各具遵依詳府結案惟是立法不出萬全終難免豪強兼竝章程務期永定不致日久弊生本縣查看該地情形訪之老農詢諸圩長利於埂者興之害於埂者革之勞逸均平緩急有備奮其力之能爲求其法之可守者擬定十八條復又傳齊上下兩圩圩長竝各村農民令其公同當面逐條細閱恐其中猶有未備之良法抑或有利於彼不利於此者不妨斟酌面稟卽行改正一時俱各死心踏地咸稱盡善悉願永遠遵行再不搆訟竝又各具遵依送案隨又引諭以鄉田同井出入相友守望相助之義同圩即無非同井之道將來不但訟息民安漸可風移俗易而且

一圩如是則一邑之圩未始不可倣照行之即不僅一邑之圩亦未始不可增減損益而行之也乾隆五年知句容縣事宋楚望記立石

呂志運瀆考

運瀆在上元江甯之境建康實錄吳大帝赤烏三年使左臺御史郗監監鑿城西南自秦淮北抵倉城通運於苑倉按六朝運道遠自方山即沿淮以入故梁天監時自石頭至方山運瀆總二十四渡爲浮航往來也今城中之瀆特自淮達苑倉之路耳然其故道已不可決知今考驗今形而略證以唐宋人所言如後

今自篁橋西南過南北乾道橋 建康志引建康實錄云運

瀆在西州之東今筮橋西南流入秦淮乾道南北橋河是也  
按如實錄所說則運瀆起自筮橋既非引淮北流又非如金  
陵事實所云引江水而成者不知筮橋以北所引爲何水及  
觀其說潮溝云潮溝東經闔闔西明二門接運瀆又云其溝  
東頭已湮塞纔有處所西頭則現通運瀆乃知運瀆所借乃  
潮溝水耳古潮溝之水蓋分兩派其一由城外入青谿志所  
謂鑿東渠通北塹者也今自浮橋入楊吳城濠之水是其一  
由宮中通運瀆實錄所云關城北渠引後湖水流入新宮齊  
書所云後湖水頭經過宮內致帝疾者也今其道久湮計在  
唐時此水猶在故實錄以爲現通運瀆然則此水之上流可  
決矣建康志云珍珠河通護龍河至太平橋即筮橋也此水



正當爲潮溝蓋陳人一時戲以珍珠名要自陳前已有是水  
建康志不能分別而兩載之其舛謬往往如此然幸其言存  
猶可知宮內有河而其河正通於運瀆於實錄可互證也自  
唐以後潮溝湮塞故運瀆無源今所存瀆與淮近者藉其勢  
猶有時爲溝澮之盈而篴橋之下淮雖漲水不得至焉亦足  
以明其地勢矣 至斗門橋入於淮水建康志其水東行過  
小新橋而南經斗門橋流入秦淮按小新橋今名鼎新橋俗  
呼又名七家橋斗門橋則仍舊名 自篴橋而東北轉至大  
市橋與護龍河合大市橋即宋之西虹橋也今俗呼羊市橋  
護龍河詳淮水下 又東至內橋與青谿合建康志其自閔  
駕橋經天津橋而東者合於青谿按閔駕橋今名景定橋俗

呼鴿子橋天津橋今名內橋 自筮橋而西經倉巷望仙諸  
橋直抵西城循鐵窗櫺而出

按今運瀆之水自筮橋轉至斗門橋者已畧見於建康實錄  
雖未必孫吳故迹要自唐時已有其道自景定橋至內橋者  
見於建康志此或是宋時所鑿未可決知至於倉巷以西至  
鐵窗櫺亦自宋時有之而不可知爲何水建康志云崇道橋  
在天慶觀東武衛橋在天慶觀西舊名望仙橋皆不言其跨  
運瀆嘗考六朝之史每連言石頭倉城則倉城必與石頭相  
近度其地正當在今旱西門內冶城山左右地沈休文宋書  
自序云王父從官京師義熙十一年高祖賜館於建康都亭  
里之運巷建康志引世說敘錄冶城在今運巷東舊里亭今

俗呼爲黃泥巷按黃泥巷至今猶存其巷正在治城山西今俗呼或傳爲皇迷巷者流俗妄說耳夫巷名運巷殆因運而後名今由黃泥巷稍南行出則至望仙橋然則此水殆真運瀆之舊迹矣其水去淮稍遠正所謂北抵倉城若筮橋以北蓋取水之源而不必爲至倉城之路也又建康志珍珠河至太平橋西分兩派一派由柵寨門張孝祥云青谿舊自柵寨門入江按柵寨門恐即鐵窗櫺所出水即運瀆水也二者之語誤爾

呂志潮溝考

按潮溝即今珍珠河考之史志及今形勢證有數端建康志云潮溝吳大帝所開以引江潮考六朝時江水當本由盧龍

山今獅子山畔通後湖故史晉宋時皆有於湖肄舟師閱水軍之事潮溝名引江潮而實則通湖水耳今珍珠河正由北水關引後湖水入城其證一也建康實錄云吳赤烏四年冬十一月詔鑿東渠名青谿通城北塹潮溝今珍珠河入自北水關於六朝畧當爲北塹其證二也又實錄云吳寶鼎二年開城北渠引後湖水流入新宮巡繞殿堂按青谿潮溝二水皆在宮城之外故志引京都記京都鼎族在潮溝北又梁書言朱异家列宅自青谿至潮溝也寶鼎開渠引入新宮然則潮溝入宮實始至寶鼎至陳人乃有珍珠河之號耳其證三也又實錄云潮溝東發青谿西行經古承明廣莫大夏等三門西極都城牆對今歸善寺西南角南出又云其北又開一

瀆經樓元寺門至後湖以引湖水至今俗亦呼運瀆其實古城西南行者是運瀆自歸善寺門東出至青谿者名曰潮溝按實錄所云雖不可盡曉而其言潮溝大抵出於後湖循宮城而下接青谿畧如今珍珠河之路其證四也又實錄云潮溝接運瀆在西州之東按建康志所言珍珠河在宋時路正如此詳運瀆下其證五也由是言之則潮溝之爲珍珠河又何疑焉夫徐鉉南唐人其和鍾太監泛舟詩猶有潮溝口橫趣北山阿之句知在當時此溝猶在爲建康志者不悟其即珍珠河故分爲二水而言之不能明晰世遂疑其盡湮塞耳自楊吳及明祖築城此水之西流者盡斷而自北水關至浮橋其故道居然可見第水多涸竭耳故詳論之使好事者得

以有考焉

工科右給事中徐惺禁止挖煤疏略

江南素稱沃壤盡屬朝廷正供其山場隙地非室廬相接即墳墓相連故從古及今無挖煤之例曾經前督具題奉旨

嚴禁而邇來地棍私充牙行串引營兵各家盜挖如故遇有盤詰地棍躲閃以營兵爲護衛雖有司不敢問也伏乞睿

鑑勅部議覆部覆查營兵賭博騙詐盜挖煤場深爲民害江甯省會之區督府司道府縣提鎮將領各官漫無禁治平日振飭者何事應請勅下該督撫申飭地方文武各官嚴行禁約以後如有地棍勾引營兵局騙賭博盜挖煤場者即將地棍營兵一併嚴拏依律究治如敢因循縱容該督撫按即

將該管道府鎮領題參一併議處等因奉 旨依擬嚴飭行  
隨該江甯分守道王紹隆奉巡按江甯察院衛貞元憲牌轉  
行府縣出示嚴禁

高世傑請憲禁鑿挖山脈序

身有一處受傷而即虧損全體地有一支受鑿而即動搖百  
脈地脈之與人身完虧一也句容北境之尖桃山係金陵句  
曲龍脈過峽之處復蜿蜒連接五基天王覆船諸山大龍則  
西去金陵分支則南結句曲鶴膝蜂腰氣同一線乃頑民因  
尖桃山石理細膩鑿石燒灰扞窰五十餘所朝椎暮鑿斬脈  
截龍貽害不小至覆船山則又有匠者開取大石龍身更懼  
其害幸石門朱公以地方公呈慨然力請於上嚴批勒禁仍

令句邑斂資將尖桃山買作官山錢糧闔邑輸辦以護山龍  
以除永患蓋欲培一處之地形全合郡之龍脈譬股肱完固  
大體無傷也而來巷頑民乃於五基山扞窰鑿石晝夜燒掘  
在彼以爲尖桃山爲金陵句曲之要脈詎知五基山又爲尖  
桃山之要脈山右白公新下車時即五申三令頻加禁止而  
馬腹偏隅鞭長不及且彼託言五基山係金陵過脈與句邑  
無干則是上憲之恩波方流而復遏山龍之石骨終斷而不  
聯行將禍延省會豈特彈丸一邑之憂已也然不備覽顛末  
則不知利害切膚之甚彼奸頑之貪妄不已吾儕之公討不  
彰爰刻是帙告我同人以垂永久是爲之序



赤山湖志卷五

金陵叢書丙集之三

句容尙兆山

祈年譜

和昔則公孫和宏對和策則有天地心和則氣和矣此所以仲舒劉

向舜禹成康舜禹得也百然六陽之九數凡七載於太得百肘六後之亦顯

凡十一雪而焉漢文反之世見於桓之元嘉再見於靈之又四年

此又畧民術數屏欲感之修救也茲冊所錄由眾凡無關

於農稅務不由歲涉之荒歉者概不錄

黃年受命披山通道禹平水土暨稷播種蒸民乃粒我土維

揚草天木喬厥土泥塗厥田下下賦下上錯貢金三品羽

革瑤琨周孝王十三年大電

紀竹年書

秦始皇三十六年斷長隴通淮流

康熙陳水劉志云三十七年帝東巡鑿秦淮卽縣之

北河也山還按秦淮北之垂說無鑿淮甚埋金茲之文備則當但日史秦淮止之載

說確否未可違信  
姑從眾說載之

漢惠帝五年夏大旱  
本府志按江康熙陳

呂后三年夏江水溢  
紀本

安帝延光二年秋七月丹陽山崩  
本紀按八月旬容容志丹陽諸山十

崩鴻水溢吳主權  
原逋責給貸種食

獻帝建安二年江淮饑人相食  
本紀汜勝之書麥則收石常艾倍

又云禾種擇高大者懸高燥處苗則不敗馬蠶耐旱  
馬骨附子皆能使禾不蟲不蝗雪水治穀使蠶耐旱

策始封為吳侯  
口口十七年吳主權省湖熟江乘為典農

都尉  
宋書州 二十五年建業言甘露降  
吳主傳

吳大帝黃龍三年夏五月野蠶成繭大如卵嘉禾三年九月

朔隕霜殺菽四年秋七月雨雹自是年十月不雨至明年

夏冬赤烏三年冬十一月民饑詔開倉廩以振貧窮吳主權本

傳十二月使左臺侍御史郗儉鑿運瀆景定志表景定赤山湖條作赤烏二

下年治赤山湖上接九源四年春正月大雪烏獸死者大半

傳本是年鑿青溪開漕溝建康實錄五年夏四月旱傳本八月遣校

尉陳勳於方山南截淮立埭八年夏五月雷霆秋發屯田

兵及作士三萬鑿句容中道自小其至雲陽西城以通吳

會船艦作邸閣名破岡瀆建康實錄十一年春二月地連震夏

四月雨雹十三年秋八月句容丹陽諸山崩鴻水溢詔原

逋責給貸糧食本傳按記載言山崩似皆無故自崩者今考近代每蛟發後觀其山勢直若崩裂疑

古之所謂崩而因水者皆發蛟非自崩也

會典山中出蛟每為水患蛟卵入地之處冬不積雪令

所在居民留心挖除謹按任昉述異記蛟乃龍屬其眉

交生故謂之蛟有鱗曰蛟龍有翼曰應龍有角曰蚪龍

無角曰螭龍也梵書名宮毘羅裴淵廣州記蛟長丈餘

似蛇而四足形廣如猪此又猪婆蛇也非小頭細頸頸有

白嬰胃前赭色背上青班脇邊若錦尾有肉環大者數

圍其卵亦大能率魚飛得斃可免張仲景金匱要略云

蛟龍帶精入芹菜中當食之則病蛟龍癥痛不可忍治

此用雄黃朴消煮服下之遺錄云漢昭帝傳於渭水得好

甚美蛟骨青而無鱗甲頭有軟角亦可食也近世有切片炒

炒食則亦佳但久又蜃者亦蛟屬其狀亦似蛇而大有角

如龍狀紅鬣腰以下鱗盡逆食燕子能吁氣成樓臺城郭之狀將雨卽見名蜃樓亦曰海市其脂如蠟作燭香凡百步煙中亦有樓臺之形月令云雉入大水爲蜃陸佃云蛟交龜則生龜交雉則生蜃物異而感同也類書云蛇與雉交而生子曰蠃似蛇四足能害人陸禋云蠃音臬即蛟也或曰蜃也又魯至剛云正月蛇與雉交生卵遇電卽入土數丈爲蛇形經二三十年乃能升騰卵不入土但爲雉爾觀此數說則蛟蜃皆是一類有生有

化也

一否又種有海蛤與此同名龍一願以爲雉攻江之岸力至猛

陳藏器曰人終不穴中掘之又永州人掘則凡殺人穿山甲掘則

於隄岸上恐血入土則隄岸又滲漏也劉伯溫多能鄙事亦云穿山甲性滲漏穿山甲又滲漏石鱖又名鱖

有蛟似鯉而小似鯉四足尾農政全書與吾學編皆云

蛟孕而成形率在陵谷間乃雉與蛇當春而交精淪於地聞雷聲則入地成卵漸次下達於泉積數十年氣候已足卵大如輪其地冬雪不存夏苗不生鳥雀不集土色赤有氣朝黃而暮黑星夜視之黑氣上沖於霄卵既成形聞雷聲自泉間漸起而上其地之色與氣亦漸顯而明蛟未起二三月前遠聞似秋蟬悶在人手而鳴又如醉人聲此時能動不能飛可以掘得及漸起離地三尺餘聲響漸大不過數日候雷雨即出

李時珍云龍聲如憂

攻治之法在夏末秋初善識者先於冬雪時視地團圓不存雪又素無草木復於未起二三月春夏之時視地

之色與氣掘土五尺餘其卵即得大如三斛甕先以不  
潔之物或鐵與犬血鎮之多備利刃剖之其害遂絕蛟  
畏金鼓及火山中久雨夜立長竿挂一燈籠可以備蛟  
夏月田間作金鼓聲以督農務則蛟不起即或起而作  
波但搗鼓鳴鉦多發火光以拒之水勢必退倘不善觀  
氣則於地

掘深數尺於日未出時立人于內以頭目平地面觀之四方中其氣異者必有異物可早治之

大元元年秋八月朔大風拔樹江水溢傳本二年冬十二月

丙申大風雷電傳少帝

少帝五鳳元年夏大水二年大旱太平二年春正月甲寅大  
雨震電乙卯雪大寒三年秋八月沈陰不雨是年十月改  
元永安冬十一月風四反五復蒙霧連日傳本

景帝永安元年使都尉嚴密開丹陽湖田明礫水志二年春正月

震電三月詔勸農桑禁浮江賈作四年夏五月大雨水泉

溢五年秋八月壬午大雨震電水泉溢

後主甘露元年夏四月甘露降本傳

晉武帝太康元年平吳二年丹陽地震四年冬揚州大水本紀

時揚州在早西門內八年秋八月丹陽地震九年春正月地又震晉書

五行志十年冬十二月丹陽地震五行志

惠帝元康五年夏六月揚州大水詔遣振貸冬十二月丹陽

雨雹本紀尋大雪五行志六年夏五月揚州大水八年秋九月

又大水本紀太安元年丹陽湖熟縣夏架湖有大石浮自范

墟登岸民驚噪相告曰石來五行志湖名又按江蘇境上亦有



頭郡縣志雖載其名而皆未考其地今夏家湖村石墪  
村范家村皆在湖熟上元句容界上說見圖說內

懷帝永嘉三年夏大旱江竭懷帝紀四年江東大水五行志

元帝建武元年大旱大興元年夏六月旱冬十一月乙卯雷

震暴雨十二月饑遣使振卹本紀二年夏五月揚州蝗三年

春二月辛未雨木冰五行志夏五月地震本紀四月庚寅沈志六

月大水五行志創北湖築長隄景定表頗有按沈志於五行志大

錄蝗沈志四年夏五月旱秋七月大水本紀八月黃霧四塞五行志

志地震沈志永昌元年夏六月旱本紀秋七月丙寅大風拔木

屋瓦皆飛八月暴風壞屋冬十月京師大霧閏月大旱川

谷竭五行志

明帝太甯元年春正月癸巳二月乙丑皆黃霧四塞丙寅壬

申隕霜殺穀三月隕霜殺草五月京師大水紀本秋七月庚

子朔震五紀行志丙子按明帝二年夏四月庚子雨雹燕雀死五行

志三年夏四月乙亥雨雹自正月不雨至於六月紀本

成帝咸和元年夏五月大水自六月不雨至於某月二年夏

四月旱五月戊子京師大水四年春二月大雨霖秋七月

丹陽大水本紀以兵火詔復租稅明志五年夏五月旱無禾

麥大饑明志六年夏四月旱七年夏五月大水九年夏六

月大旱咸康元年春二月揚州諸郡饑遣使振給二年春

三月旱詔免繇役夏四月丁巳雨雹秋七月揚州饑開倉

振給三年夏六月旱本紀

康帝建元元年風五行志夏五月旱本紀秋七月災風五行志

穆帝永和元年六月癸亥地震二年冬十月地震三年夏秋

地連震四年夏五月大水冬十月地震五年春正月地震

紀本冬十月甘露降景定志表月犯昴星天文志六年夏五月大水

紀本七年秋七月澆水入石頭溺死者數百人冬十月雷雨

震電八年春正月乙巳雨木冰五行志九年春三月旱秋七

月丁酉地震有聲十年春正月丁卯地又震十一月夏四

月壬申隕霜乙酉地震五月丁未又震升平元年冬十一

月雷二年夏五月大水紀本稻稼傷饑甚康熙志丹冬十一月

庚子雷辛酉地震紀本五年秋八月己卯夜天裂有聲如雷

紀哀帝

哀帝隆和元年夏四月旱詔出輕繫振困乏興甯元年夏四

月甲戌揚州地震湖濱溢

紀本

海西公太和元年夏四月旱

紀本

大水稻稼蕩沒

劉志

三年夏四

月癸巳雨雹大風折木六年夏六月京師大水

哀本紀

帝朱雀

大航纜斷三艘流入大江

簡文帝咸安元年

五行志

十二月壬午濤水入石頭

五行志按丹徒沈

志作六年大水

孝武帝甯康元年春三月京師風火大起

五行志

太元元年夏

五月癸丑地震二年春閏三月壬午地震甲申暴風折木

發屋夏四月己酉雨雹五月丁丑地震六月己巳暴風揚

沙石

紀本

是年地生毛

五行志

三年春三月乙丑雷雨暴風發

屋折木夏六月大水四年夏六月大旱秋八月乙未暴風

揚沙石五年夏四月大旱五月大水六年夏六月揚州大水饑七年冬十月丙子雷八年春二月癸未黃霧四塞十年夏大水秋七月旱饑十一年夏六月己卯地震十二年春正月壬子暴風發屋折木夏四月己丑雨雹十三年夏六月旱冬十二月濤水入石頭城毀大桁殺人乙未大風晝晦紀本十四年夏四月地生毛五行志冬十二月乙巳雨木冰十五年地震者三十七年夏六月癸卯地震甲寅濤水入石頭城毀大桁乙卯大風折木冬十二月己未地震是歲自秋不雨至於冬十八年春正月癸卯朔地震二月乙未地又震秋七月旱二十一年夏四月丁卯雨雹五月大

水

紀本

安帝隆安四年夏四月地震紀本六月旱秋九月癸丑地震五

年饑禁酒紀本元興元年春三月己卯甘露降符瑞志冬十月

丙申黃霧昏濁不雨二年春二月大風雨大航門屋瓦飛

落山按秣陵集云敗舟萬計漂殺甚甚三年春正月大航南

飄風飛轉輓二月己丑朔夜濤水入石頭庚寅敗大航殺

人五行志大風吹朱雀門樓上層墜地桓元傳己卯甘露降符瑞志

志義熙元年冬十二月己未濤水入石頭城二年冬十二

月己未夜濤水又入石頭城五行志三年春二月己丑除酒

禁夏五月大水紀本四年夏六月雷震冬十一月辛卯朔西

北方疾風發癸丑雷十二月戊寅濤水入石頭城五行志五

年春三月乙亥大雪六月丙寅震紀本雨雹劉志六年夏五月

壬申大風拔樹甲戌風又發屋折木六月丙寅震五行九

年夏四月罷臨沂湖熟皇后脂澤田以賜貧人弛湖池禁

紀本五月辛巳大水五行十年春三月戊寅地震紀本夏五月

丁丑大水地穿涌水出五行十一年秋七月大水紀本十二

年左衛軍陳湯於淮水中得璽文曰王者不隱其過則璧

見晉中興書又印典  
卷三曰璧亦璽也

宋武帝永初元年秋九月庚辰甘露降符瑞

營陽王少帝景平二年春正月乙巳大風天有五色雲紀本

文帝元嘉四年冬十一月辛未朔甘露降符瑞是歲旱五行

五年夏六月大水己卯遣使檢行振贍紀本丙寅雷震六年

春正月丙寅雷且雪五行八年夏閏六月揚州旱紀本九年

春雨雹

志五行

傷人畜

志劉

十一年夏五月大水十二年夏四

月地震六月丹陽大水都下乘船賜遭水民米是月斷酒

秋八月乙亥原遭水郡縣諸逋負

紀本

十三年春三月己未

建康地震生白毛

道南史檀濟傳

十四年雷震

志五行

十五年秋七

月辛未地震

紀本

十七年冬十一月乙酉甘露降

志符瑞

十八

年春三月雨雹

志五行

夏五月甲申甘露降秣陵十九年夏

五月甘露降建康

志符瑞

閏月雨水丁巳遣使巡行振卹

本附

紀及宋書禮志

正二月十年己亥帝始耕田

置藉田

二十一年夏六

月連雨水丁亥詔所司隨給百姓柴米

紀本

是歲甘露頻降

志符瑞

二十二年秋九月乙未開酒禁冬十月浚淮起湖熟

廢田千頃

宋書紀本

及二十三年夏六月築北隄立元武湖

紀本



是歲甘露頻降二十四年甘露頻降符瑞志大水疫癘遣使

給醫藥劉志二十五年春正月積雪冰寒五行志詔檢行貧弊

之室賜以薪米二十七年甘露降沈志二十八年大旱二十

九年春二月乙卯雷且震本紀三月大風拔木飛瓦壬午風

雷甚壯五行志夏五月丹陽霖雨傷禾稼本紀都下大水五行志

六月遣部司巡行賜樵米給船本紀冬十二月戊辰黃霧四

塞三十年春正月乙亥朔帝會羣臣有青黑氣從東南來

覆宮上南史

孝武帝孝建二年春三月辛亥甘露降符瑞志大明元年春正

月庚午雨水辛未使檢行賜樵米本紀夏五月丙寅景陽樓

有紫氣清暑殿西鷗尾生嘉禾秋九月建康秣陵各置都

官從事一人司水火劫盜南本紀二年夏四月辛丑地震紀本

附宋書禮志及南史本紀三年冬十一月甲子立蠶五年夏

五月蔣陵里生嘉瓜符瑞志秋七月雨水詔巡行賜薪米紀本

六年春二月戊午甘露降符瑞紀秋七月甲申地震南本紀七

年夏四月大風五行志八年春二月壬寅詔以去歲旱出倉

米隨宜贍卹紀本八月雨水詔隨宜振恤冬十月庚辰原去

年逋租去歲及今歲大旱米升百餘前廢帝紀

明帝泰始二年六月雨水丁卯詔檢行賜卹紀本是歲屢大風

五行志三年春閏月庚午大雨雪遣使巡行賑賜紀本甘露降

沈志四年春正月丙辰朔雨草於宮南史泰豫元年夏六月雨

水詔賑卹貧民後廢帝紀

後廢帝元徽元年秋八月旱三年春三月己巳大水遣行賑

賜紀本五月乙未雨雹五年夏五月地震志五行

齊高帝建元元年即昇明三年冬十二月朱雀航華表生枝葉五行

志二年夏六月癸未詔昔歲水旱曲赦丹陽等郡除其逋

調四年夏四月癸未詔雨水頻降遣所司賑卹二岸居民

在本石紀二城岸者南見北集文內也五月雷電志五行

武帝永明三年是夏琅邪郡旱百姓芟除枯苗至秋擢穎大

熟本紀不入湖與淮故明年麥苗更秀不錄五年夏六月水

詔隨宜振賜六年冬十一月丙戌土霧竟天如烟入人眼

鼻二日乃止志五行是歲甘露降祥瑞志八年夏四月己巳陰

雨十七日志五行六月丙申大雷雨有黃光竟天乙酉都下

大風發屋

南史

秋八月詔以霖雨氾濫遣振卹

紀本

九年秋八

月甘露降

祥瑞志

都下大水司徒竟陵王子良開倉振救立

廨收養給醫藥

子良本傳郡內屢有司徒廩豐即蕭子良耶

是歲秣陵安明寺

有木剖之自然有法大德三字

祥瑞志

十年冬十一月戊午

詔以霖雨遣所司賑賜京邑居民

紀本

十一年春三月地震

五行志

夏五月戊辰詔以水旱故京師權斷酒六月詔霖雨

既過如上賑賜秋七月丁巳詔風水為災遣沾二岸居民

紀本

鬱林王隆昌元年夏四月淮中魚浮出水上向城門

又子良傳曰戊

子良死

明帝建武四年大風

梁書阮孝緒傳

永泰元年七月帝疾巫云後湖

水頭經過宮內不利帝乃自至太官行水溝決意塞之欲

引淮流會已酉帝崩事遂寢紀本又明帝時使沈瑀築赤山

塘史南

東昏侯永元元年秋七月辛未淮水變赤如血史南大風十圍

樹及舍屋皆偃拔地震丁亥濤水入石頭漂殺緣淮居民

志五行詔賜死者材器并振卹八月乙巳蠲京邑今年租調

紀本冬十二月大雪梟江州刺史陳顯達首於朱雀桁而雪

不集顯達傳

和帝中興元年夏六月雨水遣所司賑賜東昏紀

梁武帝天監元年大旱米斗五千人多餓死武帝紀其年築上

容瀆徐陵碑及唐史二年冬十一月雷電大雨晦夜又雷紀本三年

春三月隕霜殺草四年夏四月甘露連降五月辛卯朔陰

里生嘉禾口口南史冬十一月甲午天晴朗西南有電光

聞如雷聲三是歲大穰米斛三十五年冬十一月甲子地

震六年春三月庚申朔隕霜殺草秋七月戊戌大風折木

大水因濤入加御道七尺紀本七年夏五月大水史南十年夏

五月嘉蓮生十二年夏四月大水十三年春二月帝始耕

藉田紀本普通元年甘露降子昭明太秋七月江溢二年春三

月庚寅大雪平地三尺紀本夏四月丙辰徙藉田於東郊史南

三年春正月地震紀本六年冬十二月壬辰地震史南中大通

五年夏五月大水御道通船紀本大同元年冬十月雨黃塵

如雪史南是年省江乘胡熟淵記纂二年冬十一月雨黃塵如

雪史南是年省江乘胡熟淵記纂二年冬十一月雨黃塵如

雪辛亥地震生白毛長二尺南三年春正月壬寅天無雲

雨灰黃色紀本冬十月丙辰地震是歲饑南七年春二月乙

卯地震九年春閏正月丙申地震生毛十年冬十月大雪

三尺紀本十一年春正月震南中大通元年夏六月辛巳竟

天有聲如風雨相擊搏二年夏五月兩月夜見紀本九月戊

辰地震生白毛南冬十二月癸巳侯景引元武湖水灌城

傳羊侃三年春正月戊辰有流星三十丈墮二月侯景軍饑

本紀及傳夏四月己丑地震丙申又震文帝紀

簡文帝大寶元年春正月丁巳天雨黃沙丙寅月晝見自春

迄夏大饑人相食紀本

敬帝紹泰元年自冬至明年春三月甘露頻降或至三數升

大如奕棋子書梁太平元年春二月戊辰外兵參軍王位於

石頭沙際獲玉璽四紐自去冬至春甘露屢降秋九月龍

見紀本

陳武帝永定二年夏五月乙未地震秋七月甲寅嘉禾生五

城有樟木流泊陶家後渚徐穆孝集三年春正月丁酉夜大雪

及且有龍跡見紀本

文帝天嘉六年秋七月癸未大風紀本

宣帝太建二年夏六月辛卯大雨雹冬十二月癸巳夜西北

有雷聲四年冬十月己亥地震十二月壬寅甘露降五年

秋九月壬辰晦夜明六年九月甘露頻降九年秋七月庚

辰大雨震己丑震一女子震死十年春三月辛未震夏四



月庚申大雨雹六月丁卯大雨震秋八月戊寅隕霜殺稻

菽紀本冬十月戊寅罷琅邪彭城郡立建興郡領建安同夏

烏山江乘並臨沂湖熟等六縣屬揚州建康秣陵江甯等

縣仍隸丹陽郡本紀及十二年夏四月己卯大雩壬午雨

壬戌大風秋八月甲戌大雨霖九月癸未夜天東南有聲

如風水相擊三夜乃止冬十月大雨雹雷震十一月己丑

詔原丹陽建興二郡田稅十三年秋九月癸亥夜大風發

屋拔樹木大雷震雹紀本十四年秋七月江水色赤如血八

月癸未夜天有聲如風水相擊乙酉夜亦如之九月辛亥

夜天東北有聲如蟲飛後主紀

後主至德元年秋九月丁巳天東南有聲如蟲飛冬十二月

戊午夜天開內作青黃色聲如雷禎明元年春正月乙未

地震紀本江赤如血曹句志容二年夏四月戊申有鼠自蔡洲岸

入石頭渡淮至青塘兩岸數日死五月有物赤色自天墜

聲如雷六月丁巳大風激濤水入石頭淮渚暴溢漂沒舟

乘有青龍出建陽井紀本三年春正月乙丑朔霧氣四塞陳書

後主隋平陳蕩城邑省併州縣隋地志肇域地理志

唐高祖武德三年析置更移州郡縣見新舊書通六年輔公

祏浚淮皇朝類苑八年江淮大水五行志

高宗麟德二年句容令楊延嘉置赤山湖塘置二斗門句容志

武后太足元年七月乙酉地震沈志

玄宗開元九年秋七月丙辰暴風發屋拔樹十四年大風沈志

天寶中改赤山湖名絳巖湖

景定志

肅宗乾元二年夏詔天下臨江帶郭各置放生池

肇域志

德宗貞元二年夏六月江溢八年江淮大水害稼

五行志

宣撫振貸

德宗紀

代宗大厯十三年句邑令王公復置湖塘斗門湖周百里開

田萬頃

句容志

順宗永貞元年秋江浙旱

五行志

憲宗元和三年江南旱

本紀

四年江南旱饑遣使賑恤

通鑑

七年

夏旱

沈志

水害稼

五行志

十月辛酉甘露降十一年六月水害

稼十四年水

沈志

穆宗長慶二年冬十月詔江淮旱損令所在觀察使取常平

義倉據時估減糶以惠貧民紀本

敬宗寶曆元年秋旱五行志寶曆中甘露降沈志

文宗大和四年江南大水害稼出官米賑給紀本七年水害稼

沈志八年夏江淮旱五行志冬十月水災紀本

武宗會昌元年秋江南大水五行志

宣宗大中十二年秋八月水害稼五行志

懿宗咸甯七年江淮大水九年江淮旱蝗五行志

僖宗中和四年江南大旱饑五行志附吳世家云天祐十二年澹揚子江水出火可以

然

吳睿帝乾貞四年鍾山陽積蝗尺許有數千僧啗之立盡唐南

家世

南唐烈祖昇元三年十一月溧水天興寺桑樹生木人長六

尺狀如僧右袒左跪衣襪皆備色如純漆可鑑金陵志嘉靖溧水志

載于晉高祖末年甯國志亦作六年六年大水秦淮溢築

隄為斗門以疏導之本元紀宗

元宗保大五年春正月丁亥朔大雪南唐世家秋閏七月丁丑夜

有彗出東方紀本九年夏五月辛未有大星自西南流墜西

北光燭地聲如雷世家十年大旱命權務減征之半俗人李

十一年夏六月至秋不雨集陵旱蝗淮流可涉民饑十二

年春正月有大星隕於西北自去年八月不雨至於三月

大饑疫十三年天裂東南世家保大中浚淮設斗門景定志

晉天福中交泰元年大霧上江

宋太祖開寶六年江南饑南唐世家七年江南災異迭見時尚南唐為

八年冬十一月乙未白虹貫日宋師攻陷金陵置昇州臣史

云江南無大過奚不可容而定國必殆欲得其地乃快以曹彬

雖賢一吾塊肉誰取焉他日宋賑城中饑民景定表秋七月江溢

太宗本紀

太宗太平興國七年四月水害稼沈志雍熙二年春三月江南

饑許渡江自占本紀夏四月遣使賑景定表三年詔昇宣等州

雍熙二年官所賑貸並蠲之本紀端拱元年雨雹傷麥沈志淳

化三年饑沈志四年江南饑遣使巡撫本紀山按三年徒至道

三年旱除昇州今年秋稅明平為

真宗咸平元年江東轉運使陳靖請除江南二稅外沿征錢

二十四事景定三年正月奉勅除放舊收歲課錢景定旱

振之紀本景德元年秋閏七月江南旱遣使決獄訪民疾苦

祠境內山川冬饑復振之紀本大中祥符二年黃雀飛蔽日

又聞空中若水聲景定三年旱四年夏遣使安撫江南

水災五年夏五月江淮旱給占城稻種教民種之紀本除牛

租景定七年秋八月除江淮被災民租紀本天禧元年夏六

月知昇州丁謂請疏後湖為塘陂以蓄水縱貧民漁採又

乞減放後湖旱租五百五十餘貫丁知之亦有善政皆從之

景定四年春二月癸未遣使安撫江淮饑民

紀本改元武湖為放生池客語江淮稔本紀後稔此須再檢

仁宗天聖元年六月從王欽若議罷溧水採丹砂劉秋江南

大饑官出粟以平價景定志四年夏閏四月戊申減江南歲

漕米五十萬石紀本五年秋江水溢壞廬舍遣使安撫振卹

鑑畢明道元年江淮旱災官發米為糜以哺流民景定表二年

詔發運使以上供米振江淮饑民死者官為之葬鑑畢慶厯

三年於赤山湖舊湫立石柱水則景定志皇祐三年秋八月

江南饑遣使安撫紀本四年春三月丙辰詔蠲江南民所貸

種糧景定志嘉祐五年夏五月江溢紀本

神宗熙甯六年冬十月振江淮饑紀本七年詔賜江甯府常平

倉米五萬石以修水利景定表八年春正月輟江南東路上

供米給災傷州軍紀本秋八月旱沈志九年春判江甯府王安

石請泄元武湖水使民耕種從之客語八月詔發運司以



所存上供米減直予江東民紀本元豐元年春旱劉志

徽宗大觀三年夏秋旱官爲措置振濟詔減江甯府歲貢生

白瓜子羅政和三年三月江東旱重和元年江淮水詔有

司還集流民紀本宣和七年九月罷石白固城丹陽三湖爲

圩田劉志

高宗建炎三年夏六月久雨不止景定表又是年紹興三年

江東漕臣以酒稅上供經制等鈔應副月椿錢本紀八月十七年

年九七月雨害禾四年旱沈志七年秋七月旱疫詔所在給

藥助葬冬十月久雨詔侍從官詣保甯寺祈晴知府事張

澄請罷修府城以是年修減夏稅折帛從之景定十二月

檢校官張宗元家有槃冰花文如畫至春乃止陳志十八年

夏江東旱紀本十九年旱志沈二十三年以永豐圩田賜秦檜

劉志引舊志云郡府載此事山按溧水高淳者似遠當以江甯者為是又今陶吳鎮相傳為秦氏家距永豐圩止十里餘

二十七年大水二十八年秋大風志沈三十一年冬十一

月丙申天重陰金本紀是年春賜句容縣茅山天聖觀龍池

曰廣濟廟志景定

孝宗隆興元年秋八月江東大水悉蠲其租紀本張孝祥奏通

青溪口入江集秣陵二年七月江東大水紀本積陰苦雨艱食

志沈乾道元年開西園河通塞柵門令水入江志景定寒敗首

種損蠶麥大饑志沈八月以永豐圩田賜都統司志劉二年春

二月振江東饑三年冬十二月江東蝗振之紀本四年移放

生池於青溪表景定六年夏江東水紀本閏五月詔被水民戶

分第四五等免今年一年身丁錢景定表七年春江東旱振

之九年旱紀本淳熙元年春正月知建康府始兼管內勸農

營田使二年大旱官爲蠲租平糶景定表五年旱七年自夏

四月不雨至秋九月大旱沈志八年旱振之景志表九年蝗害

稼沈志十年知府事錢良臣請修築上元縣荒圩並塞地五

百餘頃不礙民間泄水可以修築開耕景定表是歲旱紀本十

一年大水詔振卹之始立養濟院景定表十四年旱十六年

大雨水沈志

光宗紹熙元年江東水紀本三年七月壬申大雨大水害稼沈志

四年自夏四月辛未至丙子大雨水沈志秋八月江東旱傷

貧民紀本五年振江東水災仍蠲其賦甯宗冬無麥苗人食

草木 志沈

甯宗慶元元年春正月詔江東荒歉收養遺棄小兒四年春

正月丁卯詔有司寬恤江淮流民六年振旱 紀本 水竭乏食

嘉泰元年饑 志沈 振江東旱仍蠲其賦 紀本 二年吳琚乞免旬

容和買棉絹 志呂 開禧二年秋歉 志沈 三年葉適置屯田 志呂 嘉

定元年秋八月發米振糶江淮流民 紀本 二年春旱至夏秋

志沈 蝗為災 志景 定 三年旱蝗發廩振之仍蠲其賦 紀本 民饑盜

作 表景 定 八年夏江東旱蝗免夏稅發帑廩振之開府城東

門新河六月詔除江甯民戶增科家業營運錢並和買綿

絹錢三千七百餘貫 志景 定 九年秋九月詔江東被水甚者

蠲其租 紀本 十年秋七月開行宮古珍珠河以泄霖漲見水

底有板乃止景定志十一年秋不雨至冬旱蔬麥皆枯沈志十

四年夏大水本紀十六年秋九月詔賑卹江淮被水貧民本紀

十七年饑沈志

理宗寶慶三年秋澇劉志紹定二年增收後湖田租爲額景定表

淳祐二年秋水沈志寶祐五年冬大雪振軍民倚閣二稅景定表

表景定元年浚青溪凌建康城濠四千七百六十五丈秣陵

集二年秋八月惟改鄉獻瑞麥冬十一月濟雪寒景定表三

年經略民田劉志差州將打量赤山湖得一百二十二里九

十六步景定志四年蠲水苗稅劉志

度宗咸淳二年大水饑發平糶米振糶景定表夏霖雨連月劉志

冬十二月地震沈志四年春閏正月大風雷雨六年江南大

旱九年江南地生白毛志至表正免沿江旱澇屯田租十年春

正月詔減江東沙圩租米紀本

恭宗德祐元年元世祖至元十三年元巴廷入建康仍舊名

起趙淮戍銀樹東壩志呂

元世祖至元十九年江南大水令所在振饑紀本立淘金總管

志劉二十年夏五月免江南稅糧三之一紀本二十八年饑二

十九年六月水志沈

成宗元貞元年夏五月水紀本蝗志沈二年夏六月振蝗紀本大德

元年秋九月蝗志沈二年春正月水振之仍弛澤梁之禁紀本

四年春旱志至表正九月振飢民紀本冬十一月詔江南租稅普

免一分十二月大雪踰尺志至表正再振紀本五年秋八月大風

江漲損禾溺冬十一月開後湖河道六年春三月詔免江

南夏稅志至表正秋七月民饑以米二萬石振之紀本二十一年

夏五月詔江南路夏稅免五分秋糧免三分是歲大旱民

饑疫官勸富民出鈔振濟

武宗至大元年夏民饑疫官爲振濟秋七月詔免本路夏稅

志至正冬十月又免酒課十之三紀本二年春三月詔免江淮

被災之家今年夏稅及逋負志至表正夏六月蝗紀本

仁宗延祐元年秋八月大水發廩減價賑糶二年春正月勅

以江南行臺贓罰鈔振饑紀本三年冬十一月饑志沈

英宗至治三年冬十一月饑志沈

泰定帝元年七月乙亥地震二年饑志沈四年饑振糧鈔有差

紀本

文宗天厯元年水志沈二年旱荒勸率上戶振濟是至年正志表建表又

慶為路集饑志沈至順元年饑夏五月免江淮夏稅十之三紀本秋

七月大水志沈三年大水元舊史

順帝元統元年句容五岐崩志金陵作至大四年曹二年秋旱紀本

三年秋旱志沈至正志作五月山按四年濬臺治後溝故道東緣青

溪西通柵塞門至清涼寺下會秦淮河志至正表五年挑濬龍

光河自算子橋徑石頭城下至馬鞍山秋七月大雨至正

三年秋八月蝗冬十月開濬後湖河道上至鍾山鄉珍珠

橋下接龍灣大江至正志表又濬陰山河道四年八月旱

五年雨紅霧草木葉及人衣皆濡紅色十二月乙丑地震



六年旱沈志九年秋七月大霖雨江溢漂沒民居禾稼紀本十

一年旱十五年蝗沈志十七年十六年明高祖朱元璋為濠

路改為應天夏五月上元獻瑞麥明史紀事本二十七年

吳稱元年夏五月旱六月戊辰大雨紀本秋七月己丑雷震畢

明太祖洪武元年冬十月濬後湖大政記洪武元年五月駕幸

鍾山由獨龍岡步至淳化門乃騎而入謂侍臣曰朕不歷

農畝者久適見田者冒烈日而耘心惻然憫之不覺徒步

至於此農為國本百需皆所出而苦辛若是為司牧者壹

嘗憫念此乎崇禎徐光啟農政全書卷三二年冬十月壬戌朔甘露降

三年夏五月旱帝齋禱露宿三日壬戌大雨紀本洪武三年

上以中原久被兵田多荒蕪命省臣議計民授田設司農

司掌其事夏久不雨乃擇六月朔四鼓帝素服草履徒步

詣山川壇躬禱設藁席露坐晝暴於日夜臥於地皇太子

捧榼進農家食凡三日已而大雨霑足中書省臣奏言太

原等衛屯田宜稅上曰邊軍勞苦能自給足矣其勿徵農政

全書八月大雨水振之大政免租稅劉志五年春正月甲午大

風晦雨雪交作金陵預事秋七月壬戌風雨地震五行志十二月

免南京濬濠作役大政六年冬十一月戊申雷霆交作五行志

志七年冬十一月甘露降大政八年秋七月戊辰地震

五行志丁丑免被災田租本紀八月大旱劉志冬十二月戊子地

又震五行志九年春大旱夏四月連雨冬十二月振水災十

二年春正月己酉詔以雨雪經旬令有司給貧民鈔本紀是

年胡惟庸家井生石筍

五行志

明年惟庸伏誅

惟庸傳

十三年

夏五月雷震六月丙寅又震

五行志

十八年春二月久陰雨

雷雹三月乙亥免畿內今年田租

紀本

五色雲見

劉志

十九年

秋九月天雨絮二十一年夏五月雷震

五行志

二十四年夏

六月旱秋七月辛丑免畿內田租之半

紀本

二十五年命崇

山侯李新鑿胭脂河

明史水志

二十六年夏四月大旱

五行志

二十六年八月太祖命崇山侯李新至溧督有司鑿縣西

境一帶爲河

鑿時石色赤因名胭脂河

諭之曰兩浙賦稅漕運京師歲

費浩繁一自浙江至丹陽舍舟登陸轉輸甚勞一自大江

沂流而上風濤之險覆溺者朕甚憫之今欲自畿甸疏鑿

河流以通於浙俾輸者不勞商旅獲便故特命爾往督其

事爾其臨惟勤役民勿暴

劉志又云相傳新私  
于民家太祖誅之

建文帝元年春三月甲午地震四年夏四月飛蝗蔽天

五行志

成祖永樂元年春三月霖雨

五行志

四月詔溧水廣通鎮牐壩

置官一員初溧水溧陽窪下數罹水患乞于廣通置牐以

備瀦泄遣人視之還言二縣水由固城湖上納甯國廣德

諸水每遇霖潦即注縣境且胭脂河與石白湖諸水不入

大江而奔注蘇松皆被其患宜於胭脂山廣通鎮及固城

湖口二處築閘壩設官掌之為便從之

劉志

二年冬十一月

癸丑地震有聲

五行志

四年冬十一月己巳甘露降

紀本

是歲

饑六年夏五月壬戌地震

五行志

十一年冬十一月野蠶繭

為衾

紀本

十三年大水  
十四年秋九月癸卯地震二十年

秋八月免水災糧芻二十一年秋八月免水災田租紀本二

十二年夏六月壬申地震是歲饑霖雨傷麥禾志五行

仁宗洪熙元年凡地震四十有二志五行

宣宗宣德元年地震九二年地震十志五行秋八月免被災稅

糧紀本三年地震志五行四年春正月地震紀本五年春正月壬

子地震辛酉又震志五行七年免水災稅糧紀本八年旱志五行

遣使賑卹是歲復振饑免稅糧九年春正月乙卯申寬卹

之令紀本秋七月旱志五行死者甚眾志劉遣官捕蝗甲子勅各

官行視災傷蠲減秋糧十年夏四月蝗蝻傷稼紀本

英宗正統三年旱饑志五行詔蠲逋賦紀本四年秋水志五行七月

庚戌免被災稅糧紀本大風拔木殺稼志沈五年春令有司秋

成時修築圩岸濬陂塘以便農作仍具數繳報候考滿以

憑黜陟農政全書大風雨壞門覆舟夏蝗五行志六月免被災田

糧冬十二月再免六年夏五月以災異遣錄刑獄本紀七年

大旱八年夏蝗秋饑七月辛未雷震九年秋七月大水五行

志潮高丈五六尺沈志十一年夏六月旱五行志十三年江水

奔潰康熙陳志十四年夏六月丙辰風雨雷電五行志詔振卹嘉慶

呂志冬十一月安撫流民賜復三年代宗紀

代宗景泰元年秋七月大水沒民廬五行志水平地三尺劉志二

年秋八月壬申地震三年地震秋八月振水災免稅糧乙

酉振流民九月辛卯以地震命巡視安輯乙未振被災州

縣四年淫雨傷稼既又數月不雨五年春正月大雪連四

旬志五行三月撫卹秋七月振水災冬十二月免稅糧紀本六

年夏旱饑志五行冬十二月免被災秋糧紀本七年秋九月旱

蝗志五行

英宗天順元年春久不雨志五行二月免被災秋糧紀本冬十月

乙巳地震志五行大水志劉二年春二月暴風拔樹摧屋三年

旱志五行四年春三月免被災稅糧紀後五年春三月連月旱

傷稼志五行秋七月丁未免被災稅糧紀後

憲宗成化元年秋七月水志陳甲子振饑八月丁丑撫饑民紀本

二年夏四月饑民相食命戶部議卹志呂三年夏六月戊申

雷震是歲旱四年春夏不雨志五行大旱志劉五年夏二月雷

震夏無麥志五行六年秋七月免被災稅糧紀本大水免稅志陳

劉志七年饑遣巡視志呂八年秋七月大風雨壞廟宇志五行江

溢志呂大水志沈九年春三月大風雨拔樹夏四月雨土志五行

秋七月免去年秋糧紀本是年冬及明年春二月恆燠無冰

雪志五行十年春三月免被災秋糧九月再免紀本十二年春

正月地震有聲十三年冬十一月大雷雨志五行是歲振饑

十四年夏四月免被災秋糧紀本秋八月丁未大風拔樹行五

志十五年夏四月免被災秋糧紀本秋八月辛卯大風拔木

志五行十六年免被災稅糧紀本十七年春二月甲寅地震夏

四月地生白毛秋七月大風雨搖屋志五行水大溢志陳甲戌

免被災秋糧紀本冬十一月丁酉大雨雪志五行先旱後潦升

米百錢志沈十八年振饑夏五月免被災稅糧紀本冬十一月



旱饑志五行二十年夏六月免被災稅糧二十一年夏四月

免被災稅糧紀本五月大風拔樹摧屋志五行秋水大旱劉志按恐

誤有二十二年夏六月免被災稅糧紀本秋九月民饑陳志二十

三年夏六月免被災稅糧紀本

孝宗弘治元年夏五月丙子雷震六月己酉地震是歲大旱

饑元五行志按沈志作三年春二月免被災稅糧紀本秋七月

驟雨雷壞牆是年旱四年秋八月乙卯晦冥地震屋皆搖

志五行冬十一月庚辰震振災紀本五年夏水志五行六月丁未

免去年被災稅糧秋七月甲午振饑六年夏五月乙未免

被災秋糧紀本秋八月壬申有黑氣東西百餘丈冬十月雨

雪連旬十二月壬戌雷雨拔樹七年春三月蝗夏六月癸

酉雷雨拔樹秋七月庚寅大風雨壞屋樹志五行九月大風

落屋瓦志陳是歲地凡六震志五行以存留折銀軍米分賑志呂

大水志劉江湖高一丈志沈八年夏五月陰雨踰月壞城志五行

乙未免被災秋糧紀本是歲地再震九年地三震志五行十年

免被災稅糧十一年免被災加前十二年夏五月皆如之

秋八月免夏稅紀本十三年冬十月戊申地震志五行十四年

閏七月戊戌振水災免被災稅糧紀本冬十月辛酉地震十

五年夏秋大風雨摧橋梁牆垣拔樹木七月江水泛溢湖

水入城五尺餘九月丙辰地震冬十月丁卯又震志五行是

月免被災秋糧紀本十六年春二月庚申地震饑志五行秋九

月丁丑免被災軍民紀本甲午地震志沈冬十一月免被災秋

糧十七年春正月振饑秋八月免被災夏稅紀本十八年旱

九月甲午地震五行

武宗正德元年夏六月暴風雨雷震拔樹五行二年按沈志河作

底生三年旱五行秋九月癸亥振饑紀本歲荒溧民張

整捐穀千石以賑志劉四年夏六月空中有聲如甲兵踰月

乃止冬大雪樹皆枯死志陳饑志沈五年大水蠲租志劉夏五月

狂風淫雨志沈六年振饑紀本大水志沈七年免被災稅糧紀本蘇

常等郡以水患請築廣通壩事下撫臣議加築高厚三丈

杜塞二牐厲其禁勿開志劉此水患志云先是有關志開可以蓄泄志至

相事又不旱志沈八年秋八月免水災稅糧十年免旱災秋糧

紀本十一年秋八月戊辰地震十二年秋八月癸酉雷雨震

死吏冬十一月癸巳大風雪仆樹志五行是歲大雨殺禾麥

志沈十三年春大雨彌月漂室廬人畜無算志五行正月振水

災夏四月甲子免被災稅糧紀本十四年饑甚十六年旱行五

志

世宗嘉靖元年秋七月暴風雨江溢壞城垣拔樹萬餘株江

船漂沒甚眾志五行冬十月辛卯振饑免稅糧紀本道殣相望

志沈嘉靖間又堅築高濶上下二隄遏石白湖水出秦淮志府

二年春正月地震大旱饑志五行夏大旱處暑後大水志沈南

北流移人相食侍郎席書振之仍蠲馬價志陳冬十一月免

被災稅糧紀本升米百錢志沈三年春正月丙寅朔地震志五行

二年庚戌地又震秋七月免被災稅糧紀本疫厲死者相枕

於道志劉四年秋七月己丑雷擊長安左門獸吻志五行五年

冬十一月壬子振災免稅糧物料紀本六年減馬價志武五年

六年旱蝗蘆篠一空不食禾稼志沈八年秋八月免被災稅

糧紀本九年大旱志五行秋九月免被災稅糧紀本十年大水沒

民居志劉十一年蝗志劉十五年夏四月蝗生曹志容六

月甲申雷擊震死男婦十餘人十六年秋水志五行十七年

夏大旱志五行廬山馬鞍等山蛟出蕩城郭溺人畜無算志劉

六月洪水志句容二十二年冬十二月免被災稅糧紀本大水

志沈二十三年夏秋大旱民饑志五行二十四年夏大旱饑

志五行民就丹陽石白二湖掘藕充食志劉二十五年旱志五行

自二十三年至是年夏四月不雨斗麥二錢按二千錢當三

十一年大水志沈三十二年旱志五行三十五年免被災稅糧

紀本三十八年夏四月雨雹志陳秋四月辛巳地震志五行洪水

潰諸圩洗民居劉志大旱按沈志底生作塵三十九年秋七月江水漲

秦淮民居有深數尺者冬大雪禽鳥多凍死大冰如花十

二月地震志陳四十年秋七月饑志五行九月振之紀本大水粒

米無收自後水災六年志沈四十一年冬十月免被災稅糧

紀本四十五年大風雨震寺宇金陵瑣事冬十二月大雨二十餘

日民有凍死志陳

穆宗隆慶二年冬十月免被災秋糧紀本三年秋七月江潮卒

湧平地高丈餘志沈八月振水災冬免稅糧紀本五年冬十月

以水災蠲衛所屯糧有差志武

神宗萬厯三年秋九月水沈志四年春三月雨雹冬十月雷五

年春不雨井泉多竭陳志蛟起周干圩句容志六年秋七月壬

子雷擊五行志八月禾生蜚苗皆黃萎秀而不實沈志七年豐

米一升錢三文劉志大水八年大水沈志十三年春二月丁未

地震江濤沸騰五行志十四年夏五月大雨旬餘城中水高

數尺陸地行舟客座語十五年秋七月大水五行志溧水旱劉志

十六年春三月旱疫秋八月壬午雷震五行志大饑人相食

動帑銀築鳳賢圩饑民賴之劉志十七年有毛蟲食松葉松

枯死鄉人謂之山荒金陵瑣事夏六月大旱乙巳發帑金賑之

本紀六月雨是年始得秋成之半劉志按沈志是十八年三

月七日雨絲絮七月旱十月既望桃李花劉志十九年大水

二十一年夏四月戊戌雷震大水二十二年夏四月水赤

三日志五行二十三年正月上旬溧水學桂華六月蛟出潰

諸圩獨鳳賢圩無患遂做舊書築圩週三十餘里志劉二十

四年先旱後水志沈二十五年禁屠牛志劉二十六年蝗旱七

月中山之麓樟樹枯而復榮人以爲時令清廉德感志劉二

十八年自廣通鎮築壩上游之水無所泄蕩沒沿湖腴田

額糧加派各鄉邑民張曉熊子成等叩閭漕糧遂改折如

高淳例志劉蛟出茅山大水壞田廬志容二十九年饑志陳旬

容令茅一桂訪水利開赤山湖蘇培橋河五千餘丈志容

三十年大水志容三十二年鍾山有氣如匹練先白後黑

志陳三十三年花山裂志沈志丹按在下視昏黑又天鳴累日聲



如怒濤沈志三十四年正月二日夜溼水西北隅有赤光一

道抵東南因建浮圖鎮之劉志冬雙橋門地上霜有花鳥形

三十六年夏六月秦淮河竭十日後忽漲大雨半月餘平

地皆水近江圩田盡沒陳志漂沒民居劉志秋八月庚辰振饑

冬十二月免其稅糧本紀大水沈志三十七年有鼠萬餘銜尾

渡江食禾稼陳志作四十七年三十九年十月既望地震

劉志四十年洊饑四十一年秋七月大水五行志四十二年歲

豐米一升值錢五文劉志四十四年秋九月蝗蝻大起禾麥

竹樹皆盡五行志南工部尙書濬秦淮河陳志附沈志鎮江

疑江明一月之方止誤四十五年夏五月鼠萬餘銜尾渡江食禾稼

五行志八月既望夜五色雲見劉志四十六年春二月東北有

大星赤色南行墜於西其聲如雷陳志四十七年蝗平地尺

餘句容志

熹宗天啟三年冬十二月丁未地震五行志按沈志四年夏

五月大水歲大禘六月初五日大寒夜微雪冬十一月初

八日大暑人裸體三日沈志十二月癸卯地震如雷五行志是

歲振卹水旱災民武志蛟出沒民居劉志五年大饑人食檜樹

皮沈志五年二月十九日地震五月十七日大風雪晝如晦

秋旱十一月二十五日夜地震有聲劉志六年夏六月蝗秋

旱歲禘食樹皮沈志冬十二月戊申地震本紀旱劉志七年大饑

人食觀音粉秋旱生異蟲如蟬食禾根禾盡死沈志冬十月

癸丑地震有聲五行志

懷宗崇禎元年師子山下圩田築埂三千餘丈某志春正月望

日雷志沈二年五月三日大風拔木三年四月二十七日雨

冰雹志劉三年二月三月四月大雨雹傷麥及人鳥獸九月

雷雹志沈戊戌地震志五行五年夏四月丁酉地震志五行六月

甚寒人多衣棉者志沈秋旱志劉鎮江地裂志沈六年正

月大風志五行大雨雹秋七月螟冬十一月二十九日大熱

十二月五日震雷大雨雹志沈八年春三月雀滿天食麥幾

盡志沈夏四月七日雨冰雹傷麥志劉九年春正月甲戌雷燬

樹夏大旱志五行望日雷二十八日雷雹桃李華志沈十年春

正月丙午地震夏大旱志五行冬南京木介志陳十一月二十

九日地震志劉十一年夏六月旱蝗志五行食禾稼志劉饑志沈十

二年饑志五行荒民就浮山取白土充饑志劉名觀音粉又云四月蝗

是月每夜聞天有泣聲志沈十三年以有人食之謠上元日

民間為米粉人食之以為應是年旱蝗疫人果相食志沈閏

正月丙申日晦冥風霾大作志五行夏五月旱蝗大饑斗米

千錢志陳奇荒絕禾種冬十月十二日夜地震有聲志劉冬十

一月戊子地震志五行詔悉免十二年以前逋欠糧稅志劉三

吳皆饑樹皮盡至發瘞齧以食志沈十四年六月大旱志五行

蝗蔽野志劉民饑志五行八月十九日雨冰雹志劉十五年雷震

樹春二月羣鼠渡江晝夜不絕志五行蝗志沈十六年冬十月

大雨作雷電十二月十一日寅時地震有聲自西北來移

刻乃止志劉十七年春正月乙卯地震三月辛丑孝陵夜哭

五行 春有羊毛瘟疾多死志沈 自夏五月不雨至冬十一月

志劉 七月十八日北來鼠數萬銜尾渡江志沈

國朝

世祖章皇帝順治二年明福王宏光二年春正月乙酉朔大

風拔木雪數尺癸巳大雷電雨雹夏五月辛卯福王出奔

丙申 清兵入城及明小腆福紀王傳 冬十二月瑞雪六出盈尺

五年丈田地六年山陽鄉蒲村武姓家倉稻飛出如蟲聚

農夫格而收之志劉 八月初三日卯時雨至初四日戌時止

平地水深三尺民居橋梁傾圮無算志句容 七年四月麥秀

雙穗三穗六月二十七日大風拔木三晝夜乃止八年四

月十二日雨冰雹傷麥颶風拔木志劉 九年大旱志沈 十三年

春奉 嚴旨江南漕艘限正月內過淮是時湖水正涸漕艘阻淺去紅藍埠水次八十餘里交兌爲艱縣令率民萬人鑿冰開濬糧始通十五年溧水民請折漕奉 旨查核

江甯府李雋復奉檄詣湖干勘淹沒田畝詳三院具奏奉旨自十五年起照高淳一例改折劉志十六年五月中戊

時見黑氣有聲從東北而南壓鎮江城沈志未幾海寇至

聖祖仁皇帝康熙四年溧水縣丈量明年得玉璽獻之劉志七

年六月十七日戌時地大震溺舟倒屋無算先數日微震

一二次沈志八年大水九年大水十年旱蝗劉志迅雷烈風筠廊

筆二十一年蝗蔽天沈志十二年羣虎爲患募搏虎劉志十七年

春霪雨夏秋旱沈志十八年大旱句容志十九年大水冬十二

月地震二十年冬十二月雨雪中雷電作二十一年秋七

月霜傷禾志沈二十二年南巡徑句容遇雨宿長巷村中

至江甯登觀象臺望元武湖志呂春淫雨夏無麥十二月九

日雷電作二十三年春正月八日雷電雨雹大雪雪復雷

三十二年夏旱志沈三十五年七月二十一日蛟水驟發丈

餘漂沒民居人巢樹杪死者無算句容南門武廟衝倒大

鐘浮出廟外志句容四十四年南巡試士子於秦淮棘院志呂

四十六年大水志句容作旱志山按沈四十七年大水志句容五十

六年旱大饑六十一年旱饑

世宗憲皇帝雍正元年二年饑三年七月大水志沈四年蝗志句容

志五年秋大水志沈十一年緩徵被水州縣江甯與焉志呂十

二年截留起運漕糧二十萬石於被水州縣平糶緩徵新舊欠銀及南漕等米江甯與焉

高宗純皇帝乾隆元年酌免本年被水額賦

呂志

四年大旱

容句

志二十二年

南巡泛舟後湖加賑江甯被災州縣截漕

平糶二十六年江南被災奉旨截漕平糶二十七年

南巡加賑被災州縣概免自乾隆二十二年起二十六年止節年災田緩徵及未完地丁三十年南巡蠲免因災

未完乾隆二十五年以前之蠲贖等款二十六七八三年之地丁二十八年之漕項四十一年奉旨將句容江浦

等十八州縣三十九年分被災緩漕於四十二年帶徵四十九年南巡截漕平糶上元句容丹徒三縣因上年被



災加賑兩月志呂大水志沈五十一年大水鈔手五十二年酌借

江甯上元江浦三縣被災村莊籽種口糧五十六年緩徵

江甯等府自四十八年至五十四年因災積欠分作四年

帶徵志呂五十八年大旱饑民塞道志沈

仁宗睿皇帝嘉慶十七年旱井無水志呂十九年大旱振饑貧

民十七萬餘口志呂免徵銀糧十之六志上江人食地肥志沈  
按地志

肥見楞嚴經即觀音粉即觀音粉二十年旱二十二年浚運瀆志呂二十五年春

正月十九日大雷雨志沈小旱志呂

宣宗成皇帝道光元年山田旱給賞口糧志上江秋八月十四

日夜大雨明日人拾得赤子如皂筴子無算海嘯秋水志沈

二年春加賞口糧三年水災賑銀四年春加賑志上元又水

六年清涼山蛟志呂九年春二月二十九日巳刻有五星繞

日夏大水志沈十一年水災免徵銀米十之四八月地震志呂

鄉試改期志上元十三年溧水水災賑志呂十四年春陰溧水

無麥冬十月地震繼以雷十一月雷志沈十五年旱蠲災緩

帶徵各項志上江十六年秋九月蝗十八年水志呂十九年水

秋九月地震冬十一月竹筍茁二十年夏五月霖雨不止

山拆石傾木拔志沈秋九月十七日雷鳴二十一夜地震二

十一年水除夕流星如織二十二年春正月初六日雨木

冰六月朔未刻日食既八月朔陡發大水平地四尺以河

決桃源也冬至日大熱雷雨震雷二十三年冬至前一日

雷電是冬蘭多花花九瓣志沈二十四年水二十五年水志呂

蠲因災多項志上江二十八年夏秋水七月初四日大風拔

木志沈妖術剪雞毛記自溧水免徵二十九年大水平地丈餘

鄉試改期人食觀音粉記自給振免徵志新三十年宿水不退

夏四月竹開黃花志沈自此後竹恆花記自五月朔夜月見志沈

六月潮溢句東麥雙岐

文宗顯皇帝咸豐元年竹盡花蘭並蒂重花結實志沈江之孫附溪鎮

如江田竭片見底稜起復溧水麥秀兩歧志新二年十一月初六日晚

地大震壞垣夜大風十二日某日初昏有光如電遙見火

塊自空而下志沈面志生火附周上方新河丈大王廟得水後冬愈熾十月能吸地煙是年地

生白毛志新三年元旦黃霧四塞志沈春正月溧水地震有聲

志新二月至三月地屢震志沈彗秋七月路口符氏剃頭匠家

猪生白象鼻連腹數日死

記自

四年夏雨鍼各長一二寸十

一月初五水不震而水搖南北往復蕩漾各路同狀半時

許五年春正月十九日迅雷急雨夏雨鍼長一二寸五月

十六日大雨

志沈

是年諸水無故自溢

志新

六年夏旱地生毛

秋蝗升米百錢

志沈

是年有大星西南流光芒數丈

志新

七年

春正月二十七日大雷雨蝗夏四月二十六日霜五月麥

雙歧夏蝗八年春三月大霜秋九月二十六日流星晝見

自西而東自辰至午三五七八不等皆長尺許十年春三

月十一日霰雪雜下十四日清明積雪數寸寒甚

志沈

閏三

月初十日雨霰數日奇寒

記自

十五日立夏又微雪冬十月

初四日地小震是年多狗頭虎傷人十一年旱蝗冬十一

月十一日夜大雷雨以風十三日鳩鳴志沈是年彗志新

穆宗毅皇帝同治元年旱蝗饑人相食記自冬十月二十一日

雷急雨氣暖十一月初二日冬至鵲鳩鳴二年秋八月朔

日月合璧五星連珠志沈溧水蝗志新三年借給牛本籽種浚

郡內河志新四年春正月初一日雷十一日雷雨十三日大

雷雨以風冬十二月十四日雷鳴驟雨暮又雷雨氣暖如

夏土大潤志沈浚郡內河溧水水志新六年冬十月初四日晴

雷志沈旱水涸志新七年秋九月十四日地兩震十七日夜又

震志沈八年水志新十年浚秦淮至東水關志新十一年春二月

十九日夏六月十九日秋七月十二日地並震八月十八

日地微震十九日地大震壁搖天有聲十二年冬十一月

二十一日虹十三年冬十二月二十六日大風地微震志沈

某月小茅山蛟水東流記自

今上光緒二年夏旱秋蝗食蘆柳不傷稼志沈妖術放紙人剪

髮各怪記自是年有星晝見三年旱蝗四年掘蝗子五年浚

郡內河志新句容南門外猪生象六年正月末雨夾雪為木

冰介即木也樹以重折無數斷行人十日記自恩免溧水湖坍浮

糧志新七年東陽魏氏秫生怪物如道光口口亦於其地秫

生金沙井向張公祠庭西桐樹杪結木刀八年五月二十

一日赤堰夜發蛟東陽水深三尺午即退是年鍾山亦蛟

而水微小六月彗經兩月有餘記自

赤山湖志卷

金陵叢書丙集之三

句容尚兆山

興作錄

稟奉諭勘湖開河稿

辦理光緒八年八月二十九日稟

敬稟者竊職道奉憲台面諭飭赴句容履勘赤山湖興辦水

利情形稟復核辦等因職道會同新兵後營陳都司鶴齡於

八月二十四日自省起程由通濟門水路前往於二十五日

抵三岔河勘得一路河流均一律疏通毋庸挑濬是日適舉

人秦際唐遵奉憲札會同履勘亦即趕到二十六日早職道

邀同舉人秦際唐都司陳鶴齡代理句容縣知縣黎令光且

等履勘句容縣東舊河由三岔河勘起行二十里至淤鄉沿

河寬五六丈深約一二丈不等循河向東北五里至小其村  
又三里至河莊廟河道均寬二三丈不等又五里至畢墟村  
河道亦寬丈餘過此以往向東北五里至鼉龍廟皆屬土岡  
河形淤成田地過鼉龍廟土岡十里至呂坊寺又有河影約  
寬丈餘每逢春夏水漲之時寶堰船隻亦可駛至又八里入  
丹徒境之寶堰河船隻即能暢行計由淤鄉至畢墟村十三  
里由鼉龍廟至呂坊寺十里河身尙易挑濬惟畢墟村至鼉  
龍廟五里一片土岡施工較鉅此二十六日履勘句容縣東  
舊河影之情形也二十七日職道又與該舉人等履勘赤山  
湖周圍計七千九百三十丈以一里一百八十丈約計四十  
餘里湖中舊有石柱相傳高一丈二尺今祇出土尺許淤塞



太深謹勘得湖中舊有五蕩均漸淤狹惟白水蕩較大若濬五蕩則泥土仍積湖中一遇大雨時行土流入蕩依然淤塞是濬蕩之議似無把握惟白水蕩有正溜河一道通麻培橋入秦淮爲湖水之西流又蠓子壩近蕩有溜一道由張廟達義城橋至淤鄉爲湖水之東流一經濬深則湖可由東西兩路分洩泥土亦可培高隄岸再於東西擇地各建一閘以時啓閉可期水旱無虞較之濬湖挑蕩寔屬有利無弊此二十七日履勘句容縣赤山湖河道之情形也職道伏思赤山湖受茅山丫髻瓦屋斗門諸山之水洩入秦淮年久湖淤民田均受水患歷經官紳籌議設法挑濬俱以工鉅費絀而止竊念地有非常之利必待非常之人而後興今侯中堂關心民

瘼飭令勸辦官紳士庶莫不歡欣鼓舞翼觀厥成職道履勘  
後與舉人秦際唐等互相商推以爲江甯城外歷經水患一  
由於赤山湖水無分洩之路一由於江洲淤高江潮抵住淮  
流不能宣洩今相度水勢必須開復句容縣東之舊河以資  
分洩茲擬先將句容縣東淤鄉至呂坊寺舊河開通再將赤  
山湖內兩河深濬以河中泥土加築隄岸遇水盛漲東西可  
以分洩東則洩入丹徒之寶堰河西則洩入秦淮仍於兩處  
建閘以資儲洩既免上江句溧四邑之水患又可使蘇常船  
隻由內河而至江甯免長江風濤之險洵屬一舉兩益可爲  
百世之利惟開河工程及建閘等項經費須俟測量地勢高  
下方能分段該計暫准酌定所有遵諭履勘赤山湖興修江

甯水利情形理合繪圖開摺稟復是否有當仰候侯中堂鑒核俯賜批示祇遵

計開清摺一扣

一職道等履勘赤山湖周圍約四十餘里適遇水涸之時計細按圖考察所有湖中五蕩亦漸淤漸狹其中惟白水蕩爲較大有正溜河一道通蘇培橋向東北接三岔河彎曲向西入秦淮此外又有蠓子壩近蕩有溜一道向北來由張廟達義成橋東流至淤鄉擬俟開通舊河後再將湖中東流西流之河開深庶能受水以所挑河泥加築隄岸一遇盛漲水勢東西分瀉水滂可免東西再爲擇地各建一閘以時啟閉涸旱無憂洵爲百世之利也

一查湖中有石柱相傳原柱高一丈二尺今祇出土尺許餘  
爲淤泥所掩湖地已高滋丈餘既無蓄水之區又無分洩  
之路春夏山水陡漲固無怪其水勢滿騰直注下游若非  
設法分洩嗣後湖地愈淤愈高恐江甯一帶水患尤甚職  
道等又親登赤山俯瞰全湖形勢覺湖西湖東地勢高低  
相似所開之河正偏東北以理揣之水勢可以兩得其半  
一赤山湖之水不但浸淹上江句三縣圩田即高溧兩縣交  
界農田亦間有受害之區議濬赤山湖正所以保護五縣  
圩田者其說誠是但湖內已淤成平地專濬湖挑蕩祇於  
句容近湖之處可免洪水之患則上江高溧下游一帶湖  
流全力下注漫淹仍不能免且濬土無歸一遇洪水仍淤

湖內前工盡棄非萬全之策也職道等愚見以開通舊河分洩湖水以殺其勢爲上策以挑濬湖中傍隄之河將濬土培厚隄岸再於三岔河下擇地修閘以資啓閉爲次策至於挑深五蕩工程與開河等而淤泥勢必附蕩堆積春夏水發仍虞淤塞此論寔無把握

一查句容縣東南二十里有舊河古名破岡瀆水源由赤山湖三岔河直達淤鄉按建康寔錄載明吳赤烏八年使校尉陳勳作屯田發兵三萬鑿句容中道小其村東至雲陽以通吳會船艦號破岡瀆上下十四埭入延陵界下埭入江甯界於是東都船艦不復行京口矣晉宋齊因之梁太子綱改名破墩瀆遂廢開上容瀆至陳又溼上容瀆更修

破岡瀆至隋平陳并廢此舊河影之原始也

一職道等先由三岔河勘起沿河行二十里至淤鄉見河面約有五六丈寬深約一二丈不等現有水注其間查破岡瀆即始此處該處向東北另有叉河淤塞不通即古上容瀆也循河向東北五里至小其村河面寬約二三丈不等每逢水大船亦可至又三里至河莊廟河之寬闊與前相等五里至畢墟村河約丈餘寬過此以往向東北五里至鼉龍廟皆屬土岡河形淤成平地過鼉龍廟之岡十里名呂坊寺又有河影約丈餘寬每逢大水船隻亦可上駛至此八里入丹徒境之寶堰河船隻即能暢行計由淤鄉至畢墟村十三里河身尙易挑濬由此五里至鼉龍廟一片

土岡施工較鉅此履勘舊河影之情形也

一畢墟村至鼉龍廟土岡究高於淤鄉平地若干須用水平測之方能得其高低尺數然以形勢觀之縱高不逾十丈岡中仍有起伏統計工程以畢墟村至鼉龍廟五里爲最鉅由淤鄉至畢墟村十三里次之由鼉龍廟十里至呂坊寺又次之此估計疏開舊河工程難易之情形也

一開濬此河不宜太深祇須與淤鄉現在河口深淺相等蓋淤鄉河口深淺與三岔河入秦淮之水深淺相等職道等由金陵赴赤山湖沿途測量水之深淺湖熟鎮以西水深一丈二三尺不等向東水僅七八尺深因思開濬古破岡瀆舊河與湖熟以上水勢務得其平庶不致有過洩之患

竊思江甯城外一帶所以屢受水患之故一由於赤山湖水無分洩之路一由於江洲漸次淤高江潮入淮抵住湖水不能宣洩開通此河湖水可以分洩不致有湖潮抵淹之患

一湖水由三岔河分注淤鄉繞句容城東向東北會寶堰河不惟該處民田得資灌溉而蘇常客商船隻上下可免長江之險將來商賈輻輳地方漸可興復句容之利又不僅免水患而已

一凡創辦工程未經言利先須防害攷此河自吳赤烏八年開起晉宋齊歷代因之至陳又更修之此有利無害之明證也議開此河并非創舉不過規復舊制職道等博訪周



諮地方紳民僉以爲善

一開河工程經費以及擇地建牯等事須俟測量地勢高低方能分段核算暫難酌定所有奉飭履勘赤山湖修理江甯水利各情形謹繪圖粘說敬呈鈞奪九月初十日 太子太保東閣大學士兵部尙書兩江總督部堂二等恪靖侯加一等輕車都尉左批所稟履勘情形尙屬明晰應准照辦此項工程昨已札委該道會同劉提督端冕前往督辦仰即會同劉提督審度地勢妥籌辦理務求工歸寔際費不虛糜是爲至要併候札行水利局暨劉提督查照至清摺未據同送自係漏未入封並即補送備查繳圖存

稟河工及新兵營開工日期稿 九月二十九日

敬稟者竊職道前稟擬於九月二十二日先往赤山湖會同  
布置再赴江北之朱家山商辦一切二十三日適銘武軍統  
帶張提督景春章提督高元劉鎮朝祐奉調來省與職道商  
及河工事宜旋於二十四日同赴赤山湖與易提督致中粟  
鎮龍山代理句容縣知縣黎令周歷履勘計議開工竊念挑  
濬赤山湖正河係從紳士之議專爲納水起見非寬深不能  
有容東西十餘里非分段不能迅速當與各統領互相商推  
明定寬深丈尺次第舉行查赤山湖正河由麻培橋自西而  
東歷蠡子壩至道士壩橫互共一十七里應即先行開濬次  
將三岔河至陳家牯舊河濬深再次將陳家牯至湖熟鎮以  
上之秦淮舊河濬深計三岔河秦淮河兩處工程共三十餘

里緣先將湖河開成湖水始有儲蓄之處然後濬三岔河則  
遏湖水使由麻培橋陳家牯洩入秦淮濬秦淮則閉陳家牯  
加築木壩填土遏水於湖中此擬辦工程之次第也赤山湖  
奉撥營勇計銘武軍二千五百人新兵營一千五百人先濬  
湖中正河派銘武軍由麻培橋開工自西而東會新兵營於  
蠡子壩新兵營由蠡子壩開工自東而西會銘武軍於麻培  
橋計兩軍合辦工程共長五里俟麻培橋蠡子壩河道竣事  
再由蠡子壩自西而東濬至道士壩銘武新兵兩軍仍應分  
東西兩途開工會合一處辦理此擬分派營勇分辦之段落  
也至新開湖河計長十七里均傍現有之大溜開濬擬將河  
面一律濬寬七丈底寬二丈深一丈河中泥土仍照前稟將

湖堤加高培厚並察看地段分別隄外有無民田隄外有民田者其土傾填隄內無民田者其土傾填隄外以順輿情其三岔河及湖熟以上之秦淮現交冬令水深五六尺七八尺不等擬將河身一律濬深總以秋冬水落之時受水一丈爲度濬土亦填築兩岸隄埂由承辦營勇捶築堅寔以免坍塌卸入河此擬開濬河工之丈尺也總計赤山湖之工現擬新開湖中之河一道濬深湖外之河兩道當春夏山水下注之時足以多爲容納而宣洩之勢亦可稍緩於百餘里農田寔有裨益此外另建石牯以資啓閉之議職道與各統領相度地勢不能舉行蓋兩岸隄埂均非寔土恐難堅固祇合仍於陳家牯酌量培修會議既定易提督粟鎮即於九月二十七日

先行開工銘武軍張提督等旋即馳回江陰迅即拔隊到工  
職道惟有會商各統領督飭弁勇奮勉從公以仰副侯中堂  
軫念民瘼興利除害之至意除唐提督所部之銘武軍開工  
日期另行稟報外理合將會同布置河工事宜並新兵營開  
工日期繪呈圖說具稟伏乞侯中堂鑒核訓示祇遵寔爲公  
便十三日 侯中堂左批所稟分派挑濬赤山湖工情形甚  
爲明晰仰即會商各統領督率所部弁勇循序加緊興辦以  
期速觀厥成繳

稟續勘湖工稿 八年十一月十六日

敬稟者竊職道前稟分派挑濬赤山湖工情形當於十月十  
五日奉憲台批開仰即會商各統領督率所部弁勇循序加

緊興辦以期速觀厥成等因在案昨因朱家山河工各事大定于十一月初九日前赴赤山湖會同各統領履勘新開赤山湖正河工程自麻培橋至蠓子壩五里業已工竣河面一律寬七丈底寬二丈深一丈河中泥土均將湖隄加高培厚現至蠓子壩至道士壩止十二里亦已開成五里如今年天氣晴和湖河十七里之工可以一律告竣各營弁勇蒙憲台節次犒賞酒肉歡聲雷動力役甚勤而附近居民又以濬河培隄保護民田甚眾一舉而兩益俱備誠屬工歸寔濟餉不虛糜將來可無水滂之虞雖婦人孺子莫不感頌恩德眾口同聲職道與各統領籌議俟湖河工竣即濬麻培橋以下河道泥土仍應培隄以便修建陳家牯次濬三汊河俟三汊河

工竣即濬秦淮其建牯石工已飭工員陳丞等傳匠議購石價稟候批示庶可早爲伐石及時興工並會商各統領濬三岔秦淮兩河須築壩三道一築麻培橋一築蠡子壩俱遏水於湖中一築句容來河遏水逆而之東約計三壩所需木料甚多應由各營預購木植以爲築壩之用惟明春三月以後山水陡發卽須停工得能儘今年將湖河竣工開春專建陳家牯濬三岔河以及秦淮河道各軍踴躍從事或可告成除面商各統領督率弁勇趕緊工作外所有續勘籌議赤山湖工緣由理合具稟是否有當仰祈候中堂鑒核訓示寔爲公便 二十八日候中堂批據稟已悉仰卽移會各營乘時加緊工作毋稍延誤切切繳

議辦陳家厝詳咨稿十一月二十八日詳

爲詳明事竊照赤山湖河工職道於本年十一月間在工與

各統領籌議俟湖河工竣卽濬麻培橋以下河道泥土仍應

培隄以便修建陳家厝次濬三岔河俟三岔河工竣卽濬秦

淮其建厝石工已飭工員陳丞等傳匠議購石價庶可早爲

伐石及時興工當經稟明憲閣督憲並抄稟咨會在案茲於

十一月二十六日據赤山湖工員陳丞光烈等稟稱竊卑職

等於光緒八年十一月十九日奉憲台札開竊本道於光緒

八年十一月十六日稟赤山湖河工自麻培橋至嶼子壩業

已工竣續勘籌議工程情形請示遵緣由除俟奉到兩江爵

閣督憲左批示另錄行知外查湖河工竣後卽須築壩三道



挑濬三岔秦淮兩河應由各營約數預購木料以爲壩工之用前領經費如有不敷即請續赴水利局請領濟用至陳家牯石工亦須及早籌備應由工員傳匠約估需用各項石料工價若干開具細數清摺呈由本道復核稟請憲示飭辦以便早日伐石運工明年正月卽行興辦免致遲誤除分別咨行外合亟抄稟札飭札到該員等即便遵照迅速辦理稟復核辦切切等因奉此卑職等遵即傳同石匠馳赴陳家村邊赤山東石牯詳細履勘寔勘得該牯橋面倒壞雁瓦牆亦傾卸殘缺頽敝不堪應將舊基起除重施椿木再安底板層層鑲砌穩固以垂久遠量得舊牯穿心寬六丈六尺河道現擬濬寬牯座亦擬加寬一丈新造牯座擬寬七丈六尺卑職等

率同工匠詳慎估定做法並摶節估計經費寔需造牖經費銀一千一百二十五兩五錢六分連同築壩戽水工價共估需銀一千二百三十二兩二錢二分六厘至麻培橋石柱前奉憲諭酌量添建亦經卑職等督同紳耆詳細履勘應添建四十根以備山水暴漲圩民涉險之助估需經費銀七十七兩五錢七分五釐惟察赤山近在牖邊產石甚多伐用甚便初不慮石之難購也卑職等督同紳耆工匠細爲考較而石質紅脆竟不堪修牖之用勢必借助他山而金陵所用石料多取資於寶村去省垣四十里去陳家村邊約五十里現值河水乾淺石質沈重難資浮送卽待春水稍發再行購運而時值挑濬秦淮湖熟一帶築壩攔水河道梗塞勢難越渡施

工易而石料購運難卑職等不敢含糊誤工不得不據寔稟  
明可否俟全河大工告竣明年秋後再議建牯仰候憲裁謹  
將奉委勘估陳家牯牯工經費及石料難運原由並造具估  
冊聯銜稟復呈祈憲台鑒核施行

清冊

計開

一陳家牯居絳巖山之東始設於前明萬厯二十九年句容  
令茅一桂相其地勢上爲華陽會歸下達淮水川流爲一  
湖命脈所關數圩灌溉所賴扼要建牯以謹啟閉迨世遠  
年深漸致崩卸國朝乾隆五十三年經各業民集資重建  
以利田疇咸豐年間兵燹之擾累牯座拆卸傾頽者又幾

三十年矣農田命脈所關固宜妥籌重建者也量得舊牖形勢北邊雁尾牆穿河心二丈四尺南邊雁尾牆穿河心寬三丈二尺居中寬一丈是原建橋座兩岸穿心共寬六丈六尺今河面既擬濬寬牖座亦擬寬一丈北邊雁尾牆擬寬二丈九尺一字進深一丈四尺八字進深三丈高一丈二尺南邊雁尾牆擬寬三丈七尺一字進深一丈四尺八字進深三丈高一丈二尺居中牖面寬一丈一甕出水統高一丈二尺全牖共寬七丈六尺察看原牖舊雁尾牆所存石塊尙有三成須添購七成措用而椿木石板及腰箍鎖口等石則需新施油灰工料概同新造擬先將舊雁尾牆全行拆去用一尺二三寸廣木挨密下椿椿深一丈

以碎石卡椿頭石板平鋪椿面用大河工石就椿板砌牆  
腳重用油灰鑲縫以碎石襯裏安砌牆座丁頭石穿連鐵  
巴裹力腰箍石做扁鎖口封口砌成雁尾牆兩座居中以  
一丈三尺長整青石作牯面嵌鑲穩固以利行旅牯門就  
雁尾牆一字兩邊起槽安板板載鐵環以便套索啟閉之  
用此就該牯形勢以擬牯座之丈尺做法也

一建牯必先築壩戽水方能施工今估築攔水壩一道長七  
丈頂寬一丈四尺高深一丈每丈土三十方計用土四百  
二十方工完啟除土四百二十方約用大河工石一百丈  
每丈一千六百文計錢一百六十千文約用了頭石一百  
八十个每个二百四十文計錢四十三千二百文約用腰

箍石五十丈每丈二千二百文計錢一百一十千文約用

鎖口石十六丈二尺每丈二千四百文計錢三十八千八

百八十文約用牯底石十丈每丈三千文計錢三十千文

約用襯裏碎石五十方每方三千六百文計錢一百八十

千文約用拖繩有眼石二塊每塊三千六百文計錢七千

二百文約添用牯面石二塊本需五塊現尙存二塊沈河

尺二十六寸每塊錢計錢一百八十千文約用袞磚一萬塊每

萬三十六千文計錢三十六千文約用石灰四百二十石

每石四百五十文計錢一百八十九千文約用桐油十六

石每石十千文計錢一百六十千文約用糯米二十石每

石三千二百文計錢六十四千文約用一尺三寸廣木一

百五十根碼九兩十計銀一百八兩約用二尺廣木十

五根碼四兩二錢十計銀五十兩四錢約用油板二十塊

每塊一錢六分計銀三兩二錢約用皮槁一百根扎架及搭

一分錢計銀十五兩約用棕繩一千五百根每根十一文計

錢十六千五百文約用麻繩五十斤每斤八十文計錢四

千文約用細麻五十觔每斤一百四十文計錢七千文約

用鐵巴鐵攀鐵環等鐵器計錢三十千文約用安砌河工

石丁頭腰箍鎖口等石石工一千工每工二百二十文計

錢二百二十千文約用折砌舊雁尾牆石工小工一百工

每工一百六十文計錢十六千文約用下椿卡椿頭平椿

板小工三百工每工一百六十文計錢四十八千文約用

擡石襯裏化灰調漿等小工三百工每工一百六十文計錢四十八千文約用搭棚及製石匠應用器具並開工完工犒賞等項計錢五十千文以上工料工價雜用等項估需銀一百七十六兩六錢又錢一千五百六十五千七百八十文一六五折合湘平銀九百四十八兩九錢六分共需造牘經費銀一千一百二十五兩五錢六分又估運土築壩及啟除土方壩工共一千工每工一百六十文計錢一百六十千文又車水一百工每工一百六十文計錢七六千文以上築壩屨水工價估需錢一百七十六千文一六五折合湘平銀一百六兩六錢六分六釐查造牘若在築壩濬河之時可省壩工若在開壩放水以後須另行築



壩理合登明綜計一册連同工料工價雜用等項經費及築壩戽水工價共計需銀一千二百三十二兩二錢二分六釐另估麻培橋石柱應添建四十根每根連座見方一尺三寸長四尺寬一尺打眼工價及運工水腳在內每根錢三千二百文共計需錢一百二十八千文一六五折合湘平銀七十七兩五錢七分五釐合併陳明稟請鑒核等情據此查核勘估插工尙屬核寔所稟赤山附近石料不堪採用遠在寶村購料趕辦不及擬俟河工全竣明年秋後再議建插各情均係寔在情形合將插工做法估計工料照繕清冊具文詳送仰祈憲台鑒核批示祇遵寔爲公便十二月初一日奉 侯中堂左批據詳陳家插工現值

河水乾淺石料購運維艱應准如詳於明年秋後工竣再  
議興建仰即遵照繳册存

咨復開濬句容舊河俟此次湖工竣再行勘議稿 十二月初

五日

為咨復事光緒八年十月十八日准貴州總局咨開據代理句

容縣黎令光且稟據侯選訓導陳汝濟等稟稱句邑地當衝

要自六朝時人物財賦為東南極盛之區厥後河道淤塞舟

楫不通以致日漸彫敝加以兵燹後民間生計更覺蕭條迄

今二十載有餘百廢尙未一舉職等蒿目時艱實有惻然於

中不安啟處者伏聞侯中堂念切民瘼興辦水利委員查勘

湖河情形設法挑濬寔為地方之第一要務從茲舟楫可通

田疇有賴是天生非常之人以興萬世之利在稍有知識者莫不歡欣鼓舞冀觀厥成詎聞有主風水之說者以爲開通河道則水勢東西分流恐有妨礙以致中止士民大爲失望職等再四籌思現擬一變通之法自三岔鎮挑起至鼉龍廟止約計三十餘里工費尙不甚鉅由鼉龍廟至寶堰一節間而不挑其水勢仍屬西流風水可無傷損則行李往來盤撥而度寶堰舟楫即能暢行以達蘇杭匪特行旅之樂利無窮即遇赤湖泛漲則此河分洩水勢澇災可免或逢旱年則兩岸農田亦可藉資灌溉無虞涸旱之災誠一舉而三善備矣至湖河形勢公祖瞭如指掌無庸再瀆爲此據情稟明伏乞電鑒申詳水利總局憲懇轉稟侯中堂可否俯賜批准開濬

河道以興水利則閭邑士民感德無既望恩上稟等情前來  
卑職伏思開濬河道以興水利誠地方要務茲據該職等稟  
稱各節尙屬實在情形理合稟請憲鑒酌奪可否轉詳侯中  
堂俯賜批准舉行伏候批令祇遵等情到局據此查此案開  
挑赤山湖工程先經貴道會督都司陳鶴齡舉人秦際唐前  
往履勘于稟復督憲摺陳查勘情形第五條內議先由三岔  
河勘起歷淤鄉破岡瀆小其村河莊廟畢墟村鼉龍廟呂坊  
寺等處直達丹徒境內之寶堰河并于第八條聲明湖水由  
三岔河分注淤鄉繞句容城東向東北會寶堰河不惟該處  
民田得資灌溉而蘇常客商船隻上下可免長江之險各等  
語旋奉批准照辦祇因邀集省城紳董會議以詢訪句容土

人云淤鄉古來本在赤山湖一百二十里之內赤山按唐宋之

十里當如所云杜桂在內若是淤鄉之濱湖見真語其湖當  
不三百里不能至彼土人所云非無所本但昧於時世耳

初破岡瀆上容瀆通運已千餘年之事酌古準今決非由壘

龍廟而達寶堰或另有故道應須訪尋從緩計議先請挑濬

湖中河蕩現在開工卽照此議先行興辦厥後能否次第舉

行尙須從長酌議今據該代理縣黎令稟據該職等具稟前

情是否可行抑應如何妥酌辦法本總局無從懸揣應請仍

由貴道于前詣工次時會同各營督同工員印官邀集土著

紳董博諮輿論體察情形熟商定議移復過局再行會核詳

辦除批示外合就咨請又於十月二十二日准貴金陵水利總

局咨開據句容縣候選教諭張長鑑等稟稱竊句容在六朝

時城外河道爲金陵蘇杭船艦往來要隘迨後淤塞商旅旣多長江之險而地方之土瘠民貧更不堪言今秋欣聞侯中堂委員挑濬赤山湖並察看舊河道擬卽一律疏通以分水勢以便農商旋蒙局憲逐細履勘繪圖估工閤邑士民忭舞載道謂大利之興及千百里之遙垂千萬世之久無有過於此者惟近聞有惑於風水者以湖水東流有礙金陵風水此不明地勢之說也當湖水盛漲時東西分洩容或有之至於淤鄉以東至鼉龍廟十八里漸高至十數丈水勢趨下斷無逆行東流之虞至其間應需建牯或築壩之處應請隨時察辦查前吳赤烏年間河道開通船艦暢行不復繞道京口邑誌所載歷有成效且農田得此而旱澇有備湖水得此而蓄

洩相資其樂利有不可勝言者爲此公叩局憲電鑒可否詳請候中堂恩賜批准飭委開濬利濟萬民等情到局據此查此案前據句容縣黎令稟據候選訓導陳汝濟等呈請開復赤山湖之東三岔鎮一帶河道等情到局當經敝局據情核案咨請仍由貴道於前詣工次時會同各營督同工員印官邀集土著紳董博諮輿論體察情形熟商定議移復過局再行會核詳辦在案據稟前情除批示外合再據情咨請辦理等因准此查敝道前於本年八月間奉爵閣督憲左諭赴句容履勘赤山湖興辦水利情形當與上元縣舉人秦際唐新兵後營營官儘先都司陳鶴齡代理句容縣知縣黎光旦等周歷履勘水道源流原議自淤鄉起歷鼉龍廟至呂坊寺止

開濬河道以爲句容諸山各水分洩之路再擇地建牖以時  
 啓閉可期水旱無虞奉爵閣督憲左批准照辦嗣因邀集省  
 城紳董會議均請從緩計議改爲先濬湖河次濬三岔秦淮  
 兩河以爲納水之策當經金貴陵水利總局與省城紳董議定  
 復開句容縣東舊河一事俟湖河工竣後察看情形再行商  
 辦並由敝道稟奉批飭會商各統領督率所部弁勇循序加  
 緊興辦等因各在案現在湖河業經興工三岔秦淮兩河次  
 第舉行各軍協力挑濬約計明年三四月間當可一律竣事  
 如納水之策與金陵省城水利有益似不必費此鉅工如水  
 利仍無效驗屆時再行熟商勘議核詳當此工作正殷似未  
 便半途更議轉致耽延誤工相應咨復爲此合咨

貴總局  
 貴府



請煩查照希即核轉行上明元飭遵施行

遵批核議雍與三等稟詳復稿 十二月初七日

爲詳復事竊於光緒八年十二月初三日奉憲台批雍與三等稟請挑赤山湖五蕩由奉批仰督辦句浦六河工事務陳道確查妥議具復察奪稟抄發等因奉此查抄稟內稱文生雍與三職貢生夏明根標下雲騎尉王業歲貢生楊端椿恩貢生馮德恩廩生陶斯詠廩生陶璞廩生陳浩文生陶蘭馨爲瀝陳湖河形勢籲恩采擇以廣德政事竊職生等前因赤山湖淤澱太甚水患頻仍稟請酌籌浚治蒙批江藩司委員確勘在案繼因湖身遼闊全湖開挑工鉅費絀勢屬難行不得已求濬五蕩以殺建瓴之勢疏淮水以免橫決之虞雖非

上策利賴已多亦經計陳在案仰荷侯中堂軫念民艱飭營挑濬凡濱湖士庶欽感之下歡若更生惟細察施工次第似不專主開湖及聞候補道陳公稟辭始知議請開通句容縣東之舊河使湖之東流洩入丹徒之寶堰河既可免上江句溧四邑之水患又可使蘇常船隻由內河而至江甯等因識見宏深規模遠大誠非淺陋所可企及惟職生等世居湖側生長圩鄉訪父老之傳聞采近今之輿論窮究利害測量高低覺所稟湖有東流及舊有河道等說不無可疑職生等不敢壅於上聞竊不揣冒昧而瀆陳之伏查赤山湖坐落逼近赤山東麓距茅山球山瓦屋諸山甚遠

山按茅瓦誠遠然球山即虬山在十里內

茅山之水自正東而來由溪澗中流三十里始至淤鄉河又

數里至義成橋又數里至青生埠村前入湖其球山瓦屋諸山之水則自東南而來流四十餘里始至葛村等處之支河入湖皆自高遂漸而下山不一山河不一河計湖之上游共有進水山河七道湖之下游僅有出水口岸兩處一曰蠓子壩出三岔鎮之亢盛橋入淮一曰麻塔橋出陳家邊村之石插入淮兩河相隔三里其流雖分其入淮則一今乃謂蠓子壩有溜一道由張廟達義成橋爲湖之東流是誤將湖之上流下流牽合爲一矣且張廟距河邊路凡七里淤鄉入湖之流並不經過彼處此湖有東流之說可疑也又查淤鄉村之河有南北二道南河受茅山之水北河受句容諸山及鎮山之水均入於湖故老相傳謂此二河前代皆經議開彼時並

無水患之虞不過思通蘇常運道俱以山岡阻隔又高低懸絕率難蕺事今所請開之河由淤鄉至小其村河莊廟畢墟村諸處此十餘里之間尙有河影然寬僅丈餘者多寬至二丈者少由南塘至鼉龍廟土岡橫互約高十餘丈之譜由鼉龍廟至呂坊一律熟田略無河影其呂坊寺以下之河影則山以東入寶堰河之水道也細審地勢不獨鼉龍廟一片土岡向無河道即呂坊寺以上之田亦非河身淤塞而成蓋由湖向東逐漸而高越鼉龍廟而後逐漸而低水性就下豈能激而行之況歷考傳記似未聞該處有河可以通流此舊有河道之說可疑也至寶堰鎮之河其源亦分南北南河受茅山東面之水北河受句容諸山東面之水其入江水道較秦

淮爲尤遠所以每逢山水暴漲宣洩不及輒被水災今夏大雨時行沿秦淮各村鎮水勢汪洋而寶堰鎮街亦水深二尺餘然斯僅受諸山一面之水尙且時虞泛濫若更益以淤鄉河之水其受患伊胡底也職生等周圍履勘反復推詳竊謂江甯水利總宜就湖身講求誠能先濬五蕩使山水之驟至者有所停頓次將湖熟鎮上下淮河之淤甚者全行挑深則開通寶堰固可爲百世之利即不通寶堰亦非僅一時之功否則就令寶堰開通亦不過將上江句溧之水使丹徒分受於大局恐無裨益萬一勉強告成而不能分洩則湖水變爲河流其溜愈急其勢愈猛一遇霖雨濱淮百餘里之田廬不堪設想矣詳審候補道陳稟意亦非謂開湖可緩祇以濬蕩

則土無去路疏河則功可易施通盤籌畫煞費苦心然五蕩盡在湖邊卽以濬蕩之土爲堅築湖隄之用似亦事半功倍至因湖身淤塞太甚就湖中浚河築隄亦屬變通盡利但湖中旣已創隄湖水卽爲隄束數十年後隄外之湖能保居民不悉占爲田乎此亦流弊之不可不慮者也職生等非不知事經核定曷敢瀆呈但念幸值侯中堂關心民瘼以士庶不敢呼籲之隱一經陳請立興鉅工厚澤深仁古今罕覩若管見所及知而不言徒使勞軍糜費上施逾格之恩下無寔受之惠非所以仰體侯中堂爲民造福之至意也爲此不得已冒昧瀆陳是否有當伏乞侯中堂恩賞鑒核俯賜批示祇遵寔爲德便除稟江藩司暨巡道府縣外肅此望恩上稟云云

伏查上江句溧諸山之水下注於赤山湖祇因湖淤塞不通致附近民田年年被潦下游一帶亦受水患是以有此興辦水利之舉約指其要只有二端一於上游求納水之法不使泛濫無歸則民田無水患矣一於下游求受水之緩不使奔騰太急則金陵無水患矣是以職道前次會勘籌議定爲另挑湖中二十里之正河濬深秦淮三岔兩河道加建陳家古厓皆所以爲納水計亦可以爲旱澇備也上游水有所納下游水勢自緩近不爲民田之災遠不爲省城之患所謂水利者當卽在是今奉抄批發文生雍與三之稟一以開寶堰河爲無益一以湖中五蕩爲應濬一以湖河有隄恐民占湖地爲可慮職道虛衷體察反復計議以爲所陳各節泥於古未

必合於今坐而言終難起而行即如開通寶堰一事初次會勘擬爲東西分洩之計原有此議嗣因集省城紳士會議而止乃十月間據代理句容縣知縣黎令轉據句容紳士陳汝濟等又張長鑑等一再具稟請開鼉龍廟河道以便農商並云前吳赤烏年間河道暢通不復繞道京口邑志所載足爲據等語有案今該生等以爲向無河道開之無益同爲上元句容之紳同議一事而可否互異是否無心矛盾抑係有意牴牾殊難懸揣好在開通寶堰之議並未舉行然紳士之各達臆見並無定論已可概見矣若濬蕩灘一節前營務處王道詩正先已稟之甚詳從來山下之湖乃水力灌注久成巨浸並非人工挑濬而成即如安徽之洪澤湖歷年患溢只



有議導湖水而設法以分洩者不聞有濬湖身而專恃其注者蓋因工無所施力無可用也赤山湖舊有五蕩均在湖心日漸淤狹若欲濬之使深即窮一冬之兵力不能竭現注之底水且目前淤泥深不可測滅頂堪虞從何插足若欲濬之使寬則全湖周圍約四十餘里力役斷無已時況山水陡發僅恃五蕩以蓄之能保其滿而不溢乎更能保其溢而不致泛濫乎至湖邊所墾田地前據代理知縣黎令面稱均已陸續升科是湖地民占爲田已非一日現在所濬湖中由東而西正河將及二十里之遙均傍舊隄加高增厚全湖環在其中並未新築一隄民間從何侵占倘改濬五蕩以土在湖中環而爲隄竊恐隄外之地轉爲民占也刻下湖河業已工竣

其三岔河及湖熟以上之秦淮現已分別築壩料量挑深此一役也計新開湖中正河一道濬深湖外之河兩道當春夏山水下注之時足以多爲容納而宣洩之勢即可稍緩此外加建陳家古壩一道遇澇閉陳家壩則水由三岔河紆迴達於秦淮以緩其勢遇旱啟陳家壩由湖內麻培橋直入秦淮以暢其行旱澇可以有備職道擬俟工竣後再請將湖東淤鄉二十里河道於明年秋間派營濬深使東路之水亦有歸宿則東西兩路納水有資於金陵水利更有把握惟湖熟以西河道職道前稟請不必濬因地處下游深則有高屋建瓴之患是以只請濬湖熟上游賴有儲蓄以殺趨下之勢且湖河之水迂折而力分湖蕩之水併聚而力合川壅而潰遏之

甚難似濬蕩之議遜於濬河之策不待言矣古人治水之法不外窮源竟委若就湖身講求似屬非是職道才識淺薄不敢執己見而好爲辯論亦不敢徇人言而強作周旋總以上游之水納之宜多下游之水洩之宜緩於民田省城兩無妨害爲主未便泥定古制希圖延宕以仰副憲台興利除患寔事求是之至意奉批前因理合據寔詳復是否有當仰祈憲台鑒核訓示寔爲公便



一  
三

一  
三  
三

蔣氏校印

赤山湖志跋

赤山湖志六卷句容尙仰止先生兆山所著也案湖爲秦淮之源初廣百二十里許後爲豪強所占規而爲田羣山之水湖不足容下注於秦淮六七月之間雨集江水旣盈淮不得洩溢而橫流淮之兩岸皆爲巨浸或一二尺或三四尺淺以盤深以舸行者病之道光己酉江南鄉試且改至九月皆水利不修之害也修水利矣又只知濬淮而不知濬湖不數載而復其故是濬猶不濬也光緒壬午左文襄督兩江始有濬湖之議先生方與其役役未半有大力者梗之文襄亦移節閩中濬湖之功遂廢先生痛之乃爲是志以詳其原委端末俾後之官斯土者賡續成之濬百世之沈災興一鄉之樂利

其用心可謂苦矣唯草稿初就或僅有其目先生遽沒今稍事釐正以備志乘之采先生自序名赤山湖源委札記今仍名曰志自序云凡編集文一卷今圖一卷圖說一卷歷代源委圖及圖證一卷古跡攷二卷祈年譜一卷凡七卷今定爲今圖第一歷代源委圖及秦淮各鄉圖山水全勢圖第二所補各圖本散附圖說內今亦移於圖後圖說第三集文第四祈年譜第五興作錄第六此文襄濬湖公櫝也六卷其自序中有古蹟攷二卷皆附於各鄉圖說內未經別出今亦仍之又圖目後注云歷代地名圖與圖證別爲一卷茲卷不入今亦不可復迹矣於戲今之農家往往就古瀦水之澤規爲阡陌謂所以盡地利也然務盡地利之虛名與水爭地而貽他

日無窮之害況其所謂利者又皆一己之私而非一鄉之公  
讀先生是志其亦可憬然悟矣鄉後學蔣國榜





臺遊日記

雇	如	屋	蔣
涂	月	校	氏
凡	著	印	慎
吉	始	甲	脩
成	天	寅	書

無爲州蔣公祠碑

桐城陳澹然

皇帝光緒三十有二年春給事中吳煦奏言故安徽知無爲州上元蔣師轍惠政澤民民用祠祀請勅撫臣最厥蹟播之史官令官司時歲祀用彰以死殉民之烈 詔下安徽巡撫誠勳布政使馮煦斂實以陳於是桐城部民陳澹然方至皖聞而喜曰賢哉蔣公得此可昭著萬世而無憾矣迺亟索其家讀其書著其學行才志大者聲諸無爲公祠之碑特本歐誌孫泰山例大書其號曰遜菴先生嚴而立之天下

先生之志其大者憂中國外患之深言治者大率張皇補苴莫或知其本本之大莫如土地而水輒陷之故天下知水之害而莫知其利水利亡而衣食絀訟盜淫慝釀爲人心風俗

之憂外患將不知所極故所著江蘇水利海塘圖書都六十卷與山東防海治河諸策類無不慎抉其綱維下逮臨胸鹿邑二縣志三十六卷大之山川人物細之風俗物產之微類無不探其幽元而隱寓拳拳振祓之義其論臨胸風俗儻者則謂士丈夫當挽救無形此豈操切拘墟所可窺其萬一者卒乃飄泊一官蹉跎吾皖所治壽州鳳陽桐城多者乃不及歲今無爲則又七月而亡然民無不痛哭悲哀若喪父母至乃一州數百里罷市三日比戶張白燈懸素縞遠則位村社麻衣布履入城奠哭致厥哀川督劉公且命家人張燈素縞喪歸白衣冠送者數萬人聚哭於江滸連檣百數十里乃還爭爲聯詞歌謠刊巨帙製墮淚碑祠米南宮側永其懷蓋

自 國朝三百年蜀人悲駱文忠外未有如先生者自民教之爭牧令袒教抑民民憤益亂故拳寇之起戰爭乃震環球亂定賠款日增而牧令益棘先生之履無爲也民教訟作則一斷以平而達其詳於主教主教敬其行莫敢誰何初辛丑賠款之興皖且歲百萬羣議括諸民先生方宰鳳陽瘠甚獨抗言帥府曰民苦凋瘵久已取諸民曷若取諸官大吏寢其言則怏怏累日捐令下擇市人殷謹者任之法捐畝銀兩增緡錢二百先生則哀農氓減其半瑣而乖政體者自任之捐集而民不擾他牧令納民錢以銀納庫先生則一任市價絕纖私大府歎之檄爲行省法桐城舉人吳原淑曰先生之聽訟也溫顏肅坐任兩造極言徐出片語抉其奧黠者悚然或

狡甚呼杖脅之而徯其自返不輕扑一人或問之歎曰彼皆鄰里扑則終身大恥訟鬪且無窮耳桐故健訟遇瑩地尤黠先生必据契譜辨昭穆爲圖豁乃已命盜則減胥從絕冤累纖悉必嚴或聽斷久苦飢家人勸之食則歎曰吾豈不愛身哉一獄未清退則胥役必索酒食資訟師且因爲奸利將益苦吾民耳桐紳怒請託不得則謗之大府謂恆屈富貴人先生歎曰世飲泣莫訴者貧賤且折良懦以交富貴吾忍出此哉吾惟一以平耳故在壽在桐皆扼於紳以去小民流涕碣之在壽蝗不入境在鳳蝗且作獨率吏民步烈暑穢冠服不休鄰蝗而鳳不爲災及至無爲盛雨督民堤徒行泥淖中不輟雨極則手疏禱城隍請以死代天乃大和故其病也日危

坐喃喃審判狀威霽若堂皇鑿至則攬其手曰若幸教吾民  
慎自愛虐吾良懦吾且不汝貸矣鑿出歎曰公疾若此獨哀  
苦吾民則相率手疏禱城隍乞減年代死既沒或見寔爲州  
城隍云嗟乎鬼神之說蝗雨不災皆新學家不道然中西皆  
主上帝既曰上帝安能無神祇苟有神祇安能無感格摩耶  
絕淫祀社福田豈謂聖賢豪傑之隕焉漸滅鬼神者幹天地  
質萬物至誠所積心卽鬼神甯獨經傳反風體物之爲足據  
哉方先生之謝壽移鳳也或請以瘖辭則笑曰仕以行道利  
則商賈所爲或以虧逋告則笑曰吾飽憂患惡衣食數十年  
今所用不民則國虧數明徒亂吾意耳卒不顧去鳳方建壩  
捍淮款紕挹諸桐無難色至無爲革濳費金逾萬既沒逋金

萬而實不知而吾所歎爲不可幾及者則尤在去桐逸重囚  
一事故事囚逸例奪官官輒逆期稱公出賂典吏以承吏故  
金陵人請自承脫其危先生謝曰僞而苟祿曷若誠以去官  
吾實未出而詭出以欺長官是欺君上也吾生無欺人語老  
乃墮此節哉卒以實達長官越日竟得囚無恙故嘗綜其大  
節實始臨胸左右病父凡六年不忍一違其側精誠旣結學  
養旣深而又奔走飢寒飽更憂患故能守經達權剛柔允協  
嗚呼此殆古託孤寄命者歟獨奈何始困風塵終沈科舉至  
乃降心鬱志舍其身以求當吾民而卒僚侘死上者見吾民  
哀痛慘切然後震而奇之而卒莫肯發其書一窺其蘊抱吾  
慕先生久不獲見羅運經曰先生偉軀幹聲如巨鐘動靜必



禮見邪慝則鬢眉怒張而賢則親如子弟蓋乃昌黎所稱磊  
落天地者惜哉惜哉沒年五十有八光緒三十年甲辰春三  
月二十四日起上元縣拔貢生中順天副榜以知州終

蔣氏校印

安徽無爲州知州蔣君墓誌銘

并序

江甯鄧嘉緝

君諱師轍字紹由先世居溧陽至高祖嘉樹始遷上元考諱永齡山東霑化縣知縣有循績霑化君居官廉身後猶負官逋君營養償責南北奔馳偃蹇不遇而聲譽益廣由同治癸酉選貢舉光緒辛卯順天鄉試副榜至戊戌始援例爲安徽知州年逾五十矣大吏夙諗君名咸禮下之二十五年檄權壽州又明年移鳳陽二十八年調桐城二十九年眞授無爲州知州在官未滿五年四易其任所至一切務除弊於壽州植拳匪闖畿輔聯軍犯順大吏檄辦民團以防亂辦團必斂民財而團丁多游手遣散則無所歸君以民情安堵持不行民免於擾亦無後患於鳳陽裁驛舍圍牆馬棚之費儲款以

備修葺建棚以庠馬自出私財永禁灑派和議賠款各省攤  
 派民捐君擇市廛殷實者量力輸助而傾囊以足之民得不  
 困於桐城革車頭之弊贛餉道桐以手車挽送歲七十餘次  
 立車頭任其役車頭責諸民浮濫無藝君斥去車頭不用使  
 村保輪應餉至懸牌遞送竟歲苛派悉絕省費十七八於無  
 爲民樸愿號易治官吏蹈藉而魚肉之君至悉窒蠹孔日勤  
 聽斷重門洞開訟入即決事無壅蔽民樂歸訴丞佐之庭闐  
 如斂手不得勒索訟有拘集差役賂鬪者入己名而取盈於  
 良懦謂之買票君視勤惰注牒延宕詐索技無所施隸皆咋  
 舌自失丁漕吏胥主之易其人則競進陋規謂之簽點賄入  
 而賣災民欠不可究詰徒蝕正供下戶益滋浮費君嚴杜苞

直吏嚙罔敢飾災欠是歲奏銷如額君斷獄罕留滯民免羈  
候每赴鄉禁供張需索遇命案親率仵作按驗鄰右證明即  
遣去它無株連往往當場訊結兩造不費錙銖輿從簡約寒  
暑風雨雖凍餒不自恤卒以此致疾不起在無爲凡七閱月  
民爲巷哭罷市建祠樹碑喪歸奠送至數十里論者咸詫  
爲異余謂無異也夫人陷水火拯而濟之一引手之勞固已  
出死入生矣而拯者旋以顛隕有不號泣而感慕者豈情也  
哉君旣卒之明年大吏徇民請最君事蹟聞於 朝 詔史  
館立傳於是君勤民之績迺益著而天下爭重循吏矣君有  
至性篤於倫紀霑化君晚患風癘昏瞽或失常度君匡救將  
順未嘗忤其意扶掖起動晝夜在側數年不歸內寢兄幼瞻

之喪懼重親憂外無戚容而淚濡枕席執友羅雨田亡悼歎  
彌月哭幼瞻雨田之詩語皆絕痛至不可讀君學涉多通撰  
著凡十餘種尤長於水利君既以循良稱未足以是概君也  
余辱君知三十餘年同試京師聚處且半歲君修臨朐縣志  
約余分纂館君齋八月深語多窮日夜君每曰士習歇敝久  
叢話病吾輩立身自具本末至於任事無問出處皆宜樸實  
耐勞庶幾內省不疚嗚呼君可謂克踐其言已以光緒三十  
年三月二十七日卒年五十有八子汝中安徽候補通判出  
爲兄幼瞻後次汝正舉人法部主事將以宣統元年十一月  
二十七日葬君於南鄉太白二圖陽山之原實來乞銘余與  
君至愛也離合久暫必相念也誼不得辭然君豈以余文重

哉乃詳序其治績而銘之曰

勤民以死民痛誰嗣何促其期而侈其惠虎暴狼貪赫赫胥  
隸孰馴擾之使無搏噬湯火斯離衽席可冀我生甫樂我君  
遽逝萬夫難贖四民永棄哭送喪舟聲滿江滋祠愴迎神碑  
傷墮淚遺匱遄歸佳城長閉宰樹丸丸式此良吏





臺游日記卷一

金陵叢書丙集之四

上元蔣師轍

光緒十有八年歲在元默執徐二月甲寅朔越六日己未買舟赴津門將杭海而南應臺撫邵中丞友濤之聘也中丞與余初不相識忽介李景卿觀察慶雲詒書延主章奏虺隤之馬感伯樂而思奮觀察來書敦迫者再以春寒川渠仍欠至是始發夕登舟攜豫甥偕

七日晨抵桑園舟子以夜行也地本名柘園鎮一日桑兒園明正德間劉六劉七駐兵於此都御史馬仲錫招撫之事見明史或謂桑園以桑淵得名引脩市桑社淵爲證案脩市在今景州北二十里方輿懸絕未可混同也是日微雪逆風而

前順流如游至安陵小泊俗曰安連蓋音之轉安陵本漢縣  
水經注大河故瀆北逕安陵縣西本修之安陵鄉地理風俗  
記曰修縣東四十里有安陵鄉故縣也斯其是矣夕泊連鎮  
八日巳刻始解維夜雪盈尺岸如飾瑤南風微作布颿可張  
行三十里至東光縣古觀津地也樂毅自燕降趙封於觀津  
號望諸君卽此以毅之才功墮反間竄迹異國豈其本裏曩  
過此有詩弔之曰天遣燕王有東海樂生豈作望諸君昌國  
有知得無賈涕東光置縣自漢始地理志渤海郡東光縣有  
胡蘇亭郭璞爾雅注作東莞邢昺疏當作光胡蘇卽九河之  
一亭蓋以河得名此亦足爲胡蘇在東光縣境之塙證日晡  
至泊頭俗曰堡頭亦譌市廛殷闐袤可二里許竝河一大聚

落也雪止復作離方雲色靄墨夕不必姓詢舟子晚泊何所  
答云乘風夜行不復繫纜矣

九日啓枕上聞市聲問奴子知昨夜泊滄州州治卽長蘆廢  
縣亦名幞頭城漢參戶城地其西北屬青縣州有其東南境  
唐天祐三年朱全忠攻劉守文於滄州自白馬渡河至滄州  
軍於長蘆卽此旗尾南指風力復勁舟行殊緩四十里至興

濟宋縣也

大觀初置

今省入青縣縣廢而名存塵肆繇密亦竝河

巨鎮方輿紀要謂本宋范橋鎮非是金史地理志清州統縣  
三會川興濟靖海鎮一范橋屬會川明塙可據日晡過馬廠  
壁壘嚴固夾河而峙憶二年秋九日與何善伯

延慶

宋柳生

春陶諸君聯襟登礮臺鏖黃呼酒意氣甚盛時周武壯公

盛

傳方閱騎兵陳法旗幟殊色各視其馬五花參列駭目悅心  
忽忽十有六年武壯既謝賓客何宋二君亦慕有宿草矣鴻  
爪嬾尋聞魚舟篋聲彌觸山陽之感晚至唐官屯泊

十日西南風作颿翔凡達未午已至獨流九域志所謂獨流  
口也河冰甫泮眾舟爭發落颿徐葑至楊柳青遂泊畿輔志  
柳口在靜海縣今屬天津縣即楊柳青四面多植楊柳故名  
于慎詩楊柳青垂驛蘼蕪綠到船狀景極工今則冰雪滿地  
春意未甦萬樹寒條蕭疏入畫又別一景象矣地距天津尙  
三十里咸豐三年楮寇盜據金陵林鳳祥以一旅之眾轉戰  
而北所至瓦解時天津令爲謝忠愍公子澄喋血誓眾折衝  
於此雖肝腦塗地而賊鋒亦挫九廟鬯卣賴以不驚論其功

當在顏常山張睢陽上游憶往事佩慕久之

十一日河冰礙舟時止棹避之晚始至天津過關泊地置三衛自勝國始國朝雍正三年改衛爲州九年升州爲府俗猶曰衛者沿舊稱也本爲京師屏蔽自互市約定廳輪磨集島夷內伺輒有扼吭之慮靖密綏控益爲重地矣

十二日黔狂颿怒吼沈雲翳日舟子至三汊口視冰尙凝結

不可弄遂至爬子街訪宗人鳳來明經

文藻

約同過紫竹林

往昔田壠皆成市塵輶輦馳騫轂擊塵上涂遇南來友人知李小園籬附海晏船尙篋數日始可抵埠余與小園通家之好里居五載兩兒皆從受業客夏赴張勤果公曜之招瀕別堅約冬與家累俱北人事變遷志願頓左歲闌得海外聘書

乃申前約歧路勿勿企盼殊切也

十三日大雪南行猶篋舟居不適遙寓估衣街鄉人劉養之處雖廁市塵而深院幽邃塵囂遠隔樓遲偃仰頗慙鄙懷

十四日晨起院落積雪盈寸乘肩輿入城過倉門口訪成漱泉同年肇慶其閩人云客歲赴熱河振災未歸嗣過張楚寶

觀察

士珩

李贊臣太守

竟成

處均未晤楚寶與吾鄉秦際唐

伯虞顧雲石公鄧嘉緝熙之翁長森鐵某皆義契里門再覲

襟袞冥合贊臣則二十年前共學涂門之舊侶也午餐後無

俚爲友人書短紙十二幅錄摭言所載皇甫湜答李生第二

書中有云詩未有劉長卿一句已呼阮籍爲老兵矣筆語未

有賂賓王一字已罵宋玉爲罪人矣書字未識偏旁高談淺

契讀書未知句讀下視服鄭此時之大病余見時賢犯此者  
夥深用自惕宜日誦之以當白圭三復日晡楚寶來以鄉人  
盈坐謝之

十五日啓大風寒甚擁爐而坐猶慄慄也友人迫作字呵筆  
爲之落紙復冰瑟瑟有聲晚作家書

十六日午餐後養之約同至紫竹林詢海晏消息不得晚飲  
於番菜館席具刀若叉而不設櫛五簋迭薦腥羶觸鼻醯漿  
之屬臭味尤惡養之殷勸弔爲半飽而歸憶宋書五行志有  
云晉泰始後中國相尙用胡牀貂盤及爲羌煮貂炙今此風  
復偏士大夫尤甚證今援古識者有息矣是日發家書

十七日吳寶齋家珍達其兩從子至一字習之獻齋同年子

一字小恆恆齋子也恆齋幼學無年賢子頎頎遂已成立詎以所業是能嗣箕裘者晚過其寓知獻齋明日可至時方棲盛匍戎幕寶齋則自青社至公車暫邁遲之同發也回憶同治間角藝名場三吳二蔣之名頗在人口今三吳雖弱其一而伯叔競爽龍躍平輿余則屈穀堅瓠一身落拓鴿原之戚引憾終古矣

十八日大風贊臣晨來余尙臥未起留刺而去晚聞獻齋至急走訪之別逾八稔風標如故而雙鬢亦微斑矣雜語身世互相慰藉余擇交夙慎臭味之合悉能共休戚同襟期而獻齋關注尤切時直海防上功五兄職盛軍精臺有年誼得列名獻齋援流勲例白於主衛以余名上出牘草見視余慙竊



非分屬仍歸之五兄獻齋有難色蓋文牘已具也

十九日黔獻齋來留共午飯聞海晏船抵埠小園率其仲子竝至遣力往訝久之不至復自過紫竹林視之則船阻大沽口橫沙尙外泊也冒雪而返衣履爲濡

二十日啓贊臣招飲車笠重逢清修如舊握手道故情款彌

洽同坐吳彬士同年

瞻莪

楊霽堂明府

善慶

皆夙識也日晡

歸小園已在寓具述風濤之險無異談虎色變晚約過酒樓清尊慰勞歡醕無算扶路而歸各已醅酌

二十一日晨起爲友人書紈扇數握楹帖數聯縑素堆積尙盈几案意殊苦之午餐後楚寶復來爲語臺海風土及政治得失頗詳其兄瑾卿觀察士瑜在彼中久故知之最審也

二十二日小園晨出乘暇作家書晚送小園登舟東勞西燕  
執別黯然

二十三日晨走別獻齋聞新裕船明日展輪將埒之以行也

余以海外瘴癘真俗又淫佚攜豫甥往意涉狐疑獻齋亦不

謂可適雄縣王戒之明府金銘過此五兄舊識也獻齋允爲

之地余歸整裝至紫竹林旅舍而獻齋踵至云戒之已諾心

甚感之攜豫甥往拜晚復遣郭僕送之往甥自髻鬣失怙恃

依余廿載未嘗跬步離瀕別甥淚盈睫余溫詞慰之並勸以

持己應物之要而意緒愴然亦不覺潛焉出涕矣甥性非愚

頓而不嗜學延師課讀輒舍業而嬉年旣踰冠蕩檢彌甚嚴

戒之不爲止攜之出游冀其稍諳世故悔心或萌非真欲其

自營溫飽也漏二下登輪船擇官艙息焉招商局輪船之制  
督行船者曰大副曰二副皆夷人司船事者曰買辦中國人  
而查艙則必與夷人俱船居處判四等最上者曰大餐間臥  
格外多一榻沐櫛鏡具致爲修絜食皆番菜夷人謂食爲大  
餐故艙蒙其名次曰官艙又次曰房艙制不甚別官艙外陳  
設較葡籐榻紅茵頗適偃仰又次曰統艙居最下良賤雜廁  
枕藉相接盤飧亦極劣矣乘船者先輸資或於局或於船給  
以寸楮爲券謂之買票大餐間價最高津沽往返需銀七十  
兩官艙自津至滬銀十四兩房艙十二兩統艙視房艙十分  
而減其一俟開行後就艙收票驗其符否謂之查艙買辦舞  
智往往收資而不予票查艙時匿客幽隱其資卽飽私橐客

或不欲稍稍分潤之姦黠如鼠莫可窮也

二十四日辰刻展輪徐行出大沽口候潮至始前以外有橫沙故咸豐八年英法俄彌四國窺伺天津時兵艦淺阻於外當事乃遣武弁駕小舟導之使入復任其以小輪船探水游奕虛實既得英法之眾遂乘間肆毒斂我礮臺挾兵要撫致有城下之盟委天險弗乘且爲之偃竭郭海之流甯足爲諸賢湍此恥哉前車旣折來軫方迺流連形勝爲之三歎

二十五日微風夜雪午過烟臺山皆積素有三五夷樓峙於山顛附輪船者登降皆汎小艇俯仰驚濤中如落葉之隨飄風殊可危也停輪踰時復行

二十六日啓汎黑水洋舟雖搖盪然可起立憑闌頰鏡水作

黯碧色蓋大海極深處舟人云見濁水則距漚不遠矣

二十七日晨起拓船牕水色果異不踰時見夷樓綿互舟檣如林已屆吳淞口矣北眺寶山爲道光間陳忠愍公化成殉

節之所東海長城壞於庸督怒濤嗚咽猶有餘哀已刻抵埠

寓長春棧遣郭僕至鴻慶里鄧丈既雨啓賢處訊季垂縱跡

則已於二十二日攜家室東渡矣季垂官黔有聲邵中丞奏

調至臺余曾寓書有偕行之約乃遲余十餘日不至中丞遺

書促之遂先行午餐後往晤鐵仙丈名啓昌季老弟知東渡

僅一輪舶月中往還者再守糒之期不能以旬計也入城訪

薛飴澍葆楹知憲闈疾亟景卿觀察卽至觀察飴澍之姊婿

也余本圖謁觀察吳門今婿一往復矣夕既雨丈枉過

二十八日飀風微扇有春意矣既雨丈約過江甯公所高堂  
重屋規模洪廓旁有小樓三楹坐攬雲物別饒幽趣其西丙  
舍參差相望則鄉人寄匱處也上海之俗凡寄居有死者皆不容待殯於家鄉人寓此者  
樓下榻以避市囂丈欣然諾之

二十九日黔發家書

三月一日癸未購中西紀事閱之述諸夷猾夏楨末綦詳粵  
東之撫藩籬弊險白門之約腹心萌患雖有嚮者莫善其後  
論者睹方今夷禍之烈徒以縮朒為當事咎三復斯編知獄  
有主名也晚作寄京邸友人書飴澍餽食物受之

二日晨餽飴澍高貞碑拓本一幅倭以羅酒酬昨惠也李觀

可十數萬知費  
集議遂成是舉

集資巨萬經營勗始丈之力為多餘欲假小

察枉過具述傅許之學與邵中丞相需之殷余惶恐對曰生  
慚遵祖公實中軍慮失中丞之望真謂爲羊公鶴耳觀察云  
寓飴澍處旋往答拜歸晤旣丈期以明日遂寓  
三日啓晨起檢山左詩鈔一部高貞碑拓本一幅贈李觀察  
副以阿膠羅酒午至江甯公所居廳事旁舍幽寂清曠室無  
纖塵視夷場真蕨壤矣

四日黔枯坐無俚檢雅雨十種內摭言閱之書爲唐光化進  
士琅邪王定保撰記進士應舉登科雜事共列一百五門釐  
爲十五卷每則皆有論贊所述典故多選舉志所未備者宜  
漁洋以爲秘本可貴重而盧氏得之極爲刊布也理行篋尙  
餘高貞碑一幅水利圖一册卽持贈旣雨丈並詒其孫餒餌

二匣其孫吾姨甥也

五日風晨起書楹帖四聯摺疊扇六握皆應鄉人之求者李  
觀察見過謂薛母疾如故以事暫歸旋至其舟承貸番蚨四  
十枚備資斧之乏意摯可感夕甦

六日晨過既雨丈約同至中和棧訪仇涼之太史繼恆侂寄

津門及都中諸友書歸未逾刻淒之踵至縱語古今靡靡可  
聽度亦安雅吾鄉之雋也既雨丈來惠以石印華山碑又出  
洋務權輿及投筆集見視

七日晨起閱華山碑一過原本最佳昔賢所評海內第一本  
者是也惜石印僅具迹相君形者亡焉復閱投筆集爲虞山  
晚年作皆用杜少陵秋興韻譏謗 明時語多紕繆此老大



節旣墮文采本無足道是集尤其進退失據之顯證作災黎  
棗甚亡謂也旣丈來約同遊張園地極僻曠惜點綴不工茅  
亭十餘如秦越人雜坐了無顧盼夷樓二所尤乖雅致復游  
徐園室宇齷密別一境界又憎其乏疏曠之趣矣園林如圖  
畫非旬有邱壑人固未易言布置也晚得李觀察書并寄水  
利全書江蘇海塘志各一部

八日閱洋務權輿一過爲嶺南李德庵撰詳述道光間夷亂  
始末其議論多與魏默深聖武記同皆於林文忠公不能無  
責不知文忠氣吞強虜旬有成算使朝廷一意任之厥功必  
竟乃墮元老之壯猷豕狡夷之謠計觀文忠前後諸奏真可  
爲痛哭流涕顧忍以成敗之談曉曉事後亦好爲苛論矣是

日見邸鈔會試總裁爲翁尙書同龢祁侍郎世長侍郎霍穆  
歡李侍郎端棻同考則劉若曾洪思亮徐仁鑄施紀雲李福  
錕許葉芬吳鴻甲彭述周爰諷沈曾桐陳遜聲袁昶鄒福保  
趙曾重姚丙然戴兆春呂佩芬馮金鑑三五知交皆不預也  
九日晤津人陳某知戴孝侯觀察宗憲至寓永安棧過訪則  
既行矣余始識孝侯於周武壯戎幕酒酣抵掌過從靡間嗣  
聞其握兵棟戍三姓歸復經武威海屹然爲勃海大藩懸渴  
之忱倏將廿載風泝偶合仍艱一面招悵何極

十日雨枕上聞雷聲殷殷起於良方起視敞硯吐潤如濡興  
至作大艸一幘頗具屋漏痕之妙午勸攤飯一枕蘧蘧餐和  
履順古惟阮公喻此指矣

十一日晴鐵仙丈來云既丈病午後往視之王湘蘅

公所司事亦鄉

也人約過茶肆層樓切雲頰瞰闐闐馬車馳驟往來如織大腹

賈及輕薄少年攜歌伎共載招搖過市顧盼自豪真不知人間有羞恥事而歌伎之媚客者復雜爲夷女倭婦妝飾以自街鬻浮塵汗人安能傾東海而湔之歸見赴知飴澍已銜卹十二日李觀察遣紀綱至邀過飴澍所輟大殮禮畢入奠已日夕矣觀察出飴澍哀啟見視爲刪改數語

十三日大風竇甸皋明府

鎮山

招飲海天春番肆明府籍中

州見司鈞船樵務昨晤於飴澍處高睨大談無馱馱之態與余甚契雅不欲負其意惟心惡番肆又慮不悉鄙性勇以徵歌選色故託詞謝之

十四日晨過山家園訪寶明府未值過李觀察同赴復新園  
午飯肴核精美頗饒鄉味

十五日黔湘蘅出巨幘索作篆以壁閒舊懸熙之書譌數字  
欲得余書易之作竟張視殊嫌弗工余治許書雖校熙之差  
密然能窮篆籀之妙則自審不如也晚聞駕時船已抵埠臺  
灣輪舶二一日獻美一日駕時獻美通廈門

十六日啓晨過鼎新里視吳次竹熙次竹昨夕自蘇至舍館甫定即遣价持刺訊余起

居謂今晨過從余以晨須出倩友次竹曾從先兄受業乙亥

舉於鄉繇中書舍人改官知縣出宰金匱延余主校試卷推  
備甚至以禮去官服闋後仍歸江蘇比臥疾始瘥聞余頓此  
拏舟遠來歧路班荆愈快惟倍午約過酒樓引觴爲壽謂此

行必可假手一抒素衷且誦昌黎送溫處士文以壯余志盡歡而楫日已西趨晚旣丈代取駕時船券至官艙一紙費番蚌十二枚下艙一紙費番蚌八枚此自滬至淡水價也

十七日晨起撰輓辭母聯語書成遺之汛小舟至下海埠登輪舶官艙已無隙地舟人導至大餐間息焉

十八日舟人以事不果發棹樓徙倚睹北岸夷居日益鱗盛腥蕘蔓延未知所極曩聞李觀察云吳淞口外暗沙橫埭夷人苦之逐逐之欲將在寶山以其地三面瀕海無鯁阻之虞也魄兆旣形觀察之言可謂遠識蒙謂人鬼雜糅其患已成罷關互市事終有待方今籌策惟當堅執前約已闢口岸外不容更增一埠已定租界外不容更拓尺土譬彼癩疽雖不

能猿庶免流潰遂遍臆體耳

十九日辰刻舟發出吳淞口轉輪而南風濤不驚如履平地

同舟汪君南陔瑞曾盱眙人庚午舉人官江蘇知縣與邵中

丞有舊奏調東渡又曾君士澣炳章常熟人亦至臺北者談

笑頗洽午後東南風作微苦顛簸逐步欲躓遂僵臥晚餐粥

一孟冢首跼伏夜分始成寐

二十日微風仍不能起立午後稍恬適日晡啟船窻見滄瀾

萬頃中一島孤懸有若黑子詢舟人知過雞籠嶼矣夕抵滬

尾纒昏亡所見明星數點若隱若見蓋市樓鐙火也

二十一日晨起約南陔士澣同附小輪舟入郡滬尾至郡郭

三十里往來有小輪舟人索錢五十行李以石計數如之舟

人以南陔與余皆攜有江海關免稅單須稅務司驗畢乃可行是日直夷人禮拜不理事南陔遂子身先往午餐後買小舟登岸榕陰如幄流泉出蹊術間頗饒幽致小市居岡麓肆塵櫛比海腥羅列狀多詭異略一涉歷復登輪舶憑闌側顧山勢邈迤如屏如幃艸薈蒙密不見山骨海關及軍壘隱露其顛疑入畫境向夕嵐蒸一白橫抹舟人曰此瘴氣也惟醉可敵不則中之必病

二十二日雨士澣聞中丞試士臺南以翌晨發意甚惶迫挈舟人符某能夷語者逕至海關語以故稅務司允不復論歸買小舟南陔遣僕亦至來刺述中丞意請逕入署遂同行雨益甚幸風利張颿而前日晡遂達郡郭易肩輿行夷居繞郭

高下雜厠土人屋瓦皆作赭色城無隍高才及丈入城北門  
市肆樸陋如涉異域折而西達行署館於西院具衣冠通謁  
中丞辭謝旋便服至畧通寒暄致甚脫落余不覺爽然如閔  
仲叔之見君房喜懼皆去晚餐得手簡約至臺南襄校檢行  
簾分別攜置漏三下始寢

二十三日黔晨與南陔同乘肩輿出城河濱泊小艇二其一  
中丞乘之余與南陔共據其一管凌雲司馬元善臺北陳仲

英太守文騷淡水葉縵卿大令意深相繼至遂同載焉小輪

舟逴以晡未午達滬尾管司馬約過海關公廨小憩飛捷輪  
艦已乘潮外泊以潮落沙梗將不得出也日晡乘小輪舟赴  
之喜晤季垂軒眉高談豪邁猶昔時權嘉義篆奉檄之官同



舟瘴海樂甚班荆矣徧晤同行諸君僉冬生大令

乘焜州人浙江

戊舉人

尹蕙庵明經

士芳穎州人

皆襄校者疏禹門司馬

鑿城附桐

生

司行轅出內者胡鐵華直刺

貢傳續

巡閱臺南營伍者中

惟鐵華為同學舊侶它皆始覲也晚與僉大令同處一艙分

上下牀而眠

二十四日啓炎方氣候迴殊易綿而袂汗仍浹背日晡抵臺

南四草湖泊焉臺南府本臺灣府增郭縣曰安平本臺灣縣

光緒十三年改建行省析彰化縣地為省會移置臺灣府臺

灣縣而故地并易今名湖距安平港尙十數里近港水深才

三四尺潮至亦僅僅五尺許耳巨舟不葺須易小艇或竹籩

乃達時南風大作驚濤洶涌震目駭心舟人曰此湧也然猶

未甚每屆五月俗四月二十八日湧開眼不風亦濤高可十數丈稍有

風則排擊掀膝聲達郡郭萬斛之舟無敢近者至九月乃

衰昔有貴官惡其險謂是礁石所激費鉅貲募洋人泅水鑿

之迄無成功惜哉余笑語季垂曰圖行旅之安而疾固國之

險是真舟子語矣同人有汎小艇先行者颿檣欹側狀殊可

危安平僕隸以竹箒至謂較穩適察其狀廣可五尺長約三

之一人濯於前後置木桶以居乘者竹疏不儲水無湛休之

患然隨湧而起才及輪艦之半須躍而下脫有蹉跌隨波臣

游矣冬生宦閩久通於事尼余曰風起湧動皆以日出昱晨

行可矣蹈險胡為者余善其言並挽季垂南陔止焉暇登舵

樓縱眺求鹿耳門所在積沙如雪盪纓不搖此險蓋失自道

光之初

道光三年七月臺灣大風雨鹿耳門  
內海沙驟長變爲平陸見東槎紀略

不自近日始也

形勝已非勛名猶赫緬賜姓闢土之烈與靖海平臺之功爲  
裴徊者久之

二十五日黎明起小艇已環泊季垂攜細弱先發余與同人  
共載一艇水波不興雙槳迅捷日甫上已達安平鎮鎮名始  
於鄭氏紅毛先於此築臺灣城已復築赤嵌樓與相望成功  
入改赤嵌爲承天府名東都而臺灣城易今名入版圖後沿  
之弗革歷年滋多垣堞已廢墮不復可辨鎮去郡城十里舊  
阻風濤非舟楫弗濟故八景有安平晚渡之目沙潭日暎遂  
成平陸今達郡郭一輿梁可通矣登岸易肩輿聞有字余者  
急睇視則朱調元太守和鈞也時司安平樞務握手問勞意

致彌親輿人促發忽遽而別涂中東望木岡卓猴諸山疊若  
屏障白雲橫抹悉露其顛下視田疇千頃一綠村落遠近皆  
環植薊竹爲垣比及郡郭益蔚然深秀矣入城闌頗隘里  
巷紆曲達於試院余與南陔同居屋三楹中爲文昌饗堂久  
無居人叢森之氣砭人肌骨

二十六日巳刻地大震始有聲殷如輕雷自北而南屋宇錫  
土旋簸簸墮牆壁數俯仰踰刻乃止午季垂至約過管凌雲  
齋抵掌縱談心臆一快察余有歸志止之曰中丞前詢君生  
平余對曰其文事固優然恥用自見究心經濟器識素裕益  
以練歷是好吏才中丞欲任以大科巖撫番事余知不可爲  
婉爲卻之中丞性夷簡然任賢不貳勿苛以小節久處必能

有合脫欲拂衣幸馳書見商慎勿掉頭不顧也瀕別惓惓并

約以兄女妻余長子

同鵬兒舉於鄉

又最契故有與先兄約

感而諾之

是日胥吏白試期間日一舉

例嫁於名掃場外實校閱糜者日奉錢四

往

是日胥吏白試期間日一舉

例嫁於名掃場外實校閱糜者日奉錢四

往

往

往

百餘亦日飽有差

兩府

不臺灣欲久稽於外仍令諸生就試臺南

不臺灣欲久稽於外仍令諸生就試臺南

不臺灣欲久稽於外仍令諸生就試臺南

不臺灣欲久稽於外仍令諸生就試臺南

不臺灣欲久稽於外仍令諸生就試臺南

不臺灣欲久稽於外仍令諸生就試臺南

入告得

試畢須四十餘日中丞意遲之余與管汪二君共為

排日不二旬而竟

二十七日試臺南生童經古晚分得生卷六十本閱至漏二

下腹芻洞瀉體憊甚旋寢夜復三起或云至此者必病數日

水土乃服豈其然歟

二十八日晨起復瀉飲粥一孟肌體疲勸伏案校閱諸卷無

一合作其紕繆多可噴飯晚擬錄一等十四卷是日試生文

二十九日分校府學生卷擬錄一等十二卷文都不諳理法別風淮雨譌字尤多則夾帶小本誤之也應試者分閩粵籍其人始雖皆鄭氏之遺然繼世長子孫沐浴文教已二百有餘歲而菁莪之化終遜中土者豈靈秀弗鍾歟抑亦有司之責也是日覆試經古

三十日試安平鳳山嘉義澎湖童文夕分得嘉義卷題為乞諸其鄰而與之子曰巧言於釣渡挽諸法非鹵莽即疏畧俚率一致棄取殊艱

四月一日癸丑擬取嘉義招覆童卷二十六本日晡大風是日覆試一等生文

二日晨閱府學覆試生卷甲乙畧有侈置是日覆試諸縣童

文凡三題皆作小講午後得卷視前尤遜遜其筆致稍清者  
嘉義十四名撥府三名澎湖一名撥府一名皆如額澎湖  
試首卷最劣中丞斥之臺南文試畢

三日試臺灣府生童經古郭僕昨夕購得檳榔扇數握以一  
進余狀極質樸戲銘之曰仁頻嘉果擷秀炎方舊製書軸曾  
俾錦郎待時而動厥用彌臧宣揚仁風斯民以康晚閱生卷  
鄙俚過於臺南擬正取六卷

四日試生文日夕分得府學六十四卷題爲植其杖而耘至  
隱者也擬取一等六卷備數而已

五日風午後大雨覆校擯落生卷蕪蕪滿眼知無匿秀矣是  
日覆試生童經古

六日啓閱覆試生經古卷畢成小詩五首晚甚涼有雨意是日試諸縣童文

七日黔閱彰化童卷擬取招覆二十四卷是日覆試一等生文

八日啓分閱府學彰化覆試生卷是日覆試諸縣童文仍各爲小講三午餐後分得彰化卷錄取十六名府試諸縣首卷皆劣中丞擯其三聞輿論頗洽也

九日覆試二府童文俗所謂總覆也校閱有暇成延平王廟歌一篇冬生和之夕分閱童卷文字曉暢勝前知皆非己出矣俗以隸籍蠻舍爲大榮每覆試勝出爆竹鼓吹之聲喧闐竟夕聞謁聖後藍衫肩輿鼓吹前導徧拜親故往往經歲不



已知重名器自能急公奉上此亦民心可用之一證也閩粵

乾隆五年巡視臺灣御史兼學政楊西奏粵民流入籍均有戶冊可稽閩童恐其佔籍攻擊惟嚴應另編為新字號

應試照小學例四邑通校共取進八名附三名學之外又有

番籍

何激臺陽詠注云番童陳寶華撥入府學并附片歲丁中皆丞取進淡水番童

化番之嚮學者人數寥寥主試者持甯遺毋濫之說恆虛其

額蒙謂化榛狃為文秀誘掖有漸宜甯濫勿遺以鼓舞之言

於中丞不見省是屆懸額如故

十日覆閱童卷畢是日試武生自是分校者無役關防既弛

如鞞鷹撓繫矣夕作家書

十一日晨出城至安平訪調元矮屋數椽側枕谿流別無艱

舍調元以良二千石才屈司權務鬱鬱居此頗有短馭之慨

留午飯鄉味馨絜飢腹爲果出波羅密三枚見遺日夕攜歸  
成二詩酬之

十二日午餐後與同人謁延平王廟道徑塵肆廣不盈丈豢  
豕當門臭惡交偏市人無老稚男婦率面色顛頰血不足肉  
而貪著綺紈坐起皆嚼生檳榔不去口搖脣露齒猩紅駭人  
廟在城東門外古木二株蔭可竟畝饗堂闕壯王像奕奕有  
神廂舍坳祀劉國軒陳永華之屬後爲翁太妃祠左祠明甯  
靖王右祠監國鄭克塽本名開山王廟民間私祀馨香甚盛  
光緒紀元沈文肅公葆楨奏列祀典仍延平之封并 賜諡  
忠節以彰之文肅撰廟聯云闢千古得未曾有之奇洪荒留  
此山川作遺民世界極一生無可如何之遇缺憾還諸天地

是勅格完人詞意渾括一時無兩甯靖祠聯云鳳陽一葉盡

魚貫五星明監國祠聯云夫死婦亦死君亡明即亡並工甯

靖名術桂字天球別號一元子太祖九世孫遼王後長陽郡

王次支也明亡蹠躩諸王間始襲長陽王封監國繼改封甯

靖唐王累監方國安淮王鄭鴻逵鄭成功軍成功取臺灣王

東渡就竹瀝墾田自給鄭氏納土王賦絕命詞詩曰艱辛避海外總為數

莖髮於今事畢矣祖宗應容納從容自縊妃袁氏王氏或云袁氏誤媵妾秀姑梅

姐荷姐均從死綜其始末蓋明末之賢王也克壘小字欽舍

鄭經通諸弟乳母昭娘所生弱冠有祖風經駐泉州令監國

居守及自廈門敗歸視其處分悉當遂與精兵三千人為護

軍經亡不容於宗族自縊死妻陳永華女亦以身殉使監國

不殞海外事正未可知 聖人應命混一區宇固不容趙雄  
南越張王扶餘矣

十三日爲調元書團扇陽係端木子疇先生所書調元屬識  
其陰謹題數語歸之是日得會試名錄吾鄉僅伍元芝一人  
睹王緯丞得庚同年名爲之狂喜緯臣籍仁和與余夙契相  
知最深客秋同應京兆試喜其孟藝有先正風骨榜出果效  
魁席今復高捷文字亦未可謂無憑也

十四日武試畢督郭僕理行簾午調元來侷寄江甯親故書  
十五日未明起同人乘肩輿競發懇安平之湧也至港擇小  
艇汎焉微風已作一葉飄蕩港外有暗潭沙水相激驚濤飛  
濺艇無篷笠莫可隱蔽比登輪艦衣衷皆濡矣海天徙倚西

眺澎湖諸島如隄岸遙障無雄峻之勢地距臺南郡治百七十五里名初見宋史相傳隋開皇中虎賁陳稜曾略地至焉舊云三十六島今可名者五十有五元末設巡司明初廢移其民墟其地爲盜賊淵藪者二百餘年嘉靖間都督俞大猷留師駐防尋罷設巡檢司未久復裁去萬厯間增遊兵備倭天啟二年紅毛據之築城求互市巡撫南居益遣總兵俞咨皋擒其酋獻俘於朝鄭氏攘土設安撫司國朝歸版圖後隸臺灣縣設巡檢雍正五年改設通判竝設副將守之今改設總兵官形執之要昔號爲全臺門戶今則存之不足以自固而亡之且助以自攻矣然其地境埆百物不生一錢一粟皆仰於外非厚其兵力豐其軍儲而又有良將蒞之一旦有事

狡虜以二三巨艇游弋驚濤中內外隔絕孤軍縣寄糧盡而  
 軍火窰求為高克之散將不可得徹彼桑土綢繆牖戶老成  
 謀國此尤不可不豫籌也午中丞至展輪後北風大作同人  
 皆堅臥不復敢起

十六日狂飈益厲舟前殊緩首尾頰仰殆類桔槔蒙首堅  
 臥汗涔涔襲衣皆溼飲水輒歐盤飧如禁鬱矣夕聞機器聲  
 稍和試起彳亍足可自主啟船窻東眺鷄籠山色濃翠在目

今呼為鷄籠山孤懸海上以鷄籠山名者肖其形也未知孰是  
 書皆謂鷄籠山孤懸海上以鷄籠山名者肖其形也未知孰是

既入港泊中丞汲汲登陸乘輪車夜行余與南陔冬生約仍  
 以翌晨發晚食糜一盂神志始定此行本圖一覽臺海形勢  
 而為封姨所虐枕裯澹澹如嬰沈疴乘風破浪壯志安在言

之乾笑不能自己顛險中成詩一首意在解謫非敢有尤怨也

十七日遂明起聞鷄籠瘴氣最甚酌醅醪數觥敵之周覽嶺澳形勢三面巉巖環障巨浸東嶺礮壘頗占地利聞法夷構釁時此險實拱手授之止幕有烏敵眾始敢攀陟而當事者方以棄地餌敵得全滬尾爲知兵嘻異矣日既上泛艇至基

隆廳署前

爲鷄籠本屬淡水廳光緒元年建臺北府改廳

易肩

輿越高嶺紆曲達獅毬嶺下登輪車行鐵路穴嶺而過歷六

堵水返腳錫口迤達郡郭可六十里車制四輪高不及丈長

畧贏廣二弓而縮輪與鐵軌坳埕相合一車置機器前導尾

綴五車行疾如飈馳電激不踰時達矣此路所費以百萬計

行旅便之下車復易肩輿入行署寓西院前舍

十八日黔晨與南陔徧拜幕中諸君司錢穀沈錫藩蓉卿山

陰人掌書記陳大文小勳餘姚人左壽鏡照蓉長沙人繕摺

奏蘇鴻漸達九石埭人襄文案范本禮麗泉上海人總出納

邵以濂惟謹中丞之宗人也晚作家書

十九日晨起改舊詩一首過天后宮訪冬生出城至機器局

答拜薛小亭大令一興小亭江浦人也羈孤海外得遇鄉人

比於空谷足音其人闊疏旬無城府視號為多智而陰賊自

恣者殊賢士澣贈三陶文集及景宋本陶詩酬以高貞碑拓

本

二十日午雨旋啓冬生來



二十一日雨過南陔室晤其弟玉農少尉準時撫番三角湧

街名逼內山

隸新竹縣界詎以撫狀啞然曰以酒肉餒虎狼耳番不殺人

則男婦雜沓相率羣至人給酒一盂肉半斤醉飽卽嘯而去

其至也不復知敬禮官坐可據也榻可寢也歡則嘯老角

番語

名官或拊背以爲親悅爲番所撫久矣撫番云乎哉余曰不

能化番爲民而鯁鯁言撫已爲下策然卽以撫言伏桎獸者

先網畢馴驕子者先鞭撻崇吾體制示之尊嚴豫消其狎侮  
之萌徐結以忠信之實操縱在我事庶有功少尉曰君盍爲  
中丞言之曰新婦而議竈炊古人所哂矧又處非其位聊論  
其得失可耳

二十二日雨顧緝亭方伯枉過言論蘊藉雅度可親述中丞

意欲以通志事見任兼令其長公子從受業余竝謝之晚發家書

二十三日晨起錄近詩六篇呈顧方伯以索觀甚殷也午至藩署修答拜之禮方伯極稱余詩謂導原韓杜能匯其流竝索全稿及他撰著歸檢青谿詩選江蘇水利圖說二種遺之

臨胸志卷江蘇水利全書江蘇海塘志卷峽繁重行篋均未攜置

二十四日雨晚益瀦瀦不止薛小亭招飲與南陔士澣同赴之漏二下始歸肩輿制陝僅如鹿車坐又苦氏兩郤曲上齊於匈鬲二人舉之復一人逼輿帷前以半竹二尺許橫縛兩竿側肩斜荷每一換步輿隨起落拘攣顛眩體爲不平者久之

二十五日兩仍不止沈蓉卿來談於臺治得失言之鑿鑿余  
謂以撫番之失竝舉汪少尉所語質之蓉卿曰番之侮官蓋  
亦有繇前有某君職三角湧撫務悅二番女私之留處月餘  
二女歸其父糾眾聲罪某君習番俗酌酒屠豕款之盡歡復  
廣市紅布分餽番眾許納二女爲妾眾乃散去事爲劉中丞  
所聞歐之內渡然自是番無男婦皆易視官如無物矣余曰  
邪慝敗政罰不蔽辜然作法實亦未善專撫者無剿權徒以  
酒肉市恩糜費損威不如其已矣

二十六日黔午入試院臺北試事自翌日始是日得德州電  
音知細弱安善離家三月六寄書未得報片紙入手真一字  
千金晚作書寄季垂

二十七日雨啟聽事後戶抱城山色溼翠滿前頗愜幽衮循廊而東別窠清曠小亭翼然外環曲沼臥虹低偃嘉木蔭之吟賞徘徊尤覺得石泉間意晚閱生童經古卷生題爲披沙揀金童題爲漱六藝之芳潤無比附之能又率枵腹從事降格甄錄意終不厭

二十八日試生文晚分得淡水卷三十本瀏覽一過文風較臺南尤遜

二十九日分校畢擬錄取一等六卷是日覆試生童經古五月一日戊午黔試三縣童文夕分得淡水卷二百數十本題爲可使爲之宰至求也何如鹵莽之弊諸卷一致

二日擬取招覆卷十二本額六名倍取之沿往例也午大雨

院落水深半尺屋漏聲淅瀝與檐溜相亂向夕乃止與冬生  
蕙庵爲詩鐘之戲鳳頂格一媚冬生云一生惟有熱腸在媚  
世須防冷眼窺余云一心德喜君臣合媚世容慚妾婦工燕  
頷格虎毛余云繡虎才名斑鬢老紅毛城廓瘴雲深鳶肩格  
刀牛冬生云扣餘牛角歌聲壯夢逐刀頭歸思長峰腰格簾  
雨冬生云蜀肆垂簾懷往哲傅巖作雨屬何人余云喜逢微  
雨宜栽竹懶下重簾爲看山牀考余云蔡裔拊牀能殞賊陽  
城書考拙催科鳧脛格犬槍余云師翼諂諛工犬吠彥章武  
勇以槍名雁足格尺然余云學問有得尺則尺富貴可求然  
不然鴛鴦格犬牙余云獫狁健竝誇秦犬牙呿譌還類魯魚  
北斗冬生云析津水匯燕之北斗宿星分皖以南余云觚稜



偏惑番眾構成禍釁與陳水黃妹同爲大憝而九尤狡詐中丞檄林紳朝棟勦番案禍首李九堅匿不出頃始誘至謂曾許以不死乞仍釋歸以成其信南陔謂余曰使子當位奚以處此曰直磔於市而已戰士深入屍骸填壑不殺何以謝之獄有主名已徹天聽不殺何以解之彼謂殺之益激番怒者寢語也番於李九非有氣類之悉特特以爲謀主一旦授首野心旣懾凶燄正可稍稍瘥耳此曹亂民不能悞禍祇能激禍縱虎歸山益長其驕後此之患恐未有艾南陔然之嗣聞中丞重違林意內諸淡水縣獄期以三月無番禍貸其死四日雨文試已畢歸署自是裹鉛握槩又將躡揚雲後塵矣五日黔炎氣鬱蒸如在釜中甚不可耐晚赴晏東廳漏二下

歸寢

六日啓薨暑彌甚督奴子暴冠履皆黴不可著手向夕中丞來雜論時事深言治臺之難余謂首在得民隸籍者非閩則粵性多彊悍善拊之足資禦侮道光二十一年鷄籠口大安港之役其明徵也然激之亦易爲亂自入版圖後大小禍變奚翅數十倘乖其好惡浮動之氣如煽使熾此之可患殆甚外寇至如生番榛處狂游野性不可馴要其技倆亦祇能於深巖密箐中狙伺搏殺而已蚘搔之疾亡足慮也晚饋冬生酒二鷗

七日大風午餐飯失飪不能果腹煮番薯噉之頗甘是日中丞閱武童技藝



八日錄說文百字曩疾今之業許書者率以隸體作篆而於九千三百五十三文之本義殺於段借者尠能詳究其實徐氏說文韻譜李氏五音韻譜張氏復古編吳氏增修復古編范氏韻譜本義互有得失亦皆未愜於心擬本佩文韻分別部居備載許說而博采徐段桂王諸家之說薈萃精要彙爲一編以便初學檢閱惜頻年道長勿勿未克今喜有逸畧當以修書餘墨成之日數百字計三月可卒業矣

九日凌雲案書紈扇錄近詩二篇應之夕雷雨旋姓

十日中丞補送聘書名曰襄辦筆墨

脩脯之費  
番銀三十兩

余以無約

欲弗受凌雲述中丞意曰志局聘書藩司主之別具此函藉竺維駒之誼而已瓊屑文字概弗以相矚也

十一日顧緝亭方伯枉過旋遣陳仲英太守葉縵卿太令送

通志局聘書至

本脩云百金今蓋析而二之

中丞

而羔雁之儀不

具意頗不憚復萌去志南陔淩雲皆力阻之余曰寥寥者甯  
所措意顧天下事惟有禮乃可久耳淩雲曰海外百爲草創  
諸失簡畧若衡以故常皆不可終日子行知之非於子獨慢  
也余曰有是哉適課人之域而責以冠裳是余之不智今而  
後但謁以從諸君游可矣相與一笑而罷

十二日晨答拜顧方伯直未起復過臺北府淡水縣署皆留  
刺而去薛小亭以紈扇乞書爲背臨三表數十字晚雨

十三日雨晚赴府署讌陳仲英太守適以事留院署葉縵卿  
大令代主之同席南陔外薛小亭徐心田大令某某皆鄉人

也是日駕時輪舶自滬至得次竹書

十四日啓晨作家書竟條列志局所需書目最切要者凡六十餘種屬葉縵卿大令訪購大令副陳太守職提調是其責也日晡大令以府志來并詢志事大耑余曰當務之急有三徵文獻繪輿圖錄檔冊肴核既備乃可以議烹治書之體例當一以會稽章氏爲宗專門之學足資規放也大令首肯而去

十五日晨得家書乃四月下旬發者知前有二書均未達浮湛何所莫可根詰閱府志爲卷二十有六列十二綱曰封域曰規制曰職官曰賦役曰典禮曰學校曰武備曰人物曰風俗曰物產曰雜記曰藝文子目之繁至九十餘得失參半不

盡可因玩其文筆尙不落塵俗卷首署分巡臺灣道兼提督學政覺羅四明臺灣府知府余文儀續脩時爲乾隆二十五年實則沿六范舊文畧有增益而已余所見舊本雕鏤頗精此殊不逮乃光緒四年重刻者

十六日黔南陔將歸書便面贈之晚作家書

十七日晨送南陔士澣行海天聚首歡若平生執別黯然益觸羈孤之感是日蓉卿室張安人以產難亡所居在西院側無親族聞侍嫗哀號聲淒楚動人

十八日啓晨過蓉卿齋慰之是日與季垂調元書

十九日擬采訪例凡數則徇葉縵卿大令之請也

二十日撰采訪凡例成以怠於移寫置之

二十一日晨黔旋啓閱府志自是日始間有糾彈輒筆於冊  
非憲爲古人諍友它日屬稿當據爲大輅之椎輪也第一卷  
封域首列星野附考列諸羅鳳山二志之言一主翼九度一  
主從閩省牛女鳳山志語較有識其說曰劉向曰吳越屬斗  
牛女分晉隋元志吳越其辰在丑伊古以來未有非之者而  
說者曰呂宋居巽已入翼十度日本在寅艮入軫八度臺灣  
背接呂宋右連日本其值翼九度無疑夫臺之去呂宋也水  
道亦七十更有奇二島不在九州之內荒遠難稽星野實不  
足據若由臺開棹中流至澎湖四更焉止矣由澎至廈七更  
焉止矣澎舊隸同安星野其能別異乎澎不能別異而謂臺  
星桢能別異乎且自省會達鷄籠水道亦祇七更浮嶼如關

童白畎以及旗干石等處似蛛絲馬迹脈絡昭然可尋是鳳山星野當依郡乘從閩省牛女確乎其不可易也倘謂鳳山星野入翼九度諸羅星埜入翼八度則同郡之地至差一度而呂宋水道去臺六七千里而遙者反謂其入翼十度舍耳目之近而持渺茫無據之論未敢以爲信也然分野之說余終疑之保章氏以星土辨九州雖見周禮其書出自莽代乃劉歆讖緯之學必非周公原本班固天文志李淳風法象志僧一行著兩戒之說皆宗之明洪武七年修清類天文分埜一代之省府州縣安處附會遂益煩瑣矣謹按麻象考成專論北極出地以及日躔校分埜塙而有據 純廟欽定熱河志册立晷度類尤足爲千古規範敬守勿越庶免杳渺之譏

二十二日大雨陳太守送福建通志來并促凡例凡例者明一書之大情也諸縣志乘既未寓目采訪詳略亦難逆斷譬於圻者莫悉地形之廣袤材瓦之贏絀而第憑虛率臆妄語規摹詞費徒譏何裨實用太守未知此當先作八議視之撰輓張安人聯語得十六字曰大家有文傳入列女長陵不死祠爲神君安人通文翰故待語云爾

二十三日仍雨閱府志建置附載諸說頗詳謂卽文獻通考云毘舍耶那一作那國者臺海使槎錄也謂卽昔人所傳乾坤東

港華嚴婆婆洋世界名爲鷄籠者蓉洲文稿也謂明周嬰東番記南音傳臺灣爲臺員者臺灣隨筆也謂隋開皇中常遣虎賁陳稜畧澎湖地者海防攷也而舊志敘述尤核其畧云

臺灣古未隸版圖明宣德間太監王三保通志作鄭和舟下西洋

因風泊此嘉靖四十二年林道乾寇亂邊海都督俞大猷逐

道乾入臺偵知港道紆迴不敢進留偏師駐澎時哨鹿耳門

外道乾以臺非久居所遂恣殺土番取膏血造舟從安平鎮

二鯤身隙間遁去占城道乾既遁澎之偏師亦罷天啟元年

漢人顏思齊為東洋國甲螺甲螺即頭類引倭屯於臺鄭芝龍

附之尋棄去久之荷蘭紅毛舟遭颶風飄此愛其地借居於

土番不可乃給之曰得一牛皮地足矣多金不惜遂許之紅

毛翦牛皮如縷周市已數十丈因築臺灣城居之今安平城已復

築赤嵌與相望設市城外而漳泉之商賈集焉國朝順治七

年庚寅甲螺郭懷一謀遂紅毛事覺被戮辛丑芝龍子成功



自江南敗歸孤軍廈門適甲螺何斌負債逃厦誘成功取臺地舟至鹿耳門乘大霧駢進荷蘭歸一王以死拒戰不敵遁去成功遂入據之改臺灣爲安平鎮赤崁爲承天府名東都設縣二曰天興曰萬年成功死子經改東都爲東甯二縣爲二州設安撫司三南北路澎湖各一康熙二十一年福建總督姚啟聖用間諜陰散其黨約僞賓客司傅爲霖內應事洩爲霖遇害二十二年水師提督施琅統舟師進征六月由銅山直抵澎湖八罩澳取虎井桶盤嶼一戰而澎湖平克塽震懾遂籍府庫納地歸誠志文畧於舊志故置彼錄此志載縣四曰臺灣曰鳳山曰諸羅皆康熙二十三年置曰彰化雍正元年置曰廳二曰淡水雍正元年設官與彰化縣同城主北路捕務自

甲計地起三百四十五里有奇坑日澎湖設官正五年置今為行省

凡析其地為三府一曰臺灣府年析彰化縣境十置領縣四日

臺灣附日彰化日雲林彰化南境三置析日苗栗西析南境置廳

一曰埔裏社光緒十年析埔裏社六番開墾一曰臺南府舊

十臺灣府光緒領縣四日安平臺南縣地舊日鳳山日嘉義羅乾諸

隆名改日恆春南置治猴洞在鳳山城南察以廳一曰澎湖一曰

臺北府光緒元年置領縣三日淡水附日宜蘭置於嘉慶十廳

年設緒通元判專改理民日新竹淡光緒元為析縣治廳一曰基隆光

元不雅置也設通三判兼改理設同知理民撫番臺東直隸州則關後

山番境新置光緒二十三年設知州七千兩治水尾歲費養廉銀

百燕不知治州額代賦納千之數夏氏圖說所謂區其地可得一府三縣者

也卑南覓及花蓮港皆設廳置官以爲他日作縣張本今昔沿革大較如是當先表之以便省覽

二十四日晨擬修志議成五則 惠庵屬代撰輓張安人聯語復成一偶云識良匹青油幕底閨門風雅久聞香茗才名祥夢習成裁別寔驚傳角鷓嘯悟往因紫峙峯邊塵劫年華肯換靈芬仙籍滄波知不隔飛輶好控石麟歸 閱府志山川有云大海環繞臺郡其山皆向內地北路之後壠港與興化南日對峙後壠而上有竹塹與海擅對峙竹塹而上有南嵌社與福州閩安鎮關潼對峙自南嵌至上淡水與北菱相望淡水至鷄籠城與沙埕烽火門相望南路鳳山縣之彌陀港萬丹港岐後東港茄藤港則與漳州之古螺銅山懸鐘等

處相望惟鹿耳門居府治之西北澎湖又居鹿耳門之西北  
 與泉州府同安縣廈門東南斜對又附載諸羅志云凡水皆  
 東流邑治之水獨西臺海在西三邑攸同也閩粵間水源自  
 山匯流揚波謂之溪溪漸於海潮汐應焉謂之港海汊無源  
 潮流而豬隨其所到以爲遠近亦謂之港數語竝能簡括惟  
 山谿名目分疆臚列不異市井簿記大嫌非體又搜輯舊聞  
 不分隸各目之下而皆附列於後如大岡山頂蠣房壳甚多  
 赤山之頂不時裂湧泥如火取薪芻置其上則火南仔汕山  
 沒火出石畔玉案山後小山泉湧火出水中茄老網社石湖  
 大里許將雨輒漲劍潭有樹名茄冬高聳障天相傳荷蘭人  
 插劍於樹樹皮合劍在其內因以爲名之類亦爲不善剪裁

當援光緒畿輔通志例正之按臺灣諸山使槎錄謂發輒於福州鼓山自閩安鎮官塘山白大山過脈至鷄籠皆南北峙立然多隱於瘴癘脈絡枝榦莫可目諭而溪流至理及小溪分匯之迹輿圖所載尙覺分明它日敘述蓋山難川易矣二十五日啓撰修志八議成 鄉人劉獻之世芬來兒甚質樸詢其旅況侘傺無俚意頗恣之 閱府志形勝附載理臺末議重鹿耳門而輕上淡水此自當日形勝今則鷄籠滬尾爲外寇所必爭防禦之謀視臺南爲急矣又載使槎錄論臺南內險曰羅漢門在郡治之東自猴洞口入山崇岡複嶺多不知名數里爲虎頭山諸峰環列樹惟椶櫚過大灣崎蘆竹阮咬狗阮又東南經土樓山壁平如削上則獼猴跳擲虞人

張羅以捕稍前爲疊浪崎出茅草埔度雁門關嶺回望郡治  
 海天一色去關口里餘中爲深塹百數十丈緣崖路狹不堪  
 旋馬五里至石頭阨四里至長潭清瑩可鑑潭發源於分水  
 山後由羅漢門阨入岡山溪同注於海自番子寮迤邐至小  
 烏山後入羅漢內門峰迴路轉眼界山開沃衍平疇極目數  
 十里東則南仔汕山東方木山隔淡水大溪爲旗尾山西則  
 小烏山南爲銀錠山北爲分水山目貓徽山層巒疊嶂蒼翠  
 欲滴民莊凡三外埔中埔內埔居民約二百餘口內埔汛兵  
 五十名分防猴洞口狗勻崑諸地則寥寥三十餘人而已先  
 是由長潭東南行至夏尾藍帛腳寮轉北至外埔莊後以逆  
 黨黃殿潛蹤內埔而甕菜岑鼓壇阨尤爲奸匪出沒之所禁

止往來外埔東南由觀音亭更寮崙番子路頭至大崎越嶺  
卽爲外門去大傑巔社二十里中有居民爲施里莊北勢莊  
莊盡番地往年代納社餉招佃墾耕繼以遠社生番乘間殺  
人委而去之今則莠草不可除矣自社尾莊割蘭坡嶺可赴  
南路由本岡社卓猴可赴北路外此則羊腸鳥道觸處皆通  
峻嶺深谷叢奸最易土人運炭輦稻牛車往來徑路逼狹不  
容竝軌惟約晝則自內而外夜則自外而內夏秋水漲阨塹  
皆平迷津莫渡矣又論淡水全勢略曰上淡水中崇山大  
川深林曠野南連南嵌北接鷄籠西通大海東倚層巒計一  
隅可二百餘里洵扼要險區也外爲淡水港八里岔山在港  
南圭柔山鷄一作柔在港北兩山對峙夾束中流南北有二河南

河源出武勝灣行四十餘里北河源出楓仔嶼行百餘里俱至大浪原會流出宥脰門即關渡門入淡水港曲折委宛五十餘里而歸於海圭柔山麓爲圭柔社由山西下數里有紅毛小城高三丈圍二十餘丈今圯城西至海口極目平行名虎尾今淡水營所駐也兩山南北重岡複嶺灌莽叢翳南則武勝里末擺接秀朗諸社北則麻少翁外北投內北投大浪源麻里即吼楓仔嶼諸社橫山在內北投濱河山僅數仞寸草不生自淡水經楓行嶼上下十里過港至鷄籠山高多石山下即鷄籠社稍進爲鷄籠港港道狹隘港口有紅毛石城非圓非方圍五十餘丈高二丈遠望爲小鷄籠嶼循此而上至山朝社又上至蛤仔難諸社深箐鳥道至者鮮矣二說詳盡爽



若列糜此古今不異者也又載稗海紀游云鷄籠山下實近  
弱水秋毫不載舟至即沈或云名爲萬水朝東勢傾瀉捲入  
地底滔滔東逝流而不返今訪諸久客於此者不聞有弱水  
湛舟之事當更考之

臺游日記卷一終

臺游日記卷二

金陵叢書丙集之四

上元蔣師轍

二十六日移寫八議成閱府志第二卷規制知其時惟鳳山諸羅建城郡治樹木柵大門壘石柵外環植薊竹綠珊瑚護之彰化及淡水但設四門廂護薊竹而已蒙謂自礮火之燄熾而所攻無堅城惟柔可以禦之臺地薊竹每叢輒數十竿節有葉如堅錐人入其中牽髮毀肌莫不委頓宜堅築短垣而廂植數重於外敵既無從越礮彈即有摧敗亦豈能蕩爲夷庚而守禦之眾從內闕外易得敵情可以出奇制勝金城百仞亡以逾也海防亦隸規制弟列港名附考載則例於商

船社船

淡水舊設四按雍正元年增六按乾隆八年定制十  
不得再增例由淡水莊民僉舉殷實之人赴漳泉

而造同船棹羅照米在粟廈接販濟漳布帛民食淡水貿易商船自廈來臺開載  
 驗舵放水手回年貌并由臺所載貨物於廈之印單於鹿耳門武會同照武單  
 出汛照驗配運商丈船尺撥分派內地商兵船米謝及配買載平每石膠穀價俱照六  
 分文起運之毫五日將人自廈載往他處水程每尺配里加銀之三釐遇  
 至交卸各船戶公水程括有遠近之何不處即將交卸地方寫入單內當  
 堂令各船戶公水程括有遠近之何不處即將交卸地方寫入單內當  
 單免其配運免及海洋禁止偷渡諸制頗詳海者照私渡關  
 津律杖八十遞河原籍人數至而初不及兵事蓋彘者情勢  
 十名以八者官役分別責罰至而初不及兵事蓋彘者情勢

然矣弛張之道今昔異宜似應別立專門以示鄭重

二十七日閱府志第三卷職官首官制敘官也次官秩誌姓名也次列傳書宦績也官秩無表列傳不與它傳類編皆義例之當正者知府馮協一注江南人按協一字退菴乃益都

相國子官臺灣有惠政民成丁以上歲輸銀一錢二分於官  
曰公用協一除之見青州府志譌誤宜正據此一事傳亦宜  
增

二十八日晨過淡水縣署答拜劉獻之未晤歸遵稻塍而北  
行阡陌間谿流潺潺時橫約略景趣之幽不異村野午餐後  
過左照蓉齋照蓉乞代撰張安人輓聯走筆成一偶云筆牀  
硯匣流芬勝徐淑五言良友失閨中頓令腰瘦東陽舊夢芝  
萸成永悼瓊室丹房證果早楊回三日法齋營海外祗合魂  
招西極僊鸞驂鶴倘重來西王母姓楊名回以丁丑日死見  
酉陽雜俎張安人之歿以甲戌故拈用之夕得五兄書知轉  
漕事繹爲之慶幸糧棧偷盜之弊雖懸嚴法犯者自如而倉

場胥吏索賄之苛亦實資舟子口實五兄翩翩不能與小人角詐心竊憂之今釋然矣

二十九日啓午後聞雷聲雲起西方有雨意商務局党幼雲直刺鳳岡來余適過禹門齋未晤留刺而去聞直刺籍濟甯寄居揚州常游吾鄉爲龔謙夫先生弟子頗用榦局見稱天方教中人也閱福建通志數卷義例未諳文字尤劣林中丞鴻林弁言竅寓不滿之意蓋公論矣志成於道光末後府志且九十年於臺事殊無所增亡可據依閱之失望是日得劉蓋臣書并代印青谿詩選百本覆閱一過仍有譌誤如汎刻作汎遣刻作遺之類校書之難如拂積塵信然

六月朔日戊午閱府志職官附考云雍正十一年覆准臺員

道員准鎮協例三年報滿知府同知通判知縣視參將等官  
二年報滿蓋其時版圖初隸風氣未開風濤之險瘴癘之惡  
之官者皆視爲畏途故著令如是今則功名之士捷足爭先  
矣蒙謂牧令報滿之期宜視內地倍之通其語言熟其情僞  
以養以教非寬以歲月雖賢如陶矩不能爲功治行果優察  
廉舉異報政及期卽擢郡守洊至監司開府不假外求始嚴  
杜其倖進之念繼亦不使有淪抑之善政化可成俊傑益奮  
海外吏治庶無慨闕茸乎是日得叔龍同年書又得李觀察  
及次竹書

二日晨起腹瀉體爲不平午餐頓減夕瘵過惠庵齋禹門亦  
至爲余述一異云往歲臺南安平港有漁翁網得一龜大可

六寸足踏四小龜而行司權王君以緡錢數千得之漁翁夜  
夢神示異驚悸而醒仍從乞還置諸水濱蹒跚而去不審何  
怪余曰此聖龜也酉陽雜俎云在福州今所見豈即此歟抑  
雖靈物而族類固繁歟

三日晨党幼雲直刺來語次知與吾鄉田撰異茂才曾最相  
得述撰異客死狀爲之愍然以飢寒故竄迹瘴域而殞不貲  
之軀覆車非遙襲踵滋懼矣閱府志第四卷賦役首載田園  
之數都五萬三千一百八十四甲有奇又澎湖地種三百八  
十石一斗有奇蓋沿乾隆十年舊志文其附注三萬六百十  
九甲有奇又三千三百九十三頃五十四畝有奇則據乾隆  
二十六年冊籍所載當時塙數反從附注不解其情其別田



爲園者以無陂塘貯水也其變畝言甲者仍紅毛之舊也每

甲縱橫二十五戈戈長丈二尺五寸當十一畝三分有奇或作十一畝

零雍正七年以後化甲爲畝故續墾者別以頃畝計此諸縣

所同其以地種計者則惟澎湖獨也按附考知鄭氏時有官

田私田營盤諸目官田者沿紅夷王田之舊紅夷至臺令中

租其名王陂塘隄圳修築之費耕牛農具籽種皆資給之義故名王田亦猶中土之民受田耕種納租於官之耕田之

人皆爲官佃也私田者鄭氏宗黨及文武僞官與士庶之有

力者招佃耕墾自收其租而納課於官也亦謂之文營盤者

鎮營之兵就所駐之地自耕自給也歸命後悉蠲爲民業它

時編田賦考當附著於篇非惟撫拾墮聞將以著 聖朝寬

大之澤焉晚過淩雲齋案光緒十年清賦案牘淩雲職纂修

案牘最繁檢閱擬先繙閱釋其端緒并訂之曰聞清丈之役  
合十數廳縣之廣刻期三月而繹倉猝甚矣又不擇人而任  
不檢之徒往往取賂富民減書其數而別造虛僞名籍以飾  
增賦之美有諸凌雲曰此弊淡水獨無它縣皆有而鳳山嘉  
義彰化尤甚人言皆如是矣曰廣無賦之田而聽其匿稅則  
病國執無田之賦而責以催科則病官官懼書下考而曲肆  
其鉤詰周內之術則終以病民捐投鼠之細忌慕改弦之宏  
致往者不諫來者其猶可追乎凌雲爲語不可之故相與鑿  
歎久之

四日晨過商務局答拜党幼雲直刺直其他出歸循城垣而  
行柳陰萋萋溪流如帶見二三牧豎橫臥牛背信其所往暇

逸之致令人意移夕閱府志租賦田園之則皆判三等鄭氏

賦民最重上則之田每甲征粟至八石八斗中則七石下則五

石中則四石下始皆因之雍正七年以後續墾田園陞科視

同安則例上則田視民米每畝才征銀八分五釐三毫四絲

秋米六合九抄五撮而已中則田視鹽米每畝八絲秋米二釐八

八撮下則田視官米每畝五絲七分七釐五上則園視中田中則

園視下田下則園視鹽米不征鹽折每畝六釐一毫五計畝征銀

仍代一粟每石銀三錢六分二釐每石粟征耗粟斗則代以銀

銀諸縣從同計地種然征粟以充兵米全臺十五營一石四萬

督標漳兵米七糶千額粟及兵眷金厦兵倍給以粟所征之粟不敷

發起連分給年將連糶四府粟價銀以充經費與各耗人丁暨併封莊

頭廉皆及解津充貼各船衙工門公養費大耑如是附注謂乾隆二十六年冊載

原額新收田園共三萬六百一十九甲九分有奇征粟一十二萬六千五十八石五斗有奇雍正七年後續墾化甲爲畝田園共三千二百九十三頃五十四畝有奇征粟五萬四千六百六十一石四斗有奇通計歲共征粟十八萬一千一百六十九石九斗有奇今合一直隸州二廳十一縣之地所增奚翅倍之其征納銀粟損益因革之故甚欲矧知一證今昔得失而官書私載了無所闕詢諸人人亦若聚聾以鼓選事如是真可云泄泄矣是日得朱調元書

五日閱府志戶口都計戶一萬二千七百二十七口一萬八千八百二十七此據康熙五十年丁冊給此編審之數至乾

隆二十年止詳畧不一致

彰化僅增一丁時雖厲渡臺之禁不應亦靳滋生缺漏疑多然亡可考矣民丁外有番丁八社番丁三千五百九十二口隸鳳山冊載公廨番丁九十七壯番丁一千三百九十五少壯番丁二百五十六壯番婦一千八百四十四口又八十九社番丁五千九十口又六十社歸化生番丁數未詳并隸鳳山彰化諸羅淡水諸廳縣始征丁糧重於內地康熙二十五年題准每丁征銀四錢七分六釐五十年定額滋生人丁永不加賦則與內地同 純廟御極詔減其大半每丁征銀二錢十二年復均其數於田園中按則征輸舊額田園每甲折十一畝每畝上則田勻丁銀四釐一毫八絲六忽中則田勻

四釐三毫八絲一忽下則田勻四釐六毫三絲九忽園上則  
勻四釐九毫二絲九忽中則勻五釐二毫五絲七忽下則勻  
五釐六毫三絲三忽新墾化甲爲畝下則田每畝勻丁銀七  
釐一毫六絲九忽園八釐六毫三絲九忽每兩加耗銀七分  
併封平餘銀二分按納丁於田本在雍正四年而臺灣至是  
新令始播則已後二十有餘載矣番丁輸納別曰番餉始斂  
亦重有多至二兩一兩有餘及五六錢者乾隆二年詔優卹  
之視民丁例歸化生番社責輸鹿皮五張每張折征銀二錢  
六分乾隆二年蠲其五之三折征銀亦減去二分此丁番算  
錢之大略也竊謂戶口宜先土田土田宜先租賦有人此有  
土有土此有財山陽魯通甫撰邳州志體例最善曩撰臨朐

志因之此雖通志大端無別也 午餐後席春愚太守時熙  
枉過太守成都人以醫術名中丞延至爲其長公子治夙疴  
者

六日晨過席太守齋詎其醫術極服膺仲景傷寒論金匱要  
畧二書學有本原蓋異序庸庸獵食者論議亦極豪健耳日  
聞箏琶之音忽直此方如搥羯鼓矣 夕閱府志鹽課水餉  
陸餉臺灣有鹽埕者三縣臺灣三埕一在洲南一在洲北雍  
正九年復移鳳山瀨北場歸縣管轄而格數不詳鳳山亦三  
埕舊只瀨南瀨北二場共一千三百二十三格後移瀨北場  
歸臺灣乾隆二十二年復設瀨東瀨西場仍原額諸羅一埕  
在安定里乾隆二十年增築凡六十五格 埕以格計大小

不等格以丈計計丈征稅每丈征銀四錢九分名曰埕餉此  
 餉未詳征取之制據附考即統於鹽課之中曬丁無竈故不  
 曰竈丁而曰曬丁鹽成納諸官官償以值每交鹽一石給價  
 廣番銀一錢二分南場鹽遜北場每石減二分建倉儲之府  
 治設所名曰鹽館販鬻者率投館納課每一石交番廣銀三  
 錢腳費三分而執單取鹽於場時額銷鹽十一萬石收課銀  
 三萬六千三百兩完解埕餉外養廉役食曬價運費咸取給  
 焉餘乃以充兵餉此鹽法之大端也今臺北鹽館有配運之  
 名有餘鹽之利職此者囊橐率充似稍易往制矣水餉征於  
 舟者有採捕小船渡船每載銀七分七釐尖艚杉板臺灣舊有

每征銀四錢二分杉板頭船二十九十七隻每前每征銀四錢二分  
 正五年撥歸澎湖續增尖艚二十九十七隻每前每征銀四錢二分



四分 隻杉 征板 銀四 如百 故三 十 諸目 其征 於漁 人者 有港 大海 小水 不支 同流 征之 銀處

二自 十一 兩兩 不至 等二 百 潭 計平 每埔 所開 大窩 小積 征水 銀甚 不深 等魚 有蝦 多多 至蓄 十其 二中 兩以 者所

塭 口就 征海 銀坪 自築 五岸 錢納 至水 五蓄 十魚 兩以 不口 等計 每 罟 放每 海一 底張 後駕 用船 四二 五隻 十先

人 兩頭 牽挽 至圍 十餘 兩海 不邊 等征 督 銀有 二車 兩督 一舉 錢督 小搖 督督 征三 銀者 八大 錢督 四征

分 罟 入網 水上 底有 魚盪 入能 袋浮 中水 輒面 蔽下 不繫 能網 出袋 大無 者數 置每 諸袋 外各 海綴 小鉛 者墜 置沈

銀 五內 兩滬 八以 錢條 八計 分每 小條 者大 未者 詳率 征 縛 託於 等冬 大春 魚二 用時 之在 每外 條海 征捕 銀塗

與 罟 蠟 未蠟 如房 剪也 刀即 於以 海為 水取 淺之 處之 鉤名 致用 之竹 以二 條長 計丈 每餘 征各 銀貫 與鐵 纏於

同 綾 每垂 尺餌 許以 有釣 數大 鉤魚 繩大 盡繩 則長 返數 棹十 而丈 收繫 曰一 收耑 藏於 每岸 條浮 征舟 銀出 與海

同 網 五大 錢者 小征 者銀 半三 之兩 箔 數削 十竹 丈片 就為 海之 坪繩 植縛 杙如 及簾 潮高 水七 未八 滿尺 時長

箔 門箔 潮於 退杙 魚留 不一 得門 出寬 大可 者四 征五 銀尺 一潮 兩漲 二時 錢魚 六隨 分水 小入 者以 六網 錢截 三塞

分 滬 兩於 旁海 豎坪 木潮 柱漲 掛所 小及 網處 於周 上圍 截築 塞土 岸岸 門高 潮一 漲二 淹尺 滬留 魚缺 始為 隨門

入湖退由以口門計出大澗給為網八錢阻寬者為大澗之狹烏魚旗白

者為小澗以口門計出大澗給為網八錢阻寬者為大澗之狹烏魚旗白

於布一頭幅刊刷烏捕魚其捕用寫每枝戶姓名一縣印五鈐蓋插諸目舊

額歲共征銀三千八百七十七兩有奇陸餉有街市瓦草店

厝瓦厝每二錢征銀一分七釐三釐八毫草厝每牛磨銀五兩六錢

蔗車銀以與牛計磨每同番樣宅檳榔宅征以銀所六兩每瓦窰征以銀座二計兩

或減或罷皮光緒三年有福建巡撫丁日昌奏請除番社所輸鹿

均應仍其舊以外所計雜項迥異曩昔制用有經皆宜博考者也

七日閱府志卷第六賦役三曰存留曰經費曰養廉曰官莊

經費支給諸目與內地同惟本府進表合綾紙張去矣官

莊凡一百二十五所征收有青白糖粗粟芝麻糖蔞蔗車牛

磨魚塢等名歲入銀凡三萬五百兩有奇鳳山諸羅二縣最

多皆武營經費之資也按閩鄭蘇年光策西霞文鈔有臺灣

設官莊議屬縣云官莊即公田也然與文職無與竊意臺中各

畝各撥若干頃以爲公田欲以濟諸縣官吏匱乏俾廉者無困

而貪者有資私慾亦戢其事未見施行殆有所格今制牧令

所征平餘亦悉輸公而別給之資號曰津貼劇縣歲費萬二

千金它以次減立法似善然慮其不可久矣是日党幼雲刺

史來語及番禍余曰理番無它叛則勦服則撫而已然皆有

道請先以勦言勦生番難勦化番易生番捷若獫狁驛若豪

彘以糜鹿爲糧餌據幽邃爲窟穴怒則狂噬窮則狙伏非烈

山澤芟蔽翳亡以制其死命令所勦者皆化番耳既有里社

又習耕種若俟其禾熟時縱軍士取之屯師要隘絕其剽掠  
彼無隔歲之儲食盡力窮必出求撫此屬非可殄絕但名誅  
其首惡眾情懾畏自爾聃然此勦之上策也若既就撫矣不  
當仍以番目之即令薙髮冠服稽戶口列版籍稍徙其悍者  
散處近郊伍於齊民授之土田導以耕作番土空曠亦量遷  
無業之民實之婚姻往來民番無間官不屏以異類彼亦久  
將自化此撫之遠圖也難者將謂安所得閒田而授之是亦  
有策林太僕以財雄海外田畝最富幾據有臺北之半宜與  
之謀量出其近郊之田以處番即移其近郊佃農以治番田  
太僕受朝廷厚恩撫番又其專責苟利於國毀家亦不當惜  
矧固無毫毛之損哉此而猶吝則是鄙夫之智封利自專執

大義以相繩太僕恐無詞自解也此一說也聞番社土曠膏腴待墾者甚廣近郊之農有可與番易耕者三倍其數酬之並免其三年租賦越期乃征貧民或亦樂從此又一說也曰處生番奈何曰亦開山而已矣運會之開萬物莫能阻今既建行省東西皆服聲教而獨中地長數百里淪於化外亦謀國者之恥也曰前者事此矣而士卒死於瘴癘者相枕籍子亦未聞之乎曰此用客軍之失也役閩粵人則無患矣今之宜蘭縣昔之蛤仔難也漳人吳沙實始闢之埔裏諸社亦用潮民私墾遂成沃壤水土既習瘴毒不能爲戕以募客軍之饒招輯其眾伐木通道以漸而進不墾十稔內山清夷矣曰山木長榮焚之不易伐材輸運亦艱致遠奈何曰吾聞秦西

有炸藥者其力極猛其禍至烈一投而榮者瘁再投而苑者  
枯林藪狙伺之徒迫其凶餓勢將遠避吾得從容畢力攘剔  
即於岡麓密設窯竈廣薪炭之利商販鬻至何憂轉輸矣曰  
生番可盡誅乎曰不可悍者戮馴者撫亦以處化番之術處  
之可矣善乎藍鹿洲之言曰以殺止殺以番和番闢其土而  
聚我民焉孰復三語而神明其術要領既得尙何艱之不可  
圖哉党君既去爰次前語筆之於册以備來者芻蕘之采焉  
八日黔蓉卿爲其亡室營齋於艤舫之龍山寺與同人往弔  
艤舫本一大聚落食貨所萃府治旣建地遂附郭寺在其西  
棟宇頗隘別院畧憩尹疏二君約過學海書院曲逕幽邃竹  
樹蔽天可里許而達山長丁彤煊煊出訝恂恂少年詎以諸

生所業大半淪於俗學速化之弊真薄海同風矣丁君謂禹門曰今之速民謗者大橋釐局爲最公等亦有聞乎鄉民至艋舺市物雖食貨必征近有治喪具若縗麻總布之屬倉皇過橋上者丁役執之謂爲畎法罰其倍輸其人哀乞不獲見原投物於水悻悻而去此類非一過者皆側目視之吾懼其滋費也余曰臺灣地袤不能千里廣才數百里或百里耳田賦所出與夫關榷雜稅歲入率二百萬金亦可云饒足矣復汲汲非義之征奚爲者曰曩以鐵路費細暫規挹注久而不廢則非始事者所及知也余聞此類事輒不擇如骨骸在喉必吐棄乃快歸途成新樂府一章比於杜老諸別聞者不必戒言者固無罪也晚閱府志卷第七典禮子目凡九曰慶賀

日接詔曰迎春日耕藉日祭社稷日鄉飲酒日鄉約日祠祀  
按章氏遺書湖北通志不廢此門海外荒僻會典通禮二書  
寓目者尠似可仍之

九日晨閱府志卷第八學校知其時土番社學最夥臺灣四  
鳳山八諸羅十一彰化十九淡水六今或存或廢蓋同具文  
矣臺北新塾聞有番僮十餘人頗循循就規範惜所以惠恤  
之者不至夏秋疾疫間有死亡嚮學之心或因以沮化頑馴  
梗道務推廣而故常視之此有司之責也陳石齋刺史善慶  
來刺史亳州人與舊友商邱梁西橋宗璋雅故故知余名客  
歲曾一晤於津門比居大科嵌司樟塢稅詎以煎鹽始末曰  
此大利也而夷人攘之曰竈丁不皆土人乎曰固也其貲則



皆夷人豫段之囓成售與故抑其價無敢校者曰官主之不  
愈於是乎曰載在條約弗可改也某居其所如牙郎登市竈  
征番銀八枚而已刺史既去余從凌雲求條約閱之不可得  
午餐飯穢且饁下喉欲歐中丞宗人實司會計同人皆會食  
其所因婉語之曰食之失飪屢矣時近溽暑口腹不慎尤易  
致疾幸戒庖人稍慎其事其人忽盛怒相向語音甚楚喉急  
不可辨意蓋謚余多言原其市僧不解禮賓之意一笑寘之  
晚獨飯齋中淪茗代羹市豆豉下之過凌雲齋詢以開局何  
日答云不知彌益煩懣

十日啓晨閱府志卷第九武備首日營制挂印總兵官一員  
統轄三營 中軍游擊一員駐防臺灣府中路口 守備一

員 千總二員 把總四員 步戰守兵九百一十名 左

營游擊一員駐防臺灣府北路口 守備一員 千總二員

內一員雍正十一年添設 把總四員內一員添設同上

步戰守兵九百一十名 右營游擊一員駐防臺灣府南路

口 守備一員 千總二員 把總四員 步戰守兵九百

三十名 臺灣城守營雍正十一年添設轄二軍 參將一

員駐防臺灣府城 左軍守備一員駐防岡山汛兼轄山頭

山腰山尾狗勻崑南安店等塘防兵一百八十名 千總一

員與駐臺把總遞年輪防羅漢門兼轄猴洞口汛防兵八十

名 把總二員一員與千總遞年輪防羅漢門等處一員駐

防同守備 步戰守兵五百名以五十名撥防康蓬林汛大

湖半路竹等塘以五十名撥防鹽水浦汛港岡角帶圍瀨口  
塗槩埕等塘 右軍守備一員駐防下加冬汛兼轄哆囉囑  
汛烏山頭八槳溪急水溪鐵線橋等塘防兵一百三十三名  
千總一員駐防府治 把總二員一員駐防同守備一員  
分駐佳興里汛及茅港尾水堀頭荖仔林等塘防兵二十七  
名 步戰守兵五百名以五十名分防加溜灣汛及溪邊水  
柵柴頭港水仔尾等塘以五十名撥防大穆降汛蔦松小橋  
等塘以五十名撥防舊社大灣嵌下等塘 南路營參將一  
員駐防鳳山縣防兵五百人 都司一員雍正十一年添設  
分防下淡水駐劄山豬毛口堵截生番兼防河裏港等汛防  
兵三百名 守備一員駐劄鳳彈分防下埤頭汛防兵二百

五十名 千總三員內一員雍正十一年添設一員隨參將  
駐防一員分防新園等汛防兵一百五十名分防觀音山汛  
把總六員內二員雍正十一年添設一員駐防鳳山一員  
駐防同守備一員駐防同都司一員防守萬丹等汛防兵五  
十名一員分防觀音山石井汛一員分防攀桂橋汛 步戰  
守兵一千五百名原一千名雍正十一年添設五百人以二  
百五十名分汛防守游巡南路 北路協標轄三營原一營  
雍正十一年分設 副將一員原係參將雍正十一年改設  
駐劄彰化縣防兵四百四十名 中軍都司一員駐劄彰化  
左營守備一員駐諸羅縣防兵四百七十名 右軍守備  
一員駐竹塹 千總六員內四員雍正十一年添設一員隨

副將駐防一員分防貓霧揀汛防兵二百一十五名一員分防斗六門等汛防兵一百名一員分防笨港汛防兵一百五十名一員駐竹塹一員分守後壠防兵一百名 把總十二員內八員雍正十一年添設一員分防柳樹浦汛防兵一百名一員分防南北投汛防兵八十五名一員分防燕霧汛防兵五十名一員分防蓬山等汛兼游巡牛罵沙轆大川等處防兵一百名二員駐諸羅縣治一員分防石榴班汛防兵三十名一員分防鹽水港防兵六十名二員駐竹塹一員分駐中港防兵五十名一員分防南嵌淡水等處防兵五十名步戰守兵二千四百名原止一千一百二十名雍正十一年添一千二百八十名以五百名駐淡水廳治按所載實二千

五百名不知其誤安在又據東槎紀略原額一千二百六十八名 淡水營都司一員舊駐淡水港今移駐艋舺渡頭防兵二百九十八名兼轄長道阮煙墩霄裏等塘 千總一員輪防艋舺渡頭 把總二員內一員雍正十一年添設一員輪防海山口汛兼轄礮臺北港小鷄籠等塘防兵七十名一員輪防大鷄籠汛兼轄大鷄籠港金包裹等塘防兵一百二十名 步戰守兵五百名大鷄籠港戰船二艘淡水港四艘乾隆十二年裁 安平水師協標轄三營 副將一員駐安平鎮汛隨防兵四十名 中軍游擊一員分巡鹿耳門外中路洋面防兵一百六十名 守備一員輪防內海鹿耳門汛防兵一百五十名 千總二員一員分防內海安平鎮汛防

兵八十五名一員分防外海蚊港汛兼轄外海北門嶼馬沙溝青鯤身等汛防兵九十五名 把總四員一員分防內海安平鎮汛一員輪防內海安平鹿耳門汛一員分防內海鹽水港汛防兵一百二十名一員分防外海大港汛兼轄外海鯤身頭嶼港等汛防兵六十名 步戰守兵八百五十名以九十名撥隨副將出洋總巡以五十名貼防北路營半線汛戰船十八梭內海安平鎮汛七鹿耳門汛三外海蚊港汛二大港汛一撥隨副將出洋總巡二分巡中路洋面四礮架八座皆鹿耳門汛 礮臺七座外海蚊港四大港汛三煙墩十一座外海蚊港汛六大港汛五 左營游擊一員駐安平鎮汛防兵一百名 守備一員分防內海笨港汛防兵

一百三十名 千總二員內一員雍正十一年添設一駐防  
安平鎮汛一分駐內海安平鎮汛兼轄內海水城海口防兵  
一百三十名 把總四員本三員雍正十一年增一分防外  
海蚊港汛一分防內海笨汛一分防內海三林港汛防兵五  
十名一分防內海鹿仔港汛兼轄礮臺防兵九十名 步戰  
守兵八百名以七十名隨防安平鎮城十名撥防內海猴樹  
港汛併海豐港礮臺四十名撥隨副將出洋總巡一百八十  
名撥巡本汛洋面 戰船十八梭安平鎮汛七笨港汛三三  
林港汛一鹿仔港汛二撥隨副將出洋總巡一撥巡本汛洋  
面四 礮架八座在安平鎮汛 礮臺七座安平鎮汛三笨  
港汛一海豐港汛一三林港汛一鹿仔港汛一 煙墩十一



座安平鎮汛七笨港汛一海豐港汛一三林港汛一鹿仔港  
汛一 右營游擊一員駐防安平鎮汛防兵一百名 守備  
一員分巡本汛洋面防兵一百八十名 千總二員一駐防  
安平鎮汛一分防打鼓岐後西溪東港淡水港汛洋面防兵  
一百二十名 把總四員本三員雍正十一年增一隨防安  
平鎮城一輪防鹿耳門汛防兵一百五十名二分防外海打  
鼓汛兼轄岐後萬丹西溪東港淡水港茄藤港放緯大崑麓  
等汛防兵一百三十名 步戰守兵八百五十名以七十名  
隨防安平鎮城五十名撥隨本標右營游擊出洋總巡五十  
名貼防北路營半線汛 戰船十八梭安平鎮汛六鹿耳門  
汛三打鼓汛二分防打鼓岐後西溪東港淡水港洋面三撥

隨游擊出洋總巡一分巡本汛洋面四 礮架十四座鹿耳  
門汛七安平鎮汛七 礮臺五座皆在打鼓汛 煙墩二十  
一座安平鎮汛十打鼓港汛十一 澎湖水師協標轄二營  
副將一員駐澎湖 左營游擊一員駐內海媽宮汛防兵  
二百二十七名 守備一員分巡八罩洋面防兵一百四十  
七名 千總二員一駐媽宮汛一分防外海嵵裏汛兼轄雙  
頭跨鳳櫃尾文良港龜鼈港等汛防兵一百三十五名 把  
總四員二駐媽宮汛一輪防媽宮澳新城內海港口防兵二  
十八名一分防外海八罩汛兼轄外海八罩挽門水坡將軍  
澳等汛并將軍澳礮臺防兵二百八十四名 步戰守兵一  
千名以七十八名撥隨內海碼宮澳新城東港并港口一百

一名撥隨副將出洋總巡 戰船十七艘媽宮汛七撥防內  
海媽宮澳新城東港并港口一分防外海八罩汛二分防外  
海嵵裏汛二撥隨副將出洋二分巡八罩洋面四乾隆二十  
五年裁一 礮臺六座媽宮澳汛一八罩汛三嵵裏汛二  
煙墩六座八罩嵵裏各三 右營游擊一員駐內海媽宮汛  
兵三百三十三名 守備一員分巡西嶼頭洋面兵一百七  
十三名 千總二員一駐媽宮汛一分巡外海大北山瓦礫  
港赤嵌澳通梁港等汛兵一百名 把總四員二駐媽宮汛  
一分巡媽祖澳港口兵五十名一分巡外海西嶼頭內外塹  
兼轄竹篙灣緝馬灣小門等汛兵一百七十三名 步戰守  
兵一千名以五十六名撥防媽祖澳新城併內海新城西港

以九十名撥隨副將出洋 戰船十六梭媽宮汛九媽祖澳

港口一分巡外海西嶼頭等汛一分巡外海大北山等汛一

隨副將出洋二分巡西嶼頭洋面四乾隆二十五年裁一

礮臺三座皆在西嶼頭煙墩六座西嶼頭五大北山瓦礮港

一 最凡水陸十五營總兵一員副將三員參將二員游擊

八員都司三員守備十三員千總二十八員把總五十六員

戰守兵一萬二千六百七十名 班戌分入各營三年更替此

乾隆二十五年以前營制之大略也考東槎紀畧嘉慶十年

海寇蔡牽自滬尾登岸徑至新莊乃移水師左營游擊駐淡

水之艍艍兼轄水陸移興化協守備駐滬尾為水師守備移

延平協守備為游擊中軍新設噶瑪蘭營亦歸艍艍轄焉

噶瑪蘭營

地建廳設官始在於嘉慶十七年立營在先

始設守備一員駐五圍城內

戰守兵二百一十五名 千總一員駐頭圍兵六十名 把

總二員一駐五圍城內一駐溪洲汛兵四十名 外委二員

一駐五圍城內一駐北關汛兵四十名 額外三員二駐五

圍城內一駐隆隆嶺兵二十名 戰守兵四百名一圍汛兵

十名烏石港口礮臺塘兵十名按以上實只三百九十五名

道光三年增設都司一員駐五圍城內而改駐守備于頭

圍以其地當北關東扼烏石港人煙稠密也頭圍千總改駐

隆隆嶺汛爲淡蘭二廳交界接三貂嶺俯瞰鷄籠卯鼻茂林

峻嶺匪民之所逃匿 千總一員駐五圍城內移五圍城把

總駐馬賽草山以外爲蘇澳接界生番東臨大海可泊大小

百艘故於山上建立礮臺置戰守兵五十名以防之外委

二員一駐五圍城一駐頭圍 額外一人駐加禮遠港在東

勢大溪出海之口沿港皆番社港口容小船出入率兵三十

名稽查挂驗 增戰守兵三百名五圍城內一百四十五名

頭圍四十名薩薩嶺汛三十名馬賽草山五十名加禮遠港

三十名烏石港口礮臺塘五名而改艦舢游擊為參將時總督趙

化文額兵公二欲移北艤舢額副將一駐百歸塹改右隨副將為中軍抽撥都

副將為北路左營改舢歸守郡中北守路右營同蘭營四師游擊歸

亦專司將轄其嘉義郡司改歸郡中北守路右營同蘭營四師游擊歸

年改編之營制也鳴馮蘭續撥右軍六百武壠汛三十名左軍岡

螺左營嘉義存城兵八汛十名六非門於全臺兵數有增西光緒

元年沈文肅公勅裁汎併練之議仿湘淮軍制五百人爲一

營析爲三支

調臺南淡嘉義三營至府城合府城三營爲一支專顧鳳臺嘉三縣其北路協副將所轄中右

兩營合鹿港一支專顧淡蘭一支專顧彰化一帶訓練扼要駐防並

疏請去總兵挂印之名歸巡撫節制罷水師副將而移總兵

駐安平中營游擊隨之其水師中右兩營都司改爲鎮標陸

路左右兩營都司改鎮標左營游擊爲撫標左營游擊隨巡

撫駐臺撫標原設兩營仍駐省改左營爲中軍卽以中軍參

將領之改水師左營游擊

原駐鹿港

爲臺灣北路左營游擊歸北

路協副將管轄臺灣兵制於是乎大變因時制宜蓋有不容

已者法寇之警客軍麇集撫墾事棘招募日增及建行省而

營制又稍稍殊矣以今所聞練兵募勇尙有四十營之眾規

制若何案案牘苦未能得

中丞養疾簡出竟月不面在事諸君營營逐逐各有務每聞余言

輒漫應之意且憎其多事以故澎湖副將與壇鎮互易事在

何年亦未悉也按文肅請改臺地營制疏極言班兵之弊而

又以就地招募得失參半為言蒙謂遶馬以驥莫急於求將

才統衛非人二者皆未能無失豪傑裹足老成引退擾擾者

非喜事之孺子即贖貨之貪夫今之可憂又在此不在彼矣

志載戰船八十九艘而文肅疏言臺澎各營僅賸拖舂船八

號軍政之弛即此可見文肅又請以閩廠所船輪船分備臺

海今祇飛捷一艘仍係備修水線與貴官利濟之用與軍政

不涉也午赴黨幼雲直刺之約出西郭門循垣而北可二里

許夷樓屹然孤立田塍中門外矧以竹籬濬池一弓中界小



隄隄有井泉以機器鑿成筒水激湧瀦小沼中狀如圍壁池中荷花盛開清芬襲人微轉入門曲折登樓樓面池覽山盡東西北三面峰迴嶺袞中曠可數十里天然一都會地也惜城建稍西移東里許便得地勢飯畢登高臺覽東南諸山狀極雄獷雲氣蒼然不辨巖窟日哺歸答拜陳石齋刺史詢以番嗜殺狀曰其天性固然然亦嗜丁有以激之激之奈何曰外山之樟盡矣涉番境伐番木約餽以羊豕紅布之屬嗜丁亡賴往往食言囁成而逸番不能文字視所約之期壁結繩如其數日解一結結盡而餽不至則瞋目捉刀而出以爲漢人誑我也不辨甲乙輒手刃之其盜姪番婦因以贖首者亦所在多有丁眾而勢散雖各有長莫能禁詰也曰此而以殺

止殺詎足服之譬猶挾火而褒薪耳去薪止嚮莫若使竈長  
 與番目共圖之竈廁一番俾習其業即均其利曰有上此議  
 者矣大府忱其難寢不行曰若是則番禍未易懈也豈惟番  
 禍外憂將緣是而起彼狡焉思啟者方苦無所藉口今挾重  
 貲而來而山谷搶毀齒竈日減所慾不厭將竊倭奴之故劓  
 嫁名勦番而陰肆其詐履霜堅冰遠覽之劓何必君子曰夷  
 之志亦譎矣近求弛入山視竈之禁謂戕於番不復懟官當  
 事許之彼且欣欣然囊銀錢遨遊番社間所直無男婦皆有  
 所與揆其用心殆於叵測曰有是哉始以小惠結其心繼必  
 以重直購其地據要害營窟穴僻在番壤我且不之知又安  
 從而禁之是猶聚虺蛇於裏衷伏豺虎於戶闥發之愈遲其

禍愈烈雖有智者不知所以善其後矣復詢以畫界得失曰  
此某某怯懦懼冒功之無終而敢爲欺謾以惑大府之聽耳  
陽曰畫界實割地以乞和已闢之土委棄不惜奸黠梗化益  
長其驕隘寮甫移挾刃者已闖出於境外而匿不上聞且以  
息事甯人覬豕優賞道路之口不可誣也歸質諸凌雲其言  
良信

十一日閱武備列傳始施琅終張天駿凡二十人此宜歸列  
傳標目武功與宦績竝列後之有事於臺者皆以類從其所  
謂義民則歸諸人物以嚴主客之別未載船政敘述船制頗  
詳自輪舶入中國而海舟幾廢利濟之用固謝弗如然使船  
如馬閩人狡捷西夷實出其下此則當備錄之非祇存船制

之舊亦以見占風試水中國固自有長也是午陳石齋招飲未赴

十二日晨閱府志卷第十二人物首列科貢非是宜畫格立表次秩官表後此志乘定例也臺灣之有進士自乾隆二十年丁丑始按巡臺御史諾穆布疏請援鄉試例編臺字號取中一人章下部議臺郡士子就試滿十人再以奏聞事在乾隆四年閱十八年乃有登第者豈前此計吏之車偕行者罕歟舉人自康熙二十六年丁卯始時別編字號額中一人三十六年總督奏罷另號之制雍正七年復之十三年增中一人不論何經乾隆元年復增一人以恩故非常例也非今則秋榜三人春榜二人率為定額俗學湛錮人才豈必遂優於昔而科第轉盛

一二傑出之士宜益刻厲勉自奮興矣胡鐵花直刺巡閱營  
伍歸詢其所歷皆蠻煙瘴雨之鄉儻從三人死者二病者一  
而一身泰然了無疾苦真鐵漢也語余後山境俗與志載略  
同獨謂精華已竭無復膏腴可闢臺東州直當以甌脫棄之  
私心滋疑然屐齒未經不敢辨難又力辨玉山之誣謂直無  
此山屬余撰山水考刊落舊說余以漳浦陳夢林有望玉山  
記狀寫鑿鑿似非讐言近有謂是積雪者見王文勤臺當以  
采訪證之玉以形似疑山不可以臆見削也晚得新荔支擘  
而嘗之色香味俱絕渡海且數月聞見無一快意者賴此果  
爲余解嘲仲翔南海之憾可以釋矣是日得五兄及內子書  
十三日閱人物列傳不標品目最善無截趾適履之嫌惜尠

奇特不足為志乘光通志成於道光間增傳十餘人亦率毛

舉細行振幽拔滯采訪者之責矣流寓始沈光文李茂春張

士柳郁永河諸賢履綦所留流風足慕藍鹿洲以飛書草檄

之才參其兄襄毅軍事運籌帷幄時發奇策於臺灣可謂有

功而儕於寓公則大嫌失實矣甯靖王始終依鄭氏者亦列

入明遺臣傳為宜 晚復得荔支誦東坡海山仙人繹羅襦

紅紗中單白玉膚不須更待妃子笑風骨自是傾城姝四語

深服其題品之妙吟諷數過覺香山之新熟鷄冠色溘翁之

新剝女兒頰皆槍父語矣

十四日晨閱列女傳所載皆貞烈卓卓可傳不百年間以奇

節顯者且四十人可謂盛已今俗乃以姪洸傳何也死節首

續順公沈瑞妻乃鄭斌女鄭克盛妻乃陳永華女皆非臺灣人似宜各附其夫傳後又載北路參將羅萬倉妾蔣氏羅陝西甯夏人死朱一貴之亂志有傳蔣殉得旌已見傳末不云是臺灣人亦當析出以清主客之界 午寫家書竟復作上德州糧儲道書儲使名恩燾由侍御出領東漕風雅好事有孫陽湖之風余以賓氓深荷容接案所撰著以詩刻江蘇水利圖說臨朐縣志三種就質復索江蘇海塘新志及水利全書時插架已罄南來從李觀察覘得因介便力遺之 晚得

德州四月書

十五日晨陳仲英太守來知前撰八議已見明室遺臣傳一目頗不謂然竝云沈文肅奏請崇祀延平時有某君者曾與

書爭之謂臺灣可祠成功則李自成當先立祠都下其議雖  
激要爲公論成功謂有功本朝則可在明實叛臣也余聞而  
駭然自成乃亡明天下者成功乃存明正朔者薰蕕異器婦  
孺皆知固可相提並論邪且成功以一諸生奮起於明社既  
屋之餘闢土孤島帝制自爲誰能禁之而必奉淮王常清爲  
監國不改東武年號

此見鮪琦別編外紀  
則云奉永曆年號

殷頑之義大節凜

然何負於明而目爲叛然太守以翰林起家一典文衡再守  
大郡治行察異聲譽日崇非不通古今者或別有所見故余  
亦不深致辨直促其迅圖始事而已冬生來知與凌雲同職  
纂修協修四人未悉誰某聞中丞欲於需次諸賢中求之

十六日閱府志卷第十三風俗其子曰習尙曰歲時曰氣



候曰潮信曰風信曰占驗似涉燕亂宜用畿輔通志例目以

人立曰士曰農曰工曰商以禮立曰冠曰昏曰喪曰祭而以

歲時終焉比類分隸雜采諸書若網在綱斯井井矣潮信風

考氣候占驗入雜記所述習尚大都殷賑而侈人非土著故其氣浮健

訟樂門根於天性今服教化且二百年而不變者什七移風

易俗不其難哉歲時俚俗閩粵相雜余簡出目論蓋寡今昔

同異亦非采訪不能詳也

十七日閱府志卷第十四第十五番社風俗可名者凡一百

四十四社臺灣彰化四十八淡七羅三十大社三四百入小

社或數十人酋長亦僑土官一社或具數官一官或轄數社

無征賦之責畧有統屬而已土官有正副各分公廨有事則

士娶妻後即於肩背胸膺手祇刺兩腋下女鍼刺花用黑煙文之刺

為墨花以尊卑之別官與土官相為婚俗重長男則娶婦

女則贅壻甥以為孫不能三世族姓淆矣其眾寬則事耕作

獵禽獸盱盱睢睢自遂其生急則尋人殺戮以自快其天性

也其長兵則弓矢短兵則鏢槩近頗有火槍矣無以激之則

亦不動兇悍嗜殺惟傀儡諸社使人槎錄云傀儡生番動輒殺

出為寶被殺之番其子於四月釋服後必它不盡然自土官以

次咸短衣掩臍下蔽尺布女或圍幅布為桶裙近水取魚鼈

近山飽麋鹿貴少壯賤衰老人死輒瘞屋內不為父母制三

年喪者有一年者十日者四月無婚姻之禮意合相偶男髮遍社游越

中互以背許琴綴以銅片另繫一夫小柄以手為往復唇鼓動之然其

螺亦錢有海自幼訂婚者聘用夫死輒他適反目失歡亦輕離異傑大

中諸番衆贈遺已色久造高架坐婦則於永無離異社舊俗如此今則

其地半歸版圖埔瑯裏廳十八社已為新恆竹縣治淡水連諸社已為

城郡狃狃榛榛漸殊曩昔矣然卽以舊俗言男勤樹藝女至劊

木爲機以織臺海采風圖云番女織杼以於上木如栲栳爲軸繫

於腰穿梭圍而織帛采之以樹皮合葛絲織相間又曰有戈達布紋等物

皆堅則固知務本也達麻任力役達麻將弁遠出肩輿行筒

襪被任皆或不敢遠社寮家居則固知急公也父母之喪覆笠

不敢見天鳳山瀦有毛傀則未始不念親也祀祖有歌每飯不

忘祖公則未嘗不追遠也合飲先酌土官公廨番眾以次及

則彬彬有禮讓也子女未婚姻皆別居則秩秩有廉恥也令

祛諸蠹郡如通事社力商者社認棍之屬稗海日紀社游商社番商既又委通事

取夥其長輩為使脯居社并取中其凡皮番二一者絲輸一賦粟有餘然賸削之無射厭所麋有鹿不盡

妾異其己有物橫平撓時潛事阻於巨中細者悉則呼男婦是孩稚謀充役且納通事婦父為妻

貧子則繼力流不毒無校已即有番以人之冤訴者又味離番不能之達通事顛倒奪以對

遭番人斥反寬其徭役因固有之良而導之以禮教業處安善何

渠不若閩粵民周氏鍾定有言曰彊者欺番視為俎上之肉

弱者媚番導為升木之猱曩昔多故罔不繇此二者不察其

故而直以異類視番吾察番俗吾為番冤矣是日發家書

十八日閱府志卷第十七物產五穀 稻之屬二十七埔早占

大圓粒尖仔十三杯天來內山早清游早紅腳早大頭婆過山香

穉穉鴨虎皮潮穉禾竹絲穉鵝穉卵穉仔番仔穉毛名以時以地以形似半涉俚

俗其號曰占者則占城產也宋眞宗時以福建地多高仰聞  
占城稻耐旱遣使求其種使蒔見湘山埜錄然據宋會要大  
中祥符五年遣使福建取占城穀分給江淮兩浙則種入中  
國又不自眞宗時始矣附考云穀種早晚不同早者六月可  
收晚者七月始穫下淡水間有三冬種四月卽收者名爲雙  
冬又云占稻六七月始種十月收稻之極美者以余所聞則  
臺北農畝皆二年而五熟也三始穫以五月再穫以九月麥  
黍稷豆皆不異內地二年五熟之田則皆不雜菽矣 蔬菜  
之屬二十八亦尠奇品王瓜下引月令四月王瓜生而臺地  
十二月卽有爲異按今之黃瓜本名胡瓜北人避石勒諱改  
稱見本草綱目非月令之王瓜也月考禮鄭注王瓜夏小正云今

王荳秀瓜王瓜王荳一物二名呂氏春秋又荳據各生志注  
善或作瓜瓠也桂氏說文義證謂善即荳今之土荳俗

曰赤荳客臨胸見土人李廷樞齊雅如瓜豆在根旁味如薯蕷  
誤赤荳客臨胸見土人李廷樞齊雅如瓜豆在根旁味如薯蕷

濟野南物早春即有登市者不時必四月也立言明塙足為據依其  
野南物早春即有登市者不時必四月也立言明塙足為據依其

不疏證尤詳惜 筍下注臺地產者味苦附考引使槎錄謂竹  
不疏證尤詳惜 筍下注臺地產者味苦附考引使槎錄謂竹

塹筍竹筍味最佳筍筍余未獲見若臺北所產則庖人日供  
塹筍竹筍味最佳筍筍余未獲見若臺北所產則庖人日供

雖遜吾鄉牙竹筍之佳而味實不苦也 晚作沿革裏成臺  
雖遜吾鄉牙竹筍之佳而味實不苦也 晚作沿革裏成臺

灣府縣名猶是而遷易其地百世而下考古最易混淆升建  
灣府縣名猶是而遷易其地百世而下考古最易混淆升建

之始宜以臺中臺南臺北命郡便淆糾繚且名有獨專亦合  
之始宜以臺中臺南臺北命郡便淆糾繚且名有獨專亦合

升府為省之義也

十九日晨閱府志物產 貨之屬十六 子糖冰糖油藤青澱菁  
十九日晨閱府志物產 貨之屬十六 子糖冰糖油藤青澱菁

榔染草用之紘麻炭灰鹿皮 茶以糖始以茶終附考引稗海  
榔染草用之紘麻炭灰鹿皮 茶以糖始以茶終附考引稗海

麋皮 鹿皮 鹿皮 鹿皮 鹿皮 鹿皮 鹿皮 鹿皮 鹿皮 鹿皮

紀游謂臺人植蔗爲糖歲產二三十萬按赤嵌筆談所述計

之則奚翅百二十萬金每歲出蔗糖約六十餘萬每錢一

斤白糖百斤價銀一兩一錢是兩三錢據此數通核二者各半通爲百

萬之一百二十矣今臺南土地日闢臺北無蔗豈數宜有贏無細

筭檢貨稅檔册核之亡可諮也茶下注云出水沙連社可療

暑疾今臺北近山種蔗幾滿其最佳者名烏龍茶泰西人酷

嗜之自四月至八月輪櫬日至疊筐累篋販載而去利與糖

埒其盛蓋自同治間始矣茶肆皆集大稻埕每至夏月開場

宜於俗幾與上海類亦有非一拔二茶植可收其議效者毀論數十萬天氣不

化之固自茲而有道謂幸不可知之原拂民已甚不決不逸行且維持不

非讐歟者曰腐儒談之經濟以往茶利如厚官或將曰權然則懼宋張之忠失定崇也譬之於政

病醫之者由貪引古法而不悉古入救幣之屬七以棉布上三布種俱不

多產卓戈文毛被戈達紋俗出於番婦者四考番俗苧縷為經

犬毛為緯染采斑爛以織成布曰戈達紋剝樹皮和獸毛織

成者曰毛被曰番毯蓋古績罽之類曰卓戈文則其所織氍

也又彰化大武諸社所織麻布名老佛此未載宜增即老佛所殆

市番布閩雜記謂按幣之名未安似不若以貨統之晚過

西學堂訪冬生漏二下歸溼煙出地網縷尺許殆即瘴氣余

曾持晚出之戒今忽犯之意滋悔也

二十日黔閱府志物產 金之屬六劍錢圓錢方錢 劍錢方

錢今竝未見所謂圓錢則今之番餅俗名洋錢每重七錢二分

頭番鑄鷹形者曰鷹洋皆來自西洋式今頗精 中錢及菱則今

盛行者則日本番餅銀色尤不足而式頗精



之小番餅

中錢三錢六分則俗所謂四開洋錢以四當一

則分十則十六開開今皆有五釐之皆自西洋流入非臺產也日本改法度

歲始自呂宋咬囉吧番餅充斥网利無形每枚雜成銅余嘗痛

疾之謂為通商後諸大漏卮之一詳志所述則臺灣中患為

最先矣團法之敝亦甚內地如赤嵌筆談所云鵝眼荇葉散

若流泉見行鼓鑄輪郭周好棄而不用者比稍禁革然弊又

他滋番餅一枚直錢九百五十以重七錢二分為率不及者

有減臺灣所名為通用者皆不鑿重疊體無而過者不增

最日本番餅名庫番其體錢賈利權獨專四民皆困曾為有位

者一再言之越位之思殊無裨益也按此類皆貨屬似可不

別標目附考引臺灣志畧謂哆囉社產金而臺灣外紀云康

熙壬戌間鄭氏遣僞官陳廷輝住其地采金老番云采金必  
 有大故詰之曰初日本居臺來采金紅毛奪之紅毛來采金  
 鄭氏奪之今又來取豈遂晏然明年癸亥我師果克臺灣語  
 似荒怪而實得之身歷今以利媚上者方力持淘金之議招  
 集徒手重其征斂豈真未睹此說邪抑既言利則害不暇計

耶 石之屬五

礮石 礮石 湖生 海中 皆鹹 鹵結 成土 人充 盆玩 文

灰石 墁壁 礮石 出淡 水礦 山燒

四皆玩具無足稱述惟硫磺為軍

火所資宜歸貨類稗海紀游云硫土黃黑不一色質沈重有  
 光芒以指撚之颯颯有聲者佳煉法搥碎如粉日暴極乾鑊  
 中先入油十餘斤徐入乾土以大竹為十字架兩人各持一  
 端攪之土中硫得油自出油土相融又頻頻加土加油至滿

鑊約入土八九百斤油則視土之優劣爲多寡工人時時以  
 鐵鍬取汁瀝突旁察之過則添土不及則增油過不及皆能  
 損硫土既優用油適當一鑊可得淨硫四五百斤否或一二  
 百斤乃至數十斤關鍵雖在油而工人視火候亦有微權也  
 近聞鷄籠石炭開采亦富又大甲之席大甲布帛可寘行篋草壘如  
鹹淡之別產淡水者佳極精者價可五六十金鹿港之香奇名  
最下亦直番餅三數枚內渡者皆購以充餽遺  
楠州精好而芳烈過之鹿港又用人製爲搬指珠有然不逮  
揚州精好而芳烈過之鹿港又用人製爲搬指珠有然不逮  
福州所製臺南之竹絲冠胎其細如髮製爲涼冠與番餅一胎競  
 昔無今有皆貨屬也當一一增之



臺游日記卷三

金陵叢書丙集之四

上元蔣師轍

二十一日閱府志卷第十八物產先草木花之屬六十三果  
之屬二十八木之屬四十五竹之屬十三草之屬二十七藥  
之屬九十五次鳥獸羽之屬四十畜之屬十一毛之屬十三  
次蟲魚蟲之屬三十一鱗之屬九十二介之屬二十六大較

宗爾雅雖不盡合

爾雅在釋草果半在釋木釋獸出  
寓屬不言毛豕列寓屬不歸釋畜也要為

有體則矣諸產為內地所眇有或臺地獨盛者花則佛桑

葉似桑四時長開有朱紅淡黃二色單葉者日照殿紅鐵

樹花狀如竹絲燈籠廣張千瓣瓣各一花斑支斑或

作攀先花後葉二三月盛開絳色花落而實中有棉為褥宜

暑 山柑 一名七里香叢生如柑葉似珠蘭花五瓣色白

香氣濃郁可越數十武六月結實大如豆末尖先綠後紅一枝排比數十如緋珠能辟煙瘴所種地蠅蚋不生臺產也

番茉莉 一花千瓣望之似菊既放可得三日觀惟香少遜

倒垂蘭 出北路內山枝屈曲如梅葉似萱短而厚不著

土取一枝掛簷陰雨露所及處自能生根抽芽出葉開花花

如蘭色黃碧微香 番蝴蝶 葉略似夜合花中紅外黃似

蝶有鬚一枝可數蕊四季長開臺產 優鉢羅 卽曇花草

本種出西域有紫白二種青葉叢生或一年數花或數年不

花懸莖包裹狀若荷花中攢十八朵每一日開一朵梵刹多

植之取十八羅漢之義 貝多羅 木本種自西洋來葉似

枇杷梵僧用以寫經枝皆三叉花六出香似梔子臺人但呼爲番花 果則穠 紅毛人從日本移來樹高多陰實如豬腎盛夏大熟俗稱番蒜赤嵌筆談謂色味似杏或是番杏皮綠肉黃其氣辛熱其味酸甘入肝補脾切片以啖清芬過蔗漿鹽漬久更美名蓬萊醬 柚 實大皮厚味稍遜內地俗呼爲拋按拋字字書不列果名閩雜記云古尤蕭韻多同如修或作條愁或作騷之類前人詩文可證者甚多蓋本作柚譌爲拋耳謝肇淛五雜俎言其實在樹任風拋擲不落故謂之拋乃是臆說云云辨頗明瑯 檳榔 樹直無枝高一二丈皮類青桐節似筠竹葉皆上豎如鳳羽臨風葉脫一片內見一包數目包綻即開花二三枝淡黃白色朵朵連珠香芬

襲人實附花下形圓而澤宛若棗形自孟夏至孟秋發生不絕臺人於未熟時采其青皮和扶留蠣灰嚼之可以祛瘴新港蕭壠麻豆目加瀋灣最多尤佳 椰子 樹高數丈直起無枝實大如寒瓜外有粗皮皮次有殼圓而堅可作瓢及酒器肉在殼內色白味似牛乳中含漿如酒性能敗胃種檳榔必閒此樹則實繁 波羅蜜 一名優鉢曇葉如蘋婆而光潤實生樹幹熟以盛夏大如斗皮厚有輭刺礪砢如佛頂旋螺內含純瓢鬪疊如橘柚囊氣甚芬郁有乾溼苞之分乾苞液不濡膩味尤甜每實有核數百枚大如棗仁如栗黃燭熟可食赤嵌筆談云爾舊志云子似橡實每一子爲一房熟而食之味似百合子不可生食瓢可生食味亦不甚佳土人以



子煨肉余按二說皆未塙曩至臺南朱苕園太守餽此果其  
大正類佛頭剖之瓢黃臭惡不可食房或數子似蓮實而稍  
大熟食味近慈姑 鳳梨 一名黃梨葉似蒲而短闊兩旁  
如鋸齒實生叢心其實色黃味酸皮鱗起末有葉一叢形狀  
類鳳故名 釋迦 一名番梨樹高出牆實大如柿碧色文  
縐如佛頂味甘而膩熟在夏秋之交 菩提 俗名香果花  
實青味甘而香 龍眼 顆小味薄按此果惟臺南有之  
臺亦產瓜惟八月始種十一月熟與內地異 木則栲 余  
見合抱之材甚夥特質不堅不若粵產之佳稗海紀游云栲  
性生已具全體裂土而出兩葉甫蘖已大十圍歲久則堅終  
不加大說甚奇未目諱不敢信也 樟 余所見一種色紅

臭烈俗名香樟作書廚可避蠹取其木煎腦亦臺地之一大利源惜西夷龍斷我不得專黃目結實如枇杷色黃皮

縐功用同阜角林投一名林茶葉多刺高丈餘密植爲

籬牛羊不得入九芎一名九荆用爲屋柱入土不朽

婆羅樹中空四圍摺疊成圓形花紋糾結盤屈如古木狀

用貯筆因其材見使槎錄今所市筆筒帽架正類此或云檳

榔或云貫眾未知孰是土沈香樹開花五瓣白色結子

黃如豆大其根香打鼓山最多綠珊瑚一名綠玉樹多

極叔而無花葉光潤雅與名稱種自呂宋來按閩雜記謂即

興泉等處之護田草亦名霸王鞭一名仙人鞭非是余見仙

人鞭如仙人掌而長大別是一物桃榔挺然直榦花落

生葉質堅多紋可製爲器 茄藤 生海濱可爲薪紅可染

網 竹則刺 高四五丈旁枝橫生而多刺堅利人不敢犯

笙 大者圍二尺長四丈出竹塹按山海經龜山又東七

十里曰丙山多笙竹殆即此 金絲 一名箭竹粗如小指

大樸仔籬等社土番以爲箭 珠籬 高丈許如指大用以

編籬 七弦 竹幹有青線紋五六七條葉與竹同 人面

竹高四五尺節密而凸宛如人面通志一名佛眼竹可供

賞玩 草則仙 高五尺釀乾可作茶解暑毒煮爛絞汁和

粉再煮成凍用糖泡水飲之甚涼 風 風草土番識之春

生無一節則經年無颺有一節主颺一次甚奇驗 龍舌

草長逕尺厚半寸形如舌土名蘆薈上有汁閨中取以潤髮

萋藤 俗名萋草卽扶留藤臺人納幣取其葉滿百束以

紅絲爲禮按萋藤亦俗名說文蒟蔓生子如桑椹苗爲浮留

藤卽此 藥則土茯苓 俗呼止尼薯按藥中別有土茯苓

大如鴨卵連綴而生臺產非是余得數枚大者可二十斤此

眞茯苓也 鹿茸麋茸 鹿茸補陽麋茸補陰按臺產近多

不堪用或謂鹿皆鯨所化其說殊非內山去海遠產鹿固繁

特番人不解內地取茸之法率屠鹿後取其角以售故易臭

敗 鹿角膠 鹿角霜 風藤 狀與他藤異似木通出水

沙連內山浸酒飲已風按內山鷄血藤尤夥聞有甚巨者斫

之漿流如血以煎膏與雲南所產同珍今番禍未戢不可得

矣名宜增列 樟腦 北路甚多 馬尾絲 大小二本生

陰溼地患蛇傷者取根擦立愈 鹿肚草 治噎膈附考又  
載數十品多方俗稱謂莫正其名亦不能詳其何用也 鳥  
則鴛鴦 竹鷄 白鷓五更則鳴 或呼爲洋鷓來自咬嚼  
吧初時一雙不下二十金近飼養將雛者多價不及十分之  
一見使槎錄 金鷓 身綠觜足皆紅惟淡水出 五鳴鷓  
大如鷓鴣項白每漏下一鼓則一鳴 長尾三娘 鷓之  
屬一名練雀朱喙翠翼褐脊彩耀相間尾長盈尺臺人因而  
名之生諸羅深山中土罕有見者 彩囊 似鷓而小頂有  
五彩囊 倒掛 似鸚鵡而小翎羽鮮明紅綠相間緣枝循  
行喙如鉤足短爪長性好倒掛夜睡亦然 畜則番鴨 似  
鴨而大毛有小采觜腳朱色肉粗味劣不中食 番豬 毛

黃色按與豬竝列自別一種余見人家所畜非番豬亦率雙耳批竹猱獮可畏大者或重二三百斤 黃羊 出水沙連

紅頭與鬻其皮可爲褥 山馬 臺馬小而力弱此別一種

獸則熊 類不一有豬熊狗熊人熊馬熊各肖其形豬熊

毛勁如鬣腹有脂可啖掌爲八珍之一然不易熟庖人取其

汁烹他物爲羹助其鮮美可供數十烹若爲屠門之嚼貽笑

知味矣見裨海紀游聞內山初闢時番持熊掌出易鹽布之

屬不甚秘惜近則知索高價熊膽一具輒直番餅數十枚且

有僞者或言即蠃鼈膽 鹿 臺山無虎故鹿最繁角尾單

弱不似關東之濯濯角一對只可煎膠二十餘斤見使槎錄

山羊 能陟峻生深山中皮可作鞵 山鼠 土人捕得

以蔗梗填腹去毛炙黃合豬肉煮食 獐虎 即艾葉豹無  
害於人 山貓 取其毛以束筆 蟲則白蟻 生於溼處  
凡衣物近溼多爲所壞 蜥蜴 在草曰蜥蜴在壁曰蠹蜒  
一曰守宮臺之蠹蜒能鳴其聲嘎嘎或謂過澎湖則不鳴按  
臺北守宮亦不鳴 螻螂 多藏廚中漳志謂之螻蟲煎食  
解毒最神 鈎蛇 北路有巨蛇可以吞鹿名鈎蛇能以尾  
取物見赤嵌集又山辣長六七尺專捕鼠青竹絲長一二尺  
色如竹龜殼花背有文如龜飯匙倩頭扁如匙見人頭昂二  
三尺惟尾貼地噴鼻有聲三者螭人最毒尤毒者曰簸箕甲  
蛇大者數尺身有橫紋黑白相閒俗名手巾蛇甲有毒汗行  
處草木皆萎螭人數十步立死其骨必擣爛遠擲之誤踐亦

能刺足殺人又青竹鰲蛇類一名百步劍長尺餘深綠色纏樹杪與葉無別有絲如蛛網人誤觸之則飛螯其疾如鏢被螯者百步即僵 鱗則紅 形圓如扇無鱗色紫黑口在腹下尾長於身有黃魴燕魴黃魴大而肉粗燕魴小而肉潤按此即鱮說文鱮魚似鼈無甲有尾無足口在腹下 鯊 有白鯊胡鯊雙髻鯊其佳者皮上有黑白圓文曰龍文鯊翅尤美按說文字作魴 魴 有錦魴黃魴烏燕魴四開魴鬼角燕魴小沈魴錦魴身圓有花點大者三四百斤 魴 生海島泥塗中其大如指善跳故名 塗魴 形類馬鮫而大重者二十餘斤無鱗味甚美 紅沙 皮紅如塗硃鱗細 鸚哥 魚狀如鯉而潤色綠紫尖而句曲似鸚哥紫故名產澎



湖塗虱 頭扁身微圓黑色長五六寸產圳潭窟中 麻

虱目 魚塭中所產夏秋盛出狀類繸鱗臺中以爲貴品

龍尖 口尖而身豐味甘而脆美出澎湖多曬乾者 黃翅

狀如鳥類肉細而甜以其翅黃名下淡水有重一二斤者  
最大者曰海翁魚 卽海鱸大能吞舟浮水面則大風將

作赤嵌集云如小山草木生之樵者誤登其背須臾轉徙不  
知所之此不可攷舊志云口中噴涎常自爲吞吐有遺於海  
邊者黑色淺黃色等不類或云卽龍涎番每取以賈利按說  
文鱒當卽此本草漳海中有海鱒魚取其糞乾之盛器可避  
蠅臺地鱗屬奇詭萬品名皆俚俗茲略舉其尤異者實則志  
所載仍多掛漏也又有海和尚海狗海馬之屬漁人得之皆

謂不祥澎湖產海龍則爲珍物冬日雙躍灘面首尾似龍無  
牙爪長不逕尺入藥功倍海馬見赤嵌集 介則蠃鼈 龜  
屬卵生狀如鼈四足漫胡無指爪大者百餘斤小者亦數十  
斤常從海岸赴山凹鑽孔伏卵人伺其來尾而逐之行甚疾  
眾併力反其背則不能動矣嗜者謂味同牛肉植亦相等甲  
可亂瑇瑁但薄而力淺不任作器市販鹿膠每以其板與鹿  
角骨同煎南路龜壁港以此名今寫譌劉欣期交州記作蚶  
蟬見赤嵌筆談按字當作鼈鼈玉篇鼈似龜而大文如瑇  
瑁可飾物其說正合字引鈎與龜屬之蠃音枸者有別今宜  
蘭人啖大龜抽其筋盤曲以鬻於市即此聞甲有大容人者

螺 有香螺花螺響螺肉螺珠螺數種香螺長數寸肉雪

白尾有膏味最清甘花螺圓小殼薄有斑點味亦清響螺大者盈尺類於香螺其殼可吹軍中用之肉螺大五六寸味苦切其殼可作嬰武杯珠螺似花螺而小堅硬觜有皮厚而圓如半面珠故名宜醃食 螻 膏多於肉曰紅螻無膏曰菜螻大者長尺餘隨大潮退殼一退一長其殼最堅螯無毛故異於蟹按此種在呂亢十二種之外時台州無螻故圖不列朱竹垞查初白螻詩題下皆自注即螻蚌李石續博物志螻蚌大蟹有力能與虎鬪能剪殺人今無此大螻也謝金鑾臺灣志謂螻一螯小一螯大卽擁劍亦附會 白螻 臺原無螻康熙五十九年始有生於海泊泥塗中殼薄色白如玉肉尤清甘四五月時有之 海蒜 一名湖腎殼類蛤肉長三

寸許白色上有黑點狀甚劣食之多腹瀉 龍鰕 昂首奮

角如畫龍狀甲硬如蟹殼鬚長二尺餘鉗六七寸上有芒刺

寄居蟲 南州異物志寄居之蟲如螺而有腳形如蜘蛛

本無殼入空螺殼中戴以行觸之縮足如螺閉戶火炙之乃

出走異苑謂嬰武螺常脫殼而朝游出則有蟲如蜘蛛入其

殼戴以行夕返則此蟲出庾闡所云鸚鵡外游寄居負殼者

也臺地呼寄生按酉陽雜俎寄居殼似蝸一頭小蟹一頭螺

蛤也寄在殼間常候螺開出食螺欲合速入殼中其說稍異

聞鷄籠產此當覓得驗其是非 鬼蟹 狀如傀儡 標舉

尤異足新旅客見聞惟通覆所志半沿方俗稱謂不復徵古

或本常品乃被奇名眩亂耳目淺識易惑

草木蟲魚 數者尤甚 撰攷時

當博采揚雄方言張萱方言類聚杭世駿續方言爾雅鄭樵

注張揖廣雅陸佃埤雅羅願爾雅翼陸璣毛詩草木鳥獸蟲

魚疏蔡卞毛詩名物解唐慎微證類本草李時珍本草綱目

盧之頤本草乘雅半偈 欽定廣羣芳譜陳懋仁庶物異名

疏莫休符桂林風土記段公路北戶錄劉恂嶺表錄范成大

桂海虞衡志周去非嶺外代答臺地產物與廣東西多何

喬遠閩書趙汝适諸蕃志臺土產多有自西黃衷海語閩敍

粵述黎定國續閩小記吳綺嶺南風物記施鴻保閩雜記及問

臺事嵇含南方草木狀戴凱之竹譜多至七十餘吳仁傑離騷

草木疏王楨農書穀譜四博王磐埜菜譜圖可備高士奇北墅

抱瓮錄果樹卉竹蔬茹藥蔓咸備師曠禽經袁達禽蟲述達

與人所述尤近陳鼎蛇譜前卷五十三則屠本峻閩中海錯疏卷介

卷一楊慎異魚圖讚審物狀最佳胡世安異魚圖讚箋正補楊之略并

證形詭狀辨異魚圖讚補及閩集高似孫蟹略酉陽雜俎張華

博物志李石續博物志董斯張廣博物志王灼糖霜識叙蔗

可以蔗糖最盛諸書審厥形狀詳其名義通郵雅俗觸目瞭然

雖曰識小之端亦通人所不廢矣晚過鐵花齋論及淘金

得失鐵花曰不費公家一錢而歲入十餘萬金此天下第一

美礦也余曰以愚度之害百於利曰何也曰淘沙得金其細

已甚貧民業此或博果腹今主於官日需牌費錢百禁私淘

謂識出錢購牌地租錢五十沿溪田畝廢出錢酬之謂官臺

地食貨靡不昂直人日費復需百錢一日所得必可易錢三

百乃稍稍有贏然地多雨趨工不能無閒月或罷淘十日束手坐食則所贏筮矣土箸之民猶可無患今則聞風麇至者皆粵中亡賴之徒一旦利竭饑寒無歸不亂何待至於爭壤角力釀爲毀端猶害之細焉也蒙以謂甯使國家歲少十餘萬金之利必不可使臺灣有三數千貧窶獷悍之民鐵花終不謂然而以禍亂歸之於天

二十二日閱府志卷第十九雜記曰樓堞曰園亭曰寺廟曰墳墓雜誌紅毛及鄭氏之遺蹟也曰菑祥序述災異兼及兵事而鄭氏遺聞詳於附考也曰雜箸類誌書目因臺事而有作者也曰叢談羣書拾遺述異之類也曰外島則關及東倭西夷騁襄域外者也按志乘末卷或曰識餘

畿

輔

或曰撫佚

江同治上志 或曰雜錄羅願新或曰敘遺羅濟四或曰拾遺周應

康志 或曰摭遺論辨張新鉉金或曰雜略謝肇瀚或曰雜類江志

要皆弗若雜記命篇遠法禮經最便賅括此卷可弗革然分

目未善當以記時記地記事記言四者分攝蕃殺兵事析出

別立通紀雷府大事例作或仿桐城姚氏江鄭氏遺聞其大者敘

入各傳其細者隸之記事菑祥時害也歸記時氣候占遺蹟

地載也歸記地雜箸文言也歸記言凡藝文有關臺地利病

外島殊域削而不書必謹必嚴庶符體例 日夕得九弟及

內子書又得八弟天津書又得上海鄧既老書

二十三日晴閱雜記樓堞之屬在臺灣者曰赤嵌樓在北坊紅

毛城在安平鎮亦名安平城餘雉一名甄城紅毛城其上置地脈龜蛇

相會穴城基入地丈餘雉一俱釘以鐵城上置大礮五



位在諸羅者曰青峯闕礮臺在淡口水口在淡水者曰淡水礮臺在淡

口水港 鷄籠城在大南兩門鷄籠礮臺在柔水社南

海口以防 在澎湖者曰暗澳城明大猷所築之道乾通入

築大猷留師澎湖守瓦硿港銃城荷蘭所築明時澎湖屬同安內

惟暗澳城為明俞大猷所築它皆成於荷蘭牛毛儼詐盜壤

自雄樹阻山谿勢將負固驅除不有鄭氏中朝且大度寘之

窟穴至今禍甯有極此類當詳誌勿缺鑑往非遠意在懲今

非謂鮫鱷腥羸足為東番增重也 午作書寄季垂付驛吏

持去 夕將寢忽聞人聲喧囂甚於鼎沸奴子出詞知艋舺

鹽館委員某以疑似誣良民為盜手毆之幾死其母至哀之

復撻至流血眾憤且怒相逐而梟於門縣宰至聲捕權首出

語未竟瓦石交投嗣懾以兵乃始逸散余為駭愕者久之海  
 外之民氣本浮動所恃在上者結之以恩信而導之以和平  
 乃不肖之徒日以虐民為能威力所加猛於豺虎一旦變生  
 則又巧說文奸以刁悍為民罪禍亂萌楫罔不由此城門失  
 火其能免於池魚之殃乎

二十四日閱雜記園亭曰北園別館者在臺灣縣治北五平

繪之致丙寅臺厦道周昌因其地結亭築室為之記且鄭經為

其母董氏建也曰陳氏園者武在臺灣縣陳永華別墅也曰夢

蜨園者小在臺灣縣外漳人李茂春棲隱處也後改為法華寺曰

聚星亭者在臺灣縣小東潭李氏之園林也四樣林者在臺灣

坊鄭氏勇衛黃安之故宅也諸蓋以夢蜨園聚星亭為最勝

前至臺南以疲於校閱未遑一蠟游展今讀張鷟洲瀛堧百

詠所謂疏林一碧物外翛然詠蝶園梧竹陰森羣峯飛落李氏

者幽靜之致殊令人神往也它若忠義莊在鳳山巷西里西勢

義為粵民造鎮番在彰化東山之巔雍正十年巡道倪望海在淡

北淡水營後山之哇諸亭或以勵俗或以示武或以瞭遠又非

點綴景物之比後有此類悉應補載是日發家書

二十五日閱雜記寺廟十臺灣彰化六十二淡水鳳山縣八諸羅五曰

吳真人者以神醫祀也所按此廟名最多泉之灣同安二它縣宋太平

為與國四年醫術如神景祐二年卒開禧二祀之部使惠侯臺額

漳泉人故祀事獨盛或稱曰慈公宮或曰保生曰聖公者以熟

識港道祀也曰三山國王何未詳曰聖王山云聖祀王者以追思功

德祀也是雖私祠皆應祀義張岳唐忠武王飛宋忠烈人心同

好俎豆馨香亦非淫祀之比他則禳烝祈福閩人好鬼多涉

不經矣水仙宮祀大禹伍員屈原項羽魯班或易項羽為王

李勃白為不類已甚尤奇按碧山虎山諸寺皆以巖名漳泉人

之方言也 晚唐薇卿方伯景崧遣紀綱以名刺來蓋入

觀甫歸也

二十六日晨遣奴子投刺藩署答方伯之啟也過范禮泉齋

晤張敬甫茂才煥綸亦曾共學龍門講舍者見職金沙局提

調中丞頗倚任之聞眾口多微詞未悉其隱豈利權之重固

非寒峻所宜專歟午得五兄書又得馮夢華太史煦書謂蘋

湘近失栖息欲橐筆游海外觸藩羸角余方自艾甯以大蹇

課我友朋當豫作書止之邵公子綬青頤來詢及史學源流  
粗舉大端以告公子用病癯廢學然頗喜購書也 夕閱雜

記芻墓在臺灣者三五妃也李茂春也陳烈婦也在鳳山諸  
羅澎湖者各一甯靖王也沈光文也盧若騰也按流寓甯靖

王傳王藁葬於鳳山長治里竹厝里與元妃合焉妾媵五棺  
埋於魁斗山去其墓三十里時僑爲五烈墓五烈之名最當  
以從死五人皆姬媵也陳烈婦參軍永華女鄭克塽婦克塽  
死烈婦自縊以殉合葬於武定里洲仔尾克塽亦奇男子也

而一邱之共婦專其名則節烈貴已沈李盧三君生前遭際

窮達不同

沈字文開號斯庵歎人明太僕寺少卿李字正道  
青龍溪人明舉人盧字閑之同安人明甯紹道

迹遐荒堅貞則一以上諸壟均不當委諸狐兔聽其蕪滅載

筆無缺庶幾樵蘇之刑時若張士柳東安人張瀛字滄五同安人

人沈佺期字雲卿南安人王忠孝字愧兩惠安人皆明遺臣

卒於海外者而墓皆不著豈悉歸葬歟抑湮沒不可攷歟

二十七日晨張敬甫來余詢以淘金用客民故曰土人情甚

且多不貧故罕事此曰眾至數萬指能相安乎曰不能畫地

而施畚鍤闢出則爭爭不已則鬪挺刃相向事亦時有曰脫

亡所得此曹能即解散乎曰地產金甚多此不須過計也曰

以愚所聞似不如君言敬甫默然余知失言自悔者久之閱

雜記菑祥其誌兵事自歸版圖後數十年間民禍凡三番禍

凡六康熙三十五年之亂則新港民吳球也旋伏三十八年

春二月之亂則吞霄土官卓个卓霧亞生也殺通事黃申及

其夥數十人北

破路之參八月常秦夏五月之燬則淡水士官冰冷也殺主賤金資

計師把總巡哨之七月淡水平設四十年冬十二月之亂則諸羅劉卻

也參卻將白通隆及拳勇自兵破聚之又燬明年加冬營北路六十年夏

五月之亂則朱一貴也惟府淡水都司陳策將士卒自保不可勝計

督施世驃南澳鎮總兵藍廷珍攻之旋捕獲斬之八月雍正四

年秋之燬則水沙連社番骨宗也道戕殺民命不復輸餉何臺勉

子率斬禽獲骨宗父六年冬十二月之燬則南路豬毛社生番

也月殺其首惡誅之九年冬十二月之亂則彰化大甲社

西社番林武力也水林同知走免臺鎮屢戰未克明年五月復淡

結沙提督吞霽十餘社同反福建十年春三月之亂則流民吳

福生也埠焚頭臺鎮王郡禽獲大踰月平十三年冬十月之燬

則彰化柳樹浦登臺莊生番也阿四出劫殺魁旋捕斬之番不里鶴

平按番禍多遜激成吞霄之亂激於通事黃申申霄征派無慮吞

約日期日先納之錢米而後出卓等陰謀作亂會番當捕鹿申

論兵不勤之乃淡水之蠻激於主帳金賢冰冷為淡里郎內北投姻社

也麻里郎有女字金賢將娶之其父憐女幼告賢曰俟

使冷怒率眾殺賢遣它或恃險以殺人為雄武要亦與揭竿斬

木犯分竊號者殊科燭止不炎撲之尙易若朱一貴之屬則

幾同燎原矣嗣是偏禍最熾者乾隆三十五年黃教亂於大

穆降五十一年林爽文莊大田相繼亂北路先陷南路應之

六十年陳光愛陳周全相繼亂南路始平北路旋失汪降之

亂也在嘉慶五年許北之亂也在十五年中更間以蔡牽之



亂則吳淮泗陷鳳山矣胡杜侯之亂則陳錫宗據曾文矣相  
去或三十年或十數年或數年大都游手奸民鴟張蟻聚雖  
即殄滅而勞師糜餉實非細端已事而懲之曷若未事而懼  
之余故欲輯大事爲一卷治亂之鑑得失之林俾後之理臺  
者有可攷焉附攷載鄭氏軼事校賜姓本末敘述爲詳惜不  
載成功母之死烈亦一缺也

二十八日大風作答夢華書并寄同年黃慎之

思永

王夢湘

以敏 俞幼萊

鍾穎

王緯丞

得庚

及吳子蔚

炳

弟各一函聞明

日有齋奏差并行也

二十九日晨雨作諸書竟付差并寄都門又發德州書 夕

閱雜記雜著目凡三十有九東番記

無卷數

田周嬰明

撰 臺灣輿圖

考一卷文開詩集二卷文集一卷臺灣賦一卷草木雜記一

卷流寓考一卷皆沈光明文鄞縣撰靖海記二卷平南事實一卷皆國朝

晉江施琅撰臺灣雜記一卷蓉洲文稿一卷山川考畧一卷海外

集一卷皆梁谿季麒撰省軒郊行一卷鐵嶺沈朝聘撰臺灣紀畧一卷長樂

林謙光著赤嵌集四卷桐城孫元衡著稗海紀游一卷番境補遺一卷海

上紀畧一卷皆武林郁永河著東征集二卷平臺紀畧一卷皆漳浦藍鼎元

著遊臺詩一卷漳浦陳夢林著赤嵌筆談四卷番俗六考三卷番俗

雜記一卷以上八卷統名臺海使巡臺錄一卷浮山張嗣昌著臺灣

志畧三卷濟水伊士偃著瀛壖百詠一卷錢塘張澹著臺灣風土記一卷

衡陽劉璧良著臺海采風圖考一卷番社采風圖考一卷使畧閒情

一卷皆白麓十著六婆娑洋集二卷仁范澄臺集一卷長洲莊

臺灣府志十卷 檢林高撰 重修府志二十卷 衡陽劉璧撰 臺灣縣志

十卷 虞山王禮纂按閩雜記臺灣縣 鳳山縣志十卷 灤水李煜纂

諸羅縣志十二卷 漳浦陳夢林纂 諸書皆足備臺灣掌故惜余荒陋

所見不能得半聞近出輿地叢鈔亦祇采錄廿餘種蓋湮佚

不少矣輿地叢鈔上海石印本殊非秘笈曾屬提調購之忽

忽兩月亦未得一寓目也踵諸書出者以姚氏東槎紀畧為

最優書凡五卷為篇二十有五其論班兵得失與臺亂槓末

竝極翔實中二卷載噶瑪蘭事規制境俗大端已具聞所纂

廳志甚善此殆其嚆矢椎輪矣近見臺灣雜詠合刻一卷 臺灣

雜詠四十首 寶應王文勤凱泰著 臺陽雜興三首 馬清龍著 臺陽雜詠三十首 山陰何澂著 組織舊聞間

及今事語多瑣屑無關考稽竊謂臺志之要尤在明因革著

治亂道光間夷禍詳於中西紀事一書繼此有事倭禍在同年

法禍在光緒九年亦貴有私家之言以雪公牘誣飾余故彼彼采訪

乃尺一之檄迄不下行是又不重文獻無徵為可慨嘆已

三十日晨雨溼氣萌作歐苦不止憊甚唐方伯枉過語及志

事深慮縣志不簡譬於築室無基余對曰今之郡縣雖倍於

昔然有析置更易而無勑建聞臺灣鳳山諸羅三縣噶瑪蘭

淡水二廳皆有志疆域山水不啻已攬其全惟諸志之成去

今已遠其間政治之大兵事之煩文獻之盛衰風俗之同異

官書私載搜輯頗難二者一疏勢將擱筆耳方伯曾棟多節

因誦以道署檔冊曰同治十二年地大震署宇半圯文牘皆

沒於泥塗百不存一矣方伯既去私心懈然益不勝足蹇塗

遙之懼 夕得江甯親串書

閏月朔啓晨起擬答拜唐方伯以體中不平而止 閱府志  
雜記叢談多述怪異如謂臺之東北有暗澳春始旦至秋即  
夜今不聞有此澳殆與鷄籠弱水同一傳譌矣末引使槎錄  
述鴉片之害甘味鳩毒知在康雍時即已有然惟云用麻葛  
同鴉土切絲於銅鑊內煮成鴉片拌煙另用竹筩實以櫻絲  
羣聚吸之今既不需麻葛櫻絲之實亦未詳何制也又云官  
弁嚴禁常有身被逮繫猶求緩須臾再吸一筒者繪煙人迷  
罔情態昏溺可笑又引臺灣志畧云明太監王三保舟至臺  
投藥水中令土番染疾者于水中洗澡即愈三保植薑岡山  
上至今尙有產者有意求覓終不可得得者可療百病按明

史宦官傳所謂三保太監者乃鄭和非王姓從燕邸起兵有功成祖始疑惠帝亡海外欲蹤跡之且欲耀兵異域示中國富强命與王景宏等徧歷諸番國和經事三朝先後七奉使所歷凡國三十餘俗至傳爲盛事則其聲勢之熏灼概可想見臺灣時爲荒島俾人羣居不異鳥獸忽睹中國衣冠得不驚爲天神而三保所以愚惑之者又必故神其術怪誕之說殆自此興歟

二日晨出答拜唐方伯直其病酒未起留刺而歸午浴身溼氣爲患臆體如就縛束不快者已累日矣 夕閱雜記外島琉球在臺海正東船行出大鷄籠山水程四十三更日本在臺海東北出大鷄籠經關潼白吠過花島與放舟水程五十

九更呂宋在臺海東南舟行由南沙馬磯袞指巽方經謝崑  
山大小覆金山水程五十八更安南在臺海直西水程八十  
三更此可擇錄隸於雜記

三日晨雨旋啓王蔀昀孝廉

甲榮

枉過孝廉浙人以朝貴書

來中丞留司記室者辭氣頗遠鄙倍蓋風雅士也午過其齋  
蕙庵亦在聞述澎湖颶厲爲之慄慄土人云颶間歲作歲數  
逢耦皆烈今十八年又當防之按颶字書不收蓋颶風也颶  
起最可畏訇哮簸陵邱見昌黎詩南越志颶風者具四方之  
風也常以五六月發永嘉人謂之風癡陸游曰嶺表有瘴母  
初起圓黑久漸廣謂之颶母嶺南錄異嶺嶠夏秋雄風曰颶  
其字皆作颶惟楊升庵李西涯謂颶爲颶之譌從貝無義不

可信佛經風虹如貝巧狀形似即初起圓黑之義字固作貝  
不作颶柳州詩颶母偏驚估客船何知非傳寫偶誤不能以  
一疑斥眾信也土人謂春夏爲颶秋冬爲颶無雨爲颶有雨  
爲颶蓋亦臆說按舊志云臺海風信與他地迥異風大而烈  
者爲颶又甚者爲颶颶倏發倏止颶常連日夜正二三四  
月發者爲颶五六月發者爲颶九月則北風初烈或至連  
月爲九降過洋以四八月爲穩以四月少颶八月秋中十  
月小春天氣多晴暖故也六月多颶九月多九降最忌颶颶  
俱多挾雨九降多無雨而風凡颶將至則天邊斷虹先見一  
片如船帆者曰破帆稍及半天如鬣尾者曰屈鬣颶之多以  
時而異正月初四日曰接神颶初九日曰玉皇颶九日有颶



則各颶皆驗否則至期或有颶或無颶靡所準也十三日曰  
劉將軍颶十五日曰上元颶二十九日曰烏狗颶二月二日  
曰白鬢颶三月三日曰元帝颶十五日曰真人颶二十三日  
曰媽祖颶真人多風媽祖多雨三春共三十六颶此其大者  
四月八日曰佛子颶五月五日曰屈原颶十三日曰關帝颶  
六月十二日曰彭祖颶十八日曰彭婆颶二十九日曰文丞  
相颶七月十五日曰中元颶八月初一日曰竈君颶十五日  
曰魁星颶九月十六日曰張良颶十九日曰觀音颶十月初  
十日曰水仙王颶二十六日曰翁爹颶十一月二十九日曰  
普庵颶十二月二十四日曰送神颶二十九日曰火盆颶自  
二十四日至二十九日凡有南風則應來年有颶如二十四

則應四月二十五日則應五月二十九日則應九月又稗海  
紀游云颶風或先期卽至或逾期始作總不出七日之內正  
月初三日曰真人颶二十四日曰小妾颶二十八日曰洗炊  
籠颶二月十日曰張大帝颶十九日觀音颶二十五日瀧神  
朝天颶一云二十九日三月七日關帝颶十八日后土颶二  
十八日東嶽颶又曰諸神朝天颶四月初一日白龍颶十三  
日太保颶十四日純陽颶二十五日龍神太白颶五月一日  
南極颶初七日宋太尉颶十六日天地颶二十九日威顯颶  
六月六日崔將軍颶十九日觀音颶二十三日小姨颶二十  
四日雷公颶此最狠二十六日二郎神颶二十八日大姨颶  
七月七日乞巧颶十八日王母颶又曰神煞交會颶二十一

日普庵颶凡六七月多主颶海上人謂六月防初七月防半  
有時而驗八月五日九皇颶二十一日龍神大會颶九月九  
日重陽颶十七日金龍颶二十七日冷風颶九月自寒露至  
立冬止常乍晴乍陰風雨不時謂之九降又曰九月烏十月  
五日風信颶六日天曹颶十五日下元颶二十日東嶽朝天  
颶十一月十四日水仙颶二十九日西嶽朝天颶此時朔風  
司令無日無風二說頗詳錄存以驗信否

四日啓閱府志卷第二十藝文首載施襄壯陳海上情形疏

密陳進勦機宜疏請決計進勦疏

時鄭氏己衰弱劉國軒暴

俟南風乘便進勦而總督日逆賊窺望空隙之疏故襄壯上

此疏又具題大兵水面度日逆賊窺望空隙之疏故襄壯上

爭之疏飛報澎湖大捷疏

疏云六月時序澎湖無五日湖和風怒

不揚多波四俾尺臣云以是調天度七日祐夜又破不賊僅二潮十二鹿耳進門師矣午前刻疏潮

與總督莫爭北風似應進少勤待之八月此或疏十月云利臺在灣北風道豈紆攻迴澎湖利狂

南風邪而抑取持臺說灣不利能北自風堅地耶勢陳臺灣棄留利害疏朝臺議棄既地

遷實內海徙而省但安守危澎之湖一襄大壯關力陳也不請蠲減租賦疏民鄭重氏故

請蠲減此疏錯簡語氣不論開海禁疏此疏可不弗采請收拾

遺棄人才疏等時者部追割康熙追農三壯年以屈其己效之功未加至歸八

命疏之論心故凡八總督滿保題報生番歸化疏一報時據臺道生道詳

山豬人北等路十生社共四五百四十五社戶四男百婦二十幼二共戶一千婦三百幼八

共按三疏千內三百六查十八土人均毗各連傾各向土化官代統輸攝應賦循故習具俗疏合入

其照舊居不處仍不知本社土官管此大所失報計丁夫口番附入亦版人圖也勿既事

已歸化自宜編查不為戶口與民貢賦之良民哉乃仍予以化番外之

之彼亦仍皆祖此自居叛服不常謹黜以是故矣後巡臺御史書山張

渭請采買米穀按豐儉酌價疏一錢時而買運內地僅發價八九

以錢及六分或三錢所帶之又米通計不米下八撥九十萬石閩省水陸

西提督及金門鎮等奏督撫兵議四縣下倉四千石萬石科給數事太楊

應期限三年兼止如提督購買而意偏重在撥運增高故此奏雖請緩貯

巡撫吳有功題准臺民搬眷過臺疏一十搬移眷屬之五年雍正

往十將一船年再馳外一年荒島仍云到老弱偷渡不肖客頭奸坐稍

臺而飢斃身故無此奏其無嫡屬在諸有關政典者采附大事考

無從附者編歸雜記記言藝文類聚例必所刪也夕得新

龍眼食之味甘而薄視荔支殊遜潯梧雜佩訕其草氣固為

苟毀然若清音閣集所云清潤過荔支者稱譽亦嫌失真惟

東坡蟾蚌石蟹之喻品隲最工未嘗二果不知此語之妙也

五日晨聞凌雲升擢臺東直隸州過其齋賀之司隲經雲以布政

不數歲補官謂捷遇未上腹痛未瘥午餐大減服菩提丸一

圓寢至日晡始起夕閱府志卷第二十一藝文凡載露布

三朱復一平安一復南北路志一禽文移九檄檄北將大搜羅漢石門諸山

山檄閣下冬人李守臺變殉難十崇爻山後覆臺孽檄淡水謝守

武職任四十六員職語覆書六移澎制一軍臺疆保經長論一論送臺鎮商不

再弁缺一與督滿公一戎惟末一書為蔡尙書遠世作它皆見藍鹿

洲東征集淵謀石畫百世不刊宜擇其最切要者附大事考

露布前二駢詞可汰論送考弁缺書與朱參戎無繇附者則

歸記言以備來者省覽集中如覆制軍遷民畫界復呂撫軍

論生番論臺中時事論復設汛營諸書皆當補錄愚夫區霧  
際智竭自懟時三復其說不啻閤室見鏡也蒙最服鹿洲之  
才其論治民治番如神醫洞癥結如巧匠設榘獲使生今時  
且有事半功倍之樂斯人可作吾爲國家慶吾尤爲民番幸  
矣

六日晨鐵花自鷄籠歸爲語臺北武備之弛士卒惰窳試其  
技輒不嫻余曰全臺額兵之外益以招募糜餉百十數萬不  
翅歲入之半悞內費禦外侮皆不足恃國家亦安用此兒戲  
之軍哉額兵不可廢其餘一切罷之歲省金錢儲備臨事增  
募土勇之費此正策也鐵花曰他姑不論撫墾之軍則必更  
張俟至大科嵌歸當條議上之 午丁彤宣明經來云比聞

提調語協修諸人皆不以書聘而以檄徵某忝備學海講席而奉郡守檄思為邦人士所輕且實非體余允為白於中丞誼所當言不為越俎也 晚得八弟書又內子及鵬鷗各書

七日晨閱府志卷第二十二藝文序十二東吟社一篇可存

為沈斯庵所築尋幽擇勝流連詠歌寄意東山此序內云余以此間東山為

首題蓋臺灣之月泉嗣響入社者凡十四人無錫季麒光蓉

洲華裘蒼崖宛陵韓又琦震西會稽陳元圖易佩金陵趙龍

旋蒼直林起元貞一福州陳鴻猷克瓊上虞屠士彥仲美無

錫鄭廷桂紫山福州何士鳳明卿武陵韋渡念南泉州陳雄

畧雲卿福州翁德昌輔生甯沈光文斯庵皆依次第列姓名籍

貫而不紀官號庚甲其自序云爾詩本名福臺間詠嗣以季



蓉洲宰諸羅取社題相率唱和易名東吟寫本流傳今不可

得存此一序非只遺老翰墨字字可珍且以著臺海開先諸

賢實為風雅勝廣云按赤嵌沈文光宛陵韓琦又琦關中趙行可

會稽陳元圖無錫華袞鄭廷桂榕城林奕同霞吳藻一輪山矣

記三十七或誌興作如府縣學明倫書院祠廟或表山川

湖如望玉山游北香類或侈名勝如澄臺秀塔安處附隸類各

有歸惟師泉一篇為施襄壯駐師平澳時作蹟遠方域而侈

載無實之文以為美談甚亡謂也未誌祭文二首尤汎濫不

足存 晚邵公子約觀泰西馬戲謝之以在郊外懼夜深中

瘴氣也

八日晨閱府志卷第二十三二十四藝文賦七篇大都躡迹

班張受命孫木而力才疲茶不稱閱製王必昌一篇臺海賦 敘

述較有條理張從政陳輝二篇張名臺山賦陳述海當 出於

土人亦為景慶可竝存之又駢體沈斯庵平臺灣序一篇季

蓉洲客問六則一詳兵事一列境俗畧文究義節取可也文

至是竟以下至二十六卷皆詩中丞來語及八議亦以明遺

臣傳為疑余曰此 仁廟語也鄭氏之屬既不可入名宦亦

不得為流寓勅例頗艱奉天語為據依糾彈之口庶靡敢逞

耳曰考據家喜引 御案以折眾論編纂官書似不必爾余

知有先入之言不復置辨第婉對曰容徐思之天下事亦惟

其是而已矣午後葉縵卿來詛以開局何日仍茫然也

九日晨閱府志藝文詩凡五百八十八首詞一首可謂饒富

矣陳詩觀風其事已古志乘采摭良不可遺然必語涉境俗

抑或如白傅秦中吟之類有關政治得失乃為可貴至於流

連光景友朋酬唱編諸私集已為徒詩豈況官書汎濫焉取

故余於諸詩僅擬采三十餘篇歸諸雜記孫元衡風歌十一

四首郁永河臺海竹枝八首藍鼎一其寫景狀物有頗工者附

元臺灣近詠十首陳輝買米一首注各類亦數十篇而已唐一施肩吾彭文大甲溪孫元衡張湄番

俗六首范咸烏魚一首宿放釋社口花下龍湖巖一首花游海會

陳輝過埤頭店一首宿放釋社口花下龍湖巖一首花游海會

寺城一首盧九英園安海平晚渡一首林張廷藩游竹溪寺一首汝霖赤

箱竹溪寺一首白陳輝社至士箱皆土如草書糾紛所懸書畫皆滲溼晚聞風聲頗有戒心

十日啓午過鐵花邨愚齋約會食其所諾之每食六盞亦復

不堪下箸晚赴西學堂應顧緝亭觀察之招共讌者爲席邨  
愚管凌雲疏禹門蘇達九漏二下歸

十一日陳仲英太守葉綬卿大令俱至言設局尙無定所余  
曰修志之難以測繪采訪二者爲最皆非刻期可竟盍豫圖  
之矣太守唯唯詎以訪購諸書以未得對太守復言前視察  
購書目有臺灣紀略臺灣志略殆一書而記憶偶舛歟余曰  
非也紀略長樂林氏撰志略乃出濟甯尹氏手具載府志可  
檢覈也余時擬志目粘於東壁經籍考下注云海外荒陋私  
家箸述不能盈卷聞學海書院藏書頗富歷朝頒發學宮典  
籍亦當具存擬仿同志上江志例編目彙載以視嚮學之士  
俾無書可讀者知所就資焉太守見之復曰頒書之典僅下

各省會不能徧及州縣某曾備職武英殿知之頗審余自愧  
草茅不敢與辨然曩修臨朐志時徵於學官實得數十種案  
頭適有此書因檢出視縵卿太守默然而去余知太守自負  
名位易於發言非故相陵懣故亦無怏第惟集議已踰二月  
譬諸作室尙未營基舍鑊而嬉攷成何日素食之誚翫日之  
俗不知者且集矢於余以是憧憧不能自泰耳禹門將有臺  
南之行夕與同人共饒之是日聞中丞復病

十二日晨得夏氏輿圖閱之凡二卷首圖全勢次分圖各廳  
縣末圖後山都十二幅附說十一篇

全勢無說

卷崑題光緒辛巳

銅其時臺北府已增設而升建行省之議尙未萌芽故臺東  
雲林苗栗諸州縣皆無圖自序凡再易寒暑始竣而後山圖

又數易瘴林霧管人迹渺到測繪翔實良未易言然視府志

則殊密也竄諸縣疆域其西面海其南北皆畫溪爲界無磬

牙難晰之迹惟東界卑南歧萊

即今之  
萊東州

中髓生番至到不著

蓋莫能詳矣午曝行篋睹舊稿檢出長日無俚偶一翻閱覺

丁丑以前諸作多無足觀蓋余學詩實始辛酉明年冬丁先

恭人憂輟業者三載乙丑以後乃復顛意習之閱十一年積

稿多至六百餘篇才麤氣猛易於語言不寤其未融撓也今

欲悉汰不存而十數年間風塵行李之勞鄉關兵燹之感與

夫友朋酬唱兄弟離合之迹悉具於篇意未能念當援陳後

山甲乙丙稿例甄錄什五篇爲甲集夷諸日記聊備省觀百

年之後以覆醬甌可也

十三日覽前後山總圖按全臺地形若偃鯁而短尾山脊中  
隆自西望之故脊西爲內山而脊東爲外山脊西三郡所治  
脊東今臺東州所治首爲雞籠宜蘭尾則恆春生番所據者  
僅中脊一綫耳乃勞師十數年糜餉數千萬全臺歸化虛慰  
聖廬而傑壤一綫實仍大度寅之嗜心異矣地距福建省會

九百里

原一千二百里今用輪船測量得此數

澎湖一百七十五里

原二十四里

廈門四百九十五里

原四百里

說云測量得實不審塙否

詳臺海縣

圖記其繪北極出地緯綫自二十二度始至二十五度止而二

十二度外約仍占三十分二十五度外約仍占十分以每度  
六十分作直地二十五里之數核之袤長應九百一十三里  
有奇以每方格作地平十里之數計之畫格應九十一方有

奇今祗六十六格乖舛已甚殆未可憑矣按千九百四里北以

人屈曲計圖宜不直地也是以是日得江甯親友書

十四日晨閱臺灣縣安即今縣之圖及說縣治附郭境南盡二層

行溪又出南門一里至溪至南大橋頭又二里按府志云原至依營盤仁里

山交界僅二十里雍正十二年改惟云至鳳北盡曾文溪出東北門

西街又至柴頭港柵莊又二十里螺仔底又二里三坎店又嘉義縣

溪南按府志溪南有新港社今云化里原屬諸羅雅正三二全屬

耶臺境東至羅漢門接內山出東門五里南至坎腳莊又七里舊社

里莊內三莊又咬狗寮又五打里申埔埔莊又七里山莊又漢門

六按府治云西瀕海其時安平鎮尙在三里蓋中其地編竿其土多

粉解其扼內山之險者惟羅漢門雍正九年移縣丞防於此



改巡檢 今裁 其扼外海之要者曰三鯤身 洲仔尾即昔之隙仔寮

五里前可泊巨舟百餘艘今爲平陸身築門亦大略如此末

又述安平巨湧侈爲天險余曾目擊良可駭怖然惟五月至

九月爲然它時無風亦自平易法寇之擾南疆救甯敵情所

趨大都視我偏重今臺勢偏重在北可挾爲奇貨者又莫如

鷄籠故狡虜併力注之設令終不得逞蹈瑕抵隙未必不改

而圖南固民心簡軍實縹緲未雨術何可疏慎勿藉海若之

威遂謂湯池足恃也又有云木岡銀錠土樓魁斗諸山均在

縣南按府志惟魁斗山在縣治南銀錠山在縣治東六十里

土樓山在縣治東四十里木岡山且在東北三十三里孰得

孰失未可臆斷然圖中銀錠山固位震方則府志不誤也

午顧觀察枉過日夕過禹門齋直其食瓜嘗而甘之飽噉而歸晚滄遂廢

十五日晨與蓉卿同至西學堂送顧觀察行

觀察卸藩篆日復任臺灣道

夕發歸作江甯親串書凡五函夕閱鳳山縣圖按云其地東

北至瀾濃西至旂後東南沿海至率芒溪北岸東涉下淡水

至阿猴街自阿猴而東南至內埔莊有二路可通卑南覓率

芒溪北行有枋寮汛焉由縣治北行六十七里為臺鳳交界

之二層行溪

溪常潤惟大兩可渡竹筏

由瀾濃西行五里為旂尾屬臺鳳

交界之旁徑由率芒溪以南為新設恆春縣境以上皆坦夷

東南行三十里為東港街與新莊茄冬脚連界

按圖茄冬脚去東港甚遠

從山麓行可達枋寮其敘述如此紆迴糾繚目視為眩所指

方隅證之圖繪亦多不讎今姑就圖正之縣城去府治八十

里

按府志云九十里時縣城在興隆里在今境西北盡二層治埤頭西北不應距府治反遠疑府志誤

行溪出西門迤北九里至大將廟又七里太平橋又四里楠  
仔坑又十里橋仔頭又八里倒磚仔溪又二里阿公店又二  
十里大湖又七里至溪溪北爲臺灣縣界按府志北至二贊  
行溪臺灣縣界五十里自興隆里至交界既較埤頭近十七  
里安得至府治反遠十里益知前說之誤東盡率芒溪出東  
門五里至山仔頂莊又三里芎蕉腳莊又七里頂烏鼠洲又  
三里下烏鼠洲又六里王爺官莊又四里五房洲莊又三里  
東港街又四里崙仔嶺又五里塹尾又五里蘆竹塹又七里  
下寮又五里枋寮又五里至溪溪東爲恆春界 東北界內

山西南瀕海其南北帶東境內者曰大澤機溪溪有二源其

北源亦臺鳳二邑所藉以界壤者也北圖於西源說可憑匯東北

境山溪之水而入于海者曰東港他水深丈許商船便於出入

楚港或昔不通今塞或本淤淺皆不通巨舟其西南諸港距縣治最近十五里而為通

市要津者曰打鼓港即旂後口浪平可泊輪船華夷雜處今

築礮臺置戍自下淡水而下溥灌溉之利者曰曹公圳灌田

三萬餘畝水皆繞埤城前縣令曹瑾倡容故名東北踰大山

通卑南覓新闢之涂有二一出立里社一出崑崙坳其孤懸

海中與東港對峙而儼若邑之附庸者別有小琉球週圍約

二十里居民三百四十餘戶男女二千餘口地不產五穀以

捕魚兼蒔雜糧為生光緒三年置戍圖狀塙不所不敢知姑

最其凡以俟再攷說又云城南三十里有鳳鼻山邑治所由名攷府志鳳山在縣治南三十里此據興隆里舊治言今治橫列東南形若飛鳳西南小峯形如鳳鼻曰鳳鼻山取象命俾頭不應仍云三十里俾義自有主乃舉細而遺大何也

十六日晨閱嘉義縣圖縣治府城東北一百里舊治在佳興里康熙四十年移駐今址 境東南盡曾文溪出南門五里至鴿溪寮又七里水堀頭街又七里北屹又四里後壁寮又五里丁茄冬又五里茄冬仔又五里仙草寮又五里火燒店又八里竹仔脚又七里茅港尾又七里坎頂又二里至溪溪南爲臺灣界凡六十有九里 西北盡虎尾溪出北門五里至牛稠溪又八里打貓街又三里虎尾寮又四里大莆林又

五里興化店又五里他里霧又五里松仔脚又七里虎尾溪  
又渡溪二里爲彰化縣界以上所謂內路也其外路自曾文  
溪而出蕭壠麻里歷鹽水港笨港南港新港透迤北轉而達  
虎尾溪遶海堧而行不逕縣治按今縣界盡石龜溪溪北爲  
雲林縣 北至斗六門接內山三十里至他里霧又四里甲  
寮又四里九老爺又二里斗六門 東北接番界西南至海

似按府志云西至海三十里圖方輿廣袤過於鳳山其大溪縱  
去海差遠說不詳至殊疏

界境內者曰十八重溪在縣治東南按府志云西南六十里  
疑誤 曰急水溪在縣治南府志云縣南四十里源發仔嶺  
門山 曰八掌溪在縣治南府志云縣南四十里源發下山  
西入冬港南由青峯闕入海 曰牛稠溪在縣治西北府志

云在縣西五里發源大武巒山歷大福興山爲龜仔港又西至猴樹港南出青峯闕入海 曰石龜溪在縣治西府志云在縣北二十五里發源奇冷岸山歷他里霧莊至雙溪口與三疊溪合按圖雙溪口三疊溪皆不詳其所在 其外港大者曰井仔脚港急水溪之所從出府志不載而急水溪下云由內連桁口入海豈卽此港歟 曰鹽水港大潮水深三四尺潮退見底府志云在縣治西南四十里由冬港東入 曰布袋嘴港潮漲水深一丈二尺潮退水深七尺餘府志無此名 曰猴樹港潮漲水深一丈潮退水深三尺府志云在縣南三十里源從牛朝溪入南出青峯闕入海 曰下湖口即笨港口潮漲水深二丈八尺潮退深八尺凡至此港口猝遇

北風不得入急入象苓油可以暫避油在港南府志云笨港在縣西三十里由三疊溪分入其土膏腴其樹藝宜五穀百果竹蕓藤其山之奇者有玉山府志云在縣治東北大武巒山之後障也人迹罕到三峯竝列終歲雪封如紗籠香篆冬日晴明乃得見有頃則雲霧復合矣見時非風即雨甚驗按王文勤臺灣雜詠詩注彰化內山有一望潔白者相傳爲玉山吳鎮軍開山履勘乃積雪殆卽此山綿亙二邑歟臺灣山本無正名積雪似玉遂名玉山耳必謂無之固矣火山迤東四十里常有燄上騰按府志不載此山按說云林爽文之亂臺灣廳縣相繼淪陷諸羅被困踰年民食皆絕賊濟以米不受卒賴以全純廟以縣民效死勿去特詔改諸



羅爲嘉義據此則民俗視他縣爲優矣今乃以狡詐難治聞其慄悍敢爲盜又實爲它縣最何也 午過席邨愚齋索其詩稿讀之氣頗奇逸惜太粗率不若其鄉人王册山之工葩畋出視舊稿清詞麗句別一境界 晚發江甯親友書

十七日晨閱彰化縣圖縣治距府城二百一十里此府城昔之臺灣今之臺南也臺灣府移治縣境橋仔圖在縣治東北相距殊近 境廣豐於婁南盡虎尾溪出南門四里至口莊又四里茄冬莊又五里燕霧莊又七里二抱竹莊又七里窰仔莊又八里寶斗街又八里潮陽厝又七里樹仔腳又五里刺桐腳又五里至溪溪南爲嘉義界按今界盡濁水溪溪南爲雲林縣 北盡大甲溪出北門五里至茄冬腳又七里大

肚街又八里龍目井又七里沙轆街又八里牛罵頭又七里  
青埔墩又三里至溪渡溪五里爲新竹界凡五十里按府志  
蛤滿溪在縣北四十五里大甲溪中條淡彰交界處圖未之  
及 東至南投街出北門迤東五里至大竹圍又五里外快  
官又五里內快官又五里竹林又五里本縣莊又五里界月  
眉莊又五里營盤口又五里至南投凡四十里 接埔裏六  
社別有圖西至鹿港瀕海出西門三里至三塊厝又五里馬  
鳴山又六里半路莊又六里至鹿港又十里至海凡三十三  
里 良隅南溢可數十里西界嘉義東界歧萊以今疆域言  
當西界雲林嘉義東界臺東州 境內地多坦夷可耕溪流  
縈迴溝洫利溥其大溪在南境者虎尾而外爲濁水溪在北

境者大甲而外爲大肚溪夏秋雨集民皆病涉而大甲尤甚  
波濤洶涌沙石雜下往往而月不通往來其港之最著者曰  
麥寮港潮漲水深一丈五尺潮退水深一丈按此港府志不  
載 曰番窆港內有番窆街潮漲水深一丈四尺潮退水深  
九尺 曰王宮港潮漲水深一丈六尺潮退水深一丈 曰  
鹿港以上諸港沙痕盤屈巨舟難泊按府志鹿子港在縣治  
西南四十里商船到此販載芝麻粟豆 曰梧棲港潮漲水  
深一丈四尺潮退深九尺外有五條沙舟行尤易攔淺攷府  
志海豐港三林港皆通商舶今說不詳豈昔通今塞歟 鹿  
港有市商賈輻湊號稱富西直泉州蚶江海程之最近處  
也說以縣城築於平陸不得地利

城外又有八卦山在  
城北隅俯瞰全城

員遼闊控馭難周因勦鹿港揀東圖失載按府志十五里霧揀東

北在縣境分治之議形勢得失未敢臆斷惟今之疆域已割東北

為臺灣析濁水溪以南為雲林減削幾半非復曩時之遼闊

矣午後郵愚烹鴨招共食之酒酣耳熱聞述瓊州撫黎事為

狂醜大厄者再

十八日晨閱埔裏六社圖六社者何曰埔裏曰眉社曰田頭

曰水社曰審鹿曰貓蘭而以埔裏為著按東二社十四社略彰化之

東境舊為番社閩粵之民雜墾其內始於嘉彰民人陳大用

通事田成發東樣光緒元年招撫之舊有大莆城移鹿港同

知駐其地按改建省後罷同自縣治達大莆之涂凡四紆曲旋

折率百數十里一出縣治東門四十里至南投街又二十里

集集街又十里風漚口又十里土地公安嶺又十里頭社又十里小社又五里貓蘭社又五里審鹿社卽新城又十里白葉嶺又十里至大莆城凡一百三十一里一出東門至南投街又八里都莊又十里中寮又四里未崙灣又三里哮貓又五里溪底又四里二尖山又八里大崙山又八里鹿寮坑又十里茅埔又二里頭投又三里新城餘同上凡一百二十五里一出北門三里至牛稠溪又二十七里北投又二十里九芎林又六十里至大莆城凡一百一十里一出北門二里至牛稠仔又七里渡船頭又四里楓樹腳又六里犁頭店又七里石牌莊又三里四張犁街又十里葫蘆墩又十里石岡仔又十里水底寮又四十里北港又二十里大莆城凡一百二

十里 其戶籍可稽者曰化番向居六社歸化者今僅二百餘人 曰屯番道光間徙入埔眉二社者今有六千餘人屯番中又有殺毛番約數千人此外尙有北港番掉番巒番丹番皆居高山掉番巒番丹番性馴良北港番兇殘嗜殺其地直接淡山 曰閩人有二千七百餘人 曰粵人有百數十人 已闢之土爲田凡二千數百里未闢者三之一歲或一登或再登其物產最富者曰茶曰樟城東南三十里爲水社社之勝有日月潭周廣二十餘里潭心突起一島曰珠仔巽山川秀異藍鹿洲比之武陵桃源者是也說曰地勢以土地公安嶺大崙山有險可守頭社水社貓蘭審鹿尙窄惟埔裏平原三十餘里迤北過溪爲眉社平原已盡高山豁露余

按東槎紀畧其地在萬山中南自集集鋪北自烏溪兩路入山皆極迂險內逼兇番後通噶瑪蘭奇來諸處全臺之要領前後山海之關鍵形勢天成云云亦履涉目驗之詞余雖未至其地而案校二說竊謂鎮內患遠外侮居中四控莫宜於此始建行省時相度不及他日全臺廓清遷治非易矣說又言利害之應興革者一籌水利番民不究心農事今增容溝渠三道溪北近水源者悉導一清瘴毒風篋口大崙頂之木參概芟夷之一廣利源山

引之一闢曠土荒地招徠開墾之者就一清瘴毒風篋口大崙頂之木參概芟夷之一廣利源山

而兇番亦不一屏匪迹淵藪者廓清蕩滌之視爲一廣利源山

隙地可栽植雜糧茶慎斯術也雖內山全治可已六社云乎

哉然圖非常之功必待非常之人畏蕙者廢苟且者媮張皇者償偏執者戾皆未足語於斯也 晚赴薛小亭之約肥炙

大餅豪啖頗快

四

三

蔣氏校印

臺游日記卷三終



臺游日記卷四

金陵叢書丙集之四

上元蔣師轍

十九日閱新竹縣圖本淡水廳地廳治竹塹縣治卽其所也  
析土設官自光緒四年始裁淡水同知噶瑪蘭通判建臺北  
府析地置三縣新竹其一也 距臺北郡治一百一十里境  
南盡大甲溪出南門五里至牛埔莊又三里香山塘又四里  
下寮又三里鹽水港又五里老衢崎又五里中港街又十里  
山仔頂又五里後壠街又五里烏眉巷又五里白沙墩又十  
里吞霄街又八里宛裏街又二里房裏街又十里大甲街又  
五里至溪溪南爲彰化界凡八十五里按今析縣西南境置  
苗栗縣治猫里公牘未言至到殆畫中港爲界歟待考 北

盡土牛溝出北門五里至舊社又三里新社又五里鳳山崎  
 又十里大湖口街又四里四腳亭又六里崩坡又五里頭重  
 溪又二里至溝溝北為淡水界凡四十五里 東界內山西  
 至海土地肥饒廣輪沃衍溪港凡十有八以吞霄後壠中港  
 香山之源為最長而皆水淺難通巨舟食貨貿易必趨滬尾  
 鷄籠海外疆宇視他縣為易治矣 說云東南五十里有牛門  
 山產礮見議開采而圖不  
載此山 按藍鹿洲東征集有曰竹塹埔寬長百里行竟日無  
 人煙野番出沒伏草莽以伺行人過此必倩熟番挾弓矢為  
 衛然後敢行亦間有失事者然郡城淡水上下必經之地不  
 能舍竹塹而他之其地平坦極膏腴埜水縱橫處處病涉俗  
 所謂九十九溪者以為溝澮闢田疇可得良田數千頃歲增

民穀數十萬臺北民生之大利又無以加於此然地廣無人

桀番出沒必基置村落設營汛奠民居而後及農畝

余按數語最有

次第最濟

當事者往往難之是以至今棄爲民害不知此地終

不可棄恢恢郡邑之規模當半線淡水之中間又爲往來孔

道衝要即使半線

按府志半線保屬彰化縣治十里

設縣距竹塹尙二百四

十里不二十年此處又將作縣流移開墾日增日眾再二十

年淡水八里岔又將作縣氣運將開非人力所能遏抑必當

因其勢而利導之以百里膏腴天地自然之樂利而憚煩棄

置爲百姓首額疾蹙之區不知當事者於心安否也危言激

論足振聾聵今臺北郡縣規模雖不必一一吻合而大端近

之矣是日邵公子二十初度同人皆衣冠過其書室余以

一刺慶之午赴讌東廳中丞臥疾公子亦未出

二十日晨閱淡水縣圖說臺北府治艋舺轄三縣一廳縣治附郭境南盡土牛溝出南門十二里至新莊又五里坡角莊又十里龜崙嶺又十里桃仔園又十里嵌仔腳又五里中壠新街又三里中壠溪又十里至溝溝南爲新竹界凡六十五里東盡三貂溪出東門十三里至錫口又八里南港仔又七里水返腳又八里五堵又五里七堵莊又三里八堵莊又九里暖暖街又二十里三瓜仔莊又五里荖仔潭又三里龍潭堵又十五里三貂嶺又二十五里至溪溪東爲宜蘭縣界凡一百二十里

按今畫東北四堡歸鷄籠廳

西北皆瀕海西至八里岔滬

尾兩口三十里北至鷄籠六十里 艋舺當鷄籠龜崙兩山

之間三貂丹梯諸嶺衛其東觀音大屯諸山障其西沃壤中

開谿流環窳形勢之勝天然一大都會其土宜稻率二歲而

五稔其物產之盛者曰茶曰煤距山雞籠十二里有八曰磺產於

金山包裏投水窟大曰砦曰樟嶼海港以十數計中壠溪加

尾假港磯港外野柳溪馬鍊溪小雞籠滬尾尺潮漲水深七尺餘即

八里盆港海道鷄籠口水深三四丈三面皆山獨北面大海

舟巨最著非直通市要津外侮侵犯窺伺必先置戍屯兵實全

臺北門之管矣說多無次余為條理之如此按臺北開闢雖

後臺南而富庶過之今巡撫布政使皆弭節於此榮勢所趨

益形偏重然有大患四煎腦之弊弗懲則外寇之假涂也淘

金之役弗罷則內亂之萌孽也撫墾之實弗究則番禍之揚

沸也釐捐之虐弗戢則民費之直突也一弛一張厘此土疆  
罪我者或病其狂言知我者黨以爲漆室倚楹之嘯乎 午  
後作家書又寄津門劉養之及同年吳獻齋書即夕發

二十一日晨閱宜蘭縣圖說縣本噶瑪蘭廳按東槎紀略原  
始入籍二篇述

噶瑪蘭最詳盡原始篇有云地三面負玉山山東臨大海自  
面掖其左擺芝蘇澳草嶺揜其右員山玉山枕其後自山至

石海寬地不自及石港十里自蘇澳山溪綿互不及百港里  
然一望平嶗

溪港分注實天生沃壤也推表形勢可備大參致惟  
三面負山語稍誤鄒鼻實北境盡處外即大海 同治十三

年改設去臺北郡治一百九十里境南廣而北銳西界淡水

迤北以三貂溪爲界迤南則崇山也出北門二里至新莊又

八里四圍又五里礁溪又十里二圍又五里頭圍又五里烏

石港又五里北關又四里硬坊又五里大溪又七里番薯寮

又五里大里簡又五里草嶺腳又十里草嶺頭又四里草嶺  
仔又四里牡丹坑又四里遠望坑又五里三貂溪溪西接淡  
水境凡九十三里此路盤紆已甚或北或東或折而南復北  
復西就地平計之不能五十里也說又云自頭圍歷大坪林  
以達規尾街至艋舺爲旁逕凡一百三里後附道里所述地  
名圖皆無之何地盡宜蘭界不可得知反覆審視頭目爲眩  
南界歧萊外界東澳內界大山歧萊即今臺東州境東  
北皆瀕海幅員褊小而膏壤充溢治所稍稍偏南生番窟穴  
多在西南諸山直北爲頭圍又北爲草嶺中踞險築壘曰北  
關草嶺以北爲崑崙嶺又北有泐鼻狀若象鼻長十餘丈斗  
入於海南北易風朝夕反汛潮漲水深七八尺舟載六七百

斛者可於此泊縣舟至鷄籠往往泊此守風其旁有琉球澳

礁險不容泊舟東南五十里為蘇澳水深三四丈輪舟可至

此澳遇西北風可泊 外有南風北風二澳門戶之險憑焉澳內有南風

礁三仙水面俗 蘇澳之北崇墉屹屹遙與北關竝峙者是為南

關瀕海自泖鼻而南訖於蘇澳中有溪港凡五曰草嶺溪曰

大溪曰烏石港口隘多礁水深五六尺小船 曰加禮遠港口

深三尺許無礁可入 曰馬賽溪其孤峙驚濤中而為烏石港外蔽

者曰龜山在縣治北水程三十里有居民置屯守此篇圖說

多不相應說尤敍述無法方隅殺亂隨指輒眩知以縣治為

主則無此失矣今姑按圖撮舉大槩黨圖亦譌則吾為詞費

矣 午得家書鵬鴟文詩各數首粗有進益客裏差慰



二十二日晨閱恆春縣圖本鳳山極南琅嶠十八社番地也  
光緒元年析置治所偏南在猴洞社按沈文肅請琅嶠築城  
設官疏有云自枋寮南至琅璫民居俱背山面海外無屏障  
至猴洞忽山勢迴環其主山由左迤趨海岸而右中廓平埔  
周可二十餘里似爲全臺收局從海上望之一山橫隔雖有  
巨礮力無所施建城無踰於此 境北界東盡八礮灣出北  
門十三里至射麻裏又二十里萬里得又二十里至灣凡五  
十三里灣南爲卑南覓界 西盡率芒谿出南門十五里至  
車城西行復北十八里紫寮又十里楓港又十二里刺桐溪  
又三里枋山又九里南勢湖又六里嘉鹿塘又四里至溪凡  
八十里溪南爲鳳山界 中盡大雲頂出南門四十八里至

楓港又十里射不力又十里圓山下又五里雙溪口又十里  
武吉山又十里大雲頂凡九十三里北為英華嶺係卑南地  
東西南皆瀕海南至蟻廣觜最近據圖不過十數里 環

海溪港在東者曰八碯灣曰豬勝東大港在北者曰大沙灣  
大坂埕在西者曰後灣曰射寮溪曰清港曰楓港曰刺桐溪  
曰率芒溪川流淺隘僅通小舫大沙灣大坂埕後灣射寮楓

港諸所輪艘巨艇時可寄碇於外然直風濤震撼亦不可留  
樊隅一山巖崒磅礴直入海中按府志沙馬磯頭山在風山

皆以為指南即此山矣使槎錄云相傳地脈直接呂宋凡舟  
赴呂宋者必由此東放大洋按使槎錄沙馬磯頭有澳名龜  
泊那殆即大指此鵝巒鼻其西有貓鼻相距可十數里中地內縮

形如大澳所謂大沙灣大坂埕皆在其內海程轉捩下有隱

礁屢敗輪泊今建鐙塔幟之自鵝巒鼻至楓港時有山風壓  
船直之者輒苦覆休踰楓港則無患矣環海扼要之山在南  
者曰馬鞍山曰大坪頂在西者曰龜山曰尖山曰獅頭山境  
內番社五十有六流民聚落皆閩粵人亦四五十所山多田少種

藝不茂蓋南陲之瘠區也按沈文肅奏疏倭奴尋釁時曾據  
後灣水泉多惡死亡相繼則知形勢之固足以自衛屯甲置  
戍不煩重兵然番民雜處綏輯頗難構禍之始往往曲不在  
番而不才之吏殺亂是非欺弱侮愚激使走險搶殺既甚乃  
遂大兵誅之執是以求安固庸異於鑿墉址而益高乎比聞  
不靖事正類此哀我馴番說云番性視北路爲馴獨爲匪民矣圖又載

紅頭嶼說云縣東八十里孤懸荒島番族穴居不諳耕稼以

蒔雜糧捕魚牧畜爲生樹多椰實有鷄羊豕無他畜形狀類  
臺番性最馴良牧羊於山髻耳爲記無爭奪詐虞之習語音  
有與大西洋相似者莫測其所由至周廣六十餘里山高或  
至五六十丈社居凡七散列四隅男婦老稚不滿千人光緒  
三年船政藝生履其地歸述所見如此按臺海使槎錄沙馬  
磯頭之南行四更至紅頭峙皆生番聚處不入版圖地產銅  
所用什物皆銅器說未之及殆傳疑矣 午聞斯美輪船明  
日往上海作書寄旣雨丈并附德州書倩其轉寄日晡過天  
后宮訪冬生聞其奉檄出宰宜蘭冬生待缺福建時屢典煩  
劇皆有政聲今撫彈丸正如庖丁十九年之刀恢恢游刃有  
餘地矣

二十三日晨聞比舍有行者視其屋內几案頗具余室亶一書案縱橫皆不滿三尺羣書亂疊幾無展卷地晨夕食飲又率於斯書卷每慮沾濡擬取一案自益司帳者靳焉其僕且出慢詞余仍一笑置之致敬有禮不能望之賢公卿此曹齷齪又何足校第自咎不芻而已從鐵華假得東華錄一函鈇華出舊作見視悉其東游驛程記并假歸錄之

二十四日雨晨閱澎湖廳圖地本屬同安鄭氏納土後隸臺灣設巡檢司雍正九年改設通判距府治一百七十五里福州六百七十三里舊云三十六島今可枚舉者五十有五廳南十二曰虎井嶼相距三十六里 曰桶盤嶼十二里 曰金鷄嶼七十里 曰船路嶼六十五里 曰沙狗嶼曰馬鞍

嶼竝七十里 曰船帆嶼六十六里有將軍澳設汛 曰南  
鐵砧嶼曰頭巾嶼竝六十九里 曰鐘仔嶼八十五里 曰  
南嶼即大嶼一百里 曰八罩嶼六十六里笏有曰澳曰水  
按曰花宅曰網按曰挽門水按挽門皆設汛 廳東南五曰  
西嶼坪曰東嶼坪相距並七十里 曰鉏頭增嶼九十九里  
曰西吉嶼九十八里迪南有沈瀨 曰東吉嶼一百二里  
廳東六曰陰嶼相距三十里 曰陽嶼三十五里 曰香  
爐嶼三十里 曰鷄膳嶼三十五里 曰鼓架嶼二十里  
曰梘鈎嶼四十二里 廳東北七曰長岸礁卽奎壁嶼 曰  
員貝嶼竝十九里 曰雁晴嶼十二里 曰籃笨嶼三十里  
曰屈瓜嶼三十里 曰鳥嶼三十四里 曰白沙嶼四十

五里 廳北八曰大倉嶼相距十八里 曰涼傘嶼十三里  
曰申墩嶼二十里 曰北山嶼二十四里最大有橋通廳  
治鼎灣舳有三澳曰后寮曰小赤嵌曰鎮海赤嵌設汛 曰  
金嶼三十五里 曰險礁曰土地公嶼竝四十里 曰吉貝  
嶼七十五里有溪曰吉貝溪設汛 廳西北六曰大烈嶼曰  
小烈嶼相距竝三十一里 曰空壳嶼三十六里 曰北鐵  
礁四十里此外又有柴店中門大門閉島刀斧諸礁 曰姑  
婆嶼五十里 曰目嶼六十里西北一線沈礁極目無際最  
爲險要俗謂之平境 廳西五曰師公嶼相距十二里 曰  
牛心灣十五里 曰內外塹二十三里據圖皆相連內外塹  
各有澳北風可泊船竝設汛內塹北曰大池角有澳水退見

石不可泊船亦設汛 曰西嶼二十五里圖不著其名按漳

州府志與北山龍門港丁字門並稱最要地今圖無龍門港

丁字門 曰小門嶼二十三里設汛 廳西南六曰四角仔

相距十里據圖在港口東 曰鷄籠嶼十五里 曰花嶼六

十里 曰草嶼七十里過南有沈瀨 曰大貓嶼曰小貓嶼

竝九十七里 星羅碁布劔衛廳治治所谿畛磐互雜出環

錯北盡鼎灣南盡峙裏 一名蛇山有汛外為峙裏澳其西

盡碼宮 副將所駐極西曰新築臺城 東盡文良 外有港 廣侈裘

約竝可數十里不能衡以故常西南入港當風櫃尾媽宮之

間 內有小案山左為碼宮 門戶奇險奎壁峙裏二澳亦可泊

船它皆潮落見石彌望淺阻矣說云地四面濱海居民捕魚



爲生不產五穀惟恃臺地接濟海外瘠土也康熙末朱一貴之亂全臺淪沒惟澎湖存嗣用兵七日平臺廷議以澎湖克而鄭氏降澎湖存而全臺復疑臺灣形勝在澎擬移總兵駐其地時漳浦藍鼎元方佐其族兄廷珍幕亟上書止之實則澎雖不必爲全臺控制而臺廈之衝有此天成屹鎮設屯重兵豐糗糒彼縱橫海上者又安能越澎湖飛渡而絕無所顧忌耶就澎形勢各島環列中開一澳可泊巨艘數十出入不必候潮臺洋夏秋風濤洶湧不能泊船輒於此寄棹焉外有西嶼爲屏蔽內有新城龜山蛇山又名時裏相犄角今於新城龜山築礮臺更得扼吭當關之勢無事時以之息避風濤有事時以之往來策應王公設險誠無踰此者余按鹿洲書特爲

當時輕臺灣重澎湖而發執牛尾一毛而制全牛設喻最塙且其述澎湖地勢所謂一草一木皆需臺廈若一二月舟楫不通則不戰自斃者亦爲達事之言夏氏目爲屹鎮殆於不審法夷之擾澎湖何嘗無兵而敵艦縱橫未聞稍有顧忌且亦未聞澎湖能出一椽以橈其勢策應之說足明不然特委之敵人以屯煤食軍火爲頓兵伺隙之所則其爲臺患實深故雖不能恃爲藩籬亦決不得棄爲甌脫所謂屯重兵豐糗糒者亦但求自安固無滋他族逼處而已難者將謂一取鄭氏再定朱寇其事鑿鑿豈類虛談不知今昔情事不同有三全臺畸重昔在於南實有唇齒之勢今則偏北去澎湖遠一也昔皆颿船待風而勁微澎湖亡所憑寄今則輪舶豨突輕

狎波濤二也昔張撻伐攻之自外不得澎湖無以收鹿耳安平之功今憂外侮禦之自內雖有澎湖不能解鷄籠滬尾之禍三也雖然亦就方今武備言耳果令主客之情我強敵弱良將勁卒橫海耀威狡虜不能以游弋自雄援軍不致有偷渡之恥此格彼擊亦安見培鹿東番澎湖真不足倚其足者人事可恃地利得失又不足言過慮鰓鰓吾說爲妄可也日晡大風雨益急屋瓦皆震土人云今歲颶應七作蜚廉跋扈此其肇耑矣

二十五日黔晨閱後山總圖北界宜蘭宜蘭縣圖以東澳爲界此云蘇澳未知孰誤按自蘇澳南行二十里至東澳又三十里大南澳又三十五里大濁水又二十五里大清水又三

十五里得其黎又十里新城又五十里岐筆花蓮港又二十里吳全城又三十九里大巴籠又二十二里周郎社又二十里秀孤巒水尾又三十里璞石閣又十二里平埔莊又十二里石牌莊又四十五里卑南草寮又五十里卑南寶桑梭其時同知駐卑南故以卑南爲歸宿今考自蘇澳至水尾凡三百八里至寶桑凡四百五十七里 北界恆春說不詳道里按恆春圖說由楓港六十里至大雲頂又十五里至英華嶺又十里魯木鹿山又十里阿壹郎溪又十里巴郎衛又十里大烏萬又十里干仔關又二十里干仔崙又十三里大貓裏又二十二里知本又二十里卑南寶桑圖無界審山勢之向背似大雲頂爲恆春而英華嶺屬岐萊自英華嶺至卑南

凡一百二十八里其由八礮灣至卑南道里二十五里至牡丹灣又二十七里至阿郎壹溪與上同凡一百六十里 經

長六百有餘里東至海西至內山緯廣或三四十里或十數

里今之臺東直隸州疆域也圖在未建州以先州建於光緒十三年故

以山名爲界中曰秀孤巒北曰岐萊南曰卑南覓卑南覓番

社歸化最早康熙乾隆時平朱一貴林爽文之亂其酋長皆

負弩前驅疊受銀牌文服之賜光緒元年移同知治其地十

三年建直隸州治秀孤巒水尾社因罷同知改設州同以佐

州牧治南境而於岐萊花蓮港增設州判以佐州牧治北境

蓋隱爲它日設縣地矣按說云自蘇澳以南至得其黎百四

十里峭壁峻嶒難通輿馬亦亡可耕之土中互東澳大南澳

大濁水大小清水五溪其險復阻舟楫又南至新城岐萊稍見平壤然多磽瘠又南百五十里至水尾則皆膏腴矣又南百四十九里至卑南寶桑亦多沃土又南二百餘至恆春又率磽瘠其間惟巴朗衛八礮灣牡丹灣等處尚可開墾濱

海惟花蓮港

水深十餘丈南風可泊船按宜蘭圖說蘇澳直

抵花成廣澳

南風灣水可深二丈餘可泊輪船按圖秀孤糴大

及南風可泊大舟說邪之

而皆風汛靡常沙礁紛錯往還匪易

民船更不能以時至也

按圖沿海溪港凡

番社之在大南

澳者曰斗史五社

斗史五達斗史麻達斗史輝

大濁水以北依

山之番統曰大魯閣凡八社

九宛實仔眼實空實仔八眼符

岐萊

平埔番居鯉浪溪北統曰加禮宛凡六社

加禮宛竹仔林武

歌瑤 鯉浪溪南者統曰南勢凡七社 豆蘭老七邪脚川干理薄劉脂斗難

附又名集千現 居秀孤巒者凡二十四社 鞍大巴見籠加則露朱替芒本

山老安漏四物無老仔僧奇密納仔烏漏大肚偃周加武納人子

奇鴉 竹立 璞石閣平埔八社 仔丹坑石牌阿老園梯頭牛坑黎 成廣澳

沿海 小水掃別彭存仔石門坑大掃別及南阿眉 漏五沙鹿五律

窟堵 八里芒武窟八里芒 武 各八社卑南覓可紀者凡四十有六

社 仔林千五仔卑南大大足高寮仔知微蛤仔羅打干文壁大鳥萬大狸郎

那押 里八勒武窟西板二轆大二呂加罔勞的馬那搭琳琳寶仔葛什格

二里 咬三咬北南九社北絲那瀾新那濫新武洛麻里綱斑鳩子

山杞南嶺 以上皆為平地番稍習耕種此外若木瓜番丹番

鑿番棍番俱處高山社名不一未悉就撫莫能詳考其眾惟

事游獵與平地番世仇兇殘嗜殺番性大概然也此篇敘述  
 粗有條理刪節存之新闢之道自恆春楓港東北行越英華  
 嶺遵海而達於卑南者凡二百三十六里前已詳注自鳳山下淡  
 水東北行越南崑崙迤東遵海達大猫裏者凡一百七十九  
 里下淡水三十里至射寮又八里紅泥嘴又十六里立里社  
 又八里半南崑崙又二十里古阿崙又二十三里春望巖又  
 十里大烏萬溪口又四十三里大猫裏又四十五里卑南  
 自鳳山下淡水東行越崑崙迤東達大猫裏者凡一百三  
 十里十二里至赤山又十五里奴溪口又五里內社又十五  
 里崑崙迤又十里大石巖又四十里諸也葛又二十里千仔  
 崙又十三里大猫裏 自彰化林圯埔東南行越頭社仔而



東出八同關歷八母坑木札大崙坑打琳以達於璞石閣者  
凡二百六十五里林圯埔十七里至大坪頂又七里大水窟  
又七里平溪又十四里茅埔又八里紅魁頭又五里頭社仔  
坪又五里南仔腳蔓又八里合水又十一里東埔社心又十  
里東埔坑頭又十五里鐵門洞又十八里八同關又十三里  
八母坑又十三里架札又五里雙峯仞又五里粗樹腳又四  
里大崙溪底又十二里雅托又十三里雷風洞又三十一里  
打琳社又四十里璞石閣按光緒十三年臺撫籌議郡縣疏  
有云水尾與雲林相植現開路一百九十里由丹社嶺集集

街直達彰化丹社嶺圖失載

說不具詳今從恆春圖說採輯  
恆春圖說今從恆春圖說採輯

二十餘里與紅頭嶼對峙水程去卑南六十里  
餘人商船避風間有其地者按圖載此嶼狀甚環曲說亦

不詳第北風而巳注云南向有午過邨愚齋出其友人歸颿圖索題爲

### 長句應之

二十六日黔凌雲乞書楹帖爲作篆草各一聯又艸書屏六幅久不作字擊力殊怯夕大雨

二十七日啓午後復雨得寢華子捷書子捷嬰鼓盆之戚垂白在堂雛稚滿側空幃夜月知其情不堪矣

二十八日啓錄鐵花東游驛程說竟歸之鐵花謂余亦安事此戲爲壯語應之曰過狡虜之蠶食資君書爲前驅他日屏蔽東藩何用知非僕是日得五兄通州書

二十九日購宣紙十版雜作篆艸分應同人之求是日錄詩

### 甲集竟

七月朔錄詩乙集自戊寅始此後詩什無一二封邱何家祺  
吟秋錢塘蔣其章子相同邑秦際唐伯虞顧雲石公皆爲點  
定褒貶去取愜人人殊私意亦迷所嚮當全錄之異日幸有  
進境此冊仍以供覆瓿耳爲管仲孚書橫幅背臨三表百餘  
字自謂頗肖惠庵乞書冊頁爲臨文氏父子手札數通衡山  
二子曰彭曰嘉書法竝遠塵俗余藏一軸書札凡十一通精  
采滿帑殆非贗鼎是日得茗園四月書

二日晨作家書邨愚明日歸上海午與蓉卿逵九同餞之邨  
愚醫術極精是能窮內經之奧闡長沙之祕者臺地診疫犯  
者尠瘡邨愚應手輒活中丞屬領官醫局月中脩脯不豐而  
它可肥橐者倍之邨愚以爲恥其先主是役者又有腐鼠之



喜野戰不肯守紀律恐不利小試鷓卻循循謹軌範也鵬問堯舜名謚以何說爲長讀書能疑便可開悟當錄亭林顧氏說視之然顧說亦殊未盡

六日晨錄說文百字及詩數首頭煩目颯疑若中暑午澹不甘晚啜糜一盂

七日響熱晨起腹瀉憊甚服菩提丸一圓夕瘳

八日晨作書慰子捷欲償前貸金濟其覈絀而脩脯之貲善後局遲遲未餽晚過凌雲倩代促之局餽例以月朔同人皆然閏月獨遺余後三日始至今且八日矣此直江公之歌驢駒耳豈直燔肉不至醴酒不設已哉斲闇色舉可云強顏九日作答霧華書又予慎之幼萊各一函封完未發

十日錄說文三篇竟文才二千有二余始日數百字使無作  
輟今卒業矣無恆之失有愧巫醫日晡邵公子來以故書數  
種見視惟溫飛卿集最佳秀野草堂初印本也又舊刻石印  
數方以鄧刻梅花樓主人爲差善文三橋諸刻皆僞作篆法  
刀法均無足觀夕過視達九疾

十一日黔發都門書錄說文百字竟閱黎經誥注六朝文絜  
亦邵公子見質者闇於文義望字徵典如鮑照大雷寄妹書  
向因涉頓句不解頓字義而妄注頓邱地名祖鴻勳與陽休  
之書豈必撫塵句不解原本撫塵之誤而謬引松枝談塵故  
事若此之類觸目皆是經誥不悉何許人無知妄作本無足  
糾不欲孤公子好學之雅姑摘其尤誣者爲讞正之

十二日鈐錄乙集詩十數首竟校黎注又得可撫掌者二十餘則一一簽幟邵公子復送二書來一爲八代詩選長沙王闓運王秋輯雕版殊劣一爲六經圖絕工夕大雨

十三日晴閱八代詩選自漢至隋擷采甚博惟於五言各體以雜言樂詞區類而陳思鼙舞魏武氣出倡陌上桑之屬又不收入樂詞亦有複見者王君負盛名不解何以躋駁若此崑無弁言疑門弟子僞侂矣鍊花明日赴大科嵌晚過劇談漏三下始歸寢

十四日霽聞金沙局提調諸職皆斥罷唐薇卿方伯意也是役招集流亡怨讟蠡起或謂利國歲可得銀二十萬今覈半歲之人才番餅四萬枚耳諸費已耗三萬有奇防卒饑需尙

不列此數人言可盡信哉午大雨

十五日黔微涼發家書是日爲中元節金鼓爆竹之聲竟夕  
叩騰弗絕于耳達九云孟蘭會之盛爲內地所罕見市肆賽  
神率于門外珍錯酒果鬥靡無節平時親故不通有無至是  
目賽神故貸無不獲蓋慮神怒或迻之殃也余按赤嵌筆談  
云孟蘭會數日前好事者釀金爲首延僧眾作道場陳設餅  
餌香櫟橘子蕉果黃梨鮮薑堆盤高二三尺并設紙牌骰子  
烟筒等物至夜分同羹飯施餒口謂之普度今俗之侈殆踵  
事益增矣

十六日雨午後颭作屋瓦皆飛余居面南東壁因它屋施極  
朽鏝不工水下如霪它所穿漏幾於牀牀無乾土矣風始從



西北來轉而東南夕益烈後牖吹落帳飛欲裂達奴子以長木橫牖外巨繩三束內縛甌檣使堅著不可稍動障以重席幸不復穿箱簾悉徙故處而牀榻獨不可移帳頂積水滲下不止如巾漉然斲板扉二覆之仍漏更益以牖跽伏帳中不敢翕目慮東壁或圯將嬰不弔之禍也漏五下風力稍弱勸極伏枕略睡旋覺已晨鷄三號矣

十七日黎明起天光下射瓦甍如筵幸颶已止過同人齋互以未遭覆壓爲慶蓉卿照蓉白於中丞移入後院竝招余偕陳君蓮舫亦繼入陳青浦人精醫術中丞以厚幣聘至者日晡復大雨

十八日晨啓午復霏霏霖徐作與陳君通款洽舉止謹慤

無恆醫惡姿詛其所學不甚宗主仲景然持論平易術爲易  
讎矣

十九日陰晨過前齋睹淩雲所居沮洳已甚且有巖牆之危  
而處之泰然雅量殊不可及是日得五兄通州書又得德州  
書內子及鵬鷗各數紙

二十日啓檢篋中書爲屋漏所漬者暴之東華錄亦有污損  
假他人物護持弗謹深自引疚不敢懟封姨也晚得江甯親  
故書

二十一日晨起涼甚已類深秋作字四幅贈党幼雲酬其香  
欠酒之惠蓉卿檢臺灣雜詠合刻見贈閱王文勤雜詠自注  
有云鳳山縣治道光間移於埤南考東槎紀略云鳳山縣舊

有土城在興隆里龜蛇二山之間康熙六十一年建乾隆五  
十一年廢于莊大田之亂改治埤頭插竹爲城嘉慶十一年  
蔡牽攻臺灣吳淮泗乘間陷埤頭頗有殘毀議者謂埤頭土  
薄水淺地苦潮溼不如舊城爽塏且負山面海形勢雄壯將  
軍賽公冲阿遂請移回舊治十五年總督方勤襄公維甸至  
臺相視奏如賽議改建以石竝圍龜山於內以免敵人俯瞰  
費鉅部駁未行道光三年勤襄從子傳穉署臺守總督趙文  
恪公令相度成之明年巡撫孫公爾準巡臺復采輿論奏建  
適有楊良斌之亂傳穉請官捐以爲民倡眾從之據此則自  
埤頭移歸興隆里亦道光間事復徙埤頭不詳何年待攷  
二十二日涼甚可著薄綿閱王文勤詩注有云臺多桑濮之

風皆由婦女懶惰不務本業近給示勸諭以挽積習蒙謂婦

女廉恥亦其固有之良淪喪以漸實絲濡染維持之術在崇

儉約笑不以貧為恥此清源之要也導紡織禁游觀焚香廟

衣極隨會者尤俗表貞烈旌門立坊之視內地不妨略寬重婚姻之

禮俗每始既已不正蕩檢踰閑安能禁之於後人首明人倫

之防廣惠養之政曲全貧婦之節如內地清節堂轉移風化

事有經權喋喋空文無與實政也聞中丞始至惑於豎儒之

議廣張文告禁遏淫俗而秉筆者失詞直謂臺地戶皆三曲

於是士族不甘良家亦忿眾口怨懟舉國譁然實則所謂刺

繡不如倚門者近在耳目之前其風卒未少殺文勤告諭雖

未審措語奚如要為無裨則一於何證之亦證以未變之習

而已 晚發家書

二十三日晴益涼北地孟秋尙不至是疑仍風雨之兆照蓉案頭有完白山人篆書西銘假歸手摹一通山人筆力橫絕一時而工於取態以意伸縮實多不合六書同時嘉定錢獻之陽湖錢魯斯雖以私意詆之亦千秋公論也山人嘗云吾篆未及陽冰而分不減梁鵠知其自負固在彼不在此閱王文勤詩注有云王游戎開俊攻獅頭番社孤軍深入竟殞於陣淮軍攻克始獲其首時踰三月面貌如生按游戎死綏禛末具詳沈文肅奏疏生爲良將殞爲鬼雄報以佳傳殊足壯近十數年戎伍之色

二十四日晨赴藩署祝唐太夫人壽太夫人優嫺文翰今之

曹大家韋宣文君也宴畢順道訪王進之大令大令名國瑞  
廣東舉人官順昌時因公褫職比歲司榷臺南中丞耳其名  
令與修志之役與言志事條理秩然商榷有人厚自慶幸  
夕閱文勤續詠注有云西南風則安平湧起沈幼丹星使會  
疏請封海神立廟崇祀是年七月下旬以來皆北風已月餘  
不聞湧聲此則宜采附祠祀下以著海若效靈之美

二十五日晨鐵花來詳語撫墾之失緣內山二百四十里間  
隘寮碁布成者名或十人或七八人或四五人率多虛籍擬  
悉罷之而別移澎湖兵六百人分屯六所每所各轄四十里  
日出五十人分巡兩屆更番休息力裕而威壯庶足令番眾  
膽寒余繹其說意頗有疑夫以二十五人蹀躞二十里間令

番眾伺其既過挾刃徐出相去數里聲息便隔何能遏其爲  
暴然鐵花主此策甚堅余未悉地形不敢送難也閱文勤詩  
注有云新建延平王廟落成余題楹聯云忠節感蒼穹大海  
忽將孤島現經綸關運會全山留待後人開按祠中聯語首  
推沈文肅此亦雄渾正以不隸事實爲佳

二十六日黔晨爲蓉卿作篆至午始竟擊法未能合古殊乏  
彬彬粲粲之觀 夕閱馬清樞詩注有云臺地少寒花開無  
節惟菊至冬乃盛開至二月東坡謂菊性狷介誠哉是言又  
云美人蕉四時皆開芳鮮可愛其花國之妖姬哉以余所聞  
臺地菊絕少而美人蕉觸目皆是其諸狷介者土性不宜而  
芳鮮者物生易豢歟

二十七日雨大風邵公子送新學偽經考一書來為南海康

祖詒廣夏撰力攻劉歆謂六經皆其偽造書凡十四卷秦焚

未嘗第亡缺考第一史記說經足證偽經考第二漢書藝文志

辨偽第第三漢書河間獻王傳魯恭王傳辨偽第第四漢書儒林

傳第七辨偽第第五漢書劉歆王莽傳第八後漢書儒林傳

第九說偽經序糾傳授表附第十典釋文序辨偽第十隋書經籍志

足證偽表附劉向說經十二書序辨偽第十三尚書篇目異同

者皆所屏入此驚悍令人無從置喙至詆高密浚長不遺餘

力放言無忌亦太甚矣閱何澂詩注有云湧山前以夏秋為

甚山後起於冬春府志不詳此足補其罅漏注又有云臺俗

性剛易動往往睚眦之仇報而後快鄉黨族姓設受陵辱毀

家拯援身罹法網亦所不惜按臺民皆客籍各樹黨類漳與



泉仇漳泉合又與粵仇殉眾忿門鳳山最甚注又云悍族糾黨逞兇殺人滅門田宅財產據爲己有名曰紮厝此風則嘉彰亦熾不獨鳳山矣

二十八日黔午風止殊幸閱何詩注云聚貨分售謂之郊往來福州浙江者曰北郊泉州曰泉郊廈門曰廈郊統稱三郊余前襄挾臺南試卷見有郊籍不解所謂今始恍然 晚過

蔀昀辱見贈詩一首

二十九日閱康書一卷心鬱不舒午後攤飯睡至日晡始起答蔀昀詩卽依其體語多牢愁言爲心聲不能自克矣閱何詩注云北港王字番死後剝大樹以尸入其中仍以樹皮包裹隔歲膠合無縫枝榦蒼翠勝常子孫常以牲牢祀之按府

志番俗不載此事宜采錄以廣異聞

三十日晴晨閱何詩注有云郡中設左右兩翼練營仿西操法此事蓋自沈文肅改汛歸練始今則做法益工金鼓噍殺齟促之音日聒於耳矣蒙謂火攻之器西國誠利必斥爲無用者腐儒也至於陣法則決不可學西夷不知兵兩軍交鏖血肉相薄嚴於步伐闇於機權勝之之術正在以散擊整乃如蟻聚如蠶屯是猶慮礮彈無命中之能而爲之張大其鵠矣此可與通兵法者言之 午邵公子送說文易知錄來爲華亭許巽行亦葵撰乾隆時人分韻標部仍以偏傍類從但便初學檢閱而已於六書之義無甚發明也夕過蒨昀談詩

甚洽

八月朔晴閱何詩注有云夷人各處設立教堂無賴子恃爲護符往往民教交鬪致費周章於戲此禍之烈今且徧於宇內豈惟臺灣余撰然犀錄嘗痛切言之顧猶未詳處之道竊惟藩籬旣潰豈易禁遏非類雜處變且日滋所貴賢有司明其曲直宰以大公毋媚夷以縱殃亦毋袒民以激釁其無與教事而訟牘敢署教民者斥不爲理魚肉良懦則據法以痛懲之中國之官自治其民彼族無侵預之權條約具在持爭勿撓自足戢其凶燄而其要尤在懼於未事明禮義教忠信卹飢寒平訟獄懦者不致效入叢之爵黠者亦恥爲導虎之佞譬於一人之身正氣旣充邪氣難乘爲患庶淺耳近聞夷人之居彰化者藉口催科之擾偏惑愚庶應內租賦皆投

其橐而為轉輸於官是耑一啟禍患又不止如前所慮矣晚

兩

二日晨過凌雲詢以是月能開局否以其本局中人也且答云

弗知余深以無終為慮凌雲曾曰君至是尚謂此事有成乎

即令開局亦相率月橐館穀而已余愕然曰是何言歟選事

雖難而有任其難者安在無成將謂縣志弗葡不知今之廳

縣有析置無增建具五縣之志雖弗葡猶葡也將謂檔册已

佚夫行省未建以前本隸福建一切典政撫部宜有可稽也

至於文獻足光志乘果皆無徵亦豈能因噎廢食愚意圖繪

檔册采訪三者畧具先輯廳縣各志芟錄節要而府志成而

通志亦成自惟精力猶足任此也凌雲復大言曰君試觀徧

國中任事者誰矣余以其出語素謹今乃侃侃若是殆有所見而不欲明言色舉之機聊託於隱諷乎歸齋謀諸蓉卿亦謂余義不當留歸計遂決

三日黔奏記中丞託詞省家室暫歸俟授簡有期聞召再至不欲多言或取怨尤也晚作家書

四日晨起收貯書籍緘固行篋午餐不中下櫓晚煮鴨招達九共啖之

五日雨晚益甚蒨昀成秋興詩八首爲潤飾數語均肯降心且推服甚至轉滋余愧蒨昀述中丞意聽余自歸遐心克遂煩鬱頓舒

六日黔聞斯美船至仍須往澎湖篋中旬始可內渡午作書

寄季垂季垂前有書來謂余黨作歸計幸一過之秋疫流行  
憚於遠邁孤良朋雅意矣 夕過蒞昫爲改詩一聯蒞昫殊  
樂

七日啓遣奴子市椽十匣鷄籠所產名曰烏龍味微苦淪湯  
色甚濁或云載至內地便佳椒產不逮也日晡中丞延至內  
室備致惜別之意余曰臺志創修本非可刻期卒業然譬諸  
行路關塞雖遠我車旣駕終有至時第裹足而鬻蹙咫尺亦  
阻遑言萬里矣授粲以來倏焉數月牂奧鶉突心實慙焉旁  
觀不審復有素餐之嘲用是褰裳暫避請讓公黨志在必成  
不才決當力任取材旣蒞授簡有期召以電音輕裝卽發前  
書所云不敢倍也退過東齋晚讌沈陳二君咸集盛饌精美

飲散漏已再下是日得季垂書

八日黔閱何詩注有云煤礦在八斗山鑿山銅鑽等器購自外洋計值二萬餘金延洋人翟薩爲煤師鑿井深廿餘丈嗚呼此亦通商後大漏卮之一也狡夷以利誘我幸墮其術於是購一夷器故高其價自數萬金至十數萬金不等夷工雇直人又歲窳番餅數千我地未穿彼橐已盈卒焉不效則又咎中國之惜鉅費不能殫其掘地百仞之能而工之坐獵厚貲侈然自若徐州之采鐵平度之采金皆事之最可太息者鷄籠煤礦雖未中輟然得失之數固亦不相讎矣蒙謂以中國之民力采中國之地利流不旁溢原無驟竭所費爲約所得有恆富國富民其道亦未始不可馴至也 晚惠庵達九

餽肴饌至

九日雨竟日不止中丞詒手簡謂季垂來書有去志幸作書代止之當爲補官嘉義余適欲與季垂書因附白之余不當留季垂則不當去義各有當非已惡醉而復強人以醜糟也晚赴葉綬卿之招

十日啓党幼雲刺史來詢余以何事遽行爲述梗槩亦謂見機晚得家書

十一日風夕葉縵卿至述方伯意留行甚摯余答之曰主人飲餞驪駒已歌挽之復止得毋令僕夫笑人幸爲我婉謝方伯然憐才之雅自刻意弗諉也

十二日晨與達九同至艤舸訪劉獻之不直欲市物不知其



所言語不通有問輒阻畧涉闖園徒手而歸日晡陳仲英太守來察采訪凡例并云十六日開局余以歸裝已整遂不復置一詞

十三日午與蓉卿同赴凌雲之招飲微醉歸齋爲孫少尉瀛生書屏四幅晚少尉餽肴饌辭弗獲招達九惠庵共啖之昔韓宗儒得東坡一帖於殿帥姚麟許換羊肉十數斤山谷以爲戲今余乃自以博酒肉饗饗之目未知於韓何如然殊榮於壻間之乞矣

十四日微雨午霽欲撰通志凡例而困同面壁不知所云聊擬篇目爲 聖謨記第一輿圖第二沿革表第三秩官表第四科貢表第五山川考第六建置考第七賦役考第八典禮

考弟九學校考弟十武備考弟十一海防考弟十二經籍考  
弟十三風俗考弟十四物產考弟十五大事考弟十六明遺  
臣傳弟十七武功傳弟十八宦績傳弟十九人物傳弟二十  
列女傳弟二十一雜記弟二十二譬諸作室此其通制耳至  
於地勢羸縮材瓦豐約丹雘美惡必待測繪檔冊采訪三者  
咸葡乃可具知若何面巧以取勢若何就簡以立規余病未  
能敢膝寢說粗舉大概敬爲代余者訪落之導愚慮可竭不  
敢以旣去遂忽然也

十五日晨雨午後放霽晚赴宴東廳同人意興皆蕭瑟無舉  
醞者歸齋獨酌不欲負此良夕儲酒甚醞以東坡水調歌頭  
下之仰視月華益增皓潔

十六日啓午與蓉卿同赴党幼雲刺史之招飯畢徜徉樓上  
憑闌四顧山色如屏棖觸歸襄益不能忘情故山叢桂矣歸  
見唐方伯請十八日到局簡

十七日時霧復霽午飯後至藩署別唐方伯以通志篇目及  
采訪凡例進質方伯仍欲留行蓋未悉余蹈荆履棘之狀婉  
詞謝之

十八日雨晨起整裝箱篋先發方伯來送行陳太守嗣至仍  
挽余至局雅意雖殷不能曲徇矣午餐後中丞猶臥辭不獲  
面遂與蓉卿蓮舫同冒雨出城乘小輪舟至滬尾投斯美輪  
舶遠游瘴海喜得生還歸裝雖輕有詩數十首足以自豪也  
十九日風烈舟未起碇午餐番菜不能下咽食性之別殆難



畫中繼過煤礦局經培卿大令文所茅茨三間螺蚌滿室濤  
聲澎湃欲捲案榻而去其景象亦復奇絕閒步門外拾石子  
數枚有類錦錯類蠶房類珊瑚枝者備文房玩具頗可人意  
使米老見之定一一列品目也隔岸有仙人洞田撰異題名  
在焉擬拏舟往訪而驚濤一葉狀殊可危心懾而止日晡歸  
舟

二十三日啓晨起擬游仙人洞沈陳二君意興皆闌珊遂止  
憑闌四顧形勝在目礮臺左踞螺徑旋升外不睹位礮之所  
足偁雄壘惜立竿懸旌亡異插標賣首不密實甚左餘殘壘  
亦昔之礮臺同舟蕭君云法人之擾曾奉檄守此臺夷礮一  
擊頓墜其半再擊而瓦碎冰裂守卒皆駭散矣此不得地勢

之故徒矜礮利固亡益也蒙謂此澳形勢絕勝三面皆山巒  
窟層疊窳其高下隨在可窺礮糜耗國帑而顯爲狡虜樹的  
此齧伯之見耳蓉卿深然之已刻展輪風平浪靜惟船行甚  
疾不免震蕩不克坐立堅臥至夕斲糜一盂聊解飢渴而已  
二十四日晨起仍苦眩瘧午畧可啜糜一盂詢舟人已過甯  
波洋矣夕抵下海埠

二十五日晨僦小舟至江甯公所仍假榻舊室夕過既雨丈  
漏二下歸

二十六日晨既丈來日晡過次竹知李觀察數日內可至余  
已令奴子僦蘇門舟當即止之晚至復新園應既丈之約喜  
晤劉蘭階同年芬別且二十年矣清樽情話酬酢極懽聞比

歲振飢南北活災黎不下十數萬人視余以衣食故屢屢道  
涂者賢不肖相去奚啻霄壤歸檢舟中所撰治臺八要稿膽  
之備友朋案覽一曰固民心籍匙土著氣易浮動自歸版圖  
後大小亂且以數十年重以外夷伺隙耿耿臥榻稍失其心  
竝有爲淵馭魚之患固之之術抑豈有他亦曰所欲與聚所  
惡勿施而已慎選牧令以養以教擾民之政皆禁革之孚之  
以恩信導之以禮讓武健之習激爲忠義豈惟內變不作恃  
以禦外且有餘矣此首務也一曰儲人材波濤瘴癘賢士裹  
足王順長息之屬豈足與決大計定大疑哉宜效折節下士  
之實厚幣聘優禮貌宏開幕府廣羅英俊時相與上下其議  
論集思廣益優裕於平時脫有危難因材器使不置於用虞

忠肅材館之錄播美史編昭然前事臨事而始求才晏子所謂疇而掘井雖速無及者也一曰節財用全臺歲入二百萬有奇錙銖之費不溢於外府庫充裕宜甲天下而不能者耗之之涂廣也竊謂練軍不可廢而增募則宜汰歲消可數十萬他可罷者罷之不可罷者綜覈名實使無浮冗其消當亦非細臺地孤縣巨浸一旦有警外援不通僅恃輸助其何能久禮云無三年之蓄國非其國海外情事尤可寒心法虜之困往鑒固不遠也一曰興文教士爲四民之首里有善士關於風俗非細國家教澤不遺海外所期於士者豈亶以能博科第爲賢固欲其讀詩書明義理薰德善良爲里黨則也縣各有書院宜誥良宰迎延碩學立之師表廣購經史供其研



誦其有學成名立者破格獎藉之率馬以驥激奮自眾文翁  
化蜀士昌黎變潮俗猶以文學言蒙謂木鐸收效固不止此  
一曰化敝俗積習淪錮其故非一朝夕潛移默化亦無近功  
丁叻樂械鬥荆戮不畏也當勤言睦婣任卹以勸之婦女耽  
淫佚文告莫喻也當崇妻貞孝節烈以愧之其奢侈相高不  
可以政抑也當躬行節儉以達之其邪慝相羨不可以法遏  
也當徐明義理以風之子曰道之以政齊之以刑民免而無  
恥道之以德齊之以禮有恥且格至哉言乎萬世弗可易也  
一日究武備兵可百年不用不可一日不備臺地內憂外患  
瞬息可慮整軍經武水陸竝急然所謂武備者貴有養兵之  
實非第侈增竈之虛聲循枕戈之故事也定營制

撫標兩營  
尙在閩安

師平水師協副將移駐臺東改為陸路協副將鹿港水求將才

勤訓練明賞罰士無虛籍饑不妄糜自足陸剽虎兇水潛蛟  
蚩招募客軍水土不習每至暑月死亡相繼沿此軍食為臨  
事增練士卒之費身家自衛眾志成城以壯軍聲宜賢于疲  
瘵之雜廁也一日防外侮東疆西埤交伺於側日本懲琅嶠  
之役地雖迫逼艱為戎首泰西互市據我險要專樟嶠之利  
因以制權番眾竈丁費耑易搆他日逞狡必以此為口實而  
傳教之徒浸淫四境虐燄日僣實又厲階方今為患西辣於  
東防患何術亦懼之於未事而已說別詳苟且鹵莽皆謂無  
算既事而懲智者亦困一日靖番禍番眾雖獷悍嗜殺然亦  
赤子不容盡絕其類禍變之作矧又往往激成其未歸化也

視之若豺虎其既歸化也賤之若犬豕甚且陵暴之誦詐之  
鋌而走險終於負固此其罪不盡在番也以殺止殺以番和  
番藍氏之說固爲不刊而和亦有術必先自化其類始今番  
塾有設良秀者知讀書矣然狃狃榛榛洪荒甫闢驟期以衣  
冠文物之盛幸而能喻亦千百中獲十一耳蒙謂當兼開藝  
院百工之事各立之師遂其所欲言使成業業成而後備工  
嚮技伍於齊民番民之情既通彼不亶恃弋獵爲活其性亦  
將日馴而在位者復加意拊綏之煦噢之豈惟化番可以弗  
叛生番之良善者亦必聞風企踵願爲編氓至如傀儡王字  
諸社頑梗不化伐木通道清其障翳竟開山之功

說亦詳  
日記

不

二十年禍株盡矣言之似易要爲審執之談起鹿洲質之或

不啻其狂瞽也

二十七日霧晨蘭階來云將渡江往通州勸富民出資振畿  
甸災余諷其舍遠圖近蓋是時丹徒丹陽皆罹赤地之厄捐  
瘠滿涂而畿甸往歲振貲有餘儲蓄之豐且數十萬也日哺  
次竹至約過酒肆小飲微醉乘倭車以歸車夫疾足駛於奔  
馬閱其筋力且慮顛覆屢語緩之至泥城橋果蹶

二十八日晴作書寄南陔蘇州

玉麓家書並大  
甲席六具附去

又作江甯親

友書日夕飴澍來

二十九日晨過四洋涇橋旅邸蓮舫留午飯飯畢與蓉卿同  
至書肆覓舊本百不獲一敗意而歸

三十日晨入城訪飴澍知李觀察明日可至歸徑書肆爲惠

庵購蕭選及駢體文鈔皆非善本取足誦閱而已

九月朔作書與邵公子又達九菴昀幼雲各一函聞斯美輪  
舶明日東渡也晚既丈來以鵬婚事尙未定約屬作書與樹

人

季垂兄  
嘉續詢之

二日李觀察至詢褰裳之故詳舉委曲以對亦謂合去就之  
義觀察寓次竹所日晡往謁竝歸前假番餅四十枚觀察以  
餘姚中丞畧餽贖之禮慮余無歸貲不受愼堅請乃內晚陪  
過酒肆小飲

三日晨過仁濟堂訪蘭階堂爲錢塘施善昌少卿所建唱義  
東南振飢幾半海內蘭階與其事尤以堅樸著傅比聞施君  
欲引爲替人余力阻之蓋恃無源之財而圖不已之功其勢

既窮乃出爲他人作弩末甚亡謂也夕蘭階約過酒肆忽直  
汪蘭陔喜出不意蘭陔詢歸狀戲應之曰我智不及卿百二  
十日耳相與嘵嘵蘭陔約明日枉過

四日午餐後蘭陔至

五日晨過天后宮訪蘭陔竝晤邵陽魏槃仲復過寶順里訪  
席邨愚邨愚約飲番肆殊非所願然不欲孤其意勉饜胜羹  
連酌巨觥解之日哺歸邨愚旋至

六日晨作字十數幅分應求者蘭階來檢海塘志及所刻詩  
本贈之是日發江甯親故書

七日晨過飴澍知李觀察當至候之飴澍留午飯舖時與觀  
察作別而歸觀察以明旦返蘇門余北裝亦既束也夕既丈

來出樹人書見視議婚如約惟請期之禮未允明歲舉行須歸與嫂氏商之鵬嗣先兄後余不能擅專也是日聞英夷巨艦沒於澎湖事在八月正余泊舟滬尾之日蹈險獲漏亦幸矣哉

八日作書寄鐵梅錢塘晤既丈謀北行既丈堅戒緩數日發以俗云重陽暴往往有諗大海風濤勿輕試險也

九日晨書楹帖數聯午蘭階來夕既丈來

十日聞新濟輪船十二日赴津此船質堅而行駛決附以北不再濡滯矣

十一日晨償筆札之責至午始竟夕督奴子整行篋

十二日夕登輪船喜晤高宇卿太守英聞鐵棧至舟泊內涇





十九日行抵趙家園泊以風不利也倚篷右顧岸外田疇仍  
淪浩淼邨閭環水而婦子嘻嘻了無凋瘵景象疑其民本富  
矣

二十日夕泊青縣

二十一日西北風甚厲舟不敢前日至桑野始克解維舟子  
欲張颿禁之晚泊滄州

二十二日風萌舟緩夕紆泊距泊頭尙數里

二十三日風萌益甚行四十餘里紆泊

二十四日狂飈怒吼驚沙蔽天舟至安陵遣奴子策騎先歸  
日晡風稍戩益艱而前抵桑園已漏三下矣

二十五日黎明聞奴子巡岸覓船叩譟聲極起知五兄遣車

至遂乘以行蚤食抵家是役也往反閱一百二十餘日凡歷  
水程一萬五千餘里有詩一卷日記四卷臺灣郡縣沿革一  
卷番語類譯一卷浪游所得如是而已

臺游日記卷四終

臺游日記跋

右臺游日記四卷上元蔣紹由先生箸先生名師轍少負雋才與兄師軾稱金陵二蔣橐筆游東諸侯以名節自厲不爲利回威疚光緒壬辰應邵侍郎友濂之招修臺灣通志與某太守議不合上治臺八要侍郎亦不省遂拂衣歸此其渡臺時所記中日交閩前二歲也方東事棘馮蒿厂先生在翰林曾上一疏略云臺灣一島與福州廈門相爲犄角日本尤密邇彼之垂涎久矣今若索我數千萬之兵費我無以應彼將百計要挾請以臺爲質如澳門香港故事萬一果有此說斷不可墮其術中蓋臺灣物產饒於海內又多煤鐵木植足備船械之用其人率來自閩廣或社番堅忍耐勞練之可成勁

旅如得幹略大員假以便宜俾之輯和民番兼用西人機器以收煤鐵木植之利行之數年便可自造鐵艦自練海軍內爲南北洋各省之聲援外扼東西洋各國之要害自強之計莫切於此今萬一委之於日我歲失數百萬日歲得數百萬凡煤鐵木植日並得資之爲用日之富疆必更倍於今日而我益受其敝矣疏上 德宗嘉之而不能用明年遂割以與日蒿厂先生之言不幸中矣使前疏得行輔以先生治臺之策臺且爲祖國利不至淪於異域以厭虎狼之欲而惜乎其弁髦棄之也觀是編所陳又可謂秦無人耶鄉



